

地形攷

朝邑志卷一

沿革

漢 漢書地理志左馮翊有臨晉縣故大荔秦獲之更名莽曰
 監晉應劭注臨晉水故曰臨晉臣瓚曰晉水在河之北此縣
 在河之西不得云臨晉水也舊說曰秦築高壘以臨晉國故
 曰臨晉也師古曰瓚說是也說者或以爲魏文侯代秦始置
 臨晉非也文侯重城之耳豈始置乎 史記游俠傳郭解身
 至臨晉張守節正義曰臨晉故城在同州馮翊縣西南二里
 括地志馮翊漢臨晉縣故城在朝邑縣西南二里 地理
 志左馮翊又有懷德縣莽曰德驪 水經注渭水之陽卽懷
 德縣界也城在渭水之北沙苑之南卽懷德縣故城也世謂
 之高陽城非矣 括地志懷德故城在同州朝邑縣西南四
 十三里

朝邑志卷一

案括地志作于魏王泰其時去漢猶近且與酈道元之言合
 故特從之

後漢 司馬彪郡國志左馮翊有臨晉縣 太平寰宇記漢臨
 晉縣在朝邑縣界後漢移置於此取故城爲名

晉 晉書地理志馮翊郡有臨晉縣 元和郡縣志本漢臨晉
 晉武帝改大荔縣

魏 魏書地形志澄城郡有南五泉縣太和十一年置案五泉
卽郃陽
縣朝邑在郃陽之
南故名南五泉 元和郡縣志朝邑漢臨晉縣地後魏置南

五泉縣

西魏 隋書地理志朝邑後魏曰南五泉西魏改焉 元和郡
 縣志西魏改南五泉爲朝邑縣 通攷朝邑西魏縣

隋 隋書地理志馮翊郡有朝邑縣

唐 唐書地理志同州馮翊郡有朝邑縣望武德三年析置河濱縣貞觀元年省乾元三年曰河西隸河中府大歷三年復曰朝邑還隸同州 通典同州有朝邑縣又有河西縣武德三年置

案通典之說與地理志略異

宋 宋史地理志同州馮翊郡有朝邑縣繁

金 金史地理志同州有朝邑縣

元 元史地理志同州有朝邑縣下

明 明史地理志同州朝邑縣在州東

本朝 一統志唐大歷三年曰朝邑五代宋金元明不改

本朝因之 府志縣屬同州隸西安府雍正三年州改直隸十

朝邑志卷二

二

三年州改府縣卽隸府

四至八到

東至黃河十里又東至大慶關二十里入山西蒲州界至蒲州共三十里西至高城二十里入同州界至同州共三十里南至洛水二十里又南至渭水二十里入華陰界至華陰縣共六十里北至金水五十里入郃陽界至郃陽縣共一百里東北至劉幽求塚五十里又北至澇谷五里入郃陽界東南至望仙觀三十里入華陰界西南至沙苑十里又西南至仁義村三十里入同州界西北至雙泉鎮四十里入澄城縣共一百里總南北九十里東西五十里西南至西安府三百二十里東南至潼關六十里

鋪遞

總鋪在縣門左東十里東屯鋪十里火家鋪八里舊大慶關鋪

至山西永濟縣西十里孤店鋪十里乾坑鋪至同州在南十

里新市鋪十里趙村鋪十里倉頭鋪至華陰縣西北十里

官莊鋪十里白塚鋪十里龍池鋪十里太奇鋪十里王彥鋪

至澄城縣寺王彥鋪西南十里平羅鋪十里雙泉鋪十里野

雀鋪至同州王彥鋪東北至郃陽縣路

堡寨里鎮

附郭十四正西六曰泰安堡明季備流寇所築曰全中砦曰豐

和臺曰金龍堡附金龍寺下因名曰新小寨曰西坡堡西北

五曰西長春堡曰東長春堡因隋官名曰後街堡曰堯山堡

曰牛角堡西南三曰城南堡曰白家寨

明初里凡八十有二正德中省爲六十有五

朝邑志卷一

三

國朝順治十五年知縣事王承庚奉文均差嗣是相繼爲理大

約銀百兩爲甲十甲爲里十二里爲運運分爲三里分爲三

十有六頭運十二里曰廓下永康沙底寺後江田溥濟孚佑

西王韋林望仙大陽長春二運十二里曰高家喜慶防干夕

陽辛城親賢平羅步昌西莊懷恩干村一千村二三運十二

里曰履澤寺子一寺子二保全一保全二太奇普寧中曲魯

坡樂豐受春安仁

鎮舊十二今存者八南曰新市趙渡北曰白塚雙泉兩女東曰

舊大慶關新大慶關西曰白市高城滂浴故現永興俱廢

村舊分三鄉曰長春洛苑都仁今分五路領村凡一百八十有

一東路十八曰于家莊成家莊東屯村西屯村周家莊新小

村西馬家莊東馬家莊新大慶關永防莊王家莊

廣濟村高渠頭蔡家堡嚴伯村郝家莊北高家莊西路二十四曰南康村蔡羅村高城村高家莊王家莊蔡鄧村趙家莊安苗村斗門村白市鎮席家莊吳王村馬家莊辛莊王菊村張家莊西馬村東馬村南馬村官渠里沙底村王謙村園子里羈城村東北路五十一曰小扶坡麻家嘴步昌村下魯坡上魯坡南扶坡北扶坡交草村南干社北干社店干社寄路村郭明村東太夫北太夫西太夫北貝家社南貝家社南社北社周家寨兩女鎮定城村豐閭村中高明東高明葫蘆莊定家窰于家窰西白池東白池北白池西高城東高城龍家社井莊里范家莊伏休村寺子村滂浴村雷村北延壽南延壽辛村加里莊營田莊南岐村北岐村上辛莊安昌村八里莊南路五十曰北窰前南窰前西柳村東柳村白家社寺後

社新市鎮楊寨南王社唐王莊趙王莊東家莊東林村南高家社北高家社江家社韓家社白家寨趙渡鎮太陽社街子村楊昌村觀東村楊二社南望仙觀北望仙觀嚴王社南趙期村北趙期村上官村南陽洪北陽洪倉西村王林村北石村泊子村馬坊頭田家小莊東西王西王寨榆村柳園里提村仁義村韋林村安家莊河西村南畱社北畱社南柵莊西北路三十七曰連家莊隄澗通潤村小苟里白塚鎮鄭家莊阿毘村趙家寨南龍池北龍池太奇村南健村北健村西高明王彥莊西平羅東平羅象底村蔡莊東苦泉雙泉鎮西莊村東野雀西野雀龍門村黃都村故現村中曲里均莊上秦村下秦村阿石村西太平東太平窰子頭官莊村窰里

朝坂 在縣西門外俗謂之華原山其徧南者俗謂之紫陽山
其實一朝坂也 隋書地理志朝邑縣有朝坂 元和郡縣
志朝邑縣以北據朝坂爲名 太平寰宇記引逸水經注洛
水東南歷疆梁原俗謂之朝坂

許原 一名鐵廉山

廉或作鍊

一名長虹嶺在縣北四十里

太平

寰宇記引逸水經注洛水南逕商原西俗謂之許原 漢書
溝洫志發卒穿渠自徵引洛水至商顏下應邵曰商顏山名
也 通典馮翊有商原卽謂商顏 太平寰宇記商原在同
州北三十五里

沙苑

在縣西南二十五里

太平寰宇記引逸水經注洛水

東逕沙阜北其阜東西八十里南北三十里俗名之曰沙苑
元和郡縣志沙苑一名沙阜後魏大統三年周太祖與高

朝邑志卷一

五

歡戰於沙阜大破之其時太祖兵少隱伏於沙草之中以奇
勝之後於兵立之處人栽一樹以表其功今樹往往猶存

黃河

在縣東七里自郃陽界流入與山西蒲州接界又南入

華陰界 金史地理志朝邑有黃河

史記秦本紀厲共公

十六年澧河芟以兵二萬伐大荔

明史地理志縣東有大

河

金水河卽洽水

在縣北五十里自郃陽界來又東流逕灣谷

鎮入於河

詩大雅在洽之陽

水經注以爲卽漢水也

府志世傳宋太祖遊關西經此得疾夜夢金甲神人以金盃
酌水飲之而愈因呼爲金水

洛水

在縣南五里自大荔界來又東南入河

史記魏世家

文侯十六年築雒陰正義曰雒漆沮水也

何奴列傳武王

放逐戎夷涇洛之北晉灼曰洛水在懷德縣東南入渭索隱
卽漆沮水 水經注渭水東過華陰縣北注洛水入焉關駟
以爲漆沮之水也又漆水下云禹貢渭水東北過漆沮入於
河孔安國曰漆沮一水名矣亦曰洛水也出馮翊北 漢書
地里志北地歸德縣洛水出北蠻夷中入河 明史地里志
縣又有洛水舊自縣南經華陰縣西南葫蘆灘入渭成化中
自縣南趙渡鎮徑入於河不復入渭

渭水 在縣南四十里自同州來又東至華陰界入河 金史

地里志朝邑縣有渭水 水經注渭水又東逕長城北 案此

卽縣界史記所云魏築長城自鄭濱洛以北者是也 水經渭水東過華陰縣北東入於

渭注云春秋之渭汭也左傳閔公二年虢公敗犬戎於渭隊
服虔曰隊卽汭也杜預曰水之隈曲曰汭王肅云汭入也呂

忱云汭者水相入也水會卽船司空所在矣地里志渭水東
至船司空入河 明史地里志縣南有渭水

案渭水入河之處古謂之渭汭其事以船司空主之船司空
漢縣也城在今華陰縣界然古河外河內通謂之汭非獨指
旁南一岸言之史記淮陰侯傳信乃益爲疑兵陳船欲渡臨
晉劉氏云陳船地名在舊關之西今之朝邑是劉氏直以朝
邑爲古船司空所轄矣

剡首水在縣東北澇谷鎮名卽取此自郃陽界來入河 左傳
文公七年晉敗秦師於令狐至於剡首卽其地

通靈陂在縣北十里 唐書地里志朝邑縣有通靈陂開元七
年刺史姜師度引洛堰河以溉田四百餘頃

鎌山五泉 苦泉唐書高宗紀永徽二年以同州苦泉牧地賜

貧民 通典朝邑有苦泉其水鹹苦羊飲之而肥美今泉側置羊牧亦稱雙泉因其側又有小泉也 元和郡縣志在縣西北三十里許原下今于泉側置羊牧故俗諺云苦泉羊浴水漿 大奇泉 象底泉 蔡莊泉 西莊泉 案魏時改此名南五泉縣或亦因此

馬園井在城內西南隅

蓮花池在麻子池西北

麻子池在太白池北五里

太白池在縣西南四十里周十里

小鹽池在縣西北十五里 唐書地理志縣有小池有鹽

物產

蒺藜沙苑出別錄以爲出馮翊別澤別澤卽沙苑也

朝邑志卷一

楛梓沙苑出梅堯臣詩蒺藜已枯天馬歸嫩蠟籠黃霜冒榦卽此

柴胡沙苑出

防風沙苑出

麻黃沙苑出後志云藥曰麻黃

香附後志云藥曰香附

木曰榆柳後志云

蔬曰葱韭芥蒜後志云

果曰桃杏棗柿後志云

蔬曰西瓜匏瓜後志云

梨續志云王饒村產梨最佳

木棉韓志云服則木棉

麻雍勝略云許原產麻最佳

絲韓志云絲出南陽洪者斷則易續引之則長

魚曰魴鯉後志云

羊太平寰宇記馮翊朝邑許原下有苦泉羊飲之而肥今泉側有羊牧

鹽同州志云鹽池窪產鹽殊不多且不時有有亦以厲禁亡敢採窶人多採鹵土汁爲之負販百里外以餬口

城池宮室關隘

王城 左傳僖公十五年晉陰飴甥會秦伯盟於王城杜預注王城秦地馮翊臨晉縣東有王城成公十一年秦晉將成秦伯不肯涉河治於王城 史記秦本紀厲共公十六年壅河旁以兵二萬代大荔取其王城徐廣曰今之臨晉也臨晉有王城 司馬彪郡國志臨晉有王城 太平寰宇記王城在朝邑縣東一里蓋大荔戎王之城

臨晉故城 史記郭解至臨晉張守節正義臨晉故城在馮翊縣西南二里 漢書地理志臨晉故大荔秦獲之更名 縣道記臨晉故城在朝邑縣西南一里 太平寰宇記漢臨晉在朝邑縣界後魏移置於此取故城爲名 通典漢臨晉縣

故城在朝邑西南

朝邑志卷二

懷德故城 史記匈奴傳注洛水在懷德縣東南入渭 漢書地理志左馮翊有懷德縣 水經注渭水東逕平舒城北城枕渭側渭水之陽卽懷德縣界也城在渭水之北沙苑之南卽懷德縣故城也世謂之高陽城非矣

武鄉故城 左傳僖公十五年王城杜預注王城後改爲武鄉南五泉故城 魏書地形志澄城郡有南五泉縣太和十一年置

河濱故城 唐書地理志武德三年析朝邑置河濱縣貞觀元年省

河西故城 左傳成公十一年晉卻犇盟秦伯於河西 唐書地理志朝邑乾元三年曰河西隸河中府大歷三年後曰朝

邑

朝邑故城 金趙抃藏春塢題名記口左馮翊之東南三十里有縣曰朝邑

長城 史記年表秦靈公八年城塹河瀕初以君王妻河 通典魏惠築以備秦 通鑑綱目前編魏城少梁而秦塹河瀕蓋相備也 年表秦簡公七年塹洛 秦本紀孝公元年魏築長城自魏濱洛以北 三秦記在蒲城東五十里秦築長城卽是塹洛也 太平寰宇記秦孝公九年築長城簡公二年塹洛今沙苑城是也

案寰宇記云云皆誤

劉仲城 通典河西有劉仲城漢高祖兄封此

南芮卿北芮卿 史記秦本紀梁伯芮伯來朝小司馬索隱芮

朝邑志卷二

二

國馮翊臨晉 漢書地理志臨晉有芮卿故芮國 括地志

朝邑縣南三十里有南芮卿北芮卿皆古芮伯國

姚武壁伏陸壁 通典在河西縣西北

長春府 唐書地理志同州有長春府

長春宮 玉海在同州朝邑縣本周武帝作保定五年宇文護

築隋開里中修之 隋書地理志朝邑縣有長春宮 唐書

里志朝邑有長春宮 通典縣有長春宮 通考同 隋

書高祖紀十六年十月己丑幸長春宮十一月壬子至自長

春宮 唐書高祖紀高祖起義兵九月次長春宮太宗紀十

二年二月甲戌如長春宮乙亥獵於河濱閏二月丙戌至自

長春宮 冊府元龜開元八年十月辛卯幸長春宮壬午畋

於華州之下邽庚寅遂幸溫泉十一月辛卯至自長春宮

通鑑貞元元年四月壬午馬燧渾瑊破懷光兵於長春宮南
唐書馬燧傳瑊將徐庭光守長春宮城燧度長春不下則
懷光固守久攻所傷必衆乃挺身至城下見庭光庭光降
唐蘇頌幸新豐及同州勅 勅虞之四朝且徧漢之三
輔本同京師善於古者考於今發乎邇者應乎遠若順預之
事缺則紊於王制巡遊之典備則慮於人勞賦受命膺期勵
精設教幸乾坤幽贊風雨咸若百物既阜三農已登同穎薦
於宗廟櫓穗生於郡國我無大桀實欣於歲取人有小康未
果於時邁但左翊之地近入黃圖新豐之邑甫鄰青綺山川
宮館咫尺相望欲過灞亭而涉灑經沙阜而臨渭見彼耆耄
問其疾苦察長吏之政恤黎甿之冤蓋所以展義陳詩觀風
問俗始自畿甸化於天下宜以今月二十五日幸長春宮停

五日緣頓所須並令所司支備一事以上不得干擾州縣發
日唯量將飛騎萬騎行更不須別遣兵馬及妄有科喚朕此
行之處不得進奉有路有稱冤苦州縣不能疏決者委御史
金吾收狀爲進各勉所職副朕意焉 唐李虞仲授高重同
州刺史兼防禦使制 勅漢號左馮翊分理浩穰近者非清
名顯秩不在茲選正議大夫行給事中上柱國渤海縣開國
男食邑三百戶賜紫金魚袋高重沉原守道貞介操身以禮
法爲踐履之徒以學行爲游泳之地堅金不耗止水無波穆
然士風休有美論屬者侍周禁署駁議瓊閣重席有戴憑之
名通經得陳邵之美侍從之暇傳益宏多移於牧人宜有善
政吾以商原故地豐水攸同襟帶山川接畛甸服掌離宮之
管鑰領近關之式遏俾揚風化思得兼材爾宜提舉政經蘇

息物力清靜率下以奉詔條用容寵榮勿替休問可使持節
同州諸軍事同州刺史充本州防禦長春宮等使散官勳封
賜如故 唐謝楚爲同州顏中丞謝上表 伏奉恩制授臣
同州刺史本州防禦長春宮等使卽以今日八月到任上訖
載服明命叨塵寵光逾涯之榮滿覆是懼某誠幸逢昌時早
獲入仕由乎邑吏叅佐戎藩材謝中人官寧期達聖朝道廣
管蒞不遺遂得牧守連擢大郡徒以清心自約直質在公未
申致命之誠久負竊位之責前秋屬奸兇構禍譟動諸方臣
所部當州首爲劫脅乃藉天聲以告鄰境戮其僞將以阻奸
謀蓋知無不爲是臣職分陛下特錄其微効超授方隅從政
未洽於遠人進律俄遷於近輔非次之獎臣何以膺又臣伯
父贈太師臣真卿在肅宗朝嘗典茲郡餘蹤遺事較然可徵

臣以不腆之姿繼序官業誠比德非省陳力異能而代受國
恩若未失墜臣不勝感涕榮荷之至當今德澤被於寰宇薰
風襲於隱微俗臻大寧吏易爲理臣專奉揚大化申報皇慈
有未便於人者續具條奏以酬陛下子育之旨臣無任戴恩
隕越之至 唐蘇頲奉和聖製至長春宮登樓觀稼詩 帝
迹奚具遠皇符之所崇敬時堯務作盡力禹稱功赫濯惟元
后經營自左馮變蕪香稻實流惡水泉通國阜猶前豹人疲
詎昔熊黃圖巡沃野清吹入離宮是闕京坻富仍觀都邑雄
憑軒一何綺積溜瀉晴空禮節家安外和平俗在中見龍垂
渭北辭鴈指河東睿思方屋鎬宸遊若飲豐寧謗子雲從祇
爲獵扶風 明王傳長春宮 長春宮殿無遺瓦往來遊人
時駐馬垣堞摧頽狐兔穿耕犁不到如荒野想見宇文初創

基經歷隋唐修飾時花木亭臺紛綺翠楹楹金碧垂采愆歲時車駕一行幸羽帳珠簾相掩映山川拱護似來朝與衛周巡成勝境四面斬削何嶽崎一夫當關人笑窺高歡西伐嘆天險懷光據守難平夷要地竒跡事已非帝王行處草依依盛衰物理休惆悵回首高臺碧四圍

河橋 史記秦本紀昭襄王五十年初作河橋索隱曰爲浮橋於臨晉關也正義橋在同州臨晉縣東渡河至蒲州今蒲津橋也 通典縣有河橋秦后子奔晉造舟於河通秦晉之道

北周書文帝本紀後魏大統元年東魏屯軍蒲坂造三道浮橋渡河 元和郡縣志蒲津關今造舟爲梁其置甚盛每歲徵竹索價謂之橋脚錢數至二萬 唐六典造舟之梁四

河則蒲津 唐張說蒲津橋贊 易曰利涉大川濟乎難也

詩曰造舟爲梁通乎險也域中有四瀆黃河居其長河上有三橋蒲津是其一 隔秦稱塞臨晉名關關西之要衝河東之輻輳必由是也其舊制橫亘百丈連艦千艘辨竹竿以維之繫圍木以距之亦云固矣然每冬冰未合春冰初解流澌崢嶸塞川而下如礎如臼如堆如阜或撻或捉或磨或切縷斷航破無歲不有雖殘渭南之竹仆隴坻之松敗輒更之罄不供費津吏咸罪縣徒告勞以爲常矣開元十有二載皇帝聞之曰嘻我其慮哉乃思索其極敷祐於下通其變使人不倦相其宜授彼有司俾鐵代竹取堅易脆圖其始而可久紆其終而就逸無疆惟休亦無疆惟恤於是大匠藏市百工獻藝賦晉國之一鼓法周官之六齊飛廉煽炭祝融理爐是鍊是烹亦錯亦鍛結而爲連鎖銛而爲伏牛偶立於兩岸襟束於

中渾鎖以持航牛以繫纜亦將厭水物莫浮梁又疏其舟閘
畫其鷁首必使奔漸不突積凌不隘新法旣成永代作則原
夫天意有四旨焉濟人仁也利物義也順事禮也圖遠智也
仁以平心義以和氣禮以成政智以節財心平則應諸百神
矣氣和則感生萬物矣政成則又文之經矣財節則豐武之
德矣故天將儲其禎地將阜其用人將盈其力聖皇之道乾
乾翼翼觀藝而無窮詠功而無極

蒲津關 竹書紀年魏襄王七年秦王來見於蒲坂關 史記
曹相國世家參以中尉從漢王出臨晉關正義曰卽蒲津關
也在臨晉縣故言臨晉關 漢書武帝紀武帝元封六年立
蒲津關師古曰臨晉關在臨晉卽蒲津關 北齊書高祖紀
後魏天平二年齊神武遣庫狄溫守封陵築蒲津西岸 通

鑑胡三省注河中西關城在河西所以護蒲津浮梁者也

唐書地理志河中府河西縣有蒲津關一名蒲坂關 元和

郡縣志朝邑縣東南有蒲津關 柳宗元館驛使記自華而

北界於櫟陽其驛六其蔽曰同州其關曰蒲津 宋白續通

典蒲津關戰國時魏所置自河東而言亦曰蒲坂津自關中

而言亦曰夏陽津 太平寰宇記蒲津關因在蒲坂又以河

津之湊爲名 唐元宗早渡蒲關 鐘鼓巖更曙山河野望

通鳴鑿下蒲坂飛旆入秦中地險關逾壯天平鎮尚雄春來

津樹合月落戍樓空馬色分朝景鷄聲逐曉風所希常道秦

非復桑繻同 唐張九齡奉和聖制早渡津關應制 魏武

中流處軒皇問道回長堤春樹發高掌曙雲開龍負王舟渡

入占仙氣來河津會日月天仗役風雷東顧重關盡西馳萬

國陪還聞股肱郡元首詠康哉 唐徐安貞奉和聖製早度
蒲津關 仙掌臨秦甸虹橋闕晉關兩都分地險一曲度河
灣路得津門要時稱古戍閑城花春正發岸柳曙堪攀後乘
猶臨水前旌欲換山長安迴望日宸御六龍還

沙苑監 周書文帝紀齊神武逼華州知不可攻乃涉洛軍於
許原西太祖令軍人齎三日糧輕騎至沙苑進軍渭曲大破
之乃於戰所人種樹一株以表武功 魏書宇文泰以其地
宜六畜置監豢養隴右牛羊諸畜以供上方之用

輔氏 左傳晉魏顆敗秦師於輔氏 路史輔氏晉大夫采
朝邑舊志輔氏在朝邑縣西北二十里

條 長安志史記晉世家晉穆侯七年代條杜預注條晉地今
朝邑西南有懷德故城卽條近焉

乾坑 唐書德宗紀興元元年十二月渾瑊及李懷光戰於乾
坑敗績

豐羊牧 通典苦泉側今置豐羊牧

石岸 在舊大慶關唐時築以禦金水

朝邑鎮 新市鎮 延祥鎮 淳谷鎮 並見金史

冢墓

漢司農丞景和墓 在縣東南寺後社 通志和成帝時人墓

久湮

漢孔僖墓 在縣故城南隅 後漢書本傳僖章帝時臨晉令

在縣三年卒官遺令卽葬

唐劉幽求墓 在縣東北五十里華原之麓金水之南 朝邑

後志云非其真宅但墓旁有掘土者居民輒不安人以長異

之 續志按史幽求卒于貶所此不得有墓疑誤

唐禮部侍郎嚴譔墓 在縣西北一里 通志在長春故城西
南隅有祠 唐書本傳善思名譔以字行同州朝邑人開元
十六年卒

唐白馬將軍扈鏐墓 在縣西北二十里白冢鎮 後志云世
次無考

元王侍郎由義墓 在長春宮西北

元趙孝子良墓 韓志洪治中沮水齧趙氏之墓墓崩有石曰
皇慶二年旌表孝子趙良 案今表石無考

明侍郎王良墓 通志在健兒村

明知府奚敏墓 續志在廓明村良敏二墓百餘年不顯今始
知之

明通政周瑛墓 通志在縣南沙底鄉僉事周道通判周瑄祔

明布政楊恭墓 州志在西莊續志自鎌山而西西莊里爲楊
布政恭墓

明御史李濟墓 續志在縣北懷恩里

明參政樊冕墓 通志在縣北石村

明參政喬誠墓 續志在縣東親賢里

明御史趙整墓 續志在樂豐里

明通政蕭斌墓 續志在縣東喜慶里

明侍郎蔚能墓 同州志能吏員至光祿寺卿禮部右侍郎有
廉掾 通志在朝邑縣西在華原西天順中勅塋

明知府劉讓墓 續志在東屯

明知縣上志墓 通志在上官村北

明知府劉偉墓 續志在龍門村

明郎中王奄墓 續志在洛之南泊里子僉事朝雍孫知府三

省祔

明按察韓紹宗墓 通志在南陽洪續志洛以南南陽洪為韓

明公紹宗墓次子參議邦靖從葬焉王九思撰墓誌銘

明寺丞楊珪墓 在縣西北二十里 韓志白家鎮珪太僕寺

丞喜修廉隅

明少保王之臣墓 同州志公潼關人萬歷乙未進士知洪城

縣忤權貴左遷秦州判歷山西赤城道以邊才巡撫宣大晉

兵部尚書督師遼陽特進光祿大夫太子太保在高家庄北

明知府牛斗墓 續志在縣西華原北

明茶簡韓邦奇墓 在朝邑縣西同州志在華原南嘉靖中勅

葬

明參議樊得仁墓 續志在洛南北石村

明知府段朝宗墓 續志在廉家庄

明御史嚴天祥墓 續志在縣東南望仙觀

明郎中王一治墓 在官庄村

明參政王學謨墓 後志在張家庄從兄知府學古墓在通潤

村從子運使皞如墓在高城村

明御史雷士禎墓 後志在新市鎮從弟知縣元善祔

明按察王嗣美墓 後志在泊南從子布政于陞從孫知縣鑑

俱祔

明同知井東星墓 後志在留社村

明侍郎王之宗墓 後志在趙期村

明太僕李朴墓 後志在街子村

明副使張綸音墓 後志在小伏坡子副使好音村

明主事李聯芳墓 在留社村 後志弟知州時芳知縣繼芳

墓俱在焉李標撰墓志天啟元年十二月葬公于沙苑北岡
新塋

明參政李用中墓 通志在范家庄

明知府惠戶寶墓 後志在南社村

明通判雷大道墓 後志在縣西原

本朝知縣王報春墓 後志在平羅村

本朝知縣劉璽墓 後志在故現村

本朝編修張表墓 後志在倉西村

本朝雷相林子霖墓 于霖自撰墓志墓於西原祖塋

本朝李河濱楷墓 後志祠墓留社村父聯芳塋羅八琮撰墓

志康熙九年閏二月卒次年十二月葬邑北留社祖塋之右

負離掛坎

本朝推官王錮墓 後志在新市鎮

本朝中書張召南墓 後志在新莊村

廟祠文廟在縣治南元建明及本朝相繼增葺 元成好德

明郭良 劉禔 鞠鏞 郭實金知縣 明下禮 甘淑金縣丞

本朝王承庚 陳昌言 王兆鰲金知縣 以上金塔葺文廟

城隍廟在城南明建又一在倉頭鎮宋建

明王學謨重修城隍廟記我太祖高皇帝誕膺天命為百神

主洪武元年詔天下郡縣建城隍廟封爵有差以帝以予以

公以侯以伯三年以爵不應經意改稱本號司官民善惡凡吏於其土者始至必齋宿廟舍先與神誓而後視事祀孤魂則以神至其祭蓋寄以幽明之責誠要神也古不載祀典唐李陽冰一爲縉雲城隍廟碑其文不過三數行然亦非制也我高皇帝始著之令典徧祀於天下聖謨幽潛神道設教之心度越百王矣吾邑城隍廟成化中祥符李公英增拓之宏治中南陽蘇公樂重新之嘉靖中澤州邵公相再新之二十一年來朽蠹剝落日就頽圯今劉公始加修復夫有司之職治民事神二者而已然惟賢者則敬神否則自絕於神何敬之有故賢者惟恐神之不靈不肖者惟恐其靈也賢者潔已愛民弗得其人將求之神是故惟恐神之弗靈無以鑒已之誠不肖者黷貨虐民外欺乎人必忌乎神是惟恐神之靈以燭

波之隱然神之靈不可昧也自廟之建垂百七十年而中間長於斯佐於斯幕於斯不知其幾而修之者四公蓋皆循良令也故於神崇焉是役也不取之民不取之官於有罪者從惟輕之典以示罰故用而不費成之速而民弗知勞劉公諱尚義晉之汾州人以名進士拜監察御史謫判秦州稍遷至今職其先大父諱志營丞朝邑亦以廉著云

本朝李楷初冬幾望至城隍廟 小愈得扶杖神明不我苛享獻列案盛吾民猶飢餓伎樂備八音商旅難百貨皆幸一時康不知計或左冬初遠祁寒無衣井婦情處堂燕已非噉噉鴻來過百穀十一成來牟種濕播雨淫早堅冰手足凍欲破站站見飛鳶若自雲霄墮陰官正而聰僅存指相賀或求意中福或免意外阨持此告陰官哀我民良懦五刑典罰緩

春風明堂介

風雲雷雨山川城隍壇在城南

社稷壇在城北

邑厲壇在城北

八蜡廟在城南明建

名宦祠祀李英

蘇槃

魏傑

王喬棟

知縣

卞禮

縣丞

翟方

諭六人

鄉賢祠祀高翔

程濟

喬誠

韓倫

劉偉

王邕

韓紹

宗 韓邦奇

韓邦靖

程範

王朝雍

嚴天祥

雷士

禎 王嗣美

李用中

王之寀

李朴

張綸音

王惟

精 李聯芳

張孚貞

忽麟廿二人

河濱祠唐書地里志朝邑有河濱祠

朝邑志卷二

六

唐王延昌河濱神靈源公祠廟記中國經濱河為長上應析

木下朝扶桑演崑崙踰積石縮大漠經龍門灌注九州之間

經營萬里之外鱗介所宅神靈所都元冥總之以命官憑之

以為伯唐堯觀諸龍圖筆見周公沉璧榮光發祥元符之末

彪炳彰灼古先哲后罔不欽崇奠封居之儀修壇墀之制存

乎祀典代以為常則班固序漢書所謂何祠臨晉是也偉其

南直太華左臨中條渭水過其旁汾睢揭其後風雲相盪精

氣交馳於以禮神事之宜也不然發源自遠地則多漫胡為

不昭晰於他邦獨受享於茲土前賢經始抑有其由至於春

以泮凍秋以涸流初以歲疇終以報祈嘗醪有加駟駒是薦

蓋以在雍州之域通天子之都地既稱雄禮云異數與大淮

流桐栢江出岷山僻在遐方莫我京也幽贊之力實賴何公

以潔爲清澗至於數四息昏墊之苦絕羨溢之憂濱河之人
澗無大害此靈長之德上善之功也所以正直享以精誠未
嘗不誘其來而降之吉也或進以便佞言以矯誣未嘗不奪
其魄而貽之禍也歲大旱而作霖雨時大札以惠嘉生依仁
而行惟德是輔天寶歲安祿山稱兵朔裔肆逆東夏煽燧扇
燥蒸人蒸焉宗社有綴旒之危士庶畜陌原之懼太上南幸
肅宗北巡賊相張僞據有長安賊將崔乾祐固守蒲坂今關
內河東副元帥中書令汾陽郡王郭公時爲兵部尚書門下
平章事朔方節度使訓兵普衆超百二之險謂此邦底定則
京師可圖虔禱於河潛軍以往金鼓掩夜渠魁出奔遂收蒲
城神所遵也及師次渭汭陰霧晦冥公假寢之際夢河神謂
曰永豐倉側將有急變不如速退姑以避之比全軍及郊虜

已雲合克違寇難神所扶也其後李國貞之遇禍公復總戎
故絳僕固懷恩之逆命公又出鎮河東大君日旰食中外騷
擾公獨奮無前之勇馳不測之深始按節而來終奠醑其邁
所謀必克無往不平再安叛渙神所相也爰自兵亂以迄於
今時更十年代歷二聖國之氛霾惟河公蕩滌國之土宇惟
河公廓開國之忠良惟河公保佑國之奸慝惟河公殄摧誠
靡幽而不應澤罔微而不該得一以靈不其宜哉汾陽王深
維據我屢崇昭報奉牲玉莫敢愛也致精意未嘗息也每蠲
吉歷選自郊徂宮奠於堂戶之間則神之昆弟具在酌於屋
漏之內則神之伉儷攸居文墨相望男女無別公曰神人之
至也禮政之源也人有上下則禮有內外之制人所謂否神
具可考盡築館於後以安靈匹乃諮於副元帥副使太子賓

客御史大夫知河中府事崔公寓量功命日而後役於河西
縣大夫李開不徵貨財不殫日力曾不踰月克復於成大厦
耽鬱其特起內寢既立神儀穆然於是齒危髮禿之老王端
等進而稱曰大河浩蕩敝邑之望也自公仗鉞三至我里靈
應盼嚮未嘗或欺國之克復實始於此安天步於軌定人心
於驛騷大君成湯武之功賢相保桓文之業皆神之由也矧
內寢棘翼今茲有成此而無述何以示後願刻樂石以彰厥
庸公教曰諸公之辭固不可抑頌祇則可無推美於子墨客
問敢繫辭曰浩浩長河中國之紀洪流激射橫致地理蒸雲
吐霧薦圖効祉是日經賈斯爲德水聖唐六葉巨猾挺災擗
邑靡城如霆如雷汾陽矯矯仗鉞而來乃臨蒲坂神實先導
乃亂渭水一一胥告嗟我上相神之所勞汾陽之德溫恭正

直柔嘉維則忠勤是力秉心泉塞不測不克東西南北勦絕
奸慝入登九命一人是毘出統三軍四方是維維言祐之河
公降禧衆神在列曾未區別公爲之節內寢攸設寢廟亭亭
中外有經濯濯厥靈妃耦攸寧於戲詞宇焜耀中土在河之
潯在城之下刊茲片石照灼千古

宋陳振河濱廟頌惟此洪河自大觀以來變濁爲清者略有
三焉乾寧保平率以累日惟二年冬見於同州之韓城郃陽
其袤百里其久彌月詔遣尚書臣張勸持祝往祭既抵其野
訪故詞得破屋一區風凌雨剝頽圯殆甚懼不足以尊顯靈
德上副一人誠報之意故已事而還請新廟貌詔可其奏既
賜幣券以經其用又出大農之錢以助其不足鳩工飭材一
不在民庀事於政和元年秋八月之壬寅落成於二年春正

月之甲子凡爲屋之楹三十有四堂崇以延門嚴以闕有廡如掖有屏如植籩豆之設有位侍衛之列有所輪奐丹雘嚴無不肅乃賜靈源爲號因命擇詞臣而記其事部使者猥以屬臣振臣不敢以荒菲辭竊惟洪範之數兆於五行五行之證原於五事嘗以傳記者之河千歲一清其應在人君壽考天下治安今接歲三清應益昭著自非睿聖撫運溥博淵泉通乎高深何以及此是宜有以鋪張闡休揚厲偉蹟而昭乎無窮也如臣蠢墮之陋顧安能識咸寧之太和而調達之姑以區區之見述其萬一而預榮焉臣謹拜手稽首而爲之頌曰皇帝臨御十有三年禮制樂作典章燦然道德之妙格於皇天景星慶雲膏露醴泉諸福之物克臻其全大觀之初濁河三清乾寧保平郟陽韓城有泓其澄有光其榮詔遣臣

勸報祭惟精乃新其宮靈源其名郡縣奔走累月而成神歆其類旣安且寧皇帝有道山川受職璽符來貺惟神之錫皇帝有道受福無疆神之聽之德音不忘簿領臣振預榮釐事作爲聲詩重千萬禩一

本朝 李楷河濱賦儉父歸自海西思邑中故實凋零欲爲賦以紀事郭璞木華諸賦不可及復觀西都上林甘泉之廣與文子太青西都賦乃知賦者詩之一義極陳其槩所以示後雖才巨細殊感又曩今各異使昔詰可作於今日必不捫舌於是脩陳鄙懷薄摛翔實質不組華譔非雜物仰溯先牒並著其系庶爲李氏之雲裔者知卜居之權輿乃若風土涼瘠輪蹄絡繹士民呻嘆撮其旨於芻蕘之言或足爲輶軒使者之所諏豈必曰淄澠而體物乎遂賦曰聖庭堅之邁德徵李

氏之明禋綿柯葉於溥海予獨處於河濱渺鼻祖之來遷傳
避禍於紅巾踰虞帝之峻坂歷蒲關之修津未神龜之荆灼
遂披剪於棘榛考槃乎沙苑之山阿正當乎金嶽之嶙峋恒
岌采於耘耔旣發祥於幽人時則帝祖龍飛於淮泗雋才博
選於咸秦偉地官之就辟淑聲問乎名臣予顯祖之至孝克
韞玉而秉醇謂農者之有畔盍仄注而垂紳於乎王父儒苑
席珍芹橫有彩螭屈將伸俛得問問履素潛鱗戶外履滿座
上經陳將鳳雛於習飛嚴經訓於夕晨追躬耕於隴畝多措
措以勞辛父子不辭於胼胝兄弟不解乎憂輦必物躬以則
古聿振譽以亨身藐不才之所馳少從遊以蹄輪丁年華之
舞象猶未免於同塵弄清渭之瀨滌涉洛汀以逡巡思有訊
於河伯顧紹介之無因陽侯時爲之瀟瀟馬夷又爲之粼粼
赧澹臺之無雙憶瓠子之勞民弱冠未宜乎載質挾書謬玷
於國寶已而燕庭不售吳會阻飢踉蹌海濤栖止江扉遲之
又久白首而歸二三小子函文是儀歛獻徘徊左右不違乃
與之咏歌以自廣讓洪川而相非咨星源之遙森媿天漢之
希微繫千里之一曲入沙磧之窮圻何容納之不擇見濁河
之無輝譚崑邱之修亘環神明以成幃攷禹蹟之封瘡惟雍
州之樞机茲焉髮鬢其洛水念昏墊而沾衣視韓原而猶怒
注天中以張威殺以徒駭之九道趨乎溟渤之四圍予知君
之不留聊過我以相揮原夫乾坤不改不川由舊炎溽焚空
谿水削瘦賜早魃之整人雖宗神而莫救憾水府之未有靈
劫蛟潭而與之鬪灌漑鮮龍骨之輪祈禱頌木郎之呪疑明
旦之無情恐蒼黔之不壽豈不懲於凶荒每先憂於邊豆於

時芟稗盈於河糜菰施生於園固渴鳥恣日中之喙青旌燥
水干之味分餘潤其未可思樂土其難就爾乃滔滔於前濛
濛於後異邊庭之旁達宜滌洞而承溜故兩河之人禍亦山
川之有咎此則河之夏日感虐讐與撫后者也涇渭時至不
辨牛馬汜濫橫流夷高爲下伊懷山而襄陵遂浸城而漲野
廬無一枝之營巢路有夜哭之鰥寡固爲魚之不免又乞鄰
之靡假曲突濕萬竈之烟粒米比五色之鮮懷困復以安宅
懼淫霖之常灑尚安得乎寧居亦謾應以衣瓦禾黍未登於
櫛比馬鬣或災其梧槽慮九天之高遠控災傷而難瀉眺江
泖之淖泥拊鉏耨而不把舞鷓鴣於荒灘盤虬螭於廢厦會
殿屎而呻吟誰啜耐於杯牽彼膜外之何人吾惕中而如撻
此則河之秋水警不祥之躍治者也感發颺騰河水作冰初

如微鱗之浮出薄蠶之退升繼則厚如犀鏡絮綴吳縉旋循
碕而增壘漸疊石以爲陵激危濤而不逝結大勢以堅凝雪
嶼峯寧於萬疊霜烟全滿於千層隱隱乎暗雷之砰鉤而震
磕淒淒乎寒林之嶮崔而噌吰不龜鼈而爲梁既老狐之相
仍龍如駟以險渡津無楫而驟乘當是時葭灰未煖凍日難
登龜手長年之痺痲凍僵俄夫之填膺此則冬河之變姿亦
可厭而可憎者也泉源鮮渙堅腹微泮叢谷溪岩之崩清桃
花錦浪之拍岸寫赴海之雄波聳躍龍之巨觀卽曝腮與燒
尾驚震霆於巖畔利鱗鱗之迅駛乘安瀾而無患惟辜池之
形鹽與石穴之煤炭裕民人之尸饔誠有功於炊爨乃翔舟
於方國聆黃頭之浩歎歷不測以輕生苟非貧其何羨疇好
遊而留連陵砥柱以繼絕方秦晉之諧靡斯質遺而和善飭

騏驎之不東嚴國禁之私販暨雀舌之不西艱江南之茗戰
此則春和之冲融宜閒暇之汗漫者也河身靡定河口肆囓
昔傍姚墟之埔今吞蒲關之業蕩析故封嫁禍無節婢子遺
租庸以竭靡靡田腔晉魏是劫迫於荼毒乃距乃築積穗木
登京坻未刈金鉅晝鳴斧鑕繡血鬼號於沙岸之波冤流於
重華之闕固虞芮之閒田何肝腦之凶裂匪敵國而用兵畏
鄰疆之有截如孤注之捐遺俾同井其離別結衆愁而爲雲
愴微虻之蝕月哇失甘瓠野無瓜飈飄颺荻花芟剪蒲葉蹇
衛鳴櫓罷牛臥轍孺殯不肥獫獍屑越此則津東之偏苦撫
鐵牛而悲切者也听我郊垆斥鹵荒漠烽埃夷然牆垣亦惡
鹽升土腐苗瘁鋤弱無煮素之牢盆見衰蓬之寥廓莫不悲
甌脫嘆境埆場則石堅而輟耕潦乃潚野而爲壑畝無鍾石
之登民鮮襦袴之樂復有異聞田獵是作無鬣兔之迷離恣
駃騠之盤礴疑古人之戰場嘆溝渠之引洛其在曲塘憑陵
官署攸託恐彈指其如破甑每觸瞬而憂朽索若堡連衡軍
衛衝突村樹童禿兵鋒芒鏑蟻蛭不足以禦寇蜂房聊見其
聚落或貸金而服賈或泛萍之飄泊勞機杼於空閭嗟沽杵
於曲薄衣布結鶉食新惟藿尚任郵之爲思於詐詭而知作
勤正供以爭輸羞痕疔於鞭朴此則津西之所痛每緯繡而
吟號者也若夫殺函枳棘雲潼不守於焉孔道絡繹奔走鬻
產賣兒供億紛糾一馬丁年婦子羣咎五把出牢屠夫傷手
猶不能快其飛騁之策飽其饕餮之口罄里井之擔石恣公
家之升斗胥徒爭獐如虎之負峒市闔閉藏同獸之匿藪桑
柘無樹巔之鷄麩藥罷洗腆之酒悵靈波之荒疇哭沙苑之

衰柳撥滌汨之頰魚微太白之雪藕且也訪海錯與山珍期
庶品之富有地覆重茵筵列瓊玖織蜀繡文之交設都梁艾
納之相友無物力之充物奚奢華之苟苟此又古道之不敦
而宰河濱者所以掣川也能無憂哉二三子趨而進曰微夫
子之言吾儕其不知憂矣請自茲勤於生聚儉於應酬迓百
福以集止服聖教以優游

河水祠漢書地理志臨晉有河水祠郊祀志河祠臨晉司馬彪
郡國志臨晉有河水祠晉書地理志臨晉有河水祠
西海祠唐書地理志朝邑有西海祠

案三祠無可攷舊云俱在故大陽社明時圯於河

東岳行祠在西門外宋崇祐觀也有政和九年牒

尚書省牒同州朝邑縣崇祐觀 牒奉勅宜賜崇祐觀爲額

朝邑志卷二

九

牒至准勅故牒 通議大夫守左丞王押 起復少傅太宰

押 少宰少保押 太師魯國公不押 政和八年九月十

一日牒

陝府路都轉運司奏據同州申據朝邑縣本縣耆老人戶賈
等狀本縣城西有岱岳行宮地居高阜殿宇宏壯屋舍計一
百九十餘間自來清道士王永清在持焚修每遇亢旱祈求
雨澤皆獲感應人民無不口仰伏乞敷奏朝廷賜空觀名額
本縣側近並無空口遇天寧節口建道場委是順便本司保
明是實伏候勅旨

關帝廟有三一在城內井巷一在東門外其在東門外者乾隆
四十年爲知縣事吳忠誥重修并增置崇聖殿又一在趙渡
鎮

相傳趙渡關帝廟成化中里人重修時琉璃匠絳縣谷伯倉告歸低徊失期督工人李耀默祝神前其夜倉忽張皇在廟自言就寢聞扣門疾呼者出視見神乘馬厲聲令瞑目即攜附馬後少頃排落於此衆初猶未信姑無何其妻以倉夜出莫知所往尋訪至廟見倉悲慟始大相驚駭此李公用中碑所述耀乃其高祖也

文昌閣在縣城外東南隅

忠孝祠在文廟西亦名雙忠祠明時爲高翔程濟建也

節孝祠在文廟東亦名三烈祠明時爲龍門村劉烈女嚴伯村李烈女西莊村張烈女建也後又以節婦十六人附改名韓邦奇劉烈女祠堂記 烈女旣歿三十年苑洛子爲之傳又三十年郇侯始建祠考而祠焉旣而伐石構亭將請文撰述

本末而郇侯以卓異徵矣旣而紀侯敷奏至京受郇侯之托歸而言之王侯陳侯永終是圖夫自光岳氣分人無全節雖芹宮碩士類朝燕闕而暮秦庭矧蘭室麗人能却魯金而完趙璧斯亦不足崇之廟貌薦之牲牲勒之貞珉銘之藝閭者乎此郇侯所以興思仰止表樹於前而王侯紀侯陳侯所以濟美協心緝成於後也烈女者朝邑龍門村人也幼有至性長不踰閨從德度人針絲絕類雖目不知書而心涵大道足不履外而情見大觀若夫色雲護翠竹於階異樂擁仙娥入寢此又其母誕烈女之祥而兆之夢寐者也天人之際靈秀之鍾亦豈尋常也哉烈女幼字里舍兒未往之家而里舍兒死烈女聞之易服不食涕泣請殉乃復自謂死得其所重於丘山義或未諧自同溝瀆往就諸兄偉而贊焉偉曰異哉斯女

也夫歸妹天地之大義從夫倫理之宏綱恒一之風久而不作而大過之行俗之所駭雖子之甚善如衆之所笑何烈女曰天下之理是而已矣苟卽乎此心之安又何恤於萬口之騰哉乃改女飾修婦容縊而死焉嗟夫西周之迹熄而鄭衛之風行聚塵之羞閭閻相望鷄鳴之想風雨猶存故在醜之婦釐裝以自悅五如之女冶容以媚人烈女雖綠蘿之傾惟陽是向而芳梅之隕於春未知乃能舍生取義殺身成仁抑又何所爲歟且其就死之際詳擇所托雖化聖大賢之從容無以加此彼烈夫志士之感慨者未足論也非所謂得死非難處死爲難者乎昔五泉大夫將探拾烈女之事入於縣志執其傳而泣曰斯人也所謂建諸天地而不悖質諸鬼神而無疑百世以俟聖人而不感者也嗚乎斯言也盡之矣夫

其高標峻節絕操清風使君子興悲方之至理則百世而下可徵矣夫仲尼臨河傷類而悲燕士適越見似而喜烈女之行尚矣郃侯王侯紀侯陳侯秉彝好德之心興賢翊正之志亦不足稱歟祠堂正堂三間門房一座偉監察御史識高而行正故烈女質焉郃侯名相澤州人王侯名思賢樂平人俱大尹紀侯名年曹縣人二尹陳侯名廷桂五泉大夫里人韓邦靖苑洛子者韓邦奇作是記者也

真武閣一名無量閣東門外

河神廟在真武閣俞乾隆四十年知縣吳忠誥勸建今祈雨澤皆於此

三皇廟在西門外

禹廟在大慶園社西

太公廟在大慶關社東

漢高祖廟在柳村

王三省廟記 朝邑城東南五里許曰柳村柳村邑附郭人饒於財而尚禮以故修葺神祠歲時享賽人人願也成化中行之父老創建漢高帝祠祠之東西附以他神前爲樂樓繚以周垣迄今五十餘年樓殿宮牆漸就頽圯風雨不蔽豕羊外來村人許式輩偕重修之嘉靖丙戌及甲午歲蓋兩用力焉而增飾於其舊至是式輩謂予宜記之予惟關中古秦地也始皇君臣以及二世荼毒蒼生海內嗷嗷朝邑爲之近郊橫政先被其苦秦之苛而樂高帝之寬固當時之人情也今去之千有餘載鄉人知慕高帝而爲之立祠又慮其廢且壞也而復修之人心好惡之公烏可泯哉古之立大事者必以

得人心爲本而帝王之興驅除殘虐焉爾高帝入關之初約法三章與民更始秦父老大悅爭持牛酒以迎其軍惟恐不王關中此與成湯之伐夏武王之伐殷簞食壺漿以迎王師者何異乎人心非惡秦之深而與漢之速寬猛之道殊也書曰撫我則后虐我則讐又曰民罔常懷懷於有仁理固然也且秦之心欲傳之萬世然不旋踵而失之初豈有疾視其百姓之心哉弊在遂已之欲而罔念民窮勢積於不可爲而爲之臣者不以告也故保國者必先不失其民保民者必先不失其心三代之仁政也故曰三代之得天下也以仁又曰有功德於民則祀之然則漢固以仁得民而有功德於秦者也百世祀之也夫誰曰不宜故君子於是役可以知政可以化民可以興禮

漢武帝廟在上官村

吳起廟在霸城

九郎廟在北門九郎山卽梁山東北峰有奕應侯廟廟有聖水
歲旱挹水則雨立降順治中禱之有驗因立祠祀之

李楷奕應侯禱雨靈感廟碑記 事無裨於民者政典不載
必擇其利益之者而舉之祭祀亦然祀有正有淫淫當黜正
當修古之道也奕應侯者何謂九郎也九郎者宋人祀趙氏
而隱之也趙氏在春秋時爲著祀於梁山奕奕梁山故稱奕
應侯焉朝坂距韓城爲邇有祀之沙苑之北洛河之南者或
疑其非正祀今乃創祠於邑城之坎方人相其宜土卜其吉
弗疑弗阻者何也祀兩神也神之司兩何也山川出雲天降
時雨梁山之祀神實王之旱而禱霖而報不但韓人祀數百里

中咸祀之朝坂禱雨而應故作廟也曷禱乎禱於山曷報乎
報於廟禮以義起猶正祀也歲在庚子太丘丁公來令於朝
值大旱魁公虔於禱爲壇於東郊儒者按繁露法象龍木蚺
蜴令羽人舞王者拜賓之陪貳皆拜又命良耆老十數人往
卽梁山而求之神有嘉命許以甘澍王者迎神若有所承翼
翼欽欽士民胥睹比及雨降人人意中有九郎也河濱生曰
人而龍者多矣李藥師之滴髮柳毅之洞庭於傳有之文信
國生而潭水竭死而潭水溢又何章也士君子生爲聖哲死
爲明神或司山伯或職水部苟不殃民皆可俎豆奕應侯其
一也夫水旱亦何嘗之有民命在豐年國庾在八蜡一邑之
山川社稷風雲雷雨祀之正也奕應之廟亦其正者也祠旣
成乃鐫石以記之俾嗣續於無窮公名魁南河南歸德人庚

午鄉進士初任朝邑縣令其同時僚屬爲典史張洪業徽煇府人

蕭何廟在縣治東

孫真人洞在西門又一在雙泉

李時芳寒食登孫真人洞值雨詩 石磴峻嶒薜荔寒洞中

龍虎自深蟠青回寒食來山雨雲結峯陰護藥園一帶園林春樹合萬家樓閣水煙盤廿年岐路荒三徑此地猶堪老鶴冠

相傳雙泉嶺孫真人洞先時居人久議建祠未果嘉靖三十四年地震後忽鎌山雲氣異常晝夜恒見衆視之崖崩出一洞下有湧泉洞中自然成像彷彿真人遂因以建樓殿云

嚴公祠在東岳廟後

朝邑志卷二

西

馬自強嚴氏祠堂記 嚴子槐亭建先祠祀厥先人十世之

小宗並上世異朝代而顯者唐太史令諱讓之太宗先是旣

落成槐亭子以耄年冒風雪造余而請爲之記余嘉槐亭子

之仁孝敬諾之會余病未能自載筆越明年余奉召起家還

闕下道嚴氏祠堂前入而瞻禮焉喟然嘆曰嗟乎白仁孝之

風微人家越三代而上率多忘其祖先諱字矧厥祀祠槐亭

子負博洽之學不難於芥拾青紫顧格於數不究厥用往往

見於著述如漫錄之類乃重老猶能敦水木本源之思如此

謂仁孝之至非耶紹厥芳懿傳永無失墜又在其後人奉祀

者而凡他孝子慈孫觀於嚴氏亦可油然而興起矣槐亭子

喜曰是卽可以記矣余戰然曰有是哉因命從史書之題曰

小記云

王學謨記 邑原上故有唐詳審使嚴公祠諱文鏞天國中
通政蕭公斌白於邑侯申公潤名曰重建則知有始也者豈
其公之陰德元善契符終古故展世君子遑遑有同好與維
時護作爲邑子陳玉輩實成化之丙申春也偕事則少宗伯
尉能左使楊恭少監李本憲僉周道主事劉讓奉常博士許
彥常知府賈惟敏知州許清知縣歸儒秦理楊遜判官許莊
後五十餘年爲嘉靖乙卯會地坂原崩祠圯久之茂有義起
者萬曆甲辰余屢與別駕雷公私議偕諸君子修復未果其
明年乙巳邑侯馬公照臨城隍廟積有緡錢於是延諸鄉老
一白於邑侯諏日工作蓋自淑月經始且月落成上梁之日侯
仍臨薦雅拜余以漬病不獲瞻禮祠下企踵喁喁觀者謂誰
昔叢爾一區今茲增以三楹飾以斧藻因於趾視往歸然壯

麗宜有副墨紀往昭來永惟嚴公本是縣人名謨字善思墓
在長春宮西南陬祠距莽蒼之間吾邑著姓嚴氏號多門不
審支屬何在公高宗封泰山舉鎖聲幽藪科及第調襄陽尉
居喪倚廬隱居不斲仕進武后朝爲監察御史兼左拾遺內
供奉數言天下事方酷吏構大獄摩牙恣睢公爲詳審使存
心仁恕不事操切吏稱平和關三木者八百餘人所原者千
餘姓罷疑不實者百人當是時屠伯蒼鷹鍛鍊周內不翅束
濕以取位逢時公獨多所平反行我陰德卽遭讒播遷而不
阻不悔事載文皇帝爲善陰隲書中迺者 學正紀猥以占
風角之故罷公祠鄉賢無乃略大體而過於吹毛求疵者曾
謂存心長厚正直不撓而猶不得列於君子之列耶余意不
能平業已駁論邑乘是以嘆世俗見毫毛不見其臆誠固於

爲月旦而其識下於高叟遠矣

韓恭簡公祠在東門外

五太士廟在南門外

太白廟在寺后社

雷于霖太白廟記 明崇禎七年夏大旱邑侯張諱三策河
南浙川人命里人李栢等登太白山探神湫泣懇靡遺歸而
雨遂沛然官民竒異神功肇造太白行祠嗣是兵火闕葺里
人不敢違初願越十載而祠告成里之父老集衆而謀曰吾
儕旣築蓀壁紫壇以薦松火再選屋冠斗步以効巫咸其事
神者似至矣柰煮蒿祝史之需歲歲徵之將里兒厭其瑣尾
是不可不久爲計也時社有居士李銓韓錦等共施善地勒
之貞珉世供掃除邑人雷于霖銘曰封夷蓬起駕豐隆太

白雲輶忽爾東流鈴颺火役青童閃爍金蛇搖馬驥倒翻銀
河驅祝融粒我蒸民賴帝鴻倏而雲兮倏而風我欲留連郵
不通一歌一泣巫陽忠願神憺愉無怒怒椒漿瑤席奠碧翁
龍堂鮫室鬱蕭宮神兮來遊降我衷蒼雲青雨隨玉駟春葩
秋穗鬱青葱遠除蜚蠊并蝨蚤願將撮土勒神功願言施者
祚無窮敢有侵田與欺種披髮大士劍凌空

馬神廟在東門內本明建在縣南本朝康熙中移

雷于霖記 邑界秦晉津梁之處是時軍旅雲移賓客星奔
厩人不任羈紲之憊也而殷事馬神神樓舊貫三楹茲殿前
構亭以享神也門外架樓以衍神也內耐財神土神旁祀孫
焦二仙野祀無秩彼有取爾也匠石善選工師善斲洵鍾麗
哉春秋齋祭極饒校之盛盡聲歌之選男女雜踏而聚觀者

萬人時有客乘傳而過挽轡停鞭而稱之曰庶矣哉富矣哉
雷子懼解之曰客見蓀壁紫壇雲棟虹梁其複神者奈歎外
此而烽燧焰銷風雨莫蔽者誰及見之客見蕙發蘭蒸瓊糜
金漿其衍神者倏歎外此而蜩飛蠶現并荒灶寒者誰及見
之客見陳鐘伐鼓遏雲繞梁其康神者靡歎外此而道風避
役泣洒郊原者誰及見之客見錦綺驕童飄吹日之輕裾繡
箔艷女整如雲之逸度其簇出旅賁者麗歎外此而繁足囚
首縲綫莫釋者誰及見之客曰微夫人之言吾不知朝之外
腴而中餒也噫祭器之正漫藏之戒以俟在外之君子
李楷詩 途衝芻秣累人民鼓吹嘈嘈報馬神馬神三日靈
官似何不驅鴉駕火輪 非驛非郵過客驕牛車滾滾不相
饒牛金星日同天次誰謂鳴聲異泣號

二郎廟

劉峒記 二郎有功於民之正神也而世不知其所起故其
說多誕妄幾同淫祀予至蜀蜀人言二郎姓李與夙所聞異
蓋爲秦太守李冰治水有功於蜀史傳其化牛鬪蛇者或
曰冰之次子故號二郎喜與龍戰其變化神奇當時蓋有其
書而今亡矣予過龍公洞人猶有指其遺蹟謂予者故蜀人
崇奉甚嚴謂之川主其神像有五中坐黃衣少年如常像左
右者形狀奇詭皆云二郎變化以降蛟者昔宋太祖破蜀花
蓋夫人奉之宮中太祖見而驚曰是何神歟對曰灌口小二
郎也自是天下多祀之而道釋兩家又藉其威神以鎮魔護
法故其神赫赫古今庸人孺子亦敬欽之與闕聖並然而能
捍大災救大患合於禮典非淫祀可比俗人傳說疑爲趙昱

皆妄也新市自宋至和以來有其廟予觀此地近洛水時
溢崩決民田祀此神者始以灌江視洛水而取其降蛟安民
之威乎明末廟爲洛河所淹雷定興公率衆修之於今四十
餘年風雨之浸修葺不時正殿被漏樂樓傾壞於是四街同
修而各紀其功其西街長者請記於予予厭聞崇鬼神之說
非厭之也天地日月山川古之聖賢忠孝節烈之精英赫赫
朗朗在人耳目者日俎豆而歌舞之誰曰不可獨怪二氏挾
禍福之說莊嚴廟宇崇禱不法之鬼神以奔走天下無益於
生民而靡下里之財穀士君子亦從風靡爲不可耳二郎雖
非此方之正祀然能著奇功於當世則精英之氣何所不在
而百世之下蛟龍妖孽聞名而畏望像而慄固其宜也祀雖
贅乎亦可以福予故辨其所起明神之正知神之正則修廟
誠爲有功矣

寺觀

金龍寺在邑城西唐貞觀元年建

李朴詩 隨喜無遠近金龍訪惠休曇雲千佛日春色萬家
樓棟宇齊梁舊禪堂古木幽孤僧迎我笑共擬虎溪遊

饒益寺在新市鎮梁天監中建唐貞觀二年起十三層浮圖明
地震浮圖圯有藏春塢塢內宇唐時題名金新市監趙抃有
記明初當事者議以石充潼關修水門用古物盡亡今惟宋
賈炎謝卿材題名金趙抃記石存

宋賈炎題名 先考成正公留題 顯謨閣待制提舉南京
鳴慶宮賈炎政和三年歲在癸巳交五月蒙恩罷延帥領真
祠奉母歸居穎昌與諸子公說公燧公傑公轍公節公壘

烈公協公頡諸孫適運姪孫道同道氏寺二十九日題 政
和五年交自鄜延帥蒙恩從請移守南陽九月二十七日侍
親道饒益寺顯謨閣待制新知鄧州兼京西南路安撫使賈
炎題諸子公哲公燾公轍公節公燁公烈公協公頡諸孫隨
海壽海隆侍行呂元明馬元鈞偕來 宣和九年四月初八
日男承務郎充專一總領措置陝西路鑄餘司准備差使公
傑親摹上石河中府張崇智刊

宋謝卿材題名 朝散大夫臨淄謝卿材仲適元豐癸亥被
詔自歷下移守馮翊三月二十六日過饒益寺題主持賜崇
智欲立石蒲人真元亨模刻

金趙抃記 左馮之東南踰三十里縣曰朝邑由縣之直南
林木蒼鬱小徑縈紆約有十里有鎮曰新市鎮有寺曰饒益

乃陝右之名藍也路當秦晉要衝枕山河之形勢自唐宋以
來名臣賢士經由往返莫不稅駕投憩於此或題名於壁或
留詩於碑不可勝數前後主僧慮歲漫滅悉勒之於石寺遭
兵火焚毀殆盡如前人石刻往往埋沒於頽垣遺基之下抃
承乏命領鎮事至此恨不及見饒益全盛之時實爲不足每
暇日命童僕事鉛築搜抉於荆榛瓦礫之間雖獲名公大臣
之行記詩刻例皆斷折訛缺讀之令人悲惋卽其稍完者萃
而置之於藏春塢壁龔後之游觀者興葺之不替然周覽環
視必思其人焉時阜昌癸丑九月初一日東萊新市監趙抃
記

王三省賦 湛先沙門暨師淨章謁予致詞詞旨孔詳謂吾
寺之塔肇自隋唐歷年旣遠圯廢相將乃有隣近孤僧擔簦

釋子共闡祖風思隆元旨加以四衆施財諸賢捨已役供力
而事來陶獻費而屏止損常而於工人得佛牙於居士於是
經之營之完矣美矣蓋金仙之教淡於衆生故寶塔之成式
章仁里環以新市之紅塵抱以洛川之綠水冥冥孤高亭亭
峻峙十有二級巍然而起億萬斯年莫之毀矣維昔國祚初
興龍戰甫畢城郭載修甃石未集何物守臣思用塔磚舉砲
不震舍之去焉其基猶故形則稍偏斜倚霄漢百七十年歲
月茲久父老猶傳雖興廢之有時實玩賞之莫先爾其化自
西天燈傳南部供養之禮何專舍利之藏已固今則人樂勤
於法門事易舉於淨土考以洪鐘闐然信鼓朝而慈雲暮而
法雨氣凝瑞以千層烟飄霞而一縷棲鴿去而復來天花落而
可數象教攸崇檀越無苦匪直爲百里壯觀十方快覩而已

也爾其彩色新塗危標莫狀驚心截業奪精泥濘炫白日之
輝輝接青天之蕩蕩宇宙希聞雲霞與抗客或努力以升攝
衣而上以見四方消百妄撫掌狂歌披襟遠望俗慮皆除美
懷何暢喜清風之徐來發白雲之孤唱逍遙天上之光陰狹
小人間之色相河上翁招之不來雲中君與之相傍又或天
宇寥廓平原遐曠樹蒙密而不分村連絡而莫障滔滔波浪
三水中分屹屹巉巖兩山相向又或南望望仙武帝何荒北
望長春離宮可愴西望馬坊雲錦無遺東望潼關金湯何壯
又或春望夾岸桃霞鋪錦夏望連畛麥浪搖風秋望園圃柿
梨垂實冬望林麓雉兔交蹤又或晚望則星辰可摘早望則
雲日交輝雨望則千家簾幕雪望則萬里瓊瑣又或水望則
舟航競渡雨望則交易喧喧喜而望則燕昭之懷賢思至愁

而望則漢武之悲子思來慕長風若滕王之閣憂蔽日若鳳
凰之臺又或棊分城市星數房閣山呈落雁地露采薇蓮峯
隱約蒲坂依稀足下雲生而日近目前樹遠而天低下院不
聞僧說法落霞時與鳥爭飛黃鶴樓高安足擬青蓮宇壯此
堪依已而日色將暮天風颼颼客心斯倦去而且留則又入
竹院訪惠休坐蒲團而啜茗過蘭若而停翰詠海棠之花方
茂見木蘭之院初修或許飲酒而入社或憶袈裟之在舟或
悟前身寫經未了或邀密友齋限初周或留帶以爲鎮寶或
贈衣以表綢繆樂聽三軍之行姑爲半日之遊先生其有意
乎予曰慈恩遊人留顯雁塔夜郎遷客把筆西陵君子之所
有事也而僕病未能湛先又曰寺當衝路詩題滿牆勒石紀
勝琬琰生光盍惠一言安塔之傍予曰筆硯久荒矧夫蠢蠢
沉思損神敢謝不敏

王三省詩 野寺傍郊屜孤僧偈梵筵聚沙窺色相危塔賞
精專歲月禪門古山川陝服連崢嶸凌世界突兀俯雲烟鳥
避鈴聲遠燈明法雨懸霞光扶繡拱香氣拂金天指顧黃河
細登攀華嶽偏化成淹白日淨域護青蓮一逕通三輔雙眸
眺入川顛連人臥病證果客逃禪遠覽非今日迷方負壯年
何時超絕頂襟抱一飄然

王鉞詩 出門無好路動步與禪親近佛心如悟看花眼不
貧老僧欣接杖小犬喜迎人不覺坐來久風吹月滿身

王傅詩 祇園花木碧陰森扶杖來看秋滿林寶閣天香馴
鷓舞短垣翠栢暮蟬吟無生學誦僧家偈憂國時存壯士心
一自端居成歲月水濱沙磧白雲深

淨安寺故址在渭水濱元至正元年歿於渭明正德中改建於
王林村有宋崇寧時鐘

淨安寺鐘銘 維大宋崇寧四年歲次己酉十月二十五日
鑄同州朝邑縣魯苑鄉淨安禪院鑄鐘願所集 利者
皇帝萬歲重臣千秋文武百寮常居祿位法界衆生同成佛
果住持院主僧惠崇

助緣僧等法基 法直 法照 道宗 法 鑄鐘

功德主僧法淵

助緣施主等弟十四都保副正耿訓 趙茂 道洪社趙用
成

十六都保正蘇晏 副正趙永 嚴寶 邱德 嚴清 邱
善

休沒弓手節級 楊玉 劉五文 楊大專 唐新 安全

八趙社張整 馬進 梁成 李宗簡 李三郎 王漸

王昌 趙平 李茂 李言趙氏 陳迺 上官寶 耿

士林 嚴子成 孫清

十五都保正趙瞻 嚴方 耿同 張詮 趙三

伯 趙四伯 王大伯 趙四伯 衛八哥

本社姚福 安福 任文勝 范祥陸氏 楊德方崔氏楊

氏王氏 鎮將 言李氏楊氏路氏 小阿嫂 百初 王

曼 嚴大伯嚴五婆 嚴信 杜玉清 趙密 趙義 劉

十三 王二伯 楊三伯 王三伯 孟全 嚴三伯 路

五伯 李三伯 劉知

此鐘是解州匠人杜臻男鑄造

□□武騎□□□□□□□□□□

□仕郎□□□□□□□□□□

將仕郎□州□南縣主簿□本縣事□□

□□□□□□□□□□□□□□□□事□

劉給

將仕郎知縣事呂省山

□□□□趙松妻□陳氏李氏

聖佛寺在新大慶關唐明宗天成三年建宋乾德四年重修舊名彌勒佛寺明洪武二十五年更名

劉璽記 太河西厓東屯村有寺曰聖佛自五代唐明宗始也住僧每數十人於邑中諸寺為最巨而土鹵易壞歷宋及明率數十年有力者率眾修之自明季甲戌重修之後圯壞

朝邑志卷一

重

者久之於今康熙二十一年僧始募修五年而功成請余為之記余歷問前之倡修者若牛若劉若成皆顯人也而居林下者余適然笑之夫佛之道見斥於吾儒久矣予覽華楞諸經其清靜寂滅亦自其學何惡於天下然由其道而思孝節義俱無所用矣士方壯時將有為於天下意氣方盛談忠孝矜名節佛教誠無由入及其功名心灰倦而思反忠孝節義之念與氣俱衰而聞空虛寂滅之說不得不好故前世功名之士晚路多人於佛人以為惑非惑也盛衰之勢然也予近者空虛寂滅之念生與成功諸人何殊焉故崇佛之說得至於我前也况邇者 朝廷於佛生日 勅百官不得行刑則佛之道 朝廷且崇奉之矣况吾之無用於世者乎遂為記以續成公後計所修佛殿十五間山門三間工五載費三百

餘當民窮財盡時功不易矣僧體成等募化施米施工數千人咸刻於石康熙丁卯年記

沙橋寺在紫陽之麓內藏元至元十六刊印本及明萬歷時刊印本內典本朝李河濱手書華嚴經今元本散落止存百餘卷皆不成全書李書存三卷惟明本猶多

廣惠寺唐貞觀二十一年建故址在街子村東今圯於河移置村南又南鹵村亦有廣惠寺

趙儒記 廣惠寺在朝邑東南二十五里洛渭之間又東南則潼關赴京師之通衢其西南則華陰達陝省之要路凡冠蓋往來值風阻河爲駐節留憩之所嘉靖甲午渭北趙子官於外二十年方歸時韓汝哲以刺史歸王德卿以戶部副郎將赴南都王季良張靜夫楊大節趙子春方赴會試韓子約

渭北子祖餞於廣惠僧舍韓子謂渭北子曰子知廣惠所以創始之年與其創始之意乎渭北子曰關中之地古稱形勝百二其形勢要會之地不在帝都岐豐咸長之間而在於此嘗考帝都之地則山有岐梁終南太白而無秦華首陽之雄峙水有涇汭澧渭而無河渭漆沮相會之巨浸此地則山自岐梁九嶷迤邐而來入於沙苑以豐其後自太白終南少華太華以屏於前河自積石龍門徘徊首陽太華轂轉而東渭納汧澧涇汭漆沮并入於河則關中形勝要會一目可盡古人所謂天地并工開帝宅山河相輳東龍門又曰山勢雄三輔關門振九州皆所以咏斯地之勝故周齊隋唐沙門盛時好事者竊見其地之勝以建沙門俾人憑是而覽山河之勝則必於此徘徊瞻眺其建置可以與形勢悠久而無更變之

虞是則創始者之深意歟故北有饒益寺據舊志重建於貞觀二十一年則其創始於周之時可知韓子曰然是可以識廣惠之勝矣

聖壽寺在雙泉鎮唐建明時造又有在太平村上村北龍池霸城村西大夫五處亦名聖壽寺

輒置寺在東王寨明時有人於遺址掘後殘碑有文曰隋開皇四年建

興國寺在南王社唐貞觀元年建

興安寺在寺子村元至大四年建

資壽寺在舊大慶關明隆慶時建

興龍寺在蔡鄧村

興祥寺在故現

朝邑志卷二

三

敬法寺在阿毘村

永盛寺在窪底村

東廣教寺在東野雀

西廣教寺在西野雀

安國寺在北健村

興福寺在下秦村

清涼寺在王彥莊

普濟寺在兩女鎮

安慶寺在步昌村

廣聖寺在店干社

新興寺東白池

大覺寺在南岐村

洪慈庵在加里莊

彌勒院在營田莊

洪教寺在沙底村

景德寺在南龍池

望仙觀漢武帝時建今廢地名猶存

威明觀唐清泰二年建在洿谷堡

靈應觀在紫陽山宋真宗祥符四年建有元至元時鐘

靈應宮鐘銘 維大元國安西府路同州朝邑縣紫陽山十方

元都靈應宮住持道士張志瑀等至元二十一年歲次甲午
二月日置平陽府襄陵縣東水寨大鑑盧家造

皇帝萬歲臣宰千秋風調雨順國泰民安

康乃心詩 天然箕掌望中賒幾度安期坐晚霞路遶洛溪

朝邑志卷一

美

臨玉漏門開西嶽對蓮花已知白鶴仙人笑猶憶玄洲柱史
家我欲吹笙從子晉蹒跚初訪五雲車

劉璽詩 竟日看山坐悠然物外情鳥聲歸樹遠秋色滯河

清客喜杯無算歌闌月獨明神仙亦我輩聞笑出東瀛 今

宵天不寐知我在山阿樹老歸鴉靜臺高受月多酒聲狂士
鼓花氣美人歌莫負煙霞意得閒日一過

大元觀宋徽宗宣和初建舊在楊二社東後又河浸遷社西

保真觀在豐潤村西

朝邑縣志卷二終

縣尹丞尉簿史攷

朝邑志卷三

代 尹丞尉 主簿史 雜官

漢 孔億

臨晉

令

晉 王林之

臨晉

令後

家於

此相

傳今

王林

朝邑志卷三

村即

所居

之地

歐陽建

臨晉

令

隋 敬釗

蒲坂

人字

積善

大業

中自

唐

繁峙
遷朝
邑合

馮朝隱鄭洪

劉幽求李□卿

河西丞

武彊人

字榮

朝邑

主簿

見李

陽水

三墳

記

李史魚

李少康

朝邑志卷三

二

平棘

宗室

人以

未陽

丞移

段灌

顏頽

臨淄

見魯

人

公顏

氏家

鄭肱

韓諶

京兆

榮陽

人

人

崔友之

博陵

人

畢□

河南

人失

名

張□

見盧

倫詩

稱張

明府

失其

名上

金朝

邑令

李尚邱

宗室

劉實

李抑

宗室

上金

朝邑

尉

朝邑志卷三

三

權隼

字于

鷲河

西尉

于懿孫

李鏗

王喆

金河

西令

見唐

書世

可表

宋

呂省山

見崇

寧二

年淨

安寺

鐘銘

銘上

有尉

簿等

官姓

名磨

泐不

可讀

故不

載

鄭治

陳堯佐

詳上

字正

臣

安人

陳堯佐

字希

元闡

中人

以秘

書省

較書

郎知

朝邑

會其

兄堯

叟佐

陝西

發中

人方

保吉

罪保

吉邑

人也

怨之

誣堯

偽齊

金

佐以
事降
本縣
主簿

趙抃

新市
監

閻公貞

宛平
人字
正之
大定

朝邑志卷三

六

元

吳珪

雷貴

鄭口質張安

中以
進士
調朝
邑簿

洛陽

高陵

人字

人

玉甫

成好德

顏英

馬中

陳口也先卜王仲仁寄童

見元花

儒學

朝邑志卷三

張玘 李讓

偃師 雜陽
人 以

仕 人材

吳真 史麟

雜陽 人

蕭郁 單育

朝 正統

張雄 史顧 張浩

教諭 正統

中

王宣 王紳 韓伯彰

成化 教諭 中

王佩 喬青

此下 成化 中 並萬

歷以 後

何宗周

平陸 人

人

白光先

陽曲 人署

縣事

趙大貞

邢台

苑茂 管旺

正統 上並

成化

延隆

事

人天
順朝

劉裡

字夫

誠澤

州人

成化

中以

舉人

任

鞠鏞

字大

器河

間衛

人成

化中

以舉

人任

黃顯

縣

舉人

成化

十六

年任

人

劉紀治

岢嵐

人

劉栢

東鹿

人

武守法

館陶

人

黃思貞

單縣人

王光增

太原衛人

劉偉

遼東人

何繼章

山陰人

郭啓參

汶上人

浦朝永

蓬萊人

李廷節

任丘人

張喜猷

河內人以

李英

舉人 祥符

成化

十七

年任

劉道立

字成

已杞

縣進

士成

化十

九任

後主 簿裁

李達

人 平慶

杰士朝

嘉定

人

劉桂

富順

人

張維孝

磁州

人

高崇德

汝州

人

徐霞

興國

人

王大用

江陵

人

吳國仁

遂安人

饒永福

屏山人

人

畢陳學

劉慶雲

沂州人

人

陳汝明

慈谿人

人

康撫民

黃岡人

人

王應蛟

黃應震

顧一麟

貴州人

舉人

任宰

清水人

人

張簡

蘇槃

字德

新南

陽舉

人宏

治中

閻泰

字道

亨正

人 通舉

人

張鳳

汾州

人以

歲貢

任

昌樂

人

李實

真定

人

劉蘇

江陵

人

彭官

歸州

人

余文价

長壽

舉人

王學曾

岐山

人

高自謙

宜君

人

吳任

隆昌

人

張猷

洋縣人

徐浙

人

許州

鄭嗣學

祥苻

人

甘孟棠

莊浪

人

望讀

盧氏

人

張紘

徽州

舉人

張淇翼

山西

沁水

人

威縣

令

劉明遇

文正方

定遠

人

劉經

任邱

人

王錫

監山

人

王頌

人

汶縣

劉志

汾州

人

並宏

治時

紀年

曹縣

人

蔡蘭

楊鶴易

並湯

陰人

盧西

臨川

人

王戰

觀城

人

曹志俸

四川

崇慶

舉人

遷日

縣令

陶萬品

山東

登州

舉人

姜輝

米脂

縣人

張鏹銘

興安

州人

上並

教諭

王讓

成化

人

何僖

四川

梓潼

人

大同人

李景新

周世瞻

並

縣人

甘嘉

唐允

並刀

川人

陳謨

安

朝邑志卷三

人

程一

雲

人

胡榮

四川

人

張時馨

關

人

王國材

晉州

和從學

狄道

人

張世傑

定安

人

鄭承家

深州

人

薛鑑

綬德

州人

六

王鴻漸

狄道

人

郭包荒

屯留

人

李冲漢

漳縣

人

朱文

漢中

府人

人

康泗

保

人

上並

嘉靖

時萬

歷以

後裁

朱光祖

河州

人

鄭思學

河南

人

尹相湯

膚施

人

奚光祖

寧夏

衛人

韓汝康

清澗

人

彭陽冬

鳳翔

人

劉煥

神木

人

李慶孔

白河

人

制卷三

特

張大可

鎮原

人

袁學顏

寶鷄

人

李發

楊汝栢

延安

人

郭賡

山西

大同

人

張榮祖

遼東

人

李國英

伏羌

人

邢永烈

鄆州

人

魏傑

夏縣

舉人

正德

五年

謝尚錫

四川

人正

德八

年

許承謨

吳縣

舉人

正德

九年

王道

字純

父陵

州人

正德

十六

年

郜相

字立

之澤

州人
舉人
嘉靖

郭寶

北直

高邑

人以

進士

任此

下並

萬歷

後

趙炳

北直

隆平

人以

進士

任

謝如尚

湖廣

來陽

人以

舉人

任

朝邑志卷三

陳岱

河南

鄆城

人以

進士

任

張崇榮

山西

代州

人以

舉人

馬錦如

山東

章丘

人以

舉人

任

羅任

河南

光山

人以

舉人

任有

傳

邵希孟

山西

倚氏

人以

舉人

任

楊紹震

山東

東明

人以

進士

任

王守正

山西

河津

人

柴應霖

北直

遵化

人以

舉人

任

王時英

山西

垣曲

人以

進士

任此

下天

啓後

畢拱宸

山東

掖縣

人進

士以

謫至

王喬棟

北直

雄縣

人以

進士

任

鞏良定

山西

定襄

人以

舉人

任此

下崇

禎後

丘起鳳

河南

雒陽

人以

舉人

任

張三策

河南

浙川

人以

舉人

任

夏立極

山西

定襄

人以

舉人

任

蔡任

湖廣

□□

人以

舉人
任

李蕃

山西

陽城

人以

進士

任

孟習孔

江南

穎上

人以

舉人

任

本朝

宋大儒

山東

縈陰

人以

貢士

任順

治朝

張湜

安徽

懷寧

縣人

監生

乾隆

三十

八年

新設

駐大

楊振鉉

順天

人

白必采

安定

巡檢司

趙國臣

張之喬

京都

人

龔見龍

閩縣

人

慶關

張文星

鄭修甲

曹庭安李振藻

劉城

河南

江南 安定

人

人以

舉人沈觀生

貢士

陞溜 山陰

任

川合 人

袁鳳彩

孫金圭

河南

劉時俊劉顯用

順天

商丘

涇陽 遼東

大興

人以

人 廣寧 縣人

進士

吏員

沈應宿

朝邑志卷三

美

任

楊閔泰

張宏業趙登第

大興

山東

江南 西和 縣人

人以

歙縣 人 吏員

貢士

石夢元

任

順天

王承庚

杜璽 李俊儒

大興

江南

直隸 延安 縣人

上海

安定 吏員

人以

向駐

貢士

大慶

任擢

關乾

滄州
牧法

陸
年

張珽

沈起麟
劉楷
稅課

直隸

浙江
中郤大使

良鄉

仁和
王士章

人以

陳策

貢士

趙必超

丁魁南

孔尚文
薛大猷
山陰

河南

紹興
西鄉
人

永城

舉人
楊彪

人以

遷涼
宣化

舉人

州衛
人

任左

教授
蘭應康

遷高

三河

平丞

人

去

金士榮

茅元銘

胡世隆
王心正
平谷

浙江

直隸
清澗
人

歸安

大興
舉人
吳啓賢

人以

山東

拔貢

歷城

任康

縣人

熙朝

吏員

黃中通

魏何允
李廷相
王允達

聖朝三

臣

湖廣 蒲沂 人以 舉人 任

南 涇陽 直隸 縣人 人商 學貢 人吏 員向 駐大

朱元傑

蔡士旗方伯侯

慶關

山西

山東 潼關

雍正

人以

鄒平 衛舉

七年

縣丞

人 人

員裁

陞

以上

羅人琮

孟蕙 劉迫儉

湖廣

直隸 涇陽

桃源

大興 舉人

人以

人 紫陽

進士

籍遷 寧夏

任

中衛 教授

鄭惠民

林三奇 霍大猷

直隸

順天 清澗

義州

大興 舉人

人

縣人

吏員

朱集義

李應昌 陳運燾

字介 菴遼 東人 例監 任五 年桌 異補 御史

直隸 潼關 通州 衛舉 人吏 人

陳昌言

沈尚驥高崑

字禹

浙江 甘肅

欽浙

會稽 朔縣

江山

縣人 人康

朝邑志卷三

吏員

陰人

熙壬

以例

午舉

監任

人

姚士塾

孫承聖李夢弼

字庠

湖南 西安

若江

靖州 府鄠

南桐

人吏 縣人

城人

員 康熙

歲貢

乙酉

由碭

舉人

山教

諭陞

任

楊文時

字口

口山

西聞

喜人

以歲

貢任

鄒浩

字心

源奉

天人

王兆鰲

字東

柱雲

南寧

州人

康熙

庚午

朝邑志卷三

汪天培張涵

直隸 西安

大興 府咸

縣人 陽縣

供事 人康

熙巳

卯舉

人

薛存敬馮淑眉

浙江 西安

山陰 府富

辛

縣人 平縣

吏員 人康

熙辛

酉舉

人

劉宏武劉得炯

江蘇 甘肅

常熟 中衛

縣人 縣人

吏員 雍正

甲辰

舉人

朝邑志卷

舉人 由師 宗州 學正 陞任 以河 州知 州去

聶鐸 湖廣 漢川 縣人

拔貢 生

張允震 漢軍 鑲黃 旗人 監生

王持權 漢軍

張允毅 李文學

山西 甘肅 浮山 張掖 縣人

吏員 雍正

乙卯 舉人

薛得壽 宋慶濬

山西 西安 靈石 府耀 縣人 州人 監生 雍正

乙卯 舉人

張星哲 張淳

山西 甘肅

正黃
旗人
監生

楊臚賜

雲南
石屏
州人
由翰

林院
庶常
改補
有傳

于需

四川
閬中
縣人
康熙
辛卯
舉人

馮盡善

介休
中衛

縣人
縣人

監生
乾隆

候補
丙子

州吏
舉人

目借
以上

補
教諭

張調鼎

延川
人

王體震

安化
人

左史

甘肅

隴西

縣人

舉人

有傳

王爾藩

山東

章邱

縣人

雍正

癸卯

舉人

陳高

江西

清江

縣人

雍正

甲午

舉人

郭琮

直隸

冀州

人乾

隆丙

寧夏

衛人

高嶙

寶鷄

人陞

慶雲

令

李作棟

安化

人以

下訓

導裁

今復

設

展譽美

靖遠

衛人

朝邑志卷三

三

辰進士

裘聯桂

江西

新建

縣人

康熙

庚子

舉人

秦承烈

江蘇

武進

縣人

乾隆

丙辰

舉人

成邦彥

山西

文水

縣人

乾隆

丁卯

舉人

高翰

張玉鉉

鳳翔

縣人

張廣祚

鄧縣

人

李致用

隴州

人

歲

貢四

十九

年任

房世澂

浙江

烏程

縣人

乾隆

丁巳

進士

丁上之

浙江

長興

縣人

拔貢

生有

傳

王政義

貴州

貴定

縣人

乾隆

壬申

進士

由翰

林改

補有

傳

朝邑志卷三

端遠

衛人

張旻

鳳翔

府隴

州人

歲貢

李鑑北

潼關

衛人

歲貢

莊琬

福建

福清

縣人

乾隆

甲戌

進士

楊衍嗣

雲南

元江

府人

乾隆

丙戌

進士

有傳

吳忠誥

山西

太谷

縣人

乾隆

乙酉

拔貢

生有

傳

朝邑志卷三

美

艾若薰

綏德

州人

歲貢

馮掄

延安

府延

川縣

人歲

貢

陳升秀

西安

府興

平縣

人歲

貢

金嘉琰

浙江

錢塘

縣人

乾隆

甲子

舉人

朱廷模

湖南

湘潭

人乾

隆庚

辰科

舉人

朝邑志卷三

卷

張如璧

甘肅

靈州

人歲

貢

王毅士

乾州

人歲

貢

袁緒

延安

府延

川縣

人歲

貢

汪于岐

甘肅

成縣

人歲

貢

郭建猷

西安

府渭

南縣

人歲

貢

舒其經

甘肅

平番

縣人

歲貢

呂熙

鳳翔

府鳳

翔縣

人歲

貢

李時雋

西安

府富

平縣

人乾

隆壬

午舉

人

段至正

甘肅
鎮原
縣人
歲貢
以上
訓導

令晉歐陽建字堅石渤海人爲政剛果甚有時譽流布當時人爲之諺曰渤海赫赫歐陽堅石其真操如此

唐舉令史逸其名河南人唐乾寧四年爲朝邑令會同州軍叛亂挈其妻竇氏竄望仙里旣夕盜作仇家乘亂捽令首必死之令妻以身蔽捍被重傷猶不置令竊隙逃匿而免里人列狀於府資之酒帛司空圖爲作竇列婦傳

朝邑志卷三

三

宋鄭詒字正臣德安人仁宗時爲朝邑縣令會兵事起案簿書度民力所堪以均賦役而人不困

金閻公貞字正之宛平人大定間以進士調朝邑簿積官至大理卿翰林學士公貞詳謹周密奉命較定律令金人以爲法家之祖云

元吳珪字玉甫洛陽人至正十六年爲朝邑尹廉正愛民在官九年與民相安遂占籍邑之平羅後遷南鹵村其後裔功曾監墳舉人守宜永樂中應天教諭

明李英祥符人以舉人成化十七年至館舍壇舖多所繕治故志謂英善修舉喜用民聲稱籍甚去之日民莫思也

劉道立字成已杞縣人以進士_{辛丑}成化十九年至故志稱爲政剛果立心平恕徵爲御史歷陝西按察司僉事父老言道立十

九歲在事凡九年始終一節當時久任如此

蘇槃字德新南陽人以舉人宏治六年任志稱廉謹不擾庶幾
良吏余聞之槃厚學子月給燈油資夜誦一日漏下偕門童
步橫舍稽勤惰適遇學人群而角戲不意卒至槃親執其兩
人譙讓久之乃去出學門聞書聲喜曰小生不當如是邪吾
行學不見一人攻苦獨有此幼學耳詰旦給燈油於是諸生
愧感焉徒步稽勤惰近所未有也居九年以大察去公論惜
焉

張鳳汾州人歲貢好辱人不許人贖辜卽素飭行檢者故杖決
之衆庶重足而立先是縣丞志與鳳同郡見除目謂人曰若
曹不識人以忠厚爲駭異日若至來當自知之已而鳳至一
如所云人服其言泰端鳳宏治中任居未幾咸以疎庸相次
解組故諺稱三官不及一任

魏傑夏縣人以舉人正德五年至志稱菲惡自持取與廉潔縣
長老言傑行縣不攜里長以市餅自給渴則飲於途它日有
婦人汲水過青衣酌而飲之雖無威儀不失爲簡朴

許陳謨吳縣人以舉人正德九年至初投牒得朝邑誤傳以爲
絕塞畏途不至久之知其近中州也單騎而來見事風生片
言而決號爲良吏居三月以違限解任人共惜之

王道字純甫陵川人以舉人正德十六年任善緝盜盜入它境
以太陽諸里田圯於河白中丞公議從輕額許其折布又朝
邑爲孔道不任供送建白得以郃陽澄城夫馬協濟韓公邦
靖作邑志道爲刻布至今傳焉

卻相字立之澤州人以舉人嘉靖三年至爲人廉謹自將號爲

平易而治官如治家一米鹽不苟上官數游揚以厲鄰封父老相傳相愛人如子教督諸生課醫人醫經功曹讀律例教讀汰其老憤者不得壞人子弟事事有條政平訟理役均盜息御史高翔革除時死事特建表忠祠又爲劉烈女建祠號知大體而爲百姓調停不傷財不害民最稱有恩至今六十年誦義者不容口而先是功曹以讀律爲苦於是諭之曰今日苦它日爲政不迷後一一成就感戀不衰初無子六旬後產一男里人聞之爲一舞眉官至雲南左使

歐思誠字純甫薊州人以進士嘉靖十年任才堪治劇下車法兩豪強故其稱曰西擒高漢東縛趙都風采凜然亡何爲人所中聲名損於初任時官至知府

郭三仁字商賢蒲州人以舉人嘉靖十三年至道士華道益以

灘田投獻王府委高同知行勘三仁疾其侵牟百姓且長投獻風密屬衆庶大譟而前肩同知與將沉之河三仁佯怒而解之比事竟田予百姓三仁力也初三仁以接壤不受私謁里人服其至公河中疾其太執執持信難矣哉

班字汝璘資縣人以舉人嘉靖十七年至有治才迎而解一健令也閣學翟文懿行邊道出蒲坂班越境出祖於首陽山當道以爲游媚按驗它事罷之

劉尚義字伯正汾州人進士以御史謫任嘉靖二十年至爲人純朴簡淡居官以靜治又執持不撓狹小縣城於是拓東城四門起麗譙人享其利官至河南副使

任希祖字元孝蒼溪人進士二十四年至爲人慈祥愷悌拊罷獎尚寬夫盪滌煩苛與民更始有節用愛人之風厚遇博士

弟子員月爲程督卽旁午中不少厭多所成造又建白巖鎮堡域民至今爲世利政平訟理相之後一人而已升評事官至陝西按察司副使初里人以過柔少之君子謂嚴不立威寬不縱弛希祖有焉已而嗣者用苛暴立威不翅束溼於是乎益遐思不置矣

畢仕和石首人舉人三十一年至潛心理學專務以德化民訟者聽其和解不肯剖決稍決一事欸欸動人久之曹務多廢上官弗善也亡何調去實不持一錢蓋長者也然雩而雨屢雩輒効其誠一如此

呼爲鄉字相之遼東人進士三十三年至明年乙卯以大侵長吏免上計其冬地大震幾亂賴中丞下記用誅戮定之在事三年陞刑部主事

令狐鏗猗氏人舉人四十三年至有能名以憂補兩當縣終合州知州

郭實字華伯高邑進士爲人方嚴精敏以萬歷十一年知縣事發奸摘伏煥若神明大猾斂迹節里甲緩催科農民欣欣如也邑學故無泮於是始作又修黌宮廣社學擇師以教子弟請人侵地千頃渡河釐正蒲人噪呼而至不爲動卒正其界縣以東沙積如堂阜遇風旋而蔽天幾不可田資口食令人覆沙漸成沃壤丁亥歲凶盜將起令行禁止一境獨爲肅然並祀程編修濟於高御史忠烈祠更名雙忠增祀李張二烈女於劉烈女祠更名三烈二祠前知縣卽相所作也刻邑紳王學謨所纂邑志至今考文獻者徵焉任六年擢御史去邑之人如失慈母云李河濱楷嘗稱之曰予聞公患日赤將嘗

人目光爛然能察見市井陰私無不股栗鄙之人若趙儕鶴以大君子主持世道而公與之友善語曰不知其人視其友斯公之爲人可知矣

趙炳字虛白隆平進士性寬平不尚威稜然事有害於民者爭之士官必得乃已往直指按同州供億派於五縣韓邵澄白直指不臨其境邑獨供之已重於州而又使貼州炳曰朝有役同無與今同苦而使朝肩之可乎力陳其不便遂罷之又議罷條鞭條鞭者變一切里役諸法而盡以銀征其弊利官而病民炳詳爲議上之獨不奉行民受其庇後條鞭法苛大爲民害人益以服其遠識矣

謝如尚字

未陽舉人繼趙隆平之後酌其實而濟之以嚴懲奸護良邑境清肅有宦使者督織造於秦括取民膏檄下

朝邑志卷三

三

朝邑絲商若干家充行邑故寡絲買自吳蜀苟順其意數十人破家不止也如尚身搜其怒抗而不應又上官欲陷故保定通判某以屬如尚如尚曰殺人媚人壯夫不爲竟以忤上官意擠之罷去論者恤之然有愛在民久而彌思與郭趙二公同祠焉

羅任字幼衡光山舉人機警精吏治能立解紛拏而端正潔自積穀罰鍰不以奇贏自私摘伏如神剔蠹無少貸邑之稱神君者必以羅公爲首他日量移知耀州州有顯者修府第役民民苦且怨任野服荷畚鍤往役顯者謝罪役乃寢其挫強恤民皆此類也王方伯于陞作去思碑謂其廉仁智斷勤信有六善云

楊紹震字景廉東明人萬歷癸丑進士爲政卓然不苟從來縣

轄於州州人恃強凌虐縣人紹震因民弗忍請於上官求直隸府事雖不果行而州禍從此息矣

王時英字垣曲人以解首舉進士恤下傲上岸然自負而才足濟之侃侃而談傍若無人人無不改容禮重訟牒繁多應時立決雖急遽中動作從容聲譽大起調繁知長安迂者戲謂邑人公幸值下邑故能立名若到長安恐故步或失也及至則風裁卓卓加厲於朝論者以爲柔不茹而剛不吐惟公不媿與人言每自呼解元萬歷末迄今八十餘年民間道好官猶稱王解元云

本朝楊閔泰字山東人順治年任時兵興後民氣未蘇閔泰以簡靜廉愛與民休息丹筆不輕下吏隸伍伯之屬悚然股栗民皆悅之而君小弗便也中以事去邑人追思不置焉

羅人琮字紫蘿湖廣桃源人順治辛丑進士以寧波府推官改令朝邑康熙七年至慈惠端雅念民疾苦力革宿弊時郵馬久爲民害據邑紳張柟張召南等議詳請入厥官養巡檢弓兵十二名隸潼關衛工食私派朝邑久沿爲例亦詳請永革河衝荒地千餘頃糧額銀三千七百餘兩詳題蠲免皆得如請歲省民財不貲民呼之爲青天甲寅滇黔逆變羽檄旁午處置有方民不至大困制府白公亟獎其廉幹公餘課士所賞識者多登賢書詩歌古文聲馳當時與邑薦紳李河濱王松園劉三峯倡酬爲多邑人謂德政文章我邑賢令推公第一內擢貴州道御史

陳昌言字禹欽山陰例監康熙十九年至在任十年修舉廢墜

學宮察院城隍及村鎮社學皆次第營構邑有大事則先集
詳議而後行故不至病民稍遷信陽州牧以去

丞元雷貴高陵人以才賢舉監稅官辟爲縣丞陞主簿歷三原
涇陽朝邑三縣在事一十八年猛不殘義寬不縱姦後以子
禧贈飛騎尉高陵男

歷代著聞人攷

朝邑志卷四

漢籍少公臨晉人嘗脫郭解於厄吏人逐之跡且至籍少公少公乃自殺滅口

嚴翰林其先有太子太傅名彭祖者爲左馮翊子孫因家臨晉至東漢末翰林復守本郡

北朝嚴穉玉翰四世孫仕魏爲平南將軍封邵陽侯

隋鉗耳文徹朝邑縣人曾祖靜仕魏爲馮翊太守祖朗成集二

州刺史父康周荆安寧鄧四州總管別駕安陸龍門二郡守

唐嚴協穉玉四世孫仕唐爲洮州都督襲邵陽侯

嚴方約協子爲魏州司功叅軍贈太常卿

嚴損之方約子以銀青光祿大夫贈宋州刺史

嚴司業損之子其名莫考天寶中以門子經行擢宏文生調叅

朝邑志卷四

江陵府軍事知永王璘有異志以知免去三遷爲大理司直歷

京兆戶曹掾殿中侍御史虞部員外郎拜河南令刑部郎中以

儒雅遷國子司業建中閒用親累貶潮州司戶推連州刺史改

郴州累加朝議大夫封馮翊縣男乞歸復拜司業有從祖姑世

父母身沒絕嗣旅殯在越毀家護葬於其先塋時服其義

嚴士良損之次子累官牧守弟兄友愛穆員誌其墓

李河濱曰前人之不見於史傳者多矣五泉先生曰賢人長

者懿德美行湮沒多矣豈不惜哉王亦多方物色紛紛不得

其具而悉心焉予之寡昧僅得嚴司業一墓文博學者其尚

有以益之

嚴誼字善思以字行父延通儒術該曉圖讖善思傳其業明天

文善風角褚遂良上官儀等奇其能高宗封太山舉銷聲幽藪

科及第調襄陽尉親喪廬墓因隱居十年武后時擢監察御史兼右拾遺內供奉數言天下事時方任用酷吏誅唐宗室貴戚及大臣數百家善思公直敢言告密者不可勝數武后亦厭其煩以思善爲詳審使平活八百五十餘人原千餘姓羅織之黨爲之不振乃相與構善思坐流驩州武后知其枉尋復召之長壽中按刑司刑寺罷疑不實者百人來俊臣等疾之誣以罪謫交趾五歲得還值李淳風死召爲太史令聖曆二年熒惑入與鬼后問其占對曰大臣當之是年王及善卒長安中熒惑入月鎮犯天關善思曰法當亂臣伏誅而有下謀上之象歲餘張柬之等起兵誅二張而遷善思給事中武后崩將合葬乾陵善思建言曰元闕石門非攻擊不能開神道幽靜多所驚駭更且有害曩坐乾陵國有大難異姓建國二十餘年今又營之難且復

生合葬非古也况事有不安豈足循據漢世皇后別起陵墓魏晉始合葬漢積祀四百魏晉祚率不長亦其驗也今若更擇吉地取從葬之義使神有知無所不通若其無知合亦何益山川精氣上爲列星葬得其所則神安而後嗣昌失其宜則神危而後嗣損願割私愛使社稷長久中宗不納遷禮部侍郎表奏皇后擅政爲社稷憂貶汝州刺史語姚崇曰韋氏福且塗地相王所居有華蓋紫氣必位九重公善護之及睿宗卽位崇以語聞召拜右散騎常侍尋以譙王重福事論死初重福徙均州過汝州而善思在焉問以天文及謀反遂除禮部尚書故重福敗坐關通論死吏部尚書宋璟戶部郎中李邕薄其罪給事中韓思復國請乃流靜州始善思爲御史中書舍人劉允濟爲酷吏所陷當死善思力訟其寃得免戶部尚書王立本見之曰祁奚之

救叔向嚴公有之後見允濟語未嘗及之思復之善思也亦不自德時人皆稱其長者後遇赦還開元十六年卒子向乾元中爲鳳翔尹有政聲積官大常員外郎卿自延至向三世皆年八十五云

劉星柱曰嚴公之厚德不宜以占風角事女主罷祀王河汀言之矣然猶未及論武韋兩后事也論武后不當合葬乾陵雖據其術言而陰外之此當時所不及議論韋后擅政則非剛正而不懼禍者不能也議罷祀者其亦未之知矣今錄而著之則生平之厚德皆本正直而可輕議乎哉後之賢哲必有聞風而復其祀者

別修安祿山叛時尚衡舉義兵討賊署爲牙將蓋亦知義之士也

元王由義字仲方起家以文學掾歷禮部主事拜中臺御史至禮部侍郎初爲徽政院都事能抑內侍節浮費爲御史屢有獻替從上上京抗章論衛士縱牧躪民田不便由是行營無敢犯者在西曹嘗議江西行省戰功至相震怒殊不爲動廷論壯之在臬曹主四方獄持法平允以是稱其能嘗語人曰先祖贊養一邑尚不希世苟合今位暹顯何敢鹵莽在儀曹數年練習典故禋祀科舉設施注措如指諸掌歐陽元贊曰由義真賢者也作王氏世德記

王楫字濟川家朝邑之秦邨經儒門習法律吏於開城興元二路選陝西理問所令史累遷朝列大夫秦州知州踰年乞休以中議大夫同知奉元路總管府致仕翰林編修太子文學曲江張冲志稱天曆兵興關陝大荒協同汪司徒均布國澤期盡拯

救之方差潼關勸富人運米而西以佐濟卹灌州洞蠻耗邊費
議招安邊徼寧謐及知秦州民罹饑饉荒政又最它郡卒葬秦
邨

郭均字叔平至政辛卯由儒職轉儒林郎尹郿旣去民爲立石
頌德稱郭儒林遺愛其政重民務督課農桑開學延師教養子
弟有害政蠹民與不率教者悉伏法一時訟簡盜息鄉村樂與
爲善引甘谷水溉田千餘畝常平倉粟至四千餘斛興元金鳳
盜起爲之申嚴關隘每遇運糴軍儲則分籌均派吏人不敢高
下其手前後輸粟四萬餘石而民不稱偏焉郿縣志常視遠贊
曰國步倥偬而施爲若此可謂良吏矣

明高翔朝邑人有文學矜名節洪武中以明經爲御史諸所論
奏無不關國家機事當上心者建文時尤戮力戎事激發忠義

靖難後上召翔翔喪服入見大哭語又不遜遂族翔沒其產諸
給高氏產者皆加稅曰令世世罵翔也親戚悉戍邊又發掘先
塋雜牛馬骨焚灰揚之而以其地爲漏澤園

程濟本姓成蔡家堡人以明經爲四川岳池教諭距邑數千里
往來於里而岳池學事不廢建文初上書言某年月日西北兵
起廷謂非所宜言繫至京將誅濟召入仰而大呼曰陛下且囚
臣至期無兵臣死未晚也遂下獄已而兵果起赦濟以爲翰林
編修充爲軍師護諸將北行徐州之捷諸將樹碑叙戰功及統
軍姓氏濟一夜潛往祭碑人莫測其故後文皇過徐見碑大怒
趣左右椎碑一再擊遽曰止按碑族誅無一得脫者惟濟姓名
以椎脫得免曩之祭蓋蘇也初濟與邑人高翔竝以明經徵
翔厲名節濟好奇術翔止濟勿爲濟不聽已而有兵事濟又勸

翔學其術翔曰我願爲忠臣也金川門破翔召濟死事濟曰願爲智士翔竟死之建文急召濟入門計濟曰天數已定惟可出亡免難耳建文如言濟從之每遇險幾不能脫賴濟力得免從行數十年後又隨如南京人尚識濟後莫知所終其子廉善鎗文皇嘗稱成國公鎗法後知有廉召與成國校併於殿庭廉進退敏妙成國弗能當也土心賞其能命爲錦衣衛千戶子孫至今猶有存者

馬仲昌爲大理寺左寺丞中曲里

楊景學爲金谿縣丞布政恭父

楊恭西莊里初爲給事中歷刑科都給事革除間文廟靖難師起朝議命曹國公統師問罪恭疏言宜先遣使講和不宜輒行征討忤旨黜爲蒙自縣幕文廟卽位檢閱封事諸言進兵者皆

罪之唯恭主和議甚喜問恭何在得至命除爲布政使部難之以爲他省無缺獨缺在陝西恭不得往上曰朱買臣不爲會稽邪恭奚不可遂給勅令馳傳往恭徒步之官廉得賊吏多所貶退居九年以廉貞終於左使蓉塘集云永樂二年以刑科都給事楊恭爲陝西布政使次日陞辭蓋文獻足徵矣

王良健兒村人以十七年貢入太學二十四年刑部問事明年以勤能授山東部試主事又明年欽署本部郎中事主事三十年陞都察院右僉都御史授中順大夫月支俸二十四石爲事三十一年謫刑部郎中戶部尚書郁新薦其行能陞刑部右侍郎授嘉議大夫月支俸三十五石建文元年正月准咨奉旨文武官員在京的一品至七品都與誥命八品九品都與符契欽此祖父與父獲有贈封此國初文移故存其舊

周道受春里授洪洞訓導陞助教擢御史山西按察司僉事道中式時驛歸將渡渭一老嫗從後呼曰君騎卒妾子也妾孀居無倚恃此子而生且念當渡渭故追視之耳道惻然舍騎徒步歸人稱長者道後爲御史征雲南口總兵餽珍寶幾千金峻卻之義不受憲僉時有惠政卒於官舍喪出衆庶遮道哭奠是可
以知道矣

蕭斌喜慶里舉第二人乙丑進士正統歷吏科都給事中通政司通政斌爲人正直管易州柴廠保定志稱其廉謹自守初斌以嬰孺患痘疹死家人飲以小樽投之河榜人張某者數夢老父追呼救人覺而兒啼樽中白蕭氏至今官棄稷棄冰上生豈虛乎哉按故志斌宅心公恕事不避難門無私謁

靳能沙底里馬邑縣教諭山陰縣知縣教馬邑時有門者某少

俊而貧能憐之借諸子男同席研書時其衣食後又攜至縣舍遇之恩禮益有加已而舉進士爲陝西叅議爲豎楔綽下鄉躬自存問是時能已卽世延其醜坐上坐叅議匍匐下拜擁扶至不得答拜後爲中丞意孜孜厚恤不厭君子曰能之施信厚矣而叅議下拜使不答蓋長厚者哉近世未有也

劉讓親賢里成化丙戌進士任戶部主事夔州府知府讓有氣槩先是爲主事監太倉恥與奄人和同故不相能謫東萊通判後遷永平府同知彊項如故永平志稱其剛斷

楊珪中曲里舉第三人獲鹿知縣太僕寺寺丞在縣以廉謹稱居三載被徵或謂之盍飾儀容中科道選珪局局嘆曰吾非不知羞而不爲也居之自如竟以二毛補太僕丞不列清秩未幾以憂歸當是時逆瑾用事服竟乃不肯起家諸里戚以好語彊

之終不聽已而瑾敗濡足者及於難而珪號知幾清操益著幅巾終身杜門謝客於公門絕無干請至今號爲清楊子孫終窶且貧古語有之曰廉官可爲而不可爲珪有焉

劉偉中曲里人文水知縣徵爲御史兗州府知府文水多豪強前令往往債事偉至部使者封其杖二具諭曰以此禁切梗化者偉藏不用獨以誠心直道爲理居久之衆庶傾心向化境內馴治於是偉嘆曰孰謂文水悍乎政恐人不肯作好官耳爲御史持法平允出知兗州未幾卒於官偉爲人忠厚老成且至孝御史時銜命清戎河南行部至宜陽報母病疾未及上疏兼程過歸得母子一訣居喪廬墓三年至今言孝必稱劉氏世傳偉落第與第者同舍有拜其第者乏人供茶偉代爲之人笑曰若不第爲第者役乎偉曰若不第又不肯爲人役乎衆服其雅量

王學謨曰偉好奕適遇而翁來色不懌偉終身不奕此孝之一事也余道晉陽馮憲使爲余言劉公仙去或作爲傳吾友王傳著論闢焉蓋曰劉公正人也神之者誣之耳共以爲然王沓字汝器孚祐里宏治庚戌進士授戶部主事出掌錢穀於古北口觀潮河川難守乃上禦戎策敬皇不果行旣而請理京衛牧馬草場畜牧事宜當是時房山豪民侵牧地沓檄涿州守按驗守不敢問謝去沓自按之且急豪民有與援沓不顧曰法如是也爲員外會詔求直言疏列五十餘事尋爲郎中督儲遼東又條奏邊儲戰陳方略過山海關憲臣以誘殺勦邊士罪沓又疏言實非誘殺急行功賞以厲士心巡歷諸倉輒疏便宜七事會口入塞又請選將添兵并薦其可任者數人兵部銜之論謫阿迷州同知南人馴服署蒙自縣歲侵不請先發以貸飢者

擢守和州辯察抑導水利和民戀之爲立生祠後爲蘇州府同知以直道迂時遂免歸

張磬字中和樂豐里東鹿訓導舊志稱磬尚書甚精長老爲余言磬茂才時督學伍公福有風鑑謂磬雖得舉三十年寒官耳後磬歷訓導萬泉教諭遼東都司教授左遷如其云前輩長厚信義委命不以智才求也

張珣防于里聊城知縣大名府同知以清謹著名先爲通判吏部舉天下廉有司二十人珣與焉

梁文盛沙底里延津知縣莒州知州延津志稱其識見精明才幹克濟修學宮事舉而民不怨戊寅歲余會延津李叅政戴於左輔言文盛修學宮堅固六十年不壞嗣者易灰以土亡何滬漏然後知前人之懷永圖也

朝邑志卷四

馬驥懷恩里甲辰進士汶上知縣山東通志稱名宦中廉可正人不敢干以私有所可爲不避當道竟以此去官人至今寃之於平當道者安在廉明方正驥之名不朽矣

雷爵防于里清苑知縣邳州知州大名府同知先是爵兩任一十八年廉謹自持俸稍外無分毫取後遷同知爲親行服已而禮竟謁選於吏部大學士楊文襄公雅重爵訝之曰若非知清苑守邳州者邪我爲外臺出清苑者三邳州者再歷歷聞子修名今老矣大名善地今以付子爲優游桑榆地爵出而嘆曰大名養濟院邪我七十年孀居嫠婦更再醮邪至大名貞廉如初行部蕭然匹馬果蔬自給卽館穀亦不肯受時林縣馬郡守謂韓恭簡公曰自雷先生貳郡我雖一言不敢輕發數年得嚴師矣其見重如此

蕭鵬字萬里江田里新寧知縣瀘州知州四川通志云鵬知新寧刑清訟簡多著愛民之政

周瑄沙底里道之姪永平府推官順德府通判恭簡公稱其世濟清白或介直道宜惠瑄謹篤

韓邦靖字汝慶紹宗第三子生而靈異號爲奇童五歲讀文王至德篇掩卷若有思者父問之對曰卽如是武王非矣父大奇之八歲通舉子業十四舉於鄉二十一舉正德戊辰進士拜工部虞衡司主事奉部檄監十庫與奄人抗禮奄人絀服已遷員外郎都水司郎中是時詔求直言邦靖乃上疏曰夫民者樂安而思治惡危而厭亂向背之際甚可畏也臣竊見陛下自卽位以來朝政不修經筵罔御盤遊無節狎近羣儉摧折骨鯁之臣閉塞諫諍之路百度乖違庶事叢脞府庫空竭閭閻流散盜賊

災異薦至迭興危亂之形已成社稷之憂將大頃者乾清官災陛下下詔求直言在位羣臣疏論剴切時政缺失指陳略盡天下之人皆以爲天心仁愛啟佑聖衷必將延攬聽納革旣往之愆圖維新之化潤澤生民永昌社稷在此一舉不意陛下徒事虛文不修實政凡諸過舉仍遵往轍臣工章疏罔有施行而部官黃體行乃又以言罷去天下人心莫不囂然沮喪以爲陛下遭此大異因循恬安尚復如此是陛下無悔悟之期天下無治安之日渙散支離不可收結書曰民可近不可下下尚不可而况使之離哉夫親離者家散民離者國搖故漢儒有土崩之言先哲有搏沙之喻臣每念及此實懷隱憂伏望陛下以社稷爲念於以收旣散之人心迓將來之福澤疏上天子震怒下錦衣衛獄給事中李君鐸率衆論救乃得奪官爲民辛巳秋世廟卽

位起爲山西左叅議分守大同革奸平獄權豪斂跡是時天子修定策功封爵太濫而高山陽和諸衛軍士奉例開墾草場數千餘頃皆爲豪家占種乃前後上疏論列又皆不報未幾大同歲饑人相食又奏議請發內帑賑濟不許爲之慙然泣下復抗疏論列又不報復疏乞歸疏報未下卽行西歸之日軍民遮留號泣不忍舍去抵家乃損食不豫呼苑洛子曰吾其逝矣十九日必大雷雨其日果大雷雨尋卒時年三十四先是正德時上早朝御階有匿名帖言瑾罪惡瑾矯旨命各官跪奉天門下是日天暑酷烈又無片雲僵者數人邦奇體素羸至午氣微昏眩呼曰死矣安得少水活我衛士剖瓜飲水邦靖匍匐攫取食兄兄得甦同跪者以失儀爲懼邦靖曰救兄獲罪所不辭也樊叅議爲立孝弟碑

韓邦奇字汝節紹宗次子學有本源學者稱苑洛先生治尚書時卽著蔡傳發明禹貢詳略宏治甲子乃以書舉第二人會試不第歸著律呂直解見志正德戊辰成進士授吏部考功司主事陞考功司員外郎明年辛未考察都御史私袖小帙竊視邦奇曰考覈公事有公籍在何以私帙爲乃掣其帙封時不檢都御史爲遜謝同曹郎皆縮項失色尋調文選司太宰托意爲官擇人欲發視缺封邦奇執不可曰發則有私諸曹咸依阿邦奇執愈厲卒不更太宰銜之未幾京師地震上疏極論時政闕失謫平陽府通判決滯獄倡理學號一時卓異甲戌陞浙江按察司僉事所蒞疏寃雪枉抑強扶弱除貪獎廉節財愛民而不畏權要不憚險難尤人所不及它時浙無巡撫統攝故賦役獨稱煩費邦奇理其事弛張裁割身當怨勞釐爲四科事從節縮法

嚴徵敬公不費供私不厲民歲省以百萬計抵今遵承命曰韓公科條焉逆廝錢寧託寵義子以鈔三萬錠符浙省易銀當事者歛餽如其數邦奇檄知縣吉棠散其歛卒不餽宸濠將舉逆先命內豎假以飯僧聚千人於杭州天竺寺邦奇過寺見之立爲散遣濠又以儀賓託名進貢假道衢州邦奇召儀賓而詰之曰進貢自當沿江而下奚自假道歸語爾主韓僉事在此不可誑也後三年濠果通謀鎮守欲襲浙江賴前事發姦不竟逞邦奇謂鎮守爲浙之蠹不少假借鎮守怨之奏邦奇擅革進貢誹謗朝廷逮赴詔獄詔奪爲民旣歸謝客講學四方學士負笈從遊者日衆乃著周易集說以覺來學辛巳世廟詔起爲山東布政司叅議尋乞休甲申復用言官薦起山西左叅議是年大同巡撫都御史張文錦偕亂遇害官守竄匿紀綱蕩廢邦奇欲入

大同城去二舍許逆者使二人露刃迎且宣言城不可入是夜故燒叅將宅以懾之邦奇單車入城時諸司無官邦奇獨任其事約法二條以戢暴亂曰大夫出疆安利所在專之可也幾兩月鎮城雖稍安人不自堅因事屢變邦奇率以誠信感格不至成亂十一月上遣戶部侍郎胡公瓚提兵問罪疏其姓曰罪人得獲卽日班師鎮人聞之大譟復謀殘虐邦奇迂侍郎於天城以處分事宜馳白都御史諸軍聞言出於公信之始解兵翌日傳首軍門邦奇謂侍郎曰首惡旣獲宜速給賞使城人畏威懷德亂可彌寧侍郎不聽復生他變假使當時卽任以巡撫宣布恩威可無再舉顧使不終而代惜矣乙酉竟致其事而歸戊子起爲四川提學副使尋改右春坊右庶子兼翰林院修撰經筵啟沃關繫重大其秋主順天鄉試命題斥當時權力柄事不悅

言者承風旨謫南京太僕寺丞己丑再疏而歸尋陞山東按察司副使大理寺左少卿以左僉都御史巡撫宣府至鎮謂戰馬倉糧皆邊務之首卽平市估以易馬出紅腐以足軍咸爲感悅時大同再變王師出討百凡軍需倚辨宣府悉力經理有備無乏乙未入佐院事與掌院尚書王公廷相同寅協恭臺綱振肅尋改巡撫山西於是旌循良黜貪暴定徭役平賦斂節驛傳禁和買憲度肅然旣而巡歷邊塞增飭戰守之具拓老營堡城垣募軍常守以代分番而邊屹然可恃戊戌四疏乞休乃復致仕甲辰復用薦起總理河道陞刑部右侍郎改吏部右侍郎太宰周公用喜得佐理翕然委重丁未陞南京都察院右都御史復進南京兵部尚書參贊機務旣司留筦振修百廢封植基本議保靈長五上乞身勉畱皆溫語卒遂初服益修舊業倡導來學

居八年乙卯會地震卽世豈非地紀絕而哲人萎邪有識者於是乎有蒼生之憾焉訃聞贈少保賜諭祭諡恭簡云

牛斗字應宿蔡家堡人甲戌進士以親垂白乞終養已除工部主事嘉靖初徙兵部武選司郎中世宗詔革先朝冒濫軍功傳陞帶俸武職無慮千數亡何冒濫者賄於當軸乃於詔書中開賁緣之路被汰者醵金數萬遍賂柄事兵書力爲之地獨難於斗懷金千兩無門可入兵書欲斗爲委曲難言之而令司務廳喻意斗執不從兵書不得已召斗於火房爲好言誘之曰此當國者意也吾與若爲之奈何斗曰朝廷初詔號稱聖明未幾輒欲反汗其何以示天下兵書曰彼柄政者欲之子但奉行何患無奚遷斗曰壞國紀而博好官某不爲也兵書頽而斥之曰若老鄭也豈遠方郡守出張掖門邇回而泣者有矣斗曰老先

生戀戀富貴一旦失位不免飲泣若某素寒儒也罷官守窮願
甘心何哭之爲兵書愈怒幾欲撲之而不得因移病不視事兵
書令他代署先汰革者復職如故斗以此無何出知萊州與貴
勢不合致其事而歸

程範字君儀縣丞珏子豪邁不羣初任開封府通判有袁倉官
者餽餘金一盒嘗範怒而叱去頃之以艱歸復除大名府賈祝
被殺道傍其事莫測範悉號召其附近居民集於北張舖而微
伺其偶語果一人惶怖將以遁去範執之鉤鉅發其先後盜狀
擒治黨與人稱神明府舊治故天雄鎮元時圯於河鞠爲茂草
範以暇時督率民兵樵蘇陶磚不煩公帑而四門堅完屹爲河
朔保障河決杜勝奉檄董治相視水勢自白屋皮口築堤七十
餘里水患遂息鄉人爲立遺愛碑以勗直不容於時歸里公論

惜焉子惜

王朝雍字仲和郎中邕次子性至孝父以言事繫獄雍遍謁諸
貴人叩頭求解滕至青腫初受嚴州府推官多所平反作理刑
銘嘉靖改元應詔言事勸上勤學禮下節用恤民及革文臣子
孫冒濫軍功者行縣不受餽遺自爲市菜和粥人謂之王青菜
居五年陞澤州知州澤富饒庫人以羨金嘗之立置於法又榜
示條約罷不便民者數事郡中憚服青羊山盜起檄朝雍紀功
隨征剿已而軍敗陷賊中賊以仁德不忍加害諭以威信賊因
送出卒得賊所據要害及相扇之情白當道曰伺險進兵兩省
齊發使賊腹背受敵乃可逞也賊平如朝雍策始在賊中郡人
共詣神祈禱比回日香煙四十里沿祠祭報其得人如此已進
懷慶府同知澤人爲立去思碑更三郡操守益嚴監濟瀆神池

之貨不隨俗竊取自潤巡撫徐公讚疏其賢陞南京戶部員外郎郎中山西按察司僉事卒於官

雷子質字伯華安仁里少時穎慧能詩矢口而成與韓公邦靖竝稱奇童年十四應試監臨者奇其才謂拾芥一第會有飛語不果及庚午舉於鄉辛巳登進士授潛山知縣未及之官卒京邸世傳子質故諸生李九疇後身始九疇與諸生周盤同時歲比相爲伯仲而盤差優九疇忌而侮之爲盤所傷而死子質父雷冬者曰晝假寐前廳夢九疇直入臥內呼之不應已覺而子質生知爲疇也比卒時冬又夢疇長揖而去訝之亡何訃至子質果不祿矣先是冬輸粟五百石賑飢有司格之不爲關白不得入監子質射策甲科稱元善之報云

樊得仁字恕夫孚祐里河津知縣徵爲御史四川布政司叅議

巡關時以功有文綺白金之賜褒曰忠勞可嘉初得仁闖武太平寨會有口警激周叅將力戰具俄而果獲首口以故兩人竝褒焉

王朝塗字仲冕邑第三子丁丑進士初授三河知縣有權璫張銳坐東廠先是知縣青衣小帽謁銳私第跪而獻贄塗獨不往會銳以禮來冠服及門又不肯屈銳滋不悅邑富民假銳勢影射差役貧者代辦塗清出之且按其罪以故銳大怒屬意當事欲罷塗官適銳有私人從旁解之曰縣君廉銳怒稍釋得調鹿邑鹿邑健訟塗爲文告諭民多感化沈邱盜起所在蹂躪塗繕城塹張疑兵爲備甚具寇至城下三日百計攻取而塗極力捍禦寇退而疾不可爲矣病中遷宿州知州卒

王三省字誠甫朝雍長子癸未進士初授大名知縣以才收長

垣人有謀其弟產者自殺妻子厚誣弟婦假手於所私倉皇告變三省迎謂曰此爾自殺何與它人遂窮治其舉一縣盡驚在事五年以治行異等徵爲吏部主事會其父朝雍守澤州陷賊巢中給假往省之旣已以伉直爲當事所銜左授戶曹監兌浙江劾把總劉某不畏城社已遷郎中彰德府知府善馭宗室事事不因循滋弊亦不更張立異務在便民法加於豪強惠施乎惇養聲稱益著以憂歸復除保定當孔道不能趨時逢迎改潞安尋以疾乞歸築太樸園讀書其中比蓋棺有書數千卷而已始病時自作傳論比於行已有恥蓋篤論哉子傳以詩鳴

楊時禮字大節望仙里高密知縣調文水縣余舉於鄉會諸長老而時禮號長者謙言不宜於文水狀余曰公而自謂是乃所以爲長者也余道文水知其以長厚稱矣

劉元登字仲升讓曾孫新都知縣起榮河縣唐文襄督學時閱卷得元登驚訝曰此大魁也賞嘆不置與吾道竝梓其文其年得舉然竟不第

王朝弼字季良邕第六子初授直隸井陘知縣口寇山西樂平逼近井陘填撫欲朝弼飛報意在邀功朝弼不聽卒得賊敗承清廠衛同事者日至羅織疑似民不聊生不樂於官力陳休致兩任不滿一載風節著焉

張源澄字靜夫文水知縣解州知州文水劇邑而解又逼鄉里難其理澄一意執法不肯少貶以徇因自號曰一可解人呼爲一可張

嚴天祥字叔善望仙里舉第六人甲辰進士除降縣知縣旣三年徵去一錢不著於身去之日父老遮道攀留者以千數天祥

持法不假借常約束吏胥竟徵去兢兢不敢縱以此百姓戀之
已酉選爲四川道監察御史居三月病卒

程珏字兩玉長春里爲諸生有名以貢爲富順縣丞下車捕胡
遐逋稅千石及諸不法事縣人服又捕治巨盜虎刺寶賂以千
金不色動戴氏子苟有合殺三人金多而獄久不成訊而決
抵厥辜蓋其公廉正直故不可干以私後以母氏憂遠不復出
稱高尚焉其子範有父風

蔚能字惟善受春里人以吏員宣德元年授光祿寺典簿陞寺
丞正統十四年隨駕北征舉總督左掖軍務景泰初以功陞本
寺卿賜錦衣金帶以旌其忠天順初進禮部右侍郎歷事五朝
廉能謹慎後以忤旨調南京光祿寺卿三原溫公純廳署芳規
曰公視寺事三十年不持一禁嚮遺私邸也其尤爲人所稱者

既偕同官疏請嚴內供器皿詔下禁獄私謂同官曰上怒叵測
能老矣當獨任之母累諸君也已而獨受責降調南京未嘗有
後言卒賜諭祭

樊資字文首北石村人成化中以掾吏任榮縣典史歲饑出俸
作粥勸設賑濟羣盜嘯起督繕城池仍單騎往諭之羣盜以平
去後民爲立碑宏正間榮士大夫宦遊秦者多登堂拜謁有泣
下者

韓紹宗字裕後號蓮峯南陽洪人成化丙辰進士授刑部主事
陞郎中轉福建按察副使在刑部執法正直不可干以私有樊
舉人者壽寧侯客也因以出入諸勳戚間代爲奏狀多所排誣
怨家發其事下刑部紹宗知樊匿壽寧侯所抗法出之下於獄
一日晨出門見地土一卷文字取視則備責樊罪狀謂當死罪

紹宗笑曰此其所自爲也一訊而服同官驚問樊何乃自爲此對曰韓公非可動搖以勢所生則必死今言死者左計也紹宗曰我豈若是汝罪不至死耳杖而釋之又囚有亂義男婦者當以死冢宰三原王公恕疑其太重對曰義男犯其主與子同科則亂義男婦者奈何弗死也冢宰以是益重之時直省有大獄選曹司奉命出鞠多推紹宗初往真定再赴大同皆以平允聞宏治初疏論時政多見俞允在福建執法明恕部民久而思之四子長邦彥次苑洛先生邦奇次五泉先生邦靖季邦翊邦彥字汝哲正德丁卯舉人官至鄭州知州苑洛五泉詳前志邦翊太學生固始縣丞

翟吾道字宗儒平羅人嘉靖乙酉舉人爲崞縣令崞故貧脊健訟而逋賦抵任數月治理整肅俗不擾而輸賦最奉檄監放犒

軍銀二指揮欲有所高下以爲利吾道憫然曰邊人蒙矢石暴霜露甚苦而吾輩顧因以自潤如天理何乃爲班次而給之軍人皆悅半丑上計改博平稍遷大名府通判攝滑縣有衛輝盜劫官帑誣連滑大姓巡撫令叅議行滑執之一縣皆驚吾道抗言證其無辜不肯遣叅議愧屈大姓得免其剛毅有執類如此王傳字爾習三省子嘉靖庚子舉人爲高邑令以不能阿時免歸傳生而好學工於詩初至京代人作謝櫻桃詩爲時宰所賞免官後益肆力風雅卓然自成一家之音河濱洛苑詩酒徜徉年八十二乃卒所著有西溟集

王夔文美子爲鄖陽照磨以請封無例卽棄去曰子不榮親奚以官爲里人稱善士焉

王學古字子獲號渭汀高城人與從弟學謨同中壬子舉人至

壬戌成進士爲壽春知縣調廣宗以治行第一擢判順天府尋遷刑部員外郎告歸養母歿服闋補原官見罪人海泣下多爭獄於上官及調戶郎乃謂人幸脫此怵心簿書矣遷郎中清苦自砥疏辨空頭勅餽賜忤中官出知漢陽府地衝疲繁供億又多盜乃纂簡明圖說謀於監司檄丈田均賦役盜且息革館驛中火親行部驗之去官輕裝就道著有甄覆集

王學謨字子揚號河汀學古從弟嘉靖癸丑進士知大谷縣擢南京戶部主事歷陞河南按察司僉事兵備潁州遷雲南布政司叅議未行改山西按察司副使兵備岢嵐隆慶元年坐邊事逮繫謫戍萬曆元年赦還十年以言者薦詔還原官二十二年起山東巡視海防徙曹濮遷左叅政分守山西河東告歸十餘年卒年八十一爲人端雅敢任事大谷地富而俗悍前令多爲所

辱及學謨至持己廉潔明於摘發威令大行俗爲一變他縣訟不決者皆願移質大谷各得其情遠近稱神觀察江北益振風紀務自省約擒治巨盜百餘人破散其黨察屬吏貪殘者悉按治之內有六安知州係巡按御史所親御史囑爲縱釋執不從御史怒伺其過終無所得治兵岢嵐嚴禁冒功殺降於河壘築邊牆二處受金帛之賜明年順天巡撫缺世宗語大臣王學謨實心幹事可用也爲忌者所阻不果用乃益築老營堡及賈陀乃河二堡自太原之西南牧道約二十老營乃河爲大由老營出關河口從大同賈陀乃河二堡漸於朔州嘉靖初大同殘擾棄兩堡俺答遂依乃河之阻往來寇邊於是老營勢迫而全晉皆驚矣其出人三岔五寨興岢離石皆由此四十二年巡撫萬恭奏修兩堡已報可會恭憂去各官難其事學謨乃力任之廣

設方略嚴守望築三堡以二十七日而畢興復數十年棄地父老有泣下者明年俺答將以十萬衆入寇學謨知三關兵不足恃建議請隔鎮兵爲犄角上郡於永石青龍渡孤山於興臨二縣渡縱三關兵不肯直前而二鎮張疑兵敵以我兵從天而下此一奇也督撫遲疑不聽及俺答至三關兵果無一人前者學謨坐困偏頭關嬰城孤守俺答遂陷石州殺知州王亮雷壁二十餘日而去諸將覘知乃稍稍出掩獲奸細海明及他老弱以爲功學謨獨揚言致於朝曰偏老孤懸非有寧武雁門重關之險曲突徙薪旣不見信於前握兵督將又不相援於後兵司一秀才能抗十萬之師乎於是同事者各以黨援營救有亡爲功罪而學謨乃坐不固守謫焉起廢後年幾七十清操彌厲蒲州去家數十里州守致供帳珍器於里居峻卻之去日不以土產自累用此稱譽籍甚然終以不能俯仰乞歸同時達人金甌稱其振救窮人力除貪墨乃愛功名畏中傷者所不肯爲官箴有玷懼人議其後者所不敢爲也時以爲篤論家居每昌言閭閻利害讀書操觚至老不倦所著有被褐子等集朝邑志八卷尤具有史法

段朝宗字公見一字華河魯坡村人登嘉靖乙未進士授中書舍人已拜兵科給事遷禮科巡視京營條奏防秋八事多見施行值籍沒大學士嚴嵩衆少其報贓金銀欲改駁朝宗執不可曰此穢物也非朝廷正賦官吏豈無浸沒今爲駁還浸沒者卒不可出而波累平人貽害不細衆善其言而止時薊鎮總督多奸利事科部無人發者朝宗獨抗疏論之部臣多不悅又疏京營士馬不得假借市恩同官多干請皆格不行以故怨者益衆

有蜚語聞遂出知永平府尋改徽州府婺源盜方張議以盜固齊民可理論也曉以禍福皆相顧悔悟會宣言大兵將集盜應時解散作諭數十條力行教化訟者至庭導其悔悟風俗遂變又治魚梁壩以興水利設關老竹嶺平治疊嶺皆便民民歌樂其事郡故有二賢祠祀金城彭澤岐山王繼禮遂以朝宗參之名三賢祠忌者劾其好名左遷山東鹽運司然徽人思之卒以並祀後數十年邑人李河濱楷嘗至齊雲山猶相傳段太守詩愛慕不衰云

雷士楨字國柱新市鎮人少穎悟有風節六歲時從學於禮苑洛先生韓邦奇與言古人成敗事相往復容城楊繼盛故師邦奇及以諫謫狄道尉過謁久語士楨從旁竊視聽意甚壯羨既去誦言曰客真丈夫哉作人不當如是耶邦奇益奇之謂門人

張明傳兒他日當以諫顯正慮過激吾老不及見子後以我意語之年十七爲諸生父世濟爲署官張銘暴杖死士楨與母亟訟卒不得直啼泣嘔血幾死母解諭使專意問學語詳賢媛於是自字雪菴年三十登萬歷甲戌進士會銘久以他故暴死遂更字慕菴初授太常博士太常亡舊籍每祭乃倉卒問樂舞生士楨以爲天子禮樂不可若是簡也搜討故實作太常考八卷後遵用焉又當修九陵祭器九陵宦者故冒水衡錢而出二百餘年積廢器以困部使士楨見牲匣有九扣宦者曰太常供一物陵殿用一器此陵三少牢耳牲匣餘六將安用之宦者辭服遂簿定祭器所省不貲時張居正方盛喜史侍王篆縉紳爭趨附篆欲親士楨使人道意終不往六年以母憂去十年拜浙江道監察御史方三日卽疏論潛晟晟居正同鄉以宗伯罷居家故

嘗爲司禮馮保師居正病亟其黨謀以辰易制詐爲江陵疏薦
自代馮保援於內遂徵晟已赴命至臨安朝臣大懼而士槓疏
論之疏入馮保持數日不下流言且杖士槓廷臣咸爲之危中
書楊東明焚香祝天願卒佑善人而天子時已卹居正竟罷不
召晟頃之巡中城宦戚皆相戒勿觸禁已復巡漕往漕舟每先
斯至運弁多覓京貴人書求薦獨一無所徇薦乃先無書者又
御史薦吏例有謝金或專受武以爲無損清名亦一切拒絕是
時立州縣考成法吏坐侵欺贓賂累者常數十家民大受害乃
條議上之欲革其弊當國者不能用年四十以疾乞歸聚書萬
卷日事校讎四方多就學者性孝友中年益篤衣食皆先奉兄
兄有所督過唯唯聽謝素儉約巡漕時經費比前使者不及半
每謂子弟惟儉則窮可以無求達可以助廉然好施與嘗貸麥

富室比至門持袋告急者已分十二三卒年四十五家至貧無
以營葬焉子壯爲諸生

雷大道字行卿別號義齋居西關萬歷癸酉舉人知廣靈縣縣
故邊衝又屬大褻極意拊綏捐俸以賑墾荒千餘頃稍遷通判
兗州府署府事核糧儲卻常例數千金旋署嶧縣縣素凋敝前
令被逮不能去大道至月餘清諸紛拏前令得釋以母老不能
迎養遂告歸年則五十天性孝友田廬推美者與兄及兄子自
取薄惡僅足蔽風雨供饋粥女兄弗贍迎養五十餘年敬愛如
一日居鄉與物無競好施與倡修金龍寺浮圖尤爲一邑形勝
其卒也王公之冢志其墓所以推尊之者甚至名臣之言信而
可徵矣

鄭如魯字唯一陽昌村人年十六爲諸生父廷璋客死河南裏

糧步險負骸而歸萬歷癸酉舉於鄉教諭平遙歲荒盡捐廩米以賑丙戌成進士知曲周縣縣故健訟以德意感諭卽訊者多遣散之稍遷同知東昌府攝清源廉其巨猾剔治如法州故車車算賦地易爲緇築主者堅以故事請嚴禁絕之不使內外有所關通加封識以待來者聲望大起會病乞歸不及而卒張徵音字祚康號綠野白塚人萬歷丙子舉人知山西口口縣調河南孟縣作堤以障黃河時稱張公堤又調寶豐政務優閒感時裨政作勞觀抵掌等書徵音知略輻輳有當世才限於資格不得竟其志在山右時城守禦盜用鉦鼓柝鈴四物辨方向後遵用之又著論謂地寡者各於其地如地網法半高半下以備水潦不惟田得利且可設險其它設施多類此高才跌宕誰浪笑傲皆成文章邑人至今能道之

王嗣美字實之傳季子萬歷庚辰進士除太原推官以明允稱擢南戶科發南關主考沈某關節疏論侃直又條時政缺失忤當國者意調山西河東道宗人暴橫殺人有司莫敢問嗣美按發如律藩府歛戢擢江右糧儲叅政徵發押運索耗之弊剔杜一清調補荆南提督太和山羽流數千人皆有奧援凌辱長吏莫可誰何列狀上聞摘其渠魁正法輿論快焉以病乞歸薦起再補河東緣舊治益加拊循遷山東驛傳值事急兼攝兵道繕城治器操練軍士又條攻守要務矢自効用不報遂以病乞歸陞山東按察司予告著雜集十二種

王暉如字允淳學謨弟學讓子萬歷壬午舉人授鄖陽同知值歲凶爲分地立限以賑商南有鬻子輸餒者以俸金抵之再補永平攝灤州邵常例金監司問羨金對曰出納等耳安取羨金

特建橫渠祠以倡正學稅璫勢方張請脫其私人之麗於法者不聽卒論如律摧知貴陽府經理蠻部方略輻輳制府郭子章當世名臣每咨訪焉議建貴定縣增置守備創恤隱局以慰羈旅申報帑餘數千兩聲望大起又以剿苗功子章薦擬貴寧道副使未報以憂去起補兩浙鹽使奏最爲天下第一會大計屬吏有修卻者譖於上官擬將左遷遂告歸不起事繼母雷至孝雷見節孝

雷元善字汝仁士楨族弟少貧牧羊年十八始事讀書鈍不能成誦家人將廢之自請題爲文破承如旨遂卒業萬歷丙戌成進士知仁壽縣縣叢盜多豪幾不可治又給事上官掾吏以千數執符下縣則揖讓令前索良馬責苛禮小不如意輒蜚語中傷令不得不屈元善至卽控強剔蠹疾惡如讐不少假借一歲

朝邑志卷四

三

之間威稜四著盜息民安各吏皆伏不敢動然陰搆之上官卒得罪去年三十五終於家

王家允字錫吾學古子萬歷乙酉舉人性慷慨有爲太原別駕復自代州遷守安樂州州爲遼左咽喉廷議在和邊而諸將輒邀功啟釁乃作籌邊遺議不果行遷永平郡丞凡軍民不相得者爲區理之歿王事者厚恤其家待遠人以忠信不欺後致仕歸

李用中字詢堯一字俞所寺后社人萬歷乙丑進士三仕爲令皆有名蹟而內江上蔡尤號難治用中砥礪廉隅調劑寬猛甚得物情徵入爲武選郎奉勅清黃蘆奸弁諸譎弊殆盡有財勢者俱斂手無敢撼時論壯之歷八載出爲河南叅議過里卒於家

李朴字季白街子里人性忠鯁敢言萬歷辛丑進士觀政吏部聞母病請假不俟報而行謫判高唐州起府推官歷彰德太原擢戶部主事管通州倉時朝士各立朋黨臺諫尤好相攻許神宗春秋高不復視朝大臣郎署欲空朴不勝憤上人望幾空疏不報是時天下正賦多缺朴以爲缺賦由民貧民貧由稅瑞爲害又東廠司李俊播虐鎖拿曹縣主簿甄志義拷求數千金朴先後上書極論皆不省朴每一疏出人爭傳誦前論人望一空羣小悚懼而朝廷曾無可否由是科道益無所忌後爲郎中復指名劾之疏奏滿朝傾動科道四十餘人交章辨攻朴復數疏力辨語侵閣臣葉向高奉旨李朴出位妄言着部院看來說怨者改爲議處咸欲死之值慈聖太后喪建言例在赦列遂得不死歸方朴奏上時神宗名以瘋狗光宗在東宮每袖其疏及卽

朝邑志卷四

詞

位進太僕少卿起用光宗崩而朴亦以是年卒也著書有調刁集雪亭集數卷祀於學宮晉中丞擲其主於地然終不能革也孫育才 國朝康熙甲子舉人

王之采字蓋甫又字心一楊昌村人剛毅有大節萬歷辛丑進士除知無極縣無極舊協鄰驛後因道經業增設五馬而協者如故之采力請罷之歲省三千餘金沿河兩岸鑿千餘井灌田又教植樹桑爲鄉約六十餘所歷祿九十餘學以宏教化調上谷慶雲陞大理左評事刑部主事首發挺擊事挺擊者萬曆三十四年五月旬四日酉時有身于張差持棗木挺闖入慈慶官

擊傷者三人至殿前詹下韓本用等縛付東華門指揮朱雄

等奉旨嚴訊其詞甚重元其詩教等以爲瘋顛之采值提牢

訓得其情實遂上疏論者譁於朝神宗不怡

率太子面諭百官立誅差及龐劉二瑞寢其事雖寢而由是陰得罪官闈踰年竟削籍還家熹宗立以薦起原官請復三儻曰用藥通外挺擊言尤切至悉置不問屢陞刑部侍郎魏忠賢擅政與同志連疏論之而三案之禍及矣楊維垣承忠賢旨言其貪功冒進幾危國本奪誥命又言其先詐鄭國泰銀二萬追贓擬戍劉志選言戍未盡辜逮捕詔獄方欲置辨銅手披落二頤立斃獄中崇禎改元逆璫既誅詔褒其忠乃復刑部侍郎子建斗以廕授戶部主事

張綸音字作欽少貧僑居關門或不舉火二親歿啜泣讀書成名始歸萬歷辛丑進士除知隆昌縣改大名教授知邵陽縣歷南戶部郎中知漢陽府湖廣按察司副使在官懲奸蠹詭訟以威稜著而持己廉在漢陽時漢口賦無定數乃立限額不多取

朝覲例資千金禁除之緝巨盜百餘人境內肅然

井東星字聚五號奕垣南畱社人萬歷甲午舉人累知嵐林及延津在嵐勸輸有法在林得士心至延甦驛困人尤德之爲謠曰廩延驛餓馬石夫木官吏饒有銷石有碎木頑恒受氣蓋狀其苦也擢濟南通判陞永平同知

翟事心字鑑寰平羅村人貧時授經於高陽言動以禮萬歷丁酉舉於鄉知保昌縣嶺徼故淳事心於民撫教篤至土民甚愛慕建祠祀之調判東昌府署濮州歸讀書教人無公門之謁八十六乃卒爲官以作人爲先於保昌得廖侍御攀龍於濮得葉掌院廷秀廖國朝初巡茶入關先詣師門令人掖而拜之距在任四十餘年矣所著有抱甕集十卷

李聯芳字同春南畱社人萬歷丁未進士知洧川縣時巨盜二

紅四紅橫行郡邑聯芳督民兵設計擒渠魁破散其黨調真
御吏嚴明積猾見面皆五色無主自奉至廉食雜麥豆屑湯餅
而已遷戶部主事權臨清稅會大旱舟阻困商抗疏謂商亦民
也寧虧在官毋虧在商尋陞員外郎以內察歸後入賀光宗卽
位卒於京祀真定名宦

王惟精字環中一字中池新市鎮人未遇時族有與人鬪而自
縊者鬪者賄惟精不受後以萬歷癸卯舉人由教諭陞知肥城
縣會山左盜起捍城有方略諸當事以爲能量移知應州州地
險而民困不以事擾百姓爲肥家計生平多藝畫尤佳

李繼芳字蘭畹聯芳季弟萬歷癸卯舉人知三河縣縣近京貴
戚中涓率侵奪民田吏多魁黠徵輸增益民大困手爲盤算濫
派毫忽悉清除減糧幾三千金請著爲令天旱禱於神有龍蜿

蜒見蜥蜴形以石自擊之應手霆震大雨霑足人呼爲時雨令
後家居自署堂聯人無公是枉裁減浮糧二千八百兩我有至
娛且受用美酒三萬六千場其感慨如此長兄時芳萬曆己卯
舉人仕至知州亦有政聲

王于陞字啟宸別字文石嗣美從子少有神童名萬歷丁未進
士以二甲授戶部主事權稅崇文門嚴御羣瑞寬商旅卒溢額
數千金分毫不以人已超陞郎中督餉薊州州人思其德祀入
名宦歷官尙嵐兵備道流寇掠代城親率兵戰敗之獲其渠魁
特陞布政使予告歸以詩自娛作漫園自稱漫公著有漫公集
改革後閉戶不出日長偃卧夜起讀書死之日遺命以衣冠棺
斂不受帛不樹碑速葬於墓邑人李河濱偕稱其修幹方頤望
之肅穆言必韶令詩好陸放翁其人其文風雅可慕達不玷名

窮不慚節者也

徐宏基字恢先太陽社人萬歷己酉舉人太原教諭陞岢嵐縣令岢嵐故巖邑又在蓮妖之後累囚甚夥宏基辨析開釋後爲杭州同知入武闈有以利營者峻却之卒於官

成珍字鎮寰後改名瑛成家莊人家貧雅自持拾金還主活兩命萬歷癸丑進士知鉅野縣愛民如子民不忍訟歲饑賑粥躬親調度邑無死亡頃之調武強時呂公維祺以司理至縣民男女老幼數萬人求保畱瑛哭聲震野呂爲涕泗及在武強遷官將還士庶涕泣爭送貧無以歸至剡所服帶後屢遷戶部郎中上疏多見嘉納時以多事命各官輸馬瑛傾俸幾不足購京師戒嚴分守東門月餘給餉獨豐軍士德之聞於內神宗稱歎遷知夔州府清直益著芻吏皆兢兢法度值生辰士民製錦幃稱

壽球金爲字瑛畧遠視以爲銷金書者久之始覺立命剔還秩滿歸家讀書教子弟不以親故干邑宰邑大利病則力爭之亦無有不從里書詭寄飛酒多嫁役貧弱不避勞怨爲清釐著籍用之數十年邑東接蒲以河西徙蒲人強侵田格鬪不已多死者上書當事云土地人民政事茲謂三寶朝之灘地晉實吞之朝之赤子晉實殺之土地之謂何人民之謂何膜視紛爭不爲振救政事之謂何後乃得旨各撫按會立界河東潼關互指制亦親往調劑蒲朝咸服爭遂息少有志操老彌貞方嚴峭直人皆敬而畏之卒日貧如洗至無以給喪歿後四十餘年鉅野人追思不置崇祀名宦流寇之亂邑紳多受其禍以珍爲賢下令敗入成氏村一隊皆斬此與司空圖馬文升相類弟珩崇禎癸酉舉人孫藻 國朝康熙壬子拔貢

趙勉字兢喻號還白泊村人有孝行萬歷壬子舉人授新蔡令
新蔡風號疲敝兼多嵒力農者希勉躬詣阡陌指授錢鏹無
減家督民始樂業剔奸蠹雪冤獄卻羨金人服其廉明焉
王孫綬字紫侯學謨孫萬歷壬子舉人會試語使宦官抑高榜
教諭聞喜正身帥士寬巖有體萬鹽使徵主秦晉豫三省館教
化大行歸里營葬哀毀卒

王祚字克纘王彥莊人天啟丁卯舉於鄉知慶雲縣崇禎癸未
春大兵入境祚誓衆曰封疆事重我輩等死耳寧死城中勿死
城外也率把總李傑等相持十餘日圍解督撫以聞命未下以
憂去逆闖入關迫餉以祚廉免之逼授華州知州逃避不受入
關朝至康熙庚戌卒於家邑人士多有詩哀之李河濱楷云
誰將累卵作干城追憶當年淚眼橫武定傳聞號烈鬼慶雲僅

得守書生山河搖蕩分今古日月遷流變大明叨竊逸民爲野
史欲操彤管意難平徐貢士鸞云南來戎馬滿長干海氣昏埃
但一寒聖主河山憑大造孤臣性命寄微官一牆以外死非所
數步之中血未殘往事閒論悲壯烈於今往事論尤難

王鑰字翼肩子陞從子崇禎辛未進士歷汶上東阿令皆有惠
政謫河東臬司幕失之歸隱作園局戶讀書江寒滌暑不釋卷
李楷字叔則晚號岸翁學者稱河濱先生聯芳子少聰敏好古
文學讀書朝萊山殊自刻苦異人馬顛仙謂當以文章名世弱
冠舉天啟甲子鄉試構卷五齋以五經分授從學者屢上春官
不第築通帝樓高十丈許命書估日送圖籍手自評隲已而避
寇白門與馬元御王雪樵韓聖秋稱關中四子抗疏論秦事不
畢行入國朝知寶應縣縣頃刻附淮益困力請仍歸揚省解

草米水脚及減院米草折合萬一千金有奇暇則行遊名勝川
詠遍邑中求詩若字者無貴賤皆厭其意然竟以傲視中讒謝
去流寓廣陵幾二十載構堂名霧與李大虛著二李珏書文名
川傾海內與金幣以乞者日踵於門久之歸里值兩臺修陝西
通省志延至會城臺司皆郊迎執賓主禮抗揖上坐縱飲揮毫
遊覽城南每有一作當事爭付梓復應梁茶使緝延至關隴間
病歸運左腕詩更敏妙六十八而卒其制義古文詩歌當代名
宿錢牧齋陳百史張爾公吳自尾施愚山文太青輩交口引重
書法宛平王敬哉稱爲一代神手畫事雲間蕭尺木自讓爲不
及亦旁及二氏之學故自號棗栢居士又曰西嶽褐道人所著
文集如千種合爲河濱全書一百卷子益瓚建皆能文世其家
學

王在宥字引恬暉如長子歲貢生事祖母及二親以孝聞友愛
兩弟三十年督家政無私蓄隨父任經孤竹部下有餽以金者
力拒之其子丕振居官清白亦能世其家

上官宏基字孕昌上官村人崇禎癸酉舉於鄉入國朝應教
授陞營山知縣縣故號繁盛一切供給取辦里民帷帳口一易
宏基悉斥罷政尚寬簡吏胥束手相繼辭去亦聽之不相制畧
曹蕭然及卒於官民如失父母爲建祠會祀蜀道險遠貧無以
歸爭輸金助裝迺肩靈輜直踰棧道其遺愛在民如此

雷于霖字午天自號栢林子崇禎癸酉舉人幼貧性至孝親歿
幾不勝喪壯好古文學爲文奇挺研理聲譽翕集時流寇猖獗
倡衆築秦安堡全活多人入國朝順治丙戌土人縱暴入城
知縣宋大儒逃去于霖謂眾曰此名舉義皆不義者也天厚其

毒懼禍吾曹曷蚤自貳焉因以兵法部勒堡人擁官入城城中
嚮應遂滅賊邑人德之然卒歸功大儒所著有孝經神授篇西
銘續生篇太極圖說栢林集別世言復自爲傳以傲醉吟先生
河南湯潛庵斌 本朝大儒兵備潼關時造廬商略理學驩如
宿好表其門曰學宗濂洛邑人李河濱楷稱其文以贖勝曰讀
栢林集使我意氣怒生又使我肅然泣下且使我嗒然喪我也
其感世也摘奸如巨斧之析薪誅惡如燎火之焚枯揚孝闡節
如燭龍之炳暗別世言洞死生齊得喪冥毀譽多人所不敢言
則膽包宇宙矣真文壇之子龍也子衍恩邑諸生有孝行杜門
讀書詩文亦得家法

王鉞字巖甫別號松園新市鎮人明崇禎己卯舉人入 國朝
除知吳橋縣有仁慈聲以不適時宜歸日以著述講學爲事學

者翁然宗之稱爲松園先生就正者往復不倦所著有論孟正
義錄性理三解松園集墨堂集及歿遺令作宦數年非余所好
歛惟時服而已

中官李本長春里正統時爲御用監太監賜蟒玉歷事四朝年
八十乞身遣中使送歸私第卒賜諭祭故志稱本事其兄政最
恭謹張福寺後里選充內侍掌司設監被蟒衣寵榮王新孚佑
里給事御馬監孝皇時駕前馬驚逸人莫敢前新控勒就上
壯之陞少監賜蟒玉後與壽寧侯廷爭事拳毆壽寧謫南京火
者卒葬南京

趙天秩 仲禮 汧村人牛而靈異性端方行不左右顧未嘗妄
與人立談五經子史 過目輒不忘周易尚書兩經能爲舉子
業尤精易占六歲時父世榮遺其兄天叙就師仲禮亦欲往世

榮不許廼不食世榮道之每誦讀雖暑夜世榮將農獲而燈猶未熄每奪其燈令寢焉年十五從韓苑洛先生遊驚以爲神童先生每語諸生古人建功立業多在少年如孫策沒時纔二十七他日再言之仲禮曰所遭之不同也使天秩當其際豈肯令孫權保有江東哉先生嘆曰此武侯志也年二十爲諸生尋卒時明嘉靖癸卯歲也天叙亦以奇童並名先卒初母馬備人數夢兩紫龍飛入室卽飛出二子生而皆大此其徵也苑洛先生誌其墓爲之銘曰余嘗觀關中形勝西自崑崙發脉落於三輔長河自西北而南華嶽諸山自西而東會於潼關水口纔丈餘耳關鎖之密結構之巧天下莫並也京兆扶風漢唐來名賢相望而朝邑爲氣止之地顧少聞焉意謂必有建功立德之賢待時特起及見吾仲禮謂文武之器將相之業在是矣乃又少折

豈渭洛二水界破天心耶且三水皆崩走不常故氣之聚也則賢才生其散也則隨之而歿如吾五泉大夫靈陂雷子往往皆然可恨哉吁嗟乎紫龍飛兮何日歸兮吾無淚可輝兮

劉愛字仁夫受業韓恭簡之門爲諸生博學能詩造門從學者屣履常滿雷侍御士楨幼以父執事之嘗欲和人百首詞甫就其一有柴門日月閒句愛見而作色曰汝薄孫敬耶天壤閒載籍甚繁義理無窮惜陰競辰猶恐不逮何可作如是語士楨卽削其藁下惟發憤其成就人類如此頃之隱去居聖山寺十餘年歸老洛濱布衣草食時或弗給而陶然自樂年九十餘乃終張恢綱字時憲樂豐里舉人馨元孫少爲諸生亡何棄去一意稽古肆力羣籍尤究心理數之學謂邵蔡諸子皆有偏駁於是窮搜互証著參兩數一書爲類八一曰分易分疇二曰易三曰

疇四曰律呂五日六甲六口口口七日皇極經世八曰規天條地凡若干卷闡前聖未發之蘊正先儒襲舛之失人服其精深生平甘貧礪志不苟交遊有古大儒風

張可賢字鳳臺韓恭簡外孫古朴不飾容儀閉戶讀書年八十猶於庭中自設一榻濡毫吟詠不輟詩文皆不苟而表韓公墓文鋪叙詳贍識者以爲苑洛功臣

郭肯獲字穉仲陽昌村人純朴一如不辨權衡讀書無所不窺時推博雅崇禎己卯舉於鄉明運旣終遂隱居不出雷栢林于霖稱其對世也若木若訥迨世道頻革人皆龍矯已獨鴻冥豈學古無獲者能之乎弟肯堂棄諸生偕隱逆闖入關中強徵肯獲欲用之肯獲亡去繫肯堂獄脇致其兄肯堂終不屈卒得兄弟全節時稱爲二難云

王報春字育萬高城人舉順治乙酉鄉試教諭徐溝遷永年令有循聲告歸後祀名宦祠其宦蹟詳載永年誌中

郭嶷然字因之一字青岑泊村人舉順治乙酉鄉試教諭交城遷知閩清縣會鄉試同考府推官屬其私人以千金執不可推官怒伺其過不得乃調補清江瀕海多盜逼城下守禦有方親登堦諭以信義卽時引退民與鄰邑持刃爭界諭以蒲朝禍敗其事遂息以憂歸再補昭化有女子爲盜主交通半天下前令皆先往致敬乃得相安至是吏以故事白嶷然執不肯亡何女子來謁偉岸桀黠不可御嶷然怒猝捕下獄募民有訟者旣盈案卽斃之獄而臺司大吏各爲關說已無及其黨震散卒亦無他其餘殘民寥寥御之如家人教以耕織爲製其器地產金有類狗頭者民得之爭以獻卻曰嗜此者真狗頭也解官後囊無一物云

劉壘字爾符別號三峯故現人順治丁亥進士除知烏程縣縣故繁劇號難治剔釐奸弊警服豪強漕糧立倒厥法他縣多倣之擒治大湖巨盜親搏戰水上獲渠魁白花蛇沈三卽斃之獄不令得關通上官復爲縱釋殺黨羽二百餘人羣盜震懼不敢止五百里內廉幹名傾兩浙長興歸安同時缺令民爭求壘署其縣事闕於府治前歸安民奪肩輿去乃定以憂去久之用錢糧磨勘復至縣縣民競供薪米八年竟謫四川按察司照磨署通江簡州皆有惠政在湖時監司有修御者適被論或以其罪款呈卽焚之曰無爲許事也著有鏹山集若干卷壘文學幹操志不在小而假蹇仕途其詩尤多感慨陶豁涵濡自達所詣古

文辭置之歐曾集中巧眼不能辨也

王鏐字翼冶號紫沙于陞從子順治丙戌舉人蚤有孝名爲陽信令以幹操著有兄妹訟園產者妹執父遺囑而兄務賄賂累官不決鏐至以理直之產歸於妹公論大快解官後貧不自給詩名紫沙集亦有家法

張表字右納倉西人爲諸生就兄策廬州同知署時熊雪堂令合肥奇其文爲梓傳之崇禎丙子舉於鄉入國朝順治己丑成進士館選歷編修以父老乞歸省不已謫判鄭州再補邛州歸卒

張好奇字知天綸音子順治壬辰進士知鞏縣歷陞刑部主事員外戶部郎中康熙壬子典福建鄉試遷河南提學僉事初鞏黃灘水口地因民暫耕遂起稅額然時輒沒入河稅不得脫好

奇請每三年一丈以地有無爲存豁鞏人德之尤慎刑獄以爲動關人命死生立簿自計功過元日告天焚之在刑部時完縣人蘇四投旗下而舉家皆見役四父告其事力爭數四堂不能奪竟免其家蘇四亦聽贖歸其餘全活甚多鄉居不爲岸異好施與蓋長者也

王錮字萬生順治戊戌進士除武昌府推官妖民范東陽結白蓮社煽惑民人諭以朝廷威福身家利害卽時泣拜解散事載武昌祠碑御史顧豹文獎薦以爲長才潔守非虛美也竟以清節拂衣歸與從父兄鐵杜門倡疇而已

張柘字讓伯表族子順治乙未進士除知巴縣陞戶部主事年四十三卒於家爲人質直剛果少不羈通籍後執贄王復齋先空門下毅然要做天下第一流人事爲巴縣力變舊政行取赴

京清貧不自給著有質言二卷皆言政事設施及聖賢修身省心之要非雕繡爲工者也

張召南字仲文新莊人順治辛丑進士知安福縣縣西鄉連山阻遠民刁抗不供賦役召南單騎往諭以大義咸感泣輸賦爲各郡最康熙甲寅耿逆叛安福積爲賊徑僞將兵萬餘將臨召南赴省求兵未至而城陷復赴總督請兵恢復因欲以滿兵駐安福檄催糧料甚急力陳其不可乃止是年秋召南在省賊復陷城明年春吉安亦陷賊以七百人據縣召南請兵恢復主兵者不暇及召南知賊可破馳至境內招集鄉勇令健僕率以攻賊遙爲聲援於外賊乃逾山而遁遂復安福入城招撫僞官五十七員難民萬餘人令耆老勸諭開墾給牛種墾田凡二千頃陞中書舍人未任卒初鄉民感召南招諭恩亂時結砦自保迎其家屬供給之故城屢陷而不懼其難

王在直字信之皞如季子少孤事母孝內外無閒言長而好義閭鼎李天井等負欠者數十家悉其券焚之訓導河州新生翟揆輩饋修儀憐其貧不受歸家課子孫壽八十七終

劉峒字星柱號筠石壘長子幼有不慧名稍長嗜學幾忘寢食肆力古文學康熙戊午舉於鄉數上春官不第辛未壬申閒歲頻饑累日不火食猶讀書不輟至困仆啖藜藜糠覈餅得不死時當事諱災峒力請報聞簡牘頻煩切至及朝命大臣勘賑又呈朝災狀乃得與他邑同賑已除鄜州學正移教授榆林衛補寧夏以疾不就著有大小正義等書數十卷弟嶠已卯舉人亦有名

王鵬程字搏九報春子少穎敏十四歲補弟子員精制義試輒

第一從問業者多以成名康熙己卯舉鄉試第一質朴不爲崖異鄉隣信愛之不及仕而卒著有華河集

王建常字仲復之棠從子少爲諸生後棄去銳意聖學閉戶讀書不交世人貧嘗不舉火而泰然自得至老披閱無虛日著述甚多務發明程朱以斥陸王之失其所著皆手書細字端楷一筆不苟性方嚴造次以禮華陰王宏撰稱爲泰山巖巖晚年造詣純粹有光風霽月之度戶曹張枏通籍後始拜其門自言不遇先生幾枉一生吳縣顧炎武博雅冠天下至關中數以疑義相質學使許公孫荃造廬候請題名真隱其初至持金幣爲壽旣晤語移時逡巡不敢出明日改命使者餽葛棉數種猶不受使者陳主命以死請不得已受之許前賦詩相問受而不酬後復以詩來請和終不屈意其執持多此類也年八十五自爲

誌曰渭野王仲子名建常字仲復復齋其別號也少治舉子業及壯丁國變掛冠杜門讀濂洛關閩書發憤爲聖賢之學然氣昏質弱雖矻矻五十六年而迄無所成臨終書此以誌其墓系以銘曰存心養性徒有志於往聖守分安貧幸不辱乎吾身關中俊字遜伯號獨鶴望仙觀人慕馮恭定之學自任力行修舉孝經小學事二親以孝聞少時其祖怒家人請饌不從中俊痛哭三日祖怒解乃止居親喪以禮不爲浮屠事入國朝去諸生隱居所著有巢居野人集鶴陰鳴和集將終子誠明請遺言曰我之學本於孝汝之孝學於我汝能孝是我爲有子矣尚何言哉口占斷句云衣冠還太古身體亦歸全七十八年內一心常泰然弟中偉亦棄諸生不試

王康字公黼號悔齋泰安堡人少穎慧父商於南物水濱徒跣

千里求屍不得號泣歸途抱恨終天絕意仕進會以諸生長揖
貴者見忤因自裂其冠衿曰吾縱入官終當折腰白衣自適若
古人者何嫌乎遂隱居不出性嗜山水工繪畫頗得右丞家法
雷栢林李河濱皆重之家貧每乘興潑墨自給如唐子畏所云
不使人閒作孽錢者詩亦多警句與人觴詠終日未嘗一語及
城市事風節不愧通隱

張五經字翊書歲貢生望仙觀人經明行修淡於仕進年四十
謝舉子業閉戶窮經著有《大易彙解》口不絕吟手不停披士林
宗之膺鄉飲五次孫發祖辛丑進士官禮部主事亦有名

郭治字完我康熙辛卯舉人任雲南寶寧縣知縣居官多惠政
善察人私隱民多不敢爲奸性豪邁遇事敢爲京城舊有朝邑
會館爲要人所佔人咸憚之不能爭治獨力身任申之法司俾

得仍歸趙璧至今邑紳赴禮闈暨候補謁選者羣頌其德不衰
麻居湄字交叔柳村人雍正癸卯進士試用偃師縣知縣寔授
陽武署鄭州兼攝上北河同知歷所任勤勞河工寬催科慎刑
獄捐修文廟城池設義學捐賑飢民數千人又捐給牛種凡墾
報數百頃以病歸居家孝友壬子歲歉出金散給鄉鄰親族貧
乏者 錄府志

張嶙字景山號覺菴歲貢生望仙觀人峭直磊落喜排難解紛
恥爲柔佞之行研究四子書至老不倦教二子發祖懷祖俱成
名入仕籍性嚴峻家法整肅家人未敢有犯者好濟困扶危鄉
人受其庇者至今戴德不衰

張發祖字孝舒號西濱望仙觀人康熙辛丑進士官禮部主事
性恬退自少嗜學勵志聖賢言動必循禮法無所苟且爲人一

主於敬平生無所著述惟以身體力行爲主常曰得尺行尺得寸行寸乃爲實學儀容斂抑退然若不勝衣而剛毅有守有確乎不拔之節居官九載清操卓立艱苦之狀寒士有所不堪而處之恬然林下三十年閉門課讀不爲衣食計家屢困飽穀常以給親舊之貧者身雖浣衣濯冠晏如也其內重外輕類如此蘇石麟字瑞生號景坡泰安堡人丁未進士福建詔安縣知縣在任十六年告養歸以疾卒居官廉潔不名一錢勸農課士循循如家人父子閩人有良牧來何暮清風海內傳之句

上官汝恢字端伯號果齋歲貢生有孝行以義服人里無爭訟常推田畝以之貧不能葬者善教誨成人材丁巳進士趙蒲受業其門其子德輿雍正壬子冠於鄉雍正五年保舉賢良方正辭不就邑令楊臚賜顏其門曰理學名儒

趙蒲字廷璧號毅齋丁巳進士四川儀隴縣令到任時值金川用兵籌運芻糧夫馬事不累民刻日畢舉凱旋後乃重修文廟日與士子講學文教振興爲治一以薛文清公從政名言爲法宰儀十五年循聲大著監司方擬卓薦而告歸意決束裝瀕發士民攀轅追餞者夾道抵家首建宗祠修族譜節俸所餘以周貧乏助族人之無力喪嫁者常云財不可私諸已古人有積金與子孫子孫未必能守之語信哉常刻王浚齋小學句讀大學直解太極圖解諸書其教子孫必述祖宗忠厚積德及勸業之艱對生徒雖盛暑衣冠必肅並所刻浚齋諸書示之曰此作聖之基也以故從學者成名甚多年七十六而卒一子學厚亦以文學世其家

安養哲字旣明號保亭西王里安家莊人性孝友英敏嗜古文

學雍正癸卯舉於鄉任廣西隆安縣令隆邑襟江負山地素瘠薄苗疆舊地俗甚狡險哲至任革陋規懲奸剔弊禮士勸農隆民德之五月早稻入籽亢陽不雨相其地勢平坂者開渠引江水灌溉稻田數百頃至今隆民稱利焉上憲嘉其能屢試盤錯隣邑宣化縣豪衿王嵩霸民山田六十畝有奇積案數十年哲奉憲委一訊得實復親臨勘驗王嵩懼罪以重賄求免哲正色拒之終以實情定案果化州土知州趙應龍將州地典於宣化縣里民復換契霸種宣民上控果化州趙先以人參金器等物饋送哲不受後藩憲以果化州伯佔民田事發審始知前所饋正爲此也讞成上憲喜曰人言安令明允信然隆有官田數區租入向爲邑令養廉哲盡給學官爲生徒膏火粵西學使羅公以道義文章爲忘形交謂學問操守雙清邵陽秦映林渭南王栗公交口稱其學問純粹書翰有晉人風後調任懷遠縣以丁外艱歸

劉昱字汝正號覺菴故現村人烏程縣知縣璽之曾孫己酉經魁登丁巳明通榜選授府谷縣教諭遷平涼府教授十年請告歸初任府谷訓課有方文風丕變科第蟬聯紳士感戴至今猶有不遠數千里而來訊者在平涼每奉委查賑無濫無遺小民均沾實惠平生博極羣書究心經濟自經史子集以及易象卜筮無所不通尤精岐黃家言爲文章喜醇正所作古文辭多不存稿頗以詩酒自娛在籍十餘載卒未嘗一入城市跡其爲人蓋廉靜端方不愧清白家風云邑人雷聲遠振

張毓璜字曠年號炎南雍正己酉拔貢任山東觀城縣令勤民事雖迥寒酷暑不以勞瘁稍弛遇有關民生大計者必力爲陳

請興利除弊邑故僻小而貧其爲人恂幅無華不事梯榮故不克展其所長後竟以疾卒於官

趙淵字子靜號龍溪西平羅村人乾隆丙辰舉於鄉任江西瀘溪縣令甫下車適逢歲歉因偏災格於例不得上請出已資二千金稍紓民困每屆春耕則携羊酒出郊以勞瀘人繪勸農圖焉旣調南城瀘人挽留不得遮道焚香者不絕其治南也緩催科絕苞苴慈惠清廉口碑載道卒於官白衣冠而送者數千人上官德輿字敬甫號虛齋上官村人雍正壬子解元乾隆壬戌進士居家孝友父母棄世兄弟之間怡怡如也歷任浙江建德永嘉縣令居官六載廉介自持乾隆九年建德山水暴發舟行市中沒民田數千頃捐捧煮粥賑濟全活甚多永嘉風俗刁弊販賣子女市糶水米貿易潮銀悉力行禁止又創建育嬰堂置田千餘畝撫養無主之嬰兒數百人

張愉字子言歲貢生任同官縣訓導品高行卓學問淹雅與羣季子弟輩友愛殷勤率導不遺餘力且嘉惠後學惟恐弗及同庠生薛建周臨沒泣以幼子封相托慨然允諾恩勤教訓不啻已子封遂早擅文名愉平日自奉儉朴心存惠愛捐粟賑荒輸金助役不一而足邑令先後至者皆稔知高誼一再舉鄉飲大賓

上官希憲字仲章上官村人乾隆癸酉舉人任江西餘干縣令潔已奉公愛民如子民居常遭回祿叩頭默禱烈焰頓熄古良吏返風滅火不是過矣在任未久竟以疾卒人咸惜之

胡國定字君正永防莊人附貢生任直隸山海關通判陞滄州知州州號繁劇非才具優敏者鮮克勝任國定精明廉幹案無

留贖無不稱神爲人尤仗義疎財足式慳吝子麟亦行誼
王廷輔字公左號雲溪歲貢生任甘肅古浪縣訓導咸寧莊太
史承箋爲之傳曰余適古浪見其都人士相與語曰安得學師
如朝邑王夫子哉諮其所以僉曰王夫子始涖學宮召諸生立
齋下諭之曰學者德行爲本文藝爲末倘名節有虧卽學富才
充亦不見其不朽未幾稟生嚴進朝受土司官杖責附生張問
士蒙捕廳拘訊王夫子奮然曰土司捕廳辱生員置教官於何
地隨攜篆稟府尹而二官遭大譴呵仍嚴飭通學謂士不自愛
以致辱身改名朝與士其前鑒也自是古浪人士知恥自好者
多矣貢生楊承諭將以軍需事控縣尹于制臺夫子卽面數非
罪曰撓阻軍令豈學校中所出楊弗聽卒控之及罹於法然後
悔自是古浪人士奉公守法者多矣古浪地僻山深讀書人鮮

少夫子謀於縣尹汪君濤捐俸募金詳請創立書院又以其膏
火束修入正項交代俾勿壞自是古浪人士敦師講學者多矣
王夫子視學五年其振刷培植類如此居家事繼母張孺人至
孝待異母弟甚厚性廉靜一介不苟廣訓生徒著四書集註釋
疑精書法並善畫山水是文與行固兼而有之余至其鄉聞其
鄉評曰不質不文不驕不諂行其庭見陝撫陳諱宏謀手書匾
額曰言坊行表嗚呼王公爲人之始末於此見矣王公諱廷輔
字公左雲溪其別號

徐朝錦字萬龍兩女鎮人歲貢生官甘肅靖遠縣訓導訓士嚴
立規條仿胡安定經義治事之法口與士子講貫嘗葬母族趙
氏之無後者七世十一塚人稱其義其生平陶情詩酒不以得
失繫懷雖日不舉火處之泰然不求名人亦無名之者

張懷祖字孝蘊號毅軒望仙觀人乾隆甲子舉人以明通授甘肅河州學正身先率士訓勉有方膺保薦任山西孟縣令撫民如子不事鞭笞狷介有守請托不行三年以病歸閉戶著書不問外事

雷爾杰字漢三號毅齋乾隆庚辰鄉榜第一分發雲南知縣借補騰越州別駕歷署大姚縣霽益州在任如寒時視民如家事勸農課士息盜安民燭奸若炬嫉惡如仇有神明之稱終以亢直不合罷

徐渤字學海號又拙康熙甲午舉人山東栖霞縣知縣栖霞先有邪教株連逮繫累累渤蒞任憫焉爲別其首從定罪力請於上官得未減者甚衆至開徵令民自封投櫃杜侵漁革耗羨絲毫無所染民爲建清廉碑以頌德

王人瑄字璧六西高城村人康熙辛卯副貢任高臺縣教諭方嚴有守其啓迪多士必以器識爲先而才藝爲後經其造就者皆成名儒

徐璉宏治進士由戶部郎中出守江西袁州宸濠變起璉起兵會王守仁於樟樹鎮同臨江戴德孺贛州邢珣等各將精兵破宸濠於黃家渡獲首功遷江西右叅政錄功增秩二等前縣志遺漏未載府志入勇略卷今補入

段嚴字績學有文行以名諸生入成均例授城固縣訓導嚴課士子制藝之外兼及詩賦策論評其優劣而繩削之故遊其門輒蔚然有文采可觀來謁者概不索其贊其尤貧不能從師則招而置之橫舍朝夕與共討論俾有所成就去官日士人爲之立坊以誌感焉

上官有儀字公度雍正丁未進士才識明敏有守有爲任山東齊河縣知縣理滯獄端士風嚴行保甲奸宄無所容御民一以誠信三年縣大治擢授戶部主事綜覈詳慎有能聲

雷應字效生號洪齋康熙丙戌進士博羣書熟練時事任仁化縣知縣爲政寬和平恕粹然儒者風以廉能膺薦擢道出朝邑歸省祖墓以疾卒於家

雷乃元字長公由廩貢任寶雞縣訓導律身嚴整課上以實踐居家恂恂兀篤于友誼

孝友

明

張士榮字仁亨母韓氏苑洛子女也幼以孫育於韓有至性苑洛撫晉陽歸忽感疾坐中堂命士榮召汝祖母語士榮初不知對曰祖入耳祖母固不出也苑洛氣不屬曰我病士榮驚仆地口鼻盡血卽匍匐行告祖母其祖母陡視士榮狀又聞苑洛病狀亦驚仆士榮出視祖入視祖母奔走號呼淚血滿膺食頃苑洛病蘇士榮曰果愈耶抑安我耶聞苑洛呼曰粥來乃大喜旣冠補弟子員仍侍苑洛宦京邸歲丙午祖母病士榮晝夜侍湯藥命歸應秋試不行苑洛怒治裝嚴遣之士榮跪請曰祖母病而欲從事功名可乎因伏地哭苑洛亦泣聽之及病亟士榮割股肉進又嘗糞甜苦以驗瘥否卒不起士榮扶柩抵家登涉三千里暮露宿柩旁旣葬考古禮行義服三年士榮歷覽羣書尤精書易凡律歷度數樂器龜卜方藥之屬悉出苑洛指授年二十有八卒

忽麒孝親廬墓奉旨旌表

王于豐字啓文授光祿署丞與弟上林監丞于鎬親喪廬墓三年朝夕泣奠有雙鶴哀鳴舞於墓前荒年出粟賑濟鄉人肖像祀之又李仁邑諸生廬於墓側時渭水漲溢者四仁運土築護墓得無損又諸生張奠極親歿劉宏禹祖母歿俱廬墓三年趙天好親歿負土築塚廬墓三年有司旌其門

嚴思慎忽以恒雷珍俱友愛嚴教諭略陽盡讓父產於弟後子廷選舉天啓甲子鄉試忽訓導長山親歿後亦讓家財於其弟

所著有限田議等書雷邑諸生初嗣於姑爲白西川後白旣生子送其終乃以其產與白身歸雷亦讓產於弟初珍學於忽以恒以恒因高其義以女妻之子開社郡縣訓導

雷捷父邦命邑諸生萬歷三年攜少男小哲同旋子尚耀自山東歸至鄭州尚耀糾燕豫間賊七人絞殺邦命父子分橐中裝是日大風尚耀還以詭詞誑捷而言其情於家小女絨兒竊聽之一日女與鄰女嬉忽大風絨兒曰我君言殺小哲時便是者風由此事洩捷時年十五乃具訴往來三省歷十有三年竟並得其七賊戮之與二尸還葬捷孫王賓邑生員執親喪期年不茹菜果三年不御酒肉居祠下朝夕哭奠如禮人稱世孝

劉世澤諸生父嵩山西廣靈知縣攝廣昌篆昌邑舊多浮派裔申請捐除爲奸吏李承芳所害櫬歸承芳漏網世澤痛父事未白憤不欲生潛至廣昌歷愬臺司具得承芳罪狀磔於市昌邑人感動建祠祀其父世澤歸時年方十七耳

諸生張疇五貢生王元瀨俱孝事其親歿則廬墓三年不御酒肉又薛國光孝事繼母病則衣不解帶者數月壬申饑捐米助賑縣旌其門

解國泰其祖一秋兄弟自明嘉靖間同居世以孝友稱及國泰從兄子宗仁生孫計已七世猶內外雍睦無間言焉

本朝

雷代述字知化樂豐里人父甲萬母楊氏述甫數齡授小學已曉大意十一歲值歲飢父就食河南卽能負米數十里外以奉母嗣因弟早逝脊令抱痛勤苦益力一蔬一果必親自檢點然後進之父母稍暇輒親課其子早夜無寧時父母每憐其過苦

邑人徐君萬龍述之密友也偶於冬月至其家見積雪擁門啓視則方擁絮於床琅琅誦書不輟餘地皆雪愕然曰兄一寒至此乎因言父母謂我農學兼務太苦若兄館於我家父母必喜徐慨然不辭由是教子有所托而事親亦得左右無違承顏順志終身不衰父母歿哀毀骨立運石營壙負土築墳廬墓三年滋味未嘗入口每食跪奠必哀服闋猶不忍居內於父在時所居易安洞旁築小洞寢食觀書不預外事惟徐君從靖遠司訓歸與共臥榻信誼老而彌篤乾隆八年建坊旌表純孝年八十三卒子三長長綱太學生奉養繼母食必親嘗人稱其孝歿後亦廬墓三年守制一如其父里人欲上聞堅辭次長維爲叔嗣三長緝庚辰舉人孫元春億春俱諸生

張魁爵六歲母亡比長孝事繼母不殊所生其父患癱疾色養

備至日侍左右迨父歿哀痛號泣勺水不進三日廬墓三年盡孝盡禮乾隆五年旌表建坊弟魁祿病治用人糞弟覺不飲爲之先嘗蒲坂鄭某遇兇人命在旦夕往救得免里中有貧乏者負欠莫能償爵竭囊相助毫無德色年八十八而卒

宋斗五歲喪母哀毀骨立弱冠父瞽家貧如洗傭工奉親父老病臥床湯藥親嘗衣不解帶及歿竭力以營喪葬呼號泣血盡禮盡哀乾隆五年旌表建坊

雷凌震王家莊人生而穎悟喜讀易精於卜筮性孝友定省如禮父老多疾身侍湯藥未嘗少離及父歿移柩外室奉遺像設衣冠朝夕哭奠足不出戶者二年旣葬廬於墓所三年不茹葷不入寢時尚未舉子親友有勸歸者輒號泣不已五年未髮長蔽而服將闋母喪繼之廬墓如前比三週禫祭畢卽於是日無

病而逝

陳根林子王謙村人幼而知孝五歲失恃父以貧傭工惟祖是依年十六其祖病奄奄不起飲食俱廢一日忽思食肉嘆曰爾父不在爾又無錢奈何根林潛取剪割其左臂忍痛和羹以進未幾祖病差已亦無恙祖年八十一而終先是根林事里中噴噴稱異越二年村人有党貴孝者母病劇三晝夜呻吟反側貴孝抱之母呼曰兒救我兒救我貴孝益不自安乃自悼曰根林以繼子療祖疾吾年逾五十而視母斃何以生爲於是焚香禱神割股和藥以遺之母竟安眠次日卽愈蓋孝之感人如此根林名養信事在乾隆三十四年貴孝事在其後

靳茂湘王謙村人性孝友遭父喪哀毀骨立旣葬負土築墳廬於墓側逾年哭泣成疾家人謀歸諸室因親隣以告湘泣曰君

子愛人以德公等何辱勸焉卒終其喪邑主事張公稱之曰賦性溫良克敦孝友縉紳之家殆不及也里中高其行欲白之官辭曰以傷心之事而得名將焉用之遂不果舉家居瀕洛乾隆丙子洛水溢室廬盡沒湘不顧其家獨抱親像而逃落坑壑中泥汚其像涕泣數日王謙村故僻陋五十來無入泮者湘子煜弱冠采芹人以爲孝子之報云

陳玉堂邑庠生賦性仁孝事嗣母節婦張氏先意承志盡得歡心念母苦節不忍湮沒遵例請旌表建坊母病甚湯藥親嘗衣帶不解者三月餘追母歿躡悲號數日不食形幾至毀葬後廬於墓側哀土益塚朝夕哭奠者三年其事生父溫清定省亦無間焉里中欲爲之請旌辭再三邑令王嘉其孝贈匾曰孺慕

天成

白鏡年十九隨父往運城販鹽歸逢天沍寒過黃河至中流船重不能行三日夜未得食父年邁不勝凍餒銳袒衣擁父冀死中得生風雪轉急父子俱斃焉及家人至驗尸銳仍抱父未解上官汝恢歲貢生有孝行以義服人里無爭訟嘗推田畝以窆貧不能葬者善教誨成就其子德興壬子冠於鄉

雷篤萬字處厚增廣生幼喪母哀慕成疾事父尤謹友於兩弟修祠叙譜收恤宗族壬申歲祲出穀平糶賤其值好古文善書畫屢爲督學令長所嘉獎

董志恭邑庠生事其父生員玉柱侍疾忘寢居喪極哀六世同居無間言常出粟捐金以周貧乏學優品端鄉隣化之乾隆元年府縣薦舉孝廉撫軍額旌其閭

張愔歲貢生少失怙事祖母及母能孝授甘肅華亭訓導辭不赴爲社學長邑之人庠獲雋成進士者多出其門

趙景淵字涵君保全里人事繼母孟氏二十餘年婉言愉色如一日母素嚴重家人偶有觸忤輒不食淵必跪而請解俟怒息始安撫異母弟友愛有加鄉党咸稱之好讀書至老不倦年八十有四長子光國長孫東曦曾孫鍾俱諸生

郝鳳翎字瑞文辛莊里人孺慕根於天性平居遇事雖至急必於父母前奉事無違而後應親歿廬墓側朝夕泣奠不茹葷者三年府縣俱旌表其門子必千邑諸生恬靜謹默立心積學能承親志於未形親沒亦廬墓三年執親之喪父子如一

楊九容南陽洪人乾隆甲午武舉遭繼母數凌辱幾致之死容順受無怨言曲意侍奉務令悅懌尤爲世俗所難宗族鄉黨咸嘆服焉

開運望仙觀人粗知詩書而性孝其父年踰七十奉養備至夜必同寢晝必同行不少離者十有五年父歿哀毀骨立里人以其人微而忽之故特闡焉

馬常生趙啓村人父早亡母孀居撫之成人及長事母必誠必敬雖細事必稟請而後行母歿盡哀盡禮廬墓三年鄉黨稱之安五桂字聯芳又字蘭生號夔菴世居朝邑西王里父諱濟增廣生母員氏公生而稟資厚重賦性肫誠襁褓母亡乳於姑數年聞父病遽啼泣奔視泊歿哀動旁觀咸謂安氏有子矣竟年疏食巉然骨立時公方九齡耳繼母員早寡無出公色養曲盡得其懽心嘗從師讀書山中距家數十里夜忽心驚不寧欲歸師懼遇虎固止之昧旦而召公者果至師悚然曰山傾鐘應諒哉嚙指心痛也後員寢疾公獨力扶持形容枯癯不令家人更

代迨久奄牀褥回乾拭穢終無懈意自傷早孤其見叔如見父然以叔六旬無嗣力勸其續娶叔猝病暗所需藥物嘗繪像置叔前聽其所擇比卒服衰茹素如父喪以祖塋逼涓每河水發輒趨墓下跪曰不肖五桂所以不忍啓壙者冀河徙耳倘不能支行將敬遷矣早夜焚禱祈迴狂瀾仍伐木垂紼以維圯岸然卒改葬其曾祖伯仲厝地異塋子孫貧富不同享祀豐嗇亦異公念先人式好誼必合食分隆殺非先志也族人因是益睦遇先人忌辰則備物致虔竟日不怕四時薦品奉母與叔外卽進姑姑病革辦葬具爲展墓者三載痛外家乏嗣拜掃尤無虛歲其憫惻流溢類如是康熙壬寅歲飢公適市會將鬻子以償債公傾囊底物代償之其人請爲奴不許止畜於家凶年賴以存活願傭工二十年生子歸門下爲報歲稔伊叔來招之歸次子

當見留公碎券以示曰曷忍汝父子叔姪離析哉更給衣物贖之鄰鄉有爭田者久未決僉謂得公立界則且讓畔自公解紛五十餘年無侵爭蓋直諒足消險巇斯又其大概已公爲人氣度淵懿善容止嚴而能和人故畏而愛之自爲諸生苦志力學試輒前列乃數奇屢困識者恹惜教授里中來不言修售不言勞一時人材蔚起掇青拾紫實繁有徒蓋化導勤而曲成者善也嘗教子孫人必吉凶禍福一一聽諸命而後心不動人必不動心而後天下事可幹立身行道卽是顯揚不然則曾閔之論非歟乾隆元年詔察孝廉邑侯馮以公應公聞之瞿然嫌以子之孝掩母之節再三辭而後寢後郡伯張公延訪軼事復廉得其實曰此純孝也特筆編入府志申題請旌授七品章服

論曰蕪菴先生早以孝行著聞光照鄰封余自弱冠稔其名嗣

因仰止華峰溯游洛岸涓濱間時一披帷親道範見先生終身孺慕之誠以爲心折竊嘆名不虛立士不虛附蓋先生實行孚人是以遠邇合辭譽不容口真堪傳記者矣余愧蘅筆不足揚挖潛光自有秉筆者接踵而起奚取此詹詹者爲顧懿德之好心有同然因略次梗概爲採風者備管蒯云

郭小兒陽昌村人父出外不歸初不知其死所旣廉知在河南某處奔走往尋之卒不得乃號哭數日以刀自披其腹而死嗚呼此愚孝也然其至性不可沒矣

黃潤邑庠生父天眷年老食必甘旨家屢空無所措潤竭力爲之預備以進而已嘗枵餒終身如一日父年八十卒哀痛悲號得疾而亡鄉人無不哀之稱爲孝子

劉朝善寺后社人未讀詩書天性純孝當父母在時溫清定省

極盡生事之禮及父歿年已五十廬墓四載每食必祭越十年母歿亦然營葬皆親執舂鉶故堅實逾常且廉介自持雖赤貧不受賙急之賜嘗負袋以拾字紙其以愚氓而佩服聖教者歟安養矩農夫也父歿廬於墓側三年每飯必祭親友以家無長丁勸令歸家守其父業弗聽邑令莊旌其門今矩年七十有五矣朝夕坐臥墓側四時薦新至性純篤有爲學士大夫所難能者

閔守太學生賦性仁厚事繼母一如所生浣滌嘗藥備盡誠恪及母歿爲嬰兒慕泣不絕聲葬祭尤盡禮鄉黨稱孝焉

李學本姓張幼鬻李氏爲子家赤貧日荷鍾傭工所得錢必市甘旨以養親而自忍飢寒父歿日夜哭不絕聲感動隣里咸助殯殮之費遂得葬性慇直雖極困餓不受嗟來食年近八十寄

跡空門無疾而卒

朝邑志卷六

八

薛宗泗黃都村人例貢生母病禱於神刊施孝經千餘帙母尋愈及後母亡廬墓百日以病昇歸哭泣之聲數歷寒暑嘗遵母命捐輸社倉及賑濟穀共二百餘石又重刻韓恭簡公志樂新編王浚齋太極圖集解四禮慎行錄府縣屢加獎勵督學吳給敦本善俗額以旌之

張崇學新庄人性友愛兄典學頗嗜詩書一切家務崇力任之曰無妨吾兄功後兄病嘔血崇在外聞之倍道馳歸日視飲食親嘗湯藥病稍劇輒憂形於色衣不解帶者數年兄亡痛哭逾分鄉里重之

徐廷懋字與時邑諸生生而孝友家貧力農以供子職餘力學文康熙三十年大荒伯兄攜妻子就食南陽數月而亡訃聞冑

雪崎嘔奔兄喪甫還家其父已沒七日矣哀毀幾絕營葬後教養諸幼慈而有法勤於學殖康熙戊子科主司亟賞其文以微疵見斥士林惜之邑令楊嘗延爲鄉飲上賓

陳效曾邑諸生事親孝謹庭訓無違生母朱疾藥必親嘗衣不解帶者五年事繼母張氏數十年未嘗疾言遽色有病則左右扶持如事生母父歿朝夕哭臨營葬竭盡誠力葬後依繼墓側朔望哭奠不御酒肉三年

陳效固蔡莊村人農家子也有至性父疾病醫云不可爲矣固固哀之醫云試嘗其糞糞甚猶可固嘗之甘醫遂棄去固思人不能治神或可救乃詣城隍廟腰繫大索自縛藻井下以燈然指願以已年益父須臾指裂而殞有救者移時乃蘇後數日其父謂曰疇昔夢有人送馬於予俗云祿馬吾不死矣疾果愈後

六年乃卒卒時謂固曰汝繼母蘇多病幸善視之蘇故有篤疾支離牀褥間固妻偶失調護固卽撻之後蘇病革固乃持紙錢哭於父墓願延母壽因以紙錢自焚途人望見烟燄趨視之則固死矣鼻歸救之復蘇母病亦少差後五年乃卒

楊素芝北石鐵營傭也歸家省母母疾革矣思食肉芝痛其貧乏無以供母聞人言人肉可愈疾乃夜自割其股因昏仆若聞旁有數人云速敷藥速敷藥須臾遂起乃炙肉而進母母果愈嘗憂驚東平羅村人父歿廬墓三年未嘗歸家

高文煥龍池村人性至孝痛已服賈於外父母未盡孝養且暮拜跪木主前四十餘年不輟子孫欲代之則嗚咽不聽家財僅足自給族有急必周荒歲屢出粟賑太守喬旌其門

張四翁相底村人性友愛待二弟如手足焉其妻死子欲爲漆

棺翁怒曰汝二叔死吾皆未能漆棺汝欲獨厚乃母乎家食指數百賈江南者四五人其一子又將往屬曰急令汝六弟歸蓋謂其從子也無何歸者乃其少子翁怒曰吾令汝六兄先歸汝胡來哉其子跪告以故怒始釋翁初爲儒先賢語錄講義皆手錄成數集繼因范文正公良相良醫之說遂學醫手抄醫書百卷療痘疹如神年老矣有迎者雖大寒暑必在子孫以爲言則應曰此非汝曹所知儲諸藥時或自採於山貧者取藥去若忘焉翁本名暈時人以其行皆稱爲張四翁云

白士林士璵兄弟國學生性至孝事繼母雷氏曲意承順士林每遇母病輒不安如已病嘗雪夜數起潛伺幃側聽其聲息妻魏氏亦感而篤於孝雷氏疾數年不愈一日士林他出神思忽奮亂不知所從如聞人語曰汝急歸乃倉皇返室母病果劇人

朝野志卷六

十

以爲純孝所感士璵承顏悅志常學爲兒童戲於母前令母怡笑有老萊戲綵風焉

劉之元南馬村人事繼母王以孝稱王沒欲廬墓而無力三年不會客不食葷不入私室朔望哀號如初歿時

雷大俊字秀生元利子性孝友事父母就養無方以明經應京兆試薦不售謀所以榮其親乃循例授職得封贈其祖父或勸之就銓則曰吾年未及強仕而親老且善病服官之日正長奉親之口苦短何忍舍而去乎事其兄大柱情意周摯鄉人有慕而化之者見人有義舉及關係名節大端必多方獎勸且不惜巨力以成其美錢塘張樞贈雷秀生詩駱馬歌倭遲靡鹽念將文一以身許人溫清曠莫補叅軍抱逸才最怒數賈虎樂志伏衡門娛親教綵舞宦情非本疎至行爭快都爲誦君陳籍悠然

賤昌字

嚴修己字敬淑東馬村人乾隆辛卯舉于鄉有孝行親沒不茹葷不晏客墓距學舍三里許日一往省哭奠如是者三年不懈因自號曰慕廬明其志也

路憲章字繼周阿石村人幼讀書以家貧去而業醫所得悉以奉親自甘淡薄親疾則藥必親嘗衣不解帶憂見於色迨歿附身竭誠力不用浮屠不作樂屏酒去葷客至亦供素饌葬後倚廬墓側朝夕哭三年不懈常有異鳥如鵲色純白每旦啁哳廬簷若哀之者邑令丁嘗表其宅里

義門

本朝

薛務本仁義村人八世男女同居共爨者六十餘口長幼肅序

朝邑志卷六

十一

俱以孝友勤儉爲訓寸絲半粟無私蓄家事條理井然不紊男有各端之業女有易乳之風乾隆三十年旌表建坊

王應佩堤澆村人邑諸生孝友傳家食指八百士農商賈各專一業長幼咸遵禮法毫無閒言自始祖鳳迄今數百載同居蓋十一世云

魯爾良太學生自三世祖濟清至爾良之孫廷魁十世同居門內肅雍庭無間言子弟各受職業不敢私財事無大小皆稟命於爾良

忠節

明

高翔洪武中以明經徵爲監察御史所論奏皆國家機要多被采納建文時尤戮力戎事相與激發忠義初翔與程濟益徵翔

勵名節濟好術數翔止濟勿爲此不聽已而有兵事濟又勸翔學其術翔曰我願爲忠臣也金川門破翔招濟同死濟曰我願爲智士文皇素聞翔名卽位後召之翔持喪服入見大哭語不遜乃命殺之沒產夷族諸給高氏產者皆加稅曰令世世罵翔也親戚悉戍邊又發其先墓雜犬馬骨焚灰揚之而以其地爲漏澤園

程濟以明經爲岳池教諭去家數千里濟夜歸朝邑朝講岳池人咸異之建文初熒惑守心濟上言明年某月某日兵當從西北起帝曰安得此不祥語將誅之濟請囚而觀之明年燕果起兵帝出濟獄中以爲翰林院編修使充軍師護軍小河之戰南軍大捷諸將樹碑露功誇列姓名濟固辭不得夜自覆碑下鐫之及靈壁之戰南軍大敗成祖過軍碑下大怒命鐫滅之遠使止曰錄其姓名來乃如碑按治濟名獨以先鐫脫及金川門破濟自髡從建文君亡屢免之於阨其後建文君出滇濟嘗從行已莫知其所終

薛孟華北鄉貝家莊人在金川軍營由兵丁拔補甘肅涇州營外委把總乾隆三十九年三月內在當噶拉山梁打仗陣亡奉旨給與全葬致祭恤賞銀兩入祀昭忠祠

義行

明

蘇失名以輸粟賑貧秦王聘其女

并遵先王文美并輸粟百石表曰尚義給冠帶王輸粟四百石以賑貧王氏科名之盛基於此又正統間應詔輸粟千石建坊勒旌者寇福五百石官爲立石者李珩劉十九輸粟未表者韓

整王孝廉正德中有雷父者輸粟五百石賑饑有司不爲闕白未旌

薛國光善事繼母性好施與歲饑捐米助賑邑令姚士塾累旌其門

蘇濟舟其先大母母相繼設漿給飲濟舟因捐二百金建廟市良田十五畝爲設漿九遠計丁亥戊子歲大凶道殣相望濟舟募人掩之他義舉多類此邑紳袁徵音爲廟記濟舟孫繼祖崇禎十三年大饑餓孳徧野繼祖施麥二十石施蓆一千五百餘領募人掩藏縣令給匾大司馬賈公聞之旌其閭

邑民朱子仁素貧乏拾劉照銀三十金秦進銀二十金俱慨還本主邑令據詳給匾旌之

靳能馬邑教諭後知山陰在馬邑有門役者少俊而貧能憐之

偕諸子同席研時其衣食又攜至縣舍成就之已而舉進士爲陝西秦議時能死延其妻坐拜之後爲中丞意懃懃厚恤不厭安娃朝紳魏國柱家僮也柱被闖賊拘繫拷餉安娃隨之朝夕痛哭柱被傷娃負送水火摩拊痛處時設運盤費不忍離後隨柱死於紅芝驛

李思經王欲純王穩兒因歲饑不受嗟來食經自縊純服毒穩兒入土穴不出又諸生段廷儲性鯁介仇富貴妻死不再娶歲饑子外出絕粒數日度不能活則之野坐待盡其從子請歸養不從餽之亦不食竟死于潔歸痛父以餓死賣挽車償夙負升合畢投於河衆救之周以粟謝不受縊死郝尚信貧無妻以治棉爲生萬曆十六年大饑恥操瓢閉戶忍死三日人或知之持粥入餉堅不食死

張文英與弟文耀共好施與設義學義塚修橋路拾寒衣及棺
蕭遇荒捐粟賑助義氣著於鄉里

張翔如字翼雲大慶關人貢生任秦州訓導勤講課士孤寒者
資之成學苦節未旌者助之以請後告歸年八十卒自祖父來
每歲冬施皮衣五十領米粥三月濟人翔如繼之加廣子玠玲
又善體父志玠爲邑廩生母早亡事繼母五得其歡心雍正十
三年饑承父命捐穀施濟所居大慶關北街約五百家各分給
數金又辛丑河徙漂蕩古家寨等處復以父命捐數百金照戶
拯救玠邑諸生嗣胞叔監生翻如叔早逝孝事孀母朱氏馴恤
外家撫養母之女所遺孤子女爲之婚嫁以曲慰母意康熙六
十年饑捐麥一百五十石濟鄉里雍正十三年歲歉欲賑苦倉

盧妻朱氏竭囊一百五十兩計鄉大小口分給之乾隆三年河
溢沒沿河棉地糴麥五十石相均濟又捐六十兩修補大慶關
支河木橋十餘丈人德之爲立碑精岐黃術施藥餌得異人訣
咒治跌損如神求治者踵於門祖遺施粥分析後有不能協舉
者玲獨任之其他捐助一切義舉必與兄玠偕力皆本父翔如
世德之厚云

安五桂增廣生襁褓喪母九歲父生員濟亡繼母貞氏鞠育之
及長事母曲盡其孝待人有恩義同鄉程夫貴貸息行賈折本
不得歸寄書與家人訣生傷之代償所質召令賈者還相聚嘗
獨往趙渡鎮見夫妻抱子而泣者問之乃邵陽人劉全生因寄
食豪家被逐轉徙旅店將賣子償食債計年老不能再得子故
慟也生以鬻牲錢如數給之夫婦感泣抱子去又同邑貞生舉

函康熙六十年歲歉在本鎮散穀三百石又捐米十石助煮官
粥子監生君任雍正十年小歉散麥二十石米二十石父子好
義舉常貸貧者不能償則焚其券築室於通衢家廟旁冬施粥
夏施茶捐助邑侯修學銀八十兩監生蘇雙浩康熙六十年歲
歉散麥穀五十餘石雍正二年代納里中貧民逋糧四十餘兩
十一年散麥穀四十餘石里有婚喪不能舉謀生不給者隨爲
助濟不責償生員張爾公康熙三十年大荒散米二十石麥二
十五石六十年又散米三十石有張姓鸞女蘇姓鸞子於爾公
多與之值念其饑也恩養十餘年後父母求歸其子女卽還之
不索值每歲杪度里中窘者酌口資給錢米以爲常膺鄉飲僕
賓爾公叔張惇康熙六十年饑出粟五十石每歲施茶湯有貧
債不能還者卽燬質約教孫姪入庠入監者多人得年八十六
貢生蘇官枕雍正元年散麥三十石十三年散麥五十石錢二
萬五千文用濟貧困不責償每元旦節俗不交易無以謀食有
借貸卽予饋遺貧者或五七斗不等行之久不厭農官衛起隆
少孤業賈起家康熙六十年饑捐米四十石助粥賑雍正十年
散麥三十石爲族荆祠置祭田約同志買義塚地二畝收瘞河
漂暴骨生員閻加祿助修學銀八十兩督工不倦康熙六十年
雍正十年俱捐穀濟貧每冬夏煮粥施茶遇困乏者常爲調給
鄉耆張守義康熙六十年出粟百石以濟人年老失明子生員
文蔚朝夕侍立積二十餘年寒暑不易成父志焚數百金逋券
免積欠佃租貢生蔚作霖康熙六十年出粟數十石助賑有負
債焚契不校善岐黃術活人不受酬義民薛玉珩康熙六十年
出麥四十餘石濟貧雍正五年捐銀百餘兩代鄰村貧衛完所

欠官糧有傭工年四十無室工價外給銀三十餘兩爲之娶資其生理衆義之舉鄉飲雷京魁常以薪米調給親族貧乏王子歲歉施粟數十石王鰲自始祖王鳳至鰲九世同居康熙六十年散麥五十石以上俱邑人秀農雖殊其居家孝友行已端厚大略同也

張鵬大慶關人候選州同知孝事繼母撫弱弟鄂如成名弟早逝遺婦初氏孀居三十二年敬養有加克全苦節教訓諸孤姪如己子性好義慷慨樂施每遇歲飢輒傾囊賑濟制軍鄂旌其門曰志行修整子珏承志述事冬月河梁施湯康熙六十年歲荒捐助族人賑濟鄉里毫無德色邑令高舉爲鄉飲饌賓至今遠近咸稱張善人云

張珣大慶關人候選州同知孝友性成慷慨好施乾隆六年捐社穀六十石十四年歲歉捐賑穀一百石方伯定旌其門曰惠洽鄉隣妻楊氏孝事孀姑承顏怡志至老不衰撫兩歲孤姪皆入國學又嘗捐奩資助賑濟人咸稱爲義夫孝婦云

馬瑄疎財好義母有遺婢聘者議作妾瑄力拒還其母俾自擇配并資以奩具其後他婢皆然有負金者物故妻少子幼其兄欲鬻其妻以償瑄立毀其券母子賴以相聚母族貧不能存歲時周急之外復給田以爲恒產一友銷乏將盡去其業瑄慨與百金賴以營運得安然每遇荒歉或給銀或散穀首倡義舉至修堤施藥凡有濟於人者靡不孳孳恐後行之五十餘年如一日

閔文瞰邑諸生好義樂施雍正二年自山西置一婢奉母越五載其父忽以已字人爲辭卽慨然命之歸且贈金助其奩乾隆

十三年大荒心切矧之而不欲居其名托人施粥金給皮襖二百餘件一時賴全活者無算乾隆二十四年歲大荒復施粥一季其他矜孤恤寡敬老懷幼蠲租施藥賻喪助婚嫁及伏臘苦難舉火者每周恤而加惠焉臨歿時猶告誡其子孫曰廣積陰德司馬之訓宜三復也

葛譚素重義取與不苟拾金田間攜歸置篋中仍於拾處坐俟少頃失金者倉皇痛哭而至譚詢之得實卽出而還之其人欲分金爲耐却不受

盧士元太學生性好施濟康熙六十年歲飢施麥一百餘石雍正二年八年共施麥一百八十餘石乾隆十三年捐銀一百二十餘兩穀八十餘石 方伯太守屢給匾獎勵又捐設義學延師訓隣里子弟賴以成名者甚衆

盧英例授武信郎以孫貴賜封昭武大夫平生樂善好施累捐銀粟以濟貧乏少孤事兄盡弟道恤死施棺樂誨人門下成名者二十餘人

侶森西辛莊人自奉最薄而與人極厚乾隆三十六年歲飢森出金粟以賑隣里全活不下數百人及歲豐隣有謀償者辭不受有挾森資貿易澄城無錙銖償森諒其貧券悉焚

王兆豐原籍雲南爲陽昌村民王丕章義子丕章出外十餘年不歸兆豐力作以供義母全家衣食艱難萬狀無去志已乃走萬里尋得其父因老病且窘甚不得歸復在彼力作以贍其父噫世之懷利以事人者利則就之無則去之今兆豐之於王氏無所取利而同憂共患始終不渝此真可謂義子矣

劉瀚字海若趙渡鎮人爲人長厚仁慈親舊以緩急告無不應

康熙辛丑歲飢出粟賑濟散銀數百兩義行孚於鄉里其子大受天性孝友善事厥母與本生母順志承顏深得歡心爲人慷慨好施奉行乃父之德每遇荒歉必出錢粟以賑貧乏又常捐修學宮建立義學施義地捐社穀凡負欠力不能償者悉焚其券邑令王屢旌其門安邑宋鴻臚在詩表其墓曰孝義劉公李長興字子盛寺后社人居鄉仁厚和平樂善好施康熙六十年出賑貧粟三百餘石乾隆十三年又饑其子瑄復捐銀二百七十餘兩父子相繼救荒鄉閭感德

趙士式平羅村人慷慨好義乾隆十年捐社穀三百石並建房三楹於本村後將房與穀俱歸貯伯市鎮社倉 賜八品服乾隆十三年歲飢散銀三百餘金麥一百餘石各憲俱給額獎資凡隣里中喪祭婚嫁有不給者無不出金以助不責償羣推長者焉

雷元儒字雅臣邑諸生性好義戊辰歲饑周恤里人四百餘金庚寅又饑散穀三百七十餘石又施地二畝爲義塚 賜八品服楊衍嗣明府贊曰淳澆遞遷擾勸見邑推宅指園豪舉頓息惟公頓然早擅岐嶷手執一經量涵八極沾溉後賢古訓是式錢散千緡金捐百鎰似農終畝如餒甘食澤及枯骸恩宏任卹攬其餘暉藹如冬日

胡麟角乾隆十三年歲飢散給里人穀三百餘石 賜八品服雷曰舒字步元太學生乾隆戊辰歲飢賑給里人銀二百餘金雷大受字君可太學生乾隆庚寅歲荒歉散給里人穀一百餘石製棺以給貧不能殮者

郭克燾下秦村人太學生慕義敦行有貧瘠者卽貸之金不責

償晚年出借券百餘紙俱焚之曰無以是累貧人也統計免宿負千餘金雍正十三年歲飢出粟百餘石賑隣里任恤之誼衆所共推子兆保孫繪繡相繼各散麥數十石至今樂善好施之風不墜云

雷運高字升字性雅飭有雋才植品方正里人羣推重之遇有紛爭難決者得其一二語咸輸服又好施與宗族隣友有不能喪葬婚嫁者悉周之字歿里中罷社及葬童叟執紼哭送數里不絕後以孫大俊職地贈奉直大夫

雷元利字益公運高子性質儉不喜華侈雖席豐履泰而恂恂如布衣生平急於施與常云有無相通洽比之誼應爾若厚自封殖不過一守錢虜耳乾隆辛卯戊辰歲饑先後輸金粟里中全活甚衆戚黨之有急者每不待其請而助之屢膺鄉飲賓德

隆望俊當道無不引重爭旌其門閭以子大俊職封奉直大夫饒永祥雍正壬子歲大饑出粟助賑里黨藉以無恙邑令於需旌其閭曰好義足風

饒永成乾隆丁卯歲飢出粟賑濟里中戴德時郡伯喬光烈給匾獎勵

雷起祥字意如泰安堡人鄉耆年九十一歲步履康健每逢道无礙必擲去先貿易市廛有隣人竊取櫃金瞥見退避佯爲不知不訟敗其名節每歲歉輒出粟周給隣里不吝所有生平不與人爭是非較短長和氣謙德邑人盛稱之

李顯宗河西村人乾隆十二年捐麥穀七十餘石助儲社倉處鄉黨有無相通毫無德色爲人亦朴實醇茂饒有古風

劉朝笏寺后社人爲人謹愿好施與奉母命捐田十畝助修城

隍廟常建湯房於本社路西施漿水以利行人行之數十載無倦心且因年老無嗣願將所有地三畝六分房六間盡歸諸公并慮族衆日後有覬覦之者呈請勒石以垂永遠

孟一衡性廉介不肯以一毫累人有引之作商者固辭不爲甘拾柴自給其婦亦安之無怨言乾隆十三年歲荒鄉隣贈以錢粟不受投河而死其子痛父之死不數月而亡殆亦至性過人者歟惜未詳其名

雷百行字孝先爲人醇謹動必以禮法博覽羣籍叩無不知載酒問字之車往往盈戶外憫今世罕良鑒尤精研靈素自朝至晷汲汲以濟人爲事未嘗受人餽遺其貧不能藥者則袖金贈之蒙其惠者無筭

張憲成相底村人康熙六十年散麥數十石繼此每年二三月

必借麥於貧民不償者亦不責乾隆十一年其子耆賓紳捐穀三百石於雙泉鎮社倉受八品服乾隆十三年大荒其子猗散麥數十百石乾隆十六年出麥一百六十石俾鄉保儲公所每年斂散不取息是年鄉飲延爲耆賓自二十四年至三十七年散麥六次每次數十石散金三次每次二百餘兩先後縣令咸勒文給額以旌焉

謝開基雙泉鎮人平生好義有澄城少年入市失糧銀數兩哭於市開基見而問其故出金與之且曰勿令汝父知懼撻汝也其季弟瀾基遊涇于獲亡金數十兩密訪其人付之亡金者謀致謝卻不受客有負金五十兩誤以八十金償旣去始知卽遣人馳還之其見得思義如此

李際豐子延齡孫鎮曾孫邦棟卽特好義樂施世濟其美每遇

歲歉輒散金出粟全活鄉里邑令屢旌其門

白士琳慷慨好施屢焚借券饑年出麥穀散金錢先族党而後鄉隣必盡所有旋燬其籍曰毋留爲後人示德也邑令嘗給額旌之

雙泉鎮謝氏士倬貢生士仰監生大和叔姪三人於乾隆十二年救荒散銀三百餘兩方伯武嘗旌其門

雷元真字名臣庚寅歲饑散給里人穀一百餘石邑沿河灘地衝決村人苦賠糧真首倡籲請得豁免灘地糧十頃餘次子大獻善承父志左右襄贊厥力甚多

雷大烈字武公元儒子貢生有厚德克繼父志父沒後有持百金來償債者大烈搜篋中無其券謝不受邑中飢施粥助米八十石延師塾中訓貧家子弟里隣屢受賑賙有焚香夜祝者曰

願世世食厚報也士大夫與交咸樂其善氣迎人

雷大柱字南池性淳樸嗜讀書工古文學時推博雅生平施米粥厥修藥濟人力所可爲無不爭先恐後義行不可枚數

雷大猷字君秩施粥恤貧爲人警敏耿直人服其公明

周應璧貢生初有名譽序嘗以優行薦兩女鎮有社學久廢應璧捐資重建延名師訓課里中子弟至今其弟應奎經紀其事茲誦之聲相聞

貢生張翥積而能散里中有婚喪不能舉者必助之於姻黨尤加厚焉居前後數十家周之萬有餘金其子監生好仁克繼厥志荒歲減價糶麥百餘日其孫貢生欽遇人有停喪者卽勸之葬以不辦告則往往濟以已財亦能散粟周鄉人

東野雀耆實韓執魏事兒如嚴父而從子輩事之亦如其父故

家中百餘口終其身未嘗異爨焉嘗於路拾金求其主不可得則盡以給貧乏遇歉歲屢出資賑貸不求名譽鄉人咸高其義白塚監生唐可才輕財尚義於鎮之東南開出已地五畝有奇半爲施湯舍基半爲義塚以葬死無所歸者而且嘗施棺木焚宿券出賑粟利濟甚多

節烈

明

翰林程濟妻某氏濟爲岳池教諭以熒惑守心將疏論之氏諫曰天道渺茫未可盡信柰何越職言事濟不聽逮繫廷訊隨至京後金川門破濟從亡氏自縊死

劉烈女龍門村人成化中父母許字楊氏子未嫁而楊氏子病死女聞易服不食涕泣請往臨乃就族兄舉人偉而質焉偉曰

朝邑志卷六

三

子志甚善然太過之行如衆笑何家共弗許女悲憤遂自經死李烈女者嚴伯村人錦衣衛總旗李海徵女也父卒與生母焉女覺其汚也痛父無後哀母無依憤枉大哭三日飲酖死年十四

張烈女西莊張世強女字市民魏珠萬歷八年珠死女年十六衣縞不食誓以死殉母氏百端誘之曰珠貧兒也旣無緣早世它日擇壻更適富人不猶愈於徒死邪女曰以一女子事兩人乎卒不食家人慮自裁防護甚嚴女乃佯飲食如故居二日紿其父母曰我已甘食母以我故誤田作又以履遺殊母棄問自經三日昇至魏門其面如生

党氏羅詢妻嘉靖二十二年大饑窮民劉曹邦等爲盜掠誘詢及富民數人於河濱盡殺之還劫其室詢子亦遇害婦匿清草

中免後事寧諸被殺掠者皆畏不敢言氏獨憤出訴當道初不為理氏愈益憤恨至以豕穢塗口面肩夫脛骨號泣道旁冤聲動市人官為捕作亂者二十八人置之法

閻氏任世威妻嘉靖中世威病死舅姑利富民張應舉多貲設計謫載送其家氏不勝憤以被蒙面自刎死血滿牀裯富民因勢力人以彌縫氏節遂不章

楊氏王思謙妻夫亡誓不他適舅姑屢欲奪之食以糠粃氏守益堅隆慶己巳舅姑陰納任姓之貲立逼就車氏抱幼子痛哭曰吾舍汝去矣遂自縊死

張氏楊專妻萬曆丁亥歲大禮人相食專與一子先斃氏自投於河傍人出之氏曰我義不為乞丐故就溺耳從容結衣履投河而死

翟氏翟可遠女生員何大慶妻萬曆丁亥歲饑大慶出糶嬰疾還氏屢祈身代知不能輒自紉襪衣誓以同死何垂盡目氏曰去矣氏曰姑待我急入室更衣自經時年十八遠近弔愍奏聞旌表附祀烈女祠

高氏韓登第妻生二子登第病死翁欲嫁之氏號泣願守育二子翁固不從氏曰我義無再醮且寧使兩兒更他人楚辱遂將以赴井先推入長男次抱幼子倒身而下皆死焉聞者無不雪涕

張氏石捷妻捷死氏拜辭舅姑及弟妹閉戶而自縊家人欲毀壁救之氏從內止之曰母壞吾大事遂縊死經日面如生事在天啓六年

吳烈女崇禎七年流寇劫掠欲去女堅不從強牽至坡底嚇以

刃女大罵不絕口遂被害

劉小桂者邑樂戶女也幼有志操誓必爲良家婦每同籍者議聘輒啼泣不食旣長父母強納之歸有日矣小桂知不能已飲毒死

本朝

張氏王文祥妻氏素賢淑里中狂徒窺氏夫他往潛入氏室逼之氏憤激詈罵脅以利刃罵不已斷臂乃絕家人奔救少蘇頃之夫至窮其故斬而不言母至乃泣指強暴狀而卒強暴伏法氏膺旌典

樊氏生員張璠妻年十七夫亡無子父母憐其少欲改適氏微聞此議痛哭不食嘔血而死

薛氏孫崇朴妻夫病革語氏曰我死汝嫁乎氏泣對曰存以代君養不得已以死繼之夫死家利富人重幣使強載去時夜已半氏守燈厲罵不絕達旦得脫歸飲藥死

韓姐劉鬲建女許字潼關衛閩氏子子習優一日演雜劇於本村女不知從羣婦女往觀或戲謂女此郎若郎女深恥之遽歸慙泣不肯食家人勸慰百端終不聽數日以間縊而死年才十三事在康熙五十年六月初旬也

尚氏故民雷養寬妻也寬死矢志守孤寬堂弟雷養香逼娶之氏不從自經死聞於官賞養香於法 題旌焉

節孝

元

王氏馬宅妻宅卒氏年十九守節延祐元年 旌表

明

張氏韓顯妻邦奇祖母也年二十七顯死守節五十年有司上其事旌表

師氏張三妻年十九夫亡守節織紡以奉舅姑洪武中旌表
王享妻靳氏年二十七守節卒年九十一旌表蔚太淑人薛氏夫亡守節洪治中旌表

雷氏大名府同知雷爵之妹適韓繼宗年二十五繼宗卒遭繼姑之虐怒輒以簪刺其股肱流血淋漓又遭惡叔凌害百端晝理生事夜則閉門痛哭徹夜有司上其事勅賜旌表

許氏韓邦仁妻年二十四夫卒無子家用不足辛苦萬狀巡按下所屬辟節婦朝邑以十人應命巡按取年最少而無子者三人許氏其一也

張騰霄妻王氏徐福妻岳氏韓廸妻楊氏王來召妻梁氏皆夫亡守節並膺旌典

朝邑志卷六

五

張信妻史氏韓苑洛徐節婦碑云張信妻史氏之存後功同於傅陸

仇氏并繼妻夫早亡遺子柰強甫三歲氏甘貧守志撫教有方強復早逝同子婦丑氏撫育孤孫至於成立時稱兩世同節又李芳春妻馬氏嗣子文郁妻馬氏皆以年十八寡亦守節終身並膺旌錫

孫氏翟可教妻翟死非命氏年二十欲以死殉有姑在乃忍死事姑姑九十終泣曰姑亡吾何待欲自經憂其姑救後卒以人救得不死守節七十餘年又邑庠生王之翰妻并氏年二十而寡姑以繼弗慈或勸之嫁矢以死愈孝謹姑亦化之初民病憂見於神自膺親終喪方敢死已而病愈其後親死焚畢未及禮

而亡

李氏謝登輔妻早寡守節上事翁姑下撫幼子女咸有儀則四十年不復爲容子自賢事母至孝

雷氏王學讓繼妻年十五歸讓五年讓死謂氏曰我死汝早自爲計勿徒苦氏飲泣不能語因指天自誓必奉舅姑撫孤子時嘉靖丙寅歲也遂屏容飾勵操以堅其志撫王前妻子皞如如已出皞如旣貴迎養官舍每食異味則謂皞如曰遠不能致爾祖父母奈何其慈孝出於天植如此卒建坊旌表

楊氏申養情妻丑氏霍養孝妻楊年十九守節丑年二十六守節皆教子有成又同里馬文彬妻趙氏進士雷子質妻王氏雷子忠妻王氏皆以完節稱

張氏諸生党元第母趙氏樊臣芳妻俱年十七而寡撫子克成

又張氏李尚平妻年十六而寡升氏生員張俶載妻年二十八而寡二氏皆無子撫姪爲後苦守終身又樊氏監生韓仲訥妻張氏王洪緒妻夫亡時年皆二十有二矢志苦守撫孤成立節操凜然又孫氏邑人徐發母年二十而寡家甚貧以紡績自給苦節四十餘年

雷氏李天壽妻年二十一而寡無子守志鄉里賢之又王氏李騰琨妻夫亡守節按察使給匾旌表王氏御史雷仕禎繼妻年二十四而寡撫幼孤肅家政者四十年節慈益著馮氏何承祿妻年二十而祿亡家貧織紡誓守終身

本朝

李氏韓快妻年二十二而寡事病姑敬謹不褻家素貧拮据茶苦持家有則長子宗琰以行義著於鄉次宗珩有聲譽序皆母

教成之也年七十八而終雍正九年 旌表

侯氏永年令王報春繼妻報春居官清白其亡也氏撫一鵬翼鵬程紡績佐讀備歷艱苦鵬翼登康熙辛酉賢書己卯鵬程復以第一人舉於鄉人謂廉吏宜有後亦孀母苦節之報也

關氏馬毓宗妻蘇氏張頌音妻夫早亡僉寄食於母家甘貧終老關有子廷對生員守節五十五年蘇無子卒年八十七守節七十一年

二張氏一貢生郭藩母一諸生王琛母也二氏僉夫死守節事親有禮訓子有成藩母七十六卒琛母年八十一卒

張氏李含萌妻上官氏楊經妻上官氏趙攀詔妻上官氏樊玉瑚妻夫亡皆親老子幼仰事俯育辛苦備嘗舍萌妻年六十攀詔妻年九十玉瑚妻年五十八經妻年三十八遽終聞者傷之

以爲未食其報云

朝邑志卷八

三

朱氏雷福有妻黃氏孫維乾妻謝氏周士熊妻雷氏賀昌祚妻夫早亡上事孀姑下撫孤子備歷艱苦孝慈兩盡後朱年七十六謝年七十九雷年八十黃氏年九十邑令陳昌言表其門曰節壽兼隆

侶氏張辰斗妻趙氏李應春妻夫死無子僉撫從子爲後侶守節六十二年趙守節四十餘年

馬氏樊王佐妻徐氏張經濟妻夫死俱無子誓不再醮馬苦節六十六年徐苦節四十二年

于氏王所進妻劉氏樊中鵬妻都氏仇允忠妻王氏張羅俊妻王氏樊良弼妻王氏吏目王三省妻夫死各守遺孤教養備至迄能成立于氏年六十八劉氏年七十都氏年八十七張王氏

年六十七樊王氏年七十六黃王氏年八十三人謂天祐全節故咸登上壽也

王氏生員嚴呈瑞妻貞氏生員安濟繼妻任氏楊東昱妻謝氏楊三尚妻夫死俱誓不再適茹荼教子歷久不懈王氏年六十貞氏年五十五任氏年六十餘其子皆諸生謝氏年八十六其孫有遊庠者

張氏生員何之英妻年二十七夫死截髮納棺矢志撫孤寇至斲其耳取環以去氏卽截耳以示不污子亡又育孫成立年七十七卒

田氏吳興讓妻年十九夫死子加祉甫週氏奉孤撫子黽勉勞苦未幾加祉夭氏孑然孤嫠朝夕不給從子加福迎養之苦節歷四十餘年

田氏王大猷妻夫死氏年二十有二家貧無子翁姑欲令改適氏以死自誓卒撫嗣子成立姑疾拮据奉養孝敬不衰守節三十餘年

雷氏王慎獵妻年二十二慎獵死無子矢志守節夫弟慎餘年八歲氏善視之以妹妻慎餘生子門臻未幾慎餘又死妹年二十八二寡同撫一孤暨成立娶婦郭氏門臻復夭郭年二十四依二姑爲生節孝並著時謂一門三節雷氏年各八十餘卒郭壽亦至八十

任氏生員馬琨妻李氏其妾也任年二十四歲李年十八歲夫亡任念李年少微探其意乃涕泣曰我亦婦人何賤我乃爾自是二氏同心守節事翁姑以孝聞撫姪爲子教之成立琨弟瑤妻崔氏年二十于歸五月夫亡悲號絕粒翁姑以大義諭之始

強起食繼姪遇麟爲子朝夕以禮自守遇麟娶妻薛氏年十九麟亦故無子崔與薛相持哭幾殞乃以姪孫天保承祀教以讀書後天保娶妻孟氏數年夫婦俱亡祇遺襁褓子二氏含哺撫養紡績度日任守節三十九年見年六十三歲李見年五十六歲崔守節四十一年見年六十一歲薛守節三十一年見年五十歲人稱一門四節

李氏邑故民倪曠繼妻年十七結褵甫五載夫亡矢志守節撫前妻子恪成立曠仲弟倪濟妻常氏年十六夫故無子誓不改適擇夫姪爲嗣季弟倪暢妻劉氏年十八於歸三載夫亡守節生遺腹子愷撫育成人三寡相依栢舟共美於乾隆八年旌表

王氏邑故民雷壽萬繼妻年二十四夫亡子代良尚在襁褓氏

朝邑志卷六

完

矢志靡他代夫事親撫孤日紡織以供菽水迨子成立婚娶生孫媳張氏年二十一代良亦故姑媳相依守節撫孤芳規並著乾隆十年旌表

王氏邑故民趙明順妻年十五子歸越五載夫亡子永澤生甫兩月恩勤教育成人娶媳倡氏生孫倡氏年二十一夫永澤亦故姑媳相依共勵節操撫孤以繼宗祧乾隆四十年旌表

雷氏趙定邦妻年二十六夫亡事翁姑撫幼子紡績易食備極艱辛夫弟新邦爲叔後已析居娶張氏年二十四亦寡遺孤二歲翁姑自傷窮獨每顧孀媳孤孫悲痛不已二氏乃共勵貞節協力事親合居一室三十餘年無間今張氏已亡雷氏見年六十有三

趙氏安養氣妻于歸三月夫以家貧貿易湖廣病故氏年十九

徹膏沐操井臼紡績易粟奉養其舅撫孤子祥成立娶董氏甫
一年祥赴楚扶襯亦故時董年十九誓不再適倚姑趙氏勤紡
績午夜猶聞機杼聲趙氏年七十五卒今董氏年已七十
張氏馬冲妻年二十二夫亡守志撫姪及第爲嗣娶媳劉氏越
二載及第亦亡劉年纔十九以年少慮不克終謂媳曰汝行自
便我應俟死媳婦泣跪請曰夫死不嫁古所稱也况以姑之貞
節媳何忍他適自是姑媳紡績度日慈孝各盡張氏年七十一
卒劉氏亦苦節三十餘年

惠氏盧聽月妻年二十一夫亡無子上有祖翁翁翁姑在堂下
僅有四歲夫弟盧冲漢零丁孤苦矢志守節孝事兩代夫親克
盡婦道及歿喪盡禮撫育夫弟成立授室生三男冲漢夫婦
又相繼去世氏教養三姪成立年七十四卒於乾隆十年 旌

表

師氏倪愷妻張氏倪恂妻俱青年夫喪矢志堅貞孝養孀姑恩
勤鸞子妯娌同居冰霜共凜乾隆三十三年 旌表

王氏生員麻出羣妻夫亡時子淳然甫六歲氏守節撫孤歷三
十餘年淳然娶婦井氏生子直甫四歲淳然早卒井事姑教子
更歷兵荒年七十三卒時稱一門雙節直妻王氏亦守節苦志
終身

韓可願妻井氏子知來妻李氏孫日孜妻閻氏三世皆寡閻生
子崇雅七月夫亡祖姑與姑衰白在堂孝於二老撫成一孤時
稱一門三節有司交 旌之

武氏年十七歸薛景安越歲夫死欲以身殉時遺腹九月祖舅
姑舅姑皆老氏遂堅貞自守勤紡績養生送死教子宗泗讀書

列貢國學苦節三十五年今五十二歲乾隆二年 旌表

諸生陳王道妻張氏年十七歸陳陳死念姑老且患痿痺竭力奉養扶掖十餘年無懈志姑歿自以無子女孤節何補日夜歎獻欲自殺從弟廷懼遂以子玉堂從襁褓中與之氏撫之成立補邑學弟子員氏今六十有四苦節四十一年乾隆元年 旌

表

祁氏貢生張翔如妻夫死教前妻子璪為邑諸生苦節三十二年朱氏翔弟太學生翻如妻夫死氏年十八無子兄翔如以子玲嗣之氏撫如已子為諸生苦節四十一年秦氏翔姪琬妻夫死氏年十六撫姪諸生爾謙為子苦節三十三年人稱一門三

節

程復宗妻雷氏年二十四夫亡孝事舅姑勤理家政守節四十

朝邑志卷六

三

七年并見龍妻董氏于歸未四載夫亡志不可奪訓子若孫成立守節四十六年劉敬承妻王氏年甫及笄失所天苦節三十四年前後歷事三姑終始如一李世泰繼妻羅氏年二十一夫亡撫前子如已出守節四十年劉璧妻雷氏年十八而夫見背取姪為嗣以守其姑善病氏常默禱以身代姑亦心愛之誓節三十五年俱乾隆五年 旌表

諸生趙際可妻趙氏年二十五守節事兩世翁姑以孝聞撫遺腹子迄於成立見年八十一歲諸生王純妻常氏年二十二守節取姪為嗣克成夫志見年七十歲俱乾隆五年 旌表

張學珍妻趙氏年二十二夫亡在外家貧姑老氏生養死葬撫其週歲子成立遺撒夫骸歸葬焉閭有容妻馬氏年二十四守節兩世翁姑色養無間訓子若孫有法度蘇崇智妻雪氏年二

十二勵節撫孤師爾操妻霍氏年十九操亡力貧誓守二姪亦
幼孤師鞠育之迄長以仲還伯氏季爲夫後張予潮妻李氏張
文正妻馬氏李年十六于歸甫半載遽殞所天事翁姑克以孝
聞撫幼姪爲其嗣子馬于歸年十七甫一載卽作未亡人時堂
上兩親年皆遲暮且俱失明家無次丁氏獨力養送訓嗣孫以
義方勁節貞操咸登上壽俱乾隆五年 旌表
劉敬業妻雷氏程復宗妻馬氏張文正妻霍氏生員孟際可妻
雷氏劉璧妻李氏俱早年守節於乾隆五年 旌表
張氏劉永敦妻孟氏王尚忠妻溫氏庠生孟彥珍妻俱青年失
偶守志代夫事親撫孤成立克紹家聲乾隆六年 旌表
田氏王維德妻年二十五夫亡姑老子幼氏矢志守節奉姑以
孝姑沒貧不能葬躬自負土成墳撫子成立授室生孫先後入

泮乾隆七年 旌表

程氏陳文玳妻朱氏劉樊妻俱青年守節力勤女工事親撫孤
倍嘗艱苦親歿喪葬盡禮子復生孫以綿宗祀乾隆七年 旌
表

王氏劉爾室妻年二十四夫亡遺子襁褓家極貧紡績撫孤成
立有隣婦張氏病亡無子氏爲營葬賢節可風乾隆七年 旌
表

开氏張鵬程妻年二十一夫亡生遺腹子氏矢志守節家赤貧
夫門無依歷盡艱苦康熙三十年大荒攜子隨母家弟就食河
南三年始歸教子成立孫入泮乾隆七年 旌表

劉氏柴欽選繼妻年二十二夫亡上有舅姑下有子女家極貧
氏誓死不嫁堅志守節事舅姑生養死葬克盡婦道撫孤成立

乾隆八年 旌表

雷氏張翼鳳繼妻年十六子歸十九歲夫亡舅姑衰老夫前妻生二子俱幼已生一子未滿月氏矢志守節孝事雙親無缺甘旨撫育三子如一嗣夫弟翼鸞物故無子將其子爲嗣子孫五世同居乾隆八年 旌表

劉氏衛邦棟繼妻年二十二夫亡翁姑在堂已無所出前妻所生子甫六歲家貧矢志守節紡織事親撫孤并撫夫弟成立乾隆十年 旌表

賀氏劉永祚妻李氏馬秉職妻張氏衛起麟妻石氏李宗唐妻荆氏高秉慧妻楊氏張進瑞妻高氏李灼然妻劉氏王輅妻俱青年守節代夫事親撫孤成立乾隆十年 旌表

朝邑志卷六

三

貧無翁姑伯叔可依力勤女工撫孤成立均於乾隆十年 旌表

王氏嚴預繼妻年十八夫亡夫前妻子甫三歲氏堅貞自守事孀姑盡孝撫前子如已出得以成立乾隆十年 旌表

薛氏石之傑妻年二十一夫亡家極貧上無舅姑又無兄弟子女氏欲身殉爲親隣勸止擇夫姪爲嗣守節終身撫孤成立乾隆十年 旌表

關氏張矩妻年二十九夫亡家貧守節上事舅姑下撫孤子成立織紡經營備嘗艱苦乾隆十二年 旌表

張氏吳經翁妻年十八夫亡翁姑衰老家貧如洗氏堅貞守志日勤紡織事舅姑喪葬盡禮擇夫姪爲嗣撫養成成立乾隆十三年 旌表

韓氏李明信妻張氏党繼烈妻俱青年夫故家貧苦節奉養翁姑盡孝撫子成立教以義方均於乾隆十三年 旌表

段氏張全妻年十七夫亡無子氏矢志守節孝養舅姑克盡婦道以夫姪爲嗣撫養成立授室生孫乾隆十四年 旌表

吳氏趙思普妻年二十二夫故孝事翁姑生養死葬撫三歲孤子成立乾隆十四年 旌表

李氏王爾玠妻年十八夫亡無子家極貧念翁姑衰老不能身殉代夫事親養生送死克盡婦道以夫堂姪爲嗣恩養如已出及成立爲之娶妻以續宗祧乾隆十四年 旌表

王氏朱朋漢妻年二十三夫亡家貧無子矢志守節日夜紡織以供舅姑甘旨及歿喪葬盡禮擇姪爲嗣撫育成立授室生孫乾隆十六年 旌表

景氏田文英妻年二十四夫亡家貧無子有姑在堂氏立志守節克盡孝養擇夫姪田福洪爲嗣撫育成立乾隆十七年 旌表

雷氏韓瑤妻年十七夫亡無子家極貧有姑在堂氏守節奉養姑病親侍湯藥及歿喪葬盡禮立夫姪韓君勳爲嗣撫育成立無異親生乾隆二十年 旌表

段氏雷乃亨妻年十九夫亡子在襁褓上有舅姑氏守節代夫奉養撫子雷日舒成立爲之娶妻生子宗祀有賴乾隆二十年 旌表

路氏李應勉妻年二十二夫亡舅姑衰老稚子無依氏立志守節力紡績以供甘旨及歿喪葬盡禮撫子伸成立娶妻翟生孫僅數月子又夭亡與媳二寡相依撫孤孫景敦成立乾隆二十

一年 旌表

翟氏李仲妻年二十一夫亡子生未週同孀姑撫育成立宗祀賴以不墜乾隆二十一年 旌表

符氏嚴一旺妻年二十夫亡翁姑早逝有祖姑在堂遺孤甫六月氏矢志守節孝事祖姑生養死葬教子成立乾隆二十三年 旌表

權氏祝聚瑞妻年二十一夫亡生子僅數月翁姑年老家貧無依氏堅貞立志力勤紡績孝事翁姑生養死葬歷盡艱辛撫子成立娶妻生孫大有名列膠庠乾隆二十四年 旌表

雷氏張毓珣妻年二十二夫亡親老子幼氏勵志守節紡績奉親迨歿喪葬盡禮撫子大錦成立婚娶生孫我弓亦列黌宮乾隆二十六年 旌表

朝邑志卷六

二五

郭氏趙溫妻年十九夫亡生遺腹子念舅姑年老矢志守節竭力奉養及歿祭葬以禮撫子連城成立娶妻生孫乾隆二十七年 旌表

郭氏雷守珍妻年二十六夫亡有遺腹未生舅姑衰老氏矢志守節克盡孝養迨後生子文英教育成立乾隆三十年 旌表
王氏安五辰妻年二十二夫亡子丕承甫生三月家貧無依有族婦誘以再醮氏剪髮毀容堅誓守節撫子成立至老完貞乾隆三十一年 旌表

張氏董志成妻楊氏白克益繼妻俱青年夫故守節撫孤成立均於乾隆三十三年 旌表

閻氏東其成妻張氏李學詩妻俱青年夫故守節代夫事親撫孤成立備嘗艱苦乾隆三十四年 旌表

郝氏張之醋妻年二十二夫故守節代夫事親撫孤成立克盡婦道乾隆三十五年 旌表

徐氏楊廷棟妻青年夫故守節代夫事親撫孤成立乾隆三十二年 旌表

何氏張好直妻王氏趙炳妻雷氏葛圻妻韓氏陳大經妻趙氏葛瑗妻俱夫亡青年苦節代夫事親克盡孝道撫孤成立乾隆三十九年 旌表

段氏蕭舒恒妻年二十四夫亡無子家貧苦志守節繼姪蕭蘭生爲子撫養成立乾隆四十年 旌表

趙氏高鴻祿妻年十七歸祿甫半載而寡誓不他適事翁姑以孝稱撫姪國柱入武庠乾隆二十一年 旌表

寇氏党克寬妻年二十一夫亡誓不再嫁敬事翁姑年六十有一乾隆三十三年 旌表

党氏王宗第妻年二十夫亡撫孤事親織紡自力翁姑憐其幼且貧恐不能終氏遂自矢其志甘心窮餓翁姑乃安孝慈兼盡三十餘年如一乾隆三十七年 旌表

趙氏閆容妻年二十四夫亡無後舅姑衰老撫夫堂兄子裕策爲後上事雙親養生送死下撫孤子成立爲諸生年七十二卒乾隆四十年 旌表

田氏王九思妻年二十三夫亡孝親撫孤紡績以供衣食數十年足不出戶苦節著聞乾隆三十六年 旌表

李氏魯運文妻年二十三夫亡事舅姑以孝教子成立年八十六卒乾隆十九年 旌表

張氏李維業妻年二十夫亡撫棺大慟欲身殉旣念翁衰老

明姑亦年邁侍奉無人隱忍存活誓死守貞撫夫堂兄子爲嗣
仰事俯畜以慰親心茹苦四十餘年現年六十三歲乾隆四十
二年 旌表

雷氏何光武妻年十九而孀矢志堅貞敬事舅姑喪葬盡禮撫
嗣子無異已出教以義方苦節四十年卒年五十有九乾隆二
十年 旌表

王氏劉成文妻年二十六夫亡家極貧氏矢志靡他孝事舅姑
克盡婦道撫孤成立艱苦備嘗守節三十七年卒年七十有三
乾隆三十二年 旌表

王氏上榮宗妻年十七夫亡撫棺哀慟誓不欲生繼念祖父母
在堂兼以懷孕未生冀留一綫立志守節以代夫職後撫遺腹
子必謙成立苦節五十三年乾隆三十六年 旌表

王氏雷學誨妻年二十夫亡親老無嗣加以河侵地沒家亦貧
氏矢志茹荼以紡績爲生持身端慎不事容飾足未嘗輕出戶
上事病翁久而不衰姑臥疾躬滌穢器無難色撫三齡姪授室
生子後又早亡復撫孤孫睿成立乾隆三十一年 旌表

李氏地贈通議大夫劉濂妻年二十撫愛胞姪大猷遂繼其嗣
後連生二子大年大受夫亡孀居守節教子大猷成諸生善書
法大受繼嗣叔父捐道職地封氏爲淑人家政嚴肅兄弟友愛
寡居五十餘年節慈金著乾隆二十一年 旌表

党氏劉道敏妻年二十四夫亡撫棺大慟欲以身殉念孀姑弱
息無依矢志守節以孝事親訓子成立克繼宗祧乾隆十九年
旌表

薛氏盧程霄妻年二十四夫亡無子氏矢志冰霜孝事舅姑繼

姪榮宗爲嗣教養成立乾隆二十一年 旌表

田氏閭庶成妻年十九夫亡子方週歲痛不欲生繼以祖舅祖姑衰邁立志奉養以代子職撫訓孤雛以延宗祀辛劬備至慈孝兼全乾隆四十二年 旌表

甘氏劉衍妻李氏馬秉職妻俱早歲夫亡撫子成立

嚴氏雷璘妻王氏上官禮賢妻俱早年夫逝撫姪爲子孝養孀姑

何氏白登須妻年二十四夫亡姑年七旬子甫三歲氏不憚辛劬力持門戶奉姑撫子紡織拮据

白氏嚴宏沓妻年二十三夫亡翁已衰老子僅襁褓氏誓天完貞日事紡績口不言勞翁歿子頌撫姪爲子教訓一如所生

路氏蔚聯魁妻年二十六夫亡于外事姑盡孝歷十餘年以織

衽所餘倩人扶夫襯歸撫子成立

樊氏李蓮妻年二十三夫亡立志守節事翁姑盡婦道翁弟夫婦俱患疾事之數十年維謹

關氏馬毓琮妻年二十三歲夫亡守節撫孤教誨成名學政逢額 旌其閭

任氏穆重祿妻年二十二夫亡子凌岡方一歲氏苦志守節訓子有方凌岡爲邑諸生

徐氏王拱日妻年二十夫亡翁姑相繼逝氏矢志守節撫遺腹子至十餘歲隣里憐其貧或勸爲人傭或欲助以生理氏以先

世皆讀書雖貧不可絕悉謝之令專意就學後爲邑諸生

嚴氏楊文炳妻年十五歸楊甫七月夫亡上事翁姑前室子方三歲視若己出教養備極恩勤康熙三十年四月隕霜害禾稼

民大饑暴客劫其糗糧殆盡翁姑欲就食他方移粟以贖氏氏以翁姑衰老請同行中途翁姑皆疲病賴氏扶負始得達

雷氏趙景希妻年二十五夫疾革顧謂氏必報父母之恩夫亡翁姑惜其少寡慰之曰我子死無依汝子立更復何恃氏曰天佑翁姑在堂卽其所恃婦當代子恐有他志耶由是紡績供職孝思益篤追翁姑彌留慮送終不克如禮時夫弟出嗣族叔已

有子氏告族長請夫弟歸宗翁姑殆盡出平日織紡所積與夫弟營葬事無負所天之囑夫弟感其德敬之終身不衰擇從弟子光容爲氏後

朝邑志卷六

五

任氏王忠思妻其姊先適忠思生子四女二而姊亡時思已年五十餘氏年方十七歸忠思十餘年夫亡爲其訓子女營婚嫁井井有法邑令馮旌其閭

趙氏薛坤妻年二十二夫亡矢志守貞敬事舅姑撫姪爲嗣內慈外嚴有古賢母風邑令姚旌其門

嚴氏張必振妻子歸時夫已失明酷貧難堪氏相莊不懈紡織以佐養親夫亡僅破屋數椽甘心守節撫姪爲子卒之日鄉里感其貞孝各捐資立石墓前以誌其賢

張氏雷廷柏妻年十七夫亡少知大節誓以身殉阻于舅姑之命不得死乃撫夫弟子爲後以孝事堂上爲已任後其子復歿寡媳孤孫孳孳一室氏艱苦備嘗教養成立邑令沈旌其門

翟氏李有忠妻年二十三夫亡上事翁姑下撫孤雛苦節終身鄉人以孝慈僉稱

張氏党學德妻年二十二歲守寡子甫四歲氏矢志撫孤備歷艱苦

劉氏趙光起妻年十七適起事兩世舅姑俱以孝稱夫亡撫孤節操凜然夫叔已析居常患口疾氏事之無異于舅

韓氏張捷妻生于前明崇禎三年至國朝順治十年夫亡遺孤二歲姑五旬時寇盜多警氏鍵戶紡織事姑姑病藥必親嘗嘗于中夜焚香禮禱五祀之神適有匿盜竊聽者遂相戒勿犯張孝婦之廬苦節終身訓子成立康熙四十九年卒

藺氏任善財妻夫亡年二十遺孤二齡無親族可依氏不憚貧窮立志守節撫孤成立

史氏馬文通妻年十九歲夫亡欲自殉念遺孤爲氏似續所關苦節撫子學使楊旌其閭

張氏王景香妻年二十寡家貧無子氏苦節奉養舅姑俱臻上壽氏卒年七十五

劉氏雷君武妻年二十七夫亡子幼家貧績紡不易其志

劉氏雷賜妻年十二而孀撫子成名邑令高旌其閭

李氏雷君召妻年十三歸于雷夫尋亡家貧守志撫姪爲嗣苦節四十二載

馬氏段爲文妻年十九孀苦節五十六年

孫氏馬奇妻年十九歲夫亡孝養翁姑教育嗣孫苦節五十八年督學楊旌其閭

張氏高自寧妻年二十四歲夫亡勵志守節孝養翁姑孀居五十八年

劉氏張諗妻年二十一歲夫亡無子守節奉翁姑極盡孝養孀居四十二載邑令張特表其門伯兄諸生譽高氏之義以已子猷爲之子

張氏史麟經妻年二十二歲夫亡堅心守節孝養舅姑孀居四十三載學政楊旌其閭

李氏楊元棟妻年二十五歲夫亡守志恪修婦道敬事翁姑學政楊顏其門以獎之

任氏高自峰妻年二十七歲寡家貧紡績自給教子成立苦節四十九年

周氏田玉經妻年二十六歲夫亡姑老子幼仰事俯畜歷盡艱劬苦節四十六年

何氏田忠芳妻年二十七歲寡依奉孀姑克盡誠孝撫育幼子備歷艱難苦節四十二年

張氏李中昭妻年二十夫亡孝事其翁于繼姑尤極誠謹撫姪爲子

閔氏柴穀妻年十七適穀閱二載穀亡氏養父欲氏改適致訟于公庭氏剪髮明志卒不可奪孝奉舅姑撫姪爲嗣後其子遠出不歸紡績以撫藐孤至于成立

周氏張正誼妻生于前明崇禎十一年至國朝順治十二年夫亡無嗣家酷貧翁姑衰老氏欲擇族姪爲嗣時值饑饉衆多逃亡恐仰事俯畜不能兼盡遂獨力事親艱苦備歷迨翁姑病革乃以夫堂姪爲後撫養成立鄉里欲以其節孝上報氏堅辭而止

張氏劉廕妻年十七嫁十餘日而夫亡茹苦事姑孀居五十四年

馬氏劉岐妻年十八夫亡紡績自給孀居五十年

郭氏薛藹如妻年十八夫亡撫姪世德爲嗣苦志自持

惠氏王宏祚妻年十八夫亡紡績作苦仰事俯畜孝慈兼盡
李氏史際世妻年二十一夫亡食貧撫孤孀居四十六年
張氏王養珍妻拜氏王錫九妻趙氏王汝揖妻俱青年守志白
首不渝乾隆十四年學政 旌其門

劉氏李樹實妻年二十五夫卒于外計聞痛欲絕既乃自矢靡
他孝事其姑撫前室子成立乾隆三十九年督學楊 旌其門
申氏董偉之妻年二十二夫亡氏繼嗣守節撫子成人乾隆三
十九年督學楊 旌其門

馮氏謝晉梁妻年二十四寡翁姑年老氏誓節奉養教子成立
七十三歲卒同州太守李表其門

席氏謝揚妻年二十五寡守節不渝督學楊表其閭

謝氏徐方茂妻年十八夫亡守節孝事舅姑撫姪爲嗣甘貧茹

苦督學楊給額表之

朝邑志卷六

聖

常氏張宋廷妻年十九寡家貧無子撫堂姪灝爲嗣茹苦終身
教子成立督學楊 旌其門

陳氏閻素淳妻年二十五夫亡姑老子幼氏誓節奉親無何子
復死氏與媳魏氏同甘苦育孫成立爲邑諸生

李氏劉朝宰妻年二十三寡家貧姑老二子俱在襁褓氏苦節
自矢仰事俯畜皆出績紡

李氏劉朝惠妻年二十寡姑蘇氏年老無依氏以奉養自任矢
志守節姑歿益勵堅貞撫堂姪玠爲嗣教養成立

上官氏李景智妻年二十二夫亡以翁姑年老矢志奉養或有
勸其他適者氏泣不輟自是翁姑哀其志節善待之爲立嗣以
慰其心

韓氏王臻妻年二十一寡矢志守貞克盡孝道翁姑爲之擇嗣撫養成立

葛氏韓述古妻年二十二夫亡誓不改適苦節事親撫姪爲嗣不異所生教養成立

閔氏薛宏基妻守節訓子乾隆十九年邑令高旌其門

徐氏陳王章妻年二十六夫亡無子守節自誓撫伯兄子爲嗣成立

扈氏馬福成妻年十八適馬兄福字子鵬舉三月失母氏代哺養晝夜不能安越三年夫亡字卽以此子嗣弟氏貞靜自矢謹事兄嫂無異舅姑教子成立

張氏馬成駿妻年二十夫亡善事翁姑繼姪爲嗣教養成立

趙氏溫和妻年二十二夫亡翁姑年近七旬子甫三歲家貧紡

織孝雙親育孤子

王氏李珂妻年二十四夫亡繼堂姪爲子貞潔自守孝事翁姑教子成立

劉氏張和妻年十九適和明年夫亡遺子事翁九年事姑二十九年克盡婦道教子成立

張氏黃宗冕妻年二十七夫亡立志守節育姪爲嗣

党氏侯光魁妻年二十四夫亡二子俱幼事姑得歡心教子成立

王氏劉廷弼妻年二十七歲夫亡矢志堅守敬事衰姑教二子成立

朱氏國學生張爾信妻年十九夫亡孝事孀姑繼姪爲嗣恩勤教育入國學守節二十一年卒

李氏馬丕祥妻翟氏佶伯聽妻趙氏韓之炎妻章氏張武妻吳氏周肇稷妻張氏高登妻朱氏翟端繼妻皆青年守志至老不衰

周氏蘭丕勳妻年二十五歲夫亡自誓無他撫姪爲嗣有家法不事姑息子孫皆登武科

韓氏胡漢妻蔚氏賈之欽妻蘭氏王懷信妻皆早寡守志撫遺腹子成立

秦氏周廷碩妻年十九舉子三月而寡家人憐其少也微探之氏泣曰如此一塊肉何卒撫孤成立

李氏周廷助妻蔚氏王廷相妻周氏宋壽宗妻翟氏秦之義妻賀氏宋文魁妻宋氏雷明居妻雷氏佶金妻孟氏王復顏妻皆少年守節終身如一訓子成人

何氏高景才妻梁氏趙天運妻翟氏朱瀚妻雷氏靳真榮妻楊氏梁從彥妻朱氏趙天錫妻席氏武生蘭廷舉妻常氏嚴廷效妻梁氏党德潤妻雷氏張樊妻陳氏梁車妻蔚氏王世德妻雷氏高三綱妻嚴氏朱雲祥妻呂氏雷奉聲妻翟氏高秉道妻張氏郝世德妻李氏翟子楹妻王氏劉瑤妻程氏張龍吉妻俱現在守節

張氏井纘業妻井氏李作梁妻王氏張增福妻馬氏張席瑣妻楊氏張有綵妻雷氏郭有惠妻佶氏雷之進妻朱氏雷守純妻李氏雷守煥妻皆青年守志經督學楊給額表揚

紀氏朱霖妻蔚氏張鵬江妻馬氏王懷林妻郭氏張俊妻薛氏舉人張乃來妻張氏閆丕恒妻馬氏閆庶寧妻俱青年守志經督學稽給額表揚

成氏李景賢妻年二十四夫亡欲身殉以翁老子幼矢志靡他家貧紡織養翁撫孤督學稽 旌其閭

趙氏仇可法妻童時卽能通內則大義及長女紅中饋無不精善歸仇奉君姑一以誠孝卽尋常饗殮亦必精潔適口姑喜得佳婦年僅二十三夫亡氏不以貧窶易心躬勤織紡撫二子成立

張氏劉銳芳妻年二十夫亡以伯兄次子嗣撫育成立現今七十一歲

郝氏李建言妻年二十一歲夫亡舅姑年老遺孤僅四歲氏奉事二親養生送死克盡婦道撫子成立娶媳媳早亡家貧不能續娶取族孫爲嗣

李氏薛起達妻党氏張宏祿妻俱守節撫遺腹子

朝邑志卷六

星

穆氏張興讓妻席氏符捷妻現皆守志撫孤

韓氏楊之起妻年十九夫亡父母憐其少勸之嫁不從撫夫從兄次子爲嗣中道而歿又育夫弟幼子爲嗣苦節三十餘年

李氏白太慧妻王氏李永春妻俱家貧奉姑繼姪撫養孝慈兼盡

趙氏田學春妻年二十二夫亡閱三月得遺腹子奉舅守節甘貧訓子現年七十七歲

同氏郭基妻年二十二夫亡姑老子幼氏矢志守節紡績以供衣食姑歿殮皆出十指所儲教子建綸成立

郝氏馬順妻年二十五寡善事祖姑及翁姑撫猶子爲後

董氏趙永潤繼妻年二十二夫亡守節夫叔母楊老而失明敬事不衰撫前室子成立

李氏寤君爵繼妻年十七寡父憐其少欲嫁之不從誓以死初君爵前室二子郁濟甫四歲德濟以母死養爲王姓子數載矣氏念一子猶孤乃自詣王姓哀請德濟歸宗後郁濟夫婦暴亡德濟舉二子又不祿氏撫長孫授之室未幾又俱死氏一世劬勞貞操凜凜

邢氏王儒珍繼妻年十六歸珍時舅姑垂老前室子方雛越四年夫死邢以奉親撫孤爲任後翁姑及子相繼歿謝邢撫孤孫授室復天迄今姑婦三世皆以苦節著聞

雷氏李長生妻年十九夫亡翁姑皆衰邁氏矢志守節奉養擇族子英爲嗣親歿哀禮兼盡英復中道死遺室王氏年僅二十一生子甫數月二寡相依同撫藐孤雷氏五十六歲卒王氏現年六十五歲

劉氏葛爾濟妻年二十一寡遺孤尚在襁褓守節教子成立同氏席志義妻年二十三夫亡事姑維謹撫姪爲後苦節三十餘年

席氏葛守堦妻年二十一寡舅姑疾廢氏守志奉養撫育遺雛慈孝俱盡

王氏孫才順妻年十九日嬪四年而寡上有祖姑及姪小郎才通甫十歲才茂甫三歲氏矢志靡他計事姑十七年事祖姑二十年爲通茂輩授室乃撫通次子爲嗣節儉勤勞老而不倦通茂等事之如母焉學使楊特表其閭

王氏孫文魁妻年二十夫亡時夫從弟舉子未彌月氏卽撫之誓無他志上事舅姑婦代子職督學楊表其閭

李氏王儒彥妻年二十四歲寡初彥有異母弟妹將出外囑曰

弟妹幼失恃吾去責在汝矣李謹受命俄而彥喪至李哭之幾絕既乃撫棺慰曰吾不以君死忘前言也撫弟妹等婚嫁中禮家瀾貧守彌堅五十年如一云

王氏趙希朴妻年二十五朴死有弟不慧子幼翁姑無依氏之死靡他生養死葬皆力任焉初朴嗣其伯父氏至是繼事之如翁姑禮未儿子又亡家貧績紡無怨言

張氏楊宏德妻年二十二夫亡撫姪爲子孝事舅姑自食糟糠朝夕甘旨無缺教子成立守節五十二年

李氏郝景英妻年二十一夫亡無子姑年七旬代夫奉養育姪爲嗣苦志四十五年

馬氏姚成積妻年十四適姚十九生子長才越明年翁亡夫故姑惟日夜泣氏慰曰姑無子幸有媳兒無夫幸有子誓不他適

以供子職由是茹苦含冰教子成就孀居已三十八年

申氏楊永彥妻張氏李明林妻皆早寡無子育姪爲嗣教養有方

羊氏楊世昌妻年二十五夫亡遺二子越數年俱亡兄嫂欲奪其志氏不從撫姪之子爲嗣孫苦節已四十五年

劉氏徐瑞妻年十九夫亡守節事繼姑二十八年育姪爲嗣教養不憚勤勞苦節四十一年

王氏徐瑗妻年二十夫亡事翁三年事姑十五年育姪爲嗣紡織勤勞爲子婚配苦節三十九年

張氏增廣生周文明妻年十六夫疾篤問其所志氏對曰倘天不佑惟一死夫不許告以代夫事親爲節孝之大氏泣領之夫亡誓志守貞翁姑前就養無違人稱其孝翁歿晝夜侍姑不離

現年五十有五

楊氏盧義兩妻年十七夫亡子未週翁姑相繼逝其兄嫂欲迫之嫁將母子分居以難之由是衣食不給苦辛萬端親族憐之皆勸其嫁氏曰吾子能成固不肯改節卽子不成亦不忍他適四十年冰心筠節卓然不移今一子二孫事氏孝謹鄉人謂苦節之報也

李氏于鳳階妻年二十二夫亡上事翁姑下撫幼子翁姑歿貧愈甚惟以紡績自力既爲子成室數年子又亡夫弟欲氏改嫁氏貞節肅然窮日益堅撫孤孫成立現年六十有七

劉氏陳秉睿妻年二十夫亡寄養族祖家撫族姪爲子孝事族祖父母勤苦績紡合葬夫之兩世親喪孀居五十八年

蔚氏王良貴妻年二十五夫亡姑年七十有餘家無寸產賴氏紡績供養極盡孝道

高氏李延康妻年十九夫亡翁病二十一年氏事之甚謹撫姪爲後現年五十五歲

師氏馬麟祥妻年二十四歲夫亡守節孝養舅姑

雷氏詔安縣知縣蘇石麟繼妻二十七歲寡孀居三十三年現年六十歲氏歸宦門性不喜華飾嗣際家道中落甘心淡薄甚至僻處矮屋紡績度日終無愠容

白氏張鈺妻年二十夫亡侍孀姑盡孝苦志三十五年鄉里咸稱一門雙節無愧厥姑云

趙氏張毓衆妻年十六歸于張數月夫亡念翁姑笑獨誓志守貞四十餘年不復爲容鄉人亦莫之識其翁姑與人言及氏之勤勞聞者無不感慕撫夫弟子爲後

趙氏馬任玉妻年二十五夫亡遺腹子一家貧織紡易粟以養舅姑自茹荼苦鄉隣閔其窮有饋以食者堅不受數十年勤勞所積家產漸裕子孫亦皆成立現年六十又八

張氏趙君命妻年二十四夫亡翁以窮獨無依恐為氏累欲自盡氏乃誓志守貞願代夫職紡績易粟糟糠自給而精鑿奉翁族人感其孝擇諸子弟中能分任氏之勞者為後

張氏增廣生周東海妻年二十三夫亡矢志守節孝養翁姑撫姪為嗣既娶復無所出而天翁姑痛哭曰天喪我家若何枉自苦耶氏驚曰孫婦新寡觀其志亦可自立不宜以薄情疎之若能事親終身代夫致孝則雖苦不枉矣由是姑婦相依撫堂孫為嗣

何氏張巽言妻年二十四夫亡翁姑以五子俱喪不勝隱痛成

心疾氏左右不離紡績奉養每夜再三視安數十年不衰翁姑歿喪葬盡禮一如子存撫堂姪為後事氏亦以孝稱皆謂食報不爽云

賈氏党有棧妻年十八歸于党二十二夫亡無所出撫姪孫為後紡績課讀辛苦備嘗

惠氏周文顯妻年二十二夫亡紡績供舅姑食極盡艱辛無愠色翁姑歿喪葬盡禮翁遺少子方十餘歲兄妯亡遺一女方四歲氏躬親撫養飲食教誨咸有儀法倍于翁姑兄妯在時

王氏周萬億妻年二十夫亡家酷貧紡織為活已嘗忍飢舅姑之養不少缺及翁姑亡有析居叔嬸欲迫之嫁氏曰不幸翁姑俱亡媳在則神魂有依寧死不從命迨叔嬸亡有女二子一俱幼氏痛其幼孤躬親撫養氏之兄弟皆曰汝一身恐不自給奈

何養析居子女耶氏泣曰我不忍絕一門今忍絕兩門乎不辭勞苦撫育成立爲夫堂弟擇配旣而生子二氏喜曰今日周氏俱有後矣無何夫堂弟早逝其婦以氏無所出屢迫其嫁鄉黨皆爲不平欲訟之官氏曰如此則夫堂弟不瞑目二姪亦難爲人夫從不從自在我耳待之如初現年六十五

馬氏張遇妻年十九夫亡守節孝事舅姑撫姪爲子嚴而有法張氏李宏道妻年二十七夫亡家極貧翁姑憐其無出欲令他適氏以死自誓紡績度日撫姪孫爲嗣

嚴氏郝鳳鳴妻年十九夫亡氏卽截髮棺中以矢志織紉自力事翁姑撫孤子至翁姑歿負衣營葬盡禮盡哀八十七而卒子莊娶張氏方十八不及事翁而事姑倍謹六年張亦寡撫遺孤旣成室又僅七年而亡氏上念姑之早寡下撫媳之無夫艱辛備歷貞節逾堅今年六十有四固由天姿貞靜亦其觀感于姑者深也

溫氏嚴玉早妻年二十寡舉子方四月紡績撫孤五十餘年鄉隣罕見其面

李氏王述妻青年守節紡織事孤撫姪爲子

劉氏張素含妻年十八夫亡上念翁姑鍾愛而孝益篤隱痛所天早逝而志彌貞

張氏王步青妻年二十四歲夫亡守節孝事翁姑

韓氏鄧子龍妻年二十孀居守節堅貞言笑不苟督學稽其宅

糜氏茹茂妻年二十夫亡遺腹在身誓曰天不絕茹氏生男否則願以身殉已而舉一子苦節四十九年

王氏趙有肅妻年二十六夫亡撫孤延嗣艱苦備嘗

張氏雷育萬妻年二十二寡有姑無依或言無可守者氏曰非不能相從地下奈姑老何紡紡自給撫姪爲子無何子夭備嘗艱辛奉姑維虔者四十年姑歿喪葬如禮後依母氏居歲時必躬親祭奠雷爾杰贊曰節著矣而孝享有常節苦矣而嫻靜弗張固德教之有自實天性之純良求之偉丈夫中殆從容樂義而非硜節自詡者所可望

郝氏生員安廷鎮妻年十七適鎮兩載夫亡矢志柏舟孝養舅姑撫孤成立

王氏柴從洙妻年十九適洙二十四歲夫亡孝事舅姑和順妯娌教育其子耕而兼讀艱辛萬狀茹苦如甘現年七十七

劉氏雷兆龍妻年二十四夫亡無子母族憐其少而無依欲令

朝邑志卷六

七

他適氏以死自誓紡織易粟奉事翁姑自甘艱苦撫姪爲子典衣佐讀不以貧而廢學

張氏于紹堯妻年十六歸于數月夫亡立志守貞不爲容飾奉事翁姑敬順無違母兄以其少令改適氏誓以死

李氏邢重文妻年二十七夫亡無子以翁姑老而獨立志守節紡織奉養其兄常勸之嫁請于翁若有逼意氏聞以死自誓由是不與兄往來者數十年翁歿貧愈甚姑愈老氏以浚水推磨度日養姑無懈志

趙氏歸于貴妻王氏席忠厚妻俱青年夫故貧無立錐立志撫孤不辭艱苦

趙氏賀喜麟妻于歸日賀病已劇成禮未逾時夫亡氏撫尸哭泣畢卽易服家人憐其少時勸之改醮氏曰命也卒不從取姪

子炬爲嗣至今守節三十四載

李氏樊譽妻年二十四夫亡痛不欲生以姑衰老子襁褓遂矢志守貞家貧紡織爲活後姑歿子殞復撫孤孫樊氏賴以不絕席氏李秀妻年二十四夫亡熒熒一身立志守節至寄食孤貧而冰操凜凜

高氏周丕祥妻年二十四夫亡欲身殉以子幼無依立志守節李氏白汝時妻年二十二歲夫亡以遺孤甫二齡翁姑皆年邁矢志守節不辭勞苦

段氏董慶妻張氏雷之美妻皆青年守節順事翁姑至老弗懈孫氏李藹妻年十八夫亡撫孤茹苦今五十三歲

王氏楊光宗妻張氏蔚映體妻趙氏趙君寵妻俱早年夫故食貧守節

楊氏穆宏資妻年二十七夫亡家貧紡績奉翁孀居三十八年王氏韓志正妻年二十四夫亡子二歲氏苦節奉養祖翁姑並翁姑撫子成人

王氏上官敬止妻年二十夫亡子二歲紡績以奉翁姑子又亡撫孤孫成人

劉氏上官思賢妻年二十四夫亡守志撫堂姪爲子後子亡清操彌固

上官氏閔武新妻年二十三歲夫亡家貧不能舉火氏紡織事舅姑撫姪爲子

張氏田福洪妻守節堅貞能繼姑景氏之志

劉氏高爾品妻年十九而寡無子姑性嚴兼疑氏之將他適也遇之少恩禮而姊姒因之逼侮尤甚人以爲不可忍而氏委曲

於中饋間卒全其節年今五十力

姚氏党雲顯妻年二十而寡撫從子爲三子家苦貧勤績度日貞靜自守今年八十四歲

蒙氏張翱妻年二十餘而寡孤子藐焉尚孩舅性嚴人勸其他適氏曰雖爾吾不忍也卒終從一之志年七十而卒

陳氏趙基隆妻歸基隆未三歲而寡前妻子一方阨而家又甚窘氏勤績撫子冰霜自矢備受艱辛年九十而卒

謝氏楊汝霖妻王氏謝純嘏妻皆少年孀居守節弗渝

劉氏謝士佶妻年二十七孀居撫姪成立其妹適吳國柱年二十而寡亦無子撫姪焉邑令皆旌其門

穆氏孟希統妻年十九孀居于甫二歲伶仃無依氏冰玉自矢勤績度日年今七十有一

朝邑志卷六

五

楊氏石清計妻年二十四孀居取猶子撫之如已出年七十有一而卒

楊氏石雍妻年二十一孀居遺孤方六月貧乏無以自存或有勸其再醮者楊涕泣數日不食曰寧身受困苦不忍石氏之無後也遂奉孀姑撫幼子依母家就食腳州現年五十有八

趙氏蒙彥章妻年二十一歲而嫠居誓不再醮事舅姑甚謹撫猶子躬勤紡績家資漸厚及孫與曾孫皆幼失依氏撫育成立張氏王孟標妻年二十二夫亡遺孤二歲矢志守貞家貧鬻食具勤紡績以事翁姑撫幼子翁姑歿夫弟欲陰害其子使氏無所依因得賣氏以自肥氏知之凡搬柴運水一以身當不令其子暫離常有十數日不啓門者族里無不傷感

郝氏白儼妻年十六夫亡翁姑傷其少寡不欲強之守氏以死

自誓婦道愈謹迨翁姑繼逝所遺夫弟妹方數歲氏撫育辛勤嘗竟夕紡績不眠撫姪爲嗣今年七十有一張氏生員嚴代妻年十八夫亡孝事翁姑數年相繼逝夫弟方十餘歲氏令就學及長成家生子夫婦早逝氏撫姪爲子未几子媳俱亡復撫姪孫爲之取婦乃不久而姪孫夫婦又早世撫遺孤曾孫四世零丁一身獨苦而貞節愈堅現年六十有八岳氏王雅懷妻年二十二夫亡紡績事翁姑鄉人以孝稱撫姪爲後拮据五十七年

李氏王科臣繼妻歸年十八四年而寡甘貧守節撫前室子卒年五十七歲

同氏王珮妻年二十夫亡以翁姑年老矢志奉養繼堂姪登鰲爲嗣仰事俯育歷十餘年爲登鰲娶袁氏甫一歲登鰲復亡袁氏年十七又寡依姑守節繼堂孫用睿爲嗣同氏年七十一歲卒袁氏年五十卒雙節並著隣里賢之

李氏蕭瓊妻年十九寡翁姑年老氏誓節奉親撫胞姪恒泰爲嗣教養成立爲邑諸生

王氏李進妻年二十四寡甘貧守節績紡度日撫子作模成立耿氏程學彥妻年二十七夫亡誓節奉親繼姪紹文爲嗣上事下撫娶媳白氏生子甫三歲紹文又死白氏年二十六依姑守寡同撫一孤

劉氏席重珍妻年二十五夫亡家極貧舅姑衰老遺腹未生氏矢志柏舟孝事舅姑以代子職後生子熊九畫荻教訓成人苦節四十五年卒年七十

韓氏季元柱妻年二十七歲夫亡子克仁甫生六月苦節訓孤

慈嚴兼盡克仁壬申領鄉薦

高氏穆繼寵妻年二十一夫亡家酷貧上事翁姑下撫遺腹子紡績易食不以膝下之哺分堂上之甘翁姑歿出其凍餒所積及子傭工之資營葬盡誠子以過勞嘔血而亡孤孫復多疾氏之遭際愈窮而氏之貞操愈勵現年八十有一

周氏仇廷珍妻年十八夫亡誓志守節代夫盡孝翁姑已嘗并日爲食而奉養未有不謹遇病扶掖起居親嘗湯藥歿則喪葬中禮撫姪爲嗣教訓恩勤鄉人以孝慈並稱現年六十有六

張氏李丕顯妻年十七夫亡孤子尚孩家無人依母氏居母氏勸之再醮則大怒返遂終身不復至母家苦節撫子至於成立年近九十而卒縣令楊特表其閭其孫婦党氏孀居時年二十餘孤子方晬當是時李氏同爨者三十餘口遭大疫亡者二十

餘人惟存白髮舅姑暨垂死之公而已氏鬻衣賃屋爲二十餘人營葬事而其舅與兄公又俱死乃盡所餘田屋典賣之其姑復以憂傷失明氏仰事俯育日夜紡績凡奩中所有無不易以供饘粥孤子稍長卽令就外傳曰吾家世爲儒不可以貧隳氏今年六十有二

董氏倡懿妻年二十歲夫亡孝養翁姑撫族姪爲子教育成人年八十八歲卒苦節六十八年

劉氏韓恒和妻年二十一夫亡誓從地下家人環守之越三月餘乃語家人曰吾以舅姑故勉作未亡人矣今六十有五

李氏薛景端妻年二十餘喪所天不櫛沐者半載髮際虱出姑見而惡之遂復櫛沐姑性嚴而得篤疾氏事之惟謹一食稍迂卽終日不食凡十有餘年如一日焉年六十一而卒

韓氏武振業妻年十九歲而寡家屢空事孀姑以孝已嘗傳腹終日隣婦見其面有飢色欲以升斗助則曰吾適有疾耳其守志如此年今六十有二

韓氏楊來春妻高氏楊應春妻俱二十歲孀居撫育遺孤備嘗艱辛而娣姒相得如姊妹今皆七十有一

靳氏梁朝森妻年二十三而寡無子女鰥翁垂老以哭子成疾臥床一十二載氏守節奉養今已五十年

何氏高景才妻年十九寡無子守節今六十九歲

董氏侶銜妻年二十而寡孝養舅姑撫姪為嗣卒年八十有八

賢媛

明

屈氏五泉子韓公邦靖妻華陰都御史屈直女也生十餘歲其

五泉縣志卷六

五

父課諸兒讀經史安人刺繡其旁竊聽背誦通曉意義汝慶髫年以神童名弱冠舉進士與安人稱雙璧詩文倡和如良友焉汝慶早歿安人後十四年而歿有女小字異女嫁秦王子痛其父母繼亡父集既梓而母詩不傳以書貽許西康太史之女為母詩乞序其詞酸楚願藉皮為褚削骨代穎以傳母集太史感而為之序謂有女如異五泉子未為無子也

雷世濟妻韓氏恭簡公女夫以子士楨為諸生不肯應保長為署官張銘杖死氏與士楨屢控臺司銘進士降官王者皆其黨女卒不得直士楨嘔血幾死氏謂之曰父冤所以不得雪者彼為進士故也汝能為進士庶可因為經紀家政令士楨專意問學年三十成進士卒為名臣而銘前以疽發背死矣

國朝

生員麻出表妻張氏內則修潔壽百歲康熙四十七年乃歿談明萬歷以來事皆有條理子孫繁衍益福德渾圓者

知縣王報春繼妻侯氏報春居官清白家無餘貲其亡也遺子鵬翼鵬程方在穉齡氏紡織佐讀和丸教子卒亦雙桂聯芳茹荼四十載壽七十而終海寧陳元龍撰墓記以表其賢

生員馬廷對母關氏夫早亡寄居母家力貧織紵教子成名

趙氏馬福義妻郝氏馬福智妻妯娌也事翁以孝聞義智有微嫌欲分炊二氏勸之不聽乃陽從之而糴殮薪米仍若未析時且常以古人友愛事相感動義智因復合爨自是內外益雍肅家事隆隆起相聚六十餘年

劉氏張好慎繼母少孀前妻子三人少者方數歲親愛之如已出未幾天其妻有遺腹子亦旋亡氏推燥居濕茹苦吐甘極撫

字之艱

朝邑志卷六

七

秦氏朱可立妻有從姑孀生而亡氏泣曰是予之責也雖叔庸辭嫌乎因撫而字之卒皆成立後二子奉氏如母氏曰予汝嫂耳而二子弗能改也

浣衣義婦者雙泉鎮吳氏媼也浣於渠有遺橐焉其孫方幼拾以視媼媼曰他人物也不可動須臾有人涕泣至謂橐中銀數十兩不足惜有公文脚契數紙此不可得則死杖下矣媼語客勿憂橐固在此其人檢視橐固未動也欣然拜謝而去

郭氏韓執魏妻爲夫繼室撫前室子如已出及已有子前子震夫婦多病氏私禱願以已子代其死氏卒子震登副車墓生瑞草人以爲德愛所感云

張氏樵三平妻性嚴潔知大義事舅姑能執婦道歲稔氏嘗之

食累日而堂上甘旨不少減年四十孀居家貧諸子皆幼弱姑復老病氏紡織奉養造次未嘗失禮撫諸孤慈而有法各授以業而嚴課之家計漸以不窘年八十餘猶勤女工執婦道諸姪子孫來省者未嘗不肅容見之以紡績勤勞爲諸婦先孫卿雲舉於鄉識者以爲賢孝之澤焉

朱氏王銀妻生有順德識大體夫商於外氏克兼子職君舅以名門裔賓從絡繹兼妾母庶孽紛紜參差氏一身周旋其間事上待下井井有條康熙辛丑歲褫家啖糠粃祖姑及舅食必異糧嘗與衣而肉不私其子後舅病且劇侍者率不當意氏輟婦功侍湯藥扶起臥者五閱月日不交睫者數十日祖姑年百歲齒落無餘每飯必請所食食必適口數十年如一日也七十以前未嘗晏起年至八旬猶績紡不輟嘗教子天衢曰王氏自參

朝邑志卷六

乘

知以來六世衣冠爾母以貧故忘先人之業也其賢如此卒年八十二

雷氏張著妻性賢淑人未見其疾言遽色著父宏慶有學行笑言不苟繼母劉家法嚴整家人憚之氏以孝順敬事爲妯娌先著常在外氏親操井臼每日早起櫛沐畢立窓下候安否舉按進食倚門外食已乃退劉稍不懌輒涕泣踧躅不寧責之惟俯首謝過卽因他人怒亦必下氣怡色婉言以解之顏鬢而後已三十餘年內外無間言

城池公署學校壇廟修建攷

朝邑志卷七

城池

縣城周四里高一丈五尺池深廣各一丈創建於明景泰二年知縣申閏繼成於成化二年知縣郭良十七年知縣李英嘉靖二十年知縣劉尙義厥後時圯時葺入國朝康熙十九年知縣陳昌言重修戊寅霖雨坡水大發東南北三面衝崩幾盡四十六年知縣王兆鰲重修乾隆十七年知縣成邦彥又修城門五東曰臨河順治十七年知縣丁魁南建樓其上改題曰陽稭像祀昭烈君臣西曰鎮羌建樓像祀真武曰金湯南曰望嶽康熙六年攝篆檢校劉聲芳建樓像祀文昌後圯四十五年署事西延督捕同知張芳及知縣王兆鰲重修北曰迎恩

公署

朝邑志卷七

縣治在城中央不知其所自起據李益志起金大定七年元大德七年知縣李英重修嗣是而宣德成化知縣一鼎與郭良相繼增飾本朝乾隆三十二年知縣楊嗣三十八年吳忠誥又修大門舊爲洞門上架譙樓建自知縣郭良形家病其土重不利於縣康熙五十年知縣王兆鰲改建三間儀門三間東西角門各一間大堂五間川堂五間三堂三間內署在三堂後庫房一間在大堂西東西房科各八間戒石亭在儀門內甬道今易以坊常平倉一十八間在大門內東偏舊制粗略覆板於地上置席囤儲貯多滯爛康熙五十年知縣王兆鰲修葺如倉廩式擴增完固獄一所在儀門內西偏舊獄卑隘歲久圯頽囚多苦之康熙五十年知縣王兆鰲捐俸修葺固潔俾得寧所馬廐一所在儀門內東偏

縣丞署在大堂西明萬曆十年丞裁署廢主簿署在小署西明天啟〇年簿裁署亦廢本朝三十八年復設分駐大慶關典史署在馬厰東巡檢司稅課局舊在山西蒲州西門外自黃河西徙遷新大慶關陰陽學醫學在縣治西北藥王廟僧會司在饒益寺道會司在太白廟申明亭旌善亭寅賓館俱廢

察院在儒學南卽部使行臺有大門儀門大堂二堂內有庖湏外有候亭康熙二十三年知縣陳昌言修今南新倉基卽是布政分司在察院西南久圯兵備道在馬王廟東門亭堂皇如察院式康熙三十四年知縣楊又時修乾隆三十四年知縣楊衍嗣改建華原書院

楊衍嗣華原書院記曰古者國有學遂有序黨有庠家有塾自天子王公至於庶人莫不教之以窮理正心修己治人之

道豈故爲是繁文縟節強天下以所不能哉亦將因其人性之固有勉其職分之當爲而使當世之士明先王之道爲有用之才而已也我國家鼎興百二十餘年海內乂安振興文教 詔直省建立書院廣育人才於是州邑郡縣莫不爭立學舍而朝邑舊有西河書院第規模湫隘不足爲諸生臧修之所余承乏是邑恒懼人才渙漫儒效疎濶無以仰副聖天子菁莪棫樸之意思所以廣之而署東故地厥址爽塏遂與邑之紳士捐貲鳩工建堂延置講齋以及棲士之舍無不備具工既竣廼顏之曰華原書院余方爲經其膏火酌其條教欲與二三子時相討論以樂觀其成而適奉檄西行然歐陽永叔有言教學之法本於人性磨揉遷革使趨於善惟善教者以不倦之意須遲久之功至於禮讓興而俗醇美然

後爲學之成况朝坂之區大河繞其東華原距其北山川爭
毓之奇人文蔚起之盛尤所謂其教易入而其化易行者哉
今其學甫立漸有成效惟後之君子毋廢母慢而使茂草興
嗟幸余他日者馳驅王事道經斯邑入其境將見人人譚
禮樂事弦誦俗多仁厚之風戶鮮鄰陵之習修之家足以明
先王之道獻之廷足以爲有用之才庶不負余經營之初
心而所厚望於朝人也夫故於其將去也泐詞於石而爲之
記

又知縣吳忠誥記曰朝邑水秀山明瓌瑋絕特之士代出問
所以琢磨而淬厲之則宰斯邑者責也前令玉臺楊君捐廉
倡義始建華原書院甫就緒調任霸陵予自庚寅冬蒞事卯
春苦旱募設粥廠三旬雨降麥大熟餘米變價得銀柒百餘

金詳明上憲歸入書院修膳各增有差予惟士氣需乎振作
豪傑奮興難概中材以下而殊尤異敏終資涵育以成海蚌
剖而明珠始顯崑竹斷而鳳音始彰荆璞琢而寶光始現我

朝久道化成人文蔚起績學鴻儒培養深沉明道術而通
政治窮經致用卓然軼羣自俗士薄植不務實勝文章經濟
視爲兩岐惟戶誦墨牘家守房行以祈弋獲幸而見售遺笑
大方不則皓首伊唔薄無一得名未可以幸成而學徒荒於
不殖豈非教術未端滋之誤哉予承乏茲土忝有父師之責
書院一役私心惓惓非直爲揚君善厥後惟願此邦人士養
其根而蒨其實樂羣敬業相與有成也至若藏修之暇游息
皆學望大河之來自天上汪洋無際則恍然於學有本原功
深而效遠也溯涇渭之合流清濁迭變則潏然於美質難恃

而習與性成遊必擇士也瞻大華之攢峰如蓮出於泥亭亭
雲素則可悟學之秀中彪外篤寔而輝光也鐵鏹山東遠西
折壁立千仞始仰程編修之奇抱高侍御之介節也遊覽登
眺皆足以疏滄精神發揚性情又豈徒呻吟咕嗶乞靈糟粕
已哉抑書院錫名華原山峙其北故也諸生業精於勤文章
報國卽謂清華之品由此其選亦無不可予向爲諸生肄業
晉陽書院八年日月切磨學業寸進概由乎此若謂長官以
此爲報最之資多士以此爲市名之地則非鄙懷所敢知已
西安行署在儒學西北久廢

學校

文廟元知縣成好德洪武初縣丞卞禮先後增葺然厥址湫隘
成化初知縣郭良稍拓知縣劉禮又增修之後七年知縣鞠鏞

又修學憲伍公福爲之立碑自是嗣者十三年李英十九年口
道立相繼增葺嘉靖乙卯地震大圯戊午縣丞口淑嘉收遺材
表暨鹵莽卑陋辛酉又遭回祿乙丑復興工重葺於是始拾本
朝雍正四年知縣楊臚賜乾隆二十二年知縣成邦彥又修

修建文廟學宮記夫子之道在萬世夫子之廟貌遍天下而
學宮者沐聖人之教澤以養育人材者也我 國家振興文
教百餘年來培養深醇士多爭自濯磨以求不負所學而官
師之責爲尤重蓋官師有賢否而學校之興廢因之學校有
興廢而人材之成敗由之矣朝邑文廟自邑侯楊公修建後
三十餘年破損殊多而學宮自明季以來荒涼特甚則所以
修飾而整頓之者誠不容已也 今上龍飛之十八年中衛
劉先生秉鐸茲土見此氣象急於修整請於邑侯成公公曰

惟先生其實圖之因謀於紳士紳士咸欣欣然樂於從事也
事定邑侯高公至又歡然樂成厥事而典廳薛公與爲贊勳
以及督工生員李篤生上官汝欽上官德暢段雲錦監生白
永成饒永昇焦復遂蘇玉麟鄉耆雷起祥吏員王進忠同心
協力夫而後敝者修之如大殿兩廡崇聖宮明倫堂敬一亭
泮池內外學宮門牆靡有弗新也無者建之如省牲所講堂
射圃書辦門十房在在悉滿焉工始於乾隆十九年二月落
成於二十一年三月三閱年而始就甚矣成功若斯之難也
夫 國家所重於學校之地亟亟然惟恐官師弗以爲重而
墜之致匹夫匹婦放逸失教也乃於所設置非惟不知修飾
其視其弟子不啻秦越人無所及也先生獨於 國家亟亟
於是焉者以亟亟然興起而涵漬之使英雄俊偉之士班班

然由是生也其敦詩說禮孝弟睦讓悠悠然由是益厚也余
待罪儀隴家弟姪來歷歷言之不爽而邑之薦紳先生附書
囑余作文以記之余故述所以成其事者而深幸吾道之賴
有人也尤望吾鄉之都人士體賢侯與先生作成之意共鼓
舞而振興之使夫聖道光昌人材蔚起所補不誠大哉乾隆
二十一年儀隴縣知縣邑人趙蒲撰

補立楊公重修文廟碑記歲在壬申乾隆之十七年也余除
夕到任次日正朔恭謁至聖先師廟見其宏敞壯麗肅然生
敬因問修建之由於弟子員咸曰此皆前任邑侯楊公之力
也公自雍正三年春到任見廟廡湫隘囂塵不可以妥神靈
不足以聳觀瞻爰進紳士而語之力爲振興身先捐俸三百
金於是衆皆感動興起勃然捐助莫遏也而公務稍暇卽至

廟指畫綜理自朝至暮寢食不計凡大殿兩廡戟門櫺星門以及泮池照壁柵門無不一一齊整又建立奎文閣書院計費四千餘金計時六十餘日而後功成其曰楊公之功如此惜乎功甫告竣一旦讀禮而去也設不去則學宮亦且漸次修整不至如今日荒涼之甚矣言及與衆皆感激泣下恨未立碑致公之苦心厚力不白於後世也噫楊公之勤政愛民余未見者姑勿論卽此亦可謂有功於聖教矣夫自公至今三十餘年時雖久而口碑猶存更歷年所故老猶有存焉者乎安知不埋沒於荒烟蔓草中也今又重起修建喜功之已成立碑記事而生監上官汝欽白永成等向余懇請作文爲楊公補立碑記以傳永久余曰是矣但功不自成有主之者必有輔之者其間何人督工何人攸助尋覓簿籍無有存者

姓名不可復識矣其奈之何諸生曰不有主者誰其輔之無者闕之可也請誌楊公之功於不朽余遂據所述者筆之簡端勒諸貞珉云夫聖道之明於天下學校之力也學校之興於一方官師之責也楊公尊師重道以大其功諸生感功銘德以紀其盛均得之矣學者能實體聖賢之學因廟以生敬因敬以立身庶乎仰正學之宗得楊公之意而先後同揆毋徒作傳名空文已也公諱臚賜字華殿雲南石屏州人辛丑進士由翰林院庶吉改授朝邑縣令奉牌奎文閣中八月日紳士供香火致祭焉是爲記乾隆二十一年儒學教諭中衛劉得炯撰

大成殿五間舊爲至聖殿雍正四年改東西廡各十三間大成門舊爲戟門雍正四年改太和元氣坊在大城門內雍正四年

增建金聲玉振二門在大成兩掖雍正四年增建櫺星門三間
泮池在櫺星門外明萬曆間知縣郭實創開 國朝順治十年
知縣王承庚從形家言謂納汙弗吉改門內康熙二十一年知
縣陳昌言以狹隘仍改門外制頗濶大南緣城起磴道立螭頭
雙表曰雲路象丹梯云德配天地道冠古今二坊列東西衢舊
依宮牆僅橫板額無以聳觀康熙五十年知縣王兆燾建啟聖
祠三間在殿東北名宦祠在大成門東首今名宦祠內又有葉
映樞羅人源姚士塾三人鄉賢祠在大成門西首今鄉賢祠內
又有雷于霖李楷王建常張好奇四人尊經閣向在宮牆外東
西通衢雍正四年知縣楊臚賜以地隣雜沓移建學宮翼方榜
曰奎文閣乾隆四十二年知縣吳忠誥仍改爲尊經閣其舊閣
已廢

記曰 聖天子尊師重道加意作人今天下自京都下及郡
縣邑皆立至聖先師孔子廟廟必立尊經閣以爲藏經之所
蓋尊經正所以尊師意至深也朝邑舊有閣在明倫堂之北
前司牧楊公以地溷市塵移置廟之東南與地而肖奎星像
於其上顏曰奎文且以舊閣地址建廡舍數間以爲奎文報
賽之資而尊經之意於以久缺矣茲者邑侯吳諱忠誥字登
書以選拔來宰是邦政務休暇時畱心補缺興廢培植風化
旋以創建河神八蜡祠餘銀重整修聖廟興復是閣移置神
像於其南以上應文明仍顏其閣曰尊經而數十年久曠之
典不勞而興矣已復念西河書院師儒雖設而脩脯衰薄無
以獎勵後來卽以廡舍賃資一十一兩餘移歸書院著管事
人經營生息以作將來買地膏火之本一時言語懇切照人

肝膽昔人云一舉而三善備其在斯歟他日者文材掘起文章聿興我侯之功寧不偉哉瀨等身沐膏露敬荷陶成竊恐後之承流者莫識其源也是爲記乾隆四十二年歲次丁酉春三月立癸酉拔貢生雷長瀨撰

明倫堂五間在大成殿后康熙四十八年知縣王兆鰲重修雍正四年知縣楊臚賜擴其基繚以垣雍正□□年知縣馮盡善重修博文約禮二齋射圃觀德亭俱廢敬一亭今移建明倫堂之左

儒學在文廟西大門三間西向教諭署在儒學門內訓導署在教諭署西俱南向

學田共五十八畝有奇歲徵租三十五石分給廩生貧士詳見學宮碑

西河書院在學宮旁舊爲社學康熙十八年知縣朱集義捐設義學雍正九年知縣楊臚賜增建堂宇改爲書院延師課學以西河爲卜子設教之地故名後知縣丁士之吳忠誥先後勸捐置地取租以供山長修膳有碑記

庶常楊侯出尹朝邑六年於茲矣本經術以布治道定河界辦軍需不擾不忒吏民懷之於是次第修舉廢墜復鼎新廟學其規制一準夫闕里堂皇巍煥大體斯崇甚足以振士氣而宏教澤也而又於學左立西河書院專祠卜子集朝人士之有志有行者課業其中歲辛亥以落成來告誌館青旣書之於策以傳永久而猶慮紹述之無人則假爲廩困廩監不數年而摧爲薪鞠爲草者其恒耳乃進朝人士告之曰夫日之麗天也赫赫明明靡所不照而日與列星借日之光以爲

光亦足以使晦者常顯而晝夜不息夫子之道如日中天而四聖十哲得夫子之道以爲道其大者如月其次如五緯又其次如二十八舍皆足以光照千古而不墜彼七十子之徒自四方來學於洙泗歸則各以其所得淑其郡國之士秦人有三焉曰壤駟子赤燕子汲秦子祖其所得於夫子之道以淑秦士者史策失傳而秦人至今猶依其姓名以致其仰止之懷若魏之少梁夏陽臨晉北澂皆與秦封密邇衛人卜子自魯歸設教西河經學昌明吾道之西千百世下有不溯卜子之澤而深其景仰者哉歷代分域龍門以西渭汭以北凡西河地悉隸秦疆則朝固關西閭閻也當日卜子以篤信謹守之詣而衍爲溫柔敦厚之教其所得力與誘導者莫不與天下後世其白之其對夫子論詩嘗曰昭乎若日月之明燎

乎若星辰之爛學者苟能尊聞行知其始如燦爛火以希一隙之光漸且秉炬而朗徹久之有不共仰懸象之著明者歟夫列宿之繫於天也其光燭天下而不限於地然謂太白不主金氣鶉首非秦分星有是理乎侯之祀卜子以教朝人始欲先定其所守而漸進於風雅則根柢蟠固而枝葉暢茂闢學之盛豈可量哉朝人曰敬受教於是乎書之於石以示後之君子願相維持於勿替侯名臚賜雍正癸卯進士雲南之石屏州人糧鹽道沈青崖撰

我 國家養士百有餘年文教覃敷凡遐陬僻壤家弦戶誦矧茲朝邑跨三河而瞻二華鍾靈毓異代有英賢又卽爲向者卜子夏設教之地歟攷唐開元時天下州縣里旣各置學又置麗正書院聚文學之士撰義講有司復給之自是至於

元凡先儒之所過化名賢之所經行並立書院置山長出錢粟以贍學者吾疑西河之上必且久有書院之設也而志乘獨不傳夫玉生於山不遇卞和則識之者難也珠沉於淵不遇象罔則索之者難也士修於家不遇良有司則激發而興起之者無人也當其株守蓬巷文章經濟引爲己任一行作吏此事遂廢往往而然尚安望其興賢育才相與以有成耶邑之有西河書院也 本朝遼東朱君卜地於學之西爲社學厥後滇南楊君擴其基而更以今名 皇上龍飛之二十有三年浙西丁君首捐俸爲邑紳士倡置地若干頃以給生徒膏火蓋自卜子設教西河遲之數千百年而後創有書院又歷三君子而後規模始略備其難如此雖然毋徒以其名也古者八歲入小學知室家長幼灑掃應對之節見小節焉

踐小義焉二十而冠入大學學先聖之禮樂知朝廷君臣上下之等修六德六藝之凡見大節焉踐大義焉是以治化隆而人材盛也茲幸際 昌期寸長一藝皆得有以自見而或狃於故習以專精舉業爲通人以弋獲科名爲得志儒者羞之誠欲聚多士於書院之中以相教養則宜先端其所嚮而後漸有以和平其血氣閑淑其見聞俾務爲明體達用之學而不尚空虛無實之詞如是以處則德行薰鄉閭如是以出則功業輝廊廟於以步武先賢宣揚 至治豈不美哉當事者其勉之吾嘗誦詩至青青子衿識鄭之所以微也又嘗誦詩至思樂泮水識魯之所以興也丁君蒞任方一載而首先是舉則其爲政可知矣是宜記知府李星曜撰 聖人之道備於六經自剛述而後孔門七十子之徒並受其

義其得與斯道之傳各有淺深厚薄之不同而經傳則道傳
是以百家子史不得與經術同穆深之氣學必有本亦必得
其所宗而後德行文學體立用行聖人之道心源可接將絲
衍於無替也朝邑舊有社學雍正丁未余蒞任之次年迄今
壬子六載以來鼎新聖廟卽借公捐餘資重加修建中構堂
後起書屋東西並建配房臺門圍垣靜深宏敞將進諸生肄
業其中以課實學而儲人才延經明行修之士掌院事崇祀
卜夫子子夏題曰西河書院夫大河以西皆魏地孔子沒子
夏退居西河教授生徒魏文侯師事之咨以國政段干木田
子方皆出其門魏人疑爲孔子昔曾子嘗謂子夏曰吾與子
老於西河之上當日設教旣久其與諸弟子漸摩於道德者
旣公以溥而入人爲最深邑中諸生進而請曰卽陽夏陽川

瀕河有子夏石室韓城有西河村建祠奉祀又有卜家村卜
氏其苗裔也傳稱西河未知定處余曰大河以西是焉往而
非西河也先賢設教其杖履所遊歷何所不至生徒所親炙
何地無人何論乎兩河東西何分乎朝卽韓城也邑治去河
東數十里許古爲河西縣祀之又何疑焉大道常新千載茫
茫卽今考其里居本衛人而墓有二一在曹州西三十里卜
垆都一在河津縣西五里新豐村園林栖賢之墟且無定處
而必欲以絲延大川指一席之地以爲援據是將使三千之
徒皆羣萃於東山泗水間而七十二廷聖人轍環周流之地
所在請業者卽不得居杏壇弟子之列是何膠柱之論也乎
夫子夏傳經者也趙氏謂孟子長於詩書程子謂知易禮春
秋莫如孟子子夏習於詩能通其義著爲爾雅相傳毛詩序

皆其遺說明正始之道王化之基詩教賴其羽翼對孔子曰
詩之於事上有堯舜之道下有三王之義是典謨與義其歸
一揆長於書也持滿戒盈終身奉行長於易也五至三無而
通於無體之禮無聲之樂又傳禮在於志長於禮樂也榮先
王之義公羊高穀梁赤親受其學長於春秋也接千聖之心
傳精微一貫啟後承先卽經傳道流衍大澤不猶在華原三
水間乎余久居是邦知邑多君子宋元以前文獻無徵有明
一代人文倍出載在志乘筆不勝書其最著者程編修高侍
御韓司寇忠孝節烈氣壯河山而遺佚如王復齋研究性理
學登堂奧直與河津文清東西相印今與紳士周旋皆敦本
崇實尚氣節不務紛華砥學勵行不徒以帖括爲工卜夫子
之教澤源流自遠論者謂漢儒明經不明道余直以爲未嘗

明經耳學者於中誦法而景仰之追宗前哲萃菁六籍探其
本而咀其華折衷於一不爲旁雜得聖人之道法之所由傳
則經學昌明大道之統淵源可繼是則聖人之徒是余之志
也夫余今以讀禮去振興教化丕煥斯文尚俟後之君子知
縣楊臚賜撰

西河書院與華原書院共田二頃八十餘畝取租銀一百一十
餘兩又紳士捐輸交商生息銀一千七百三兩九錢一分八釐
社學四所 兩女鎮一 舊大慶關一 安仁鎮一係新設
郝家莊一雍正十年知縣楊臚賜建設

歲科試額設入學十六名

額設廩膳生員二十名

額設增廣生員二十名

倉廩

常平倉三處一在縣署大門內東偏康熙五十年知縣王兆鰲增修廩房八座計二十五間一南新倉在縣城南街廩房八座計二十七間相傳察院行署改建歷年久遠無可考一西建倉在縣城西街廩房七座計三十五間係乾隆五年知縣王爾濬建造

社倉一十一處 在城一 新關社一 舊關社一 辛市社

一 趙渡社一 韋林社一 伯士社一 安仁社一 雙泉

社一 兩女社一 北千社一

武備

兵署在東門內

演武廳舊在南門外今移城北

朝邑志卷七

在城駐防經制外委千總一員

楊王謨潼關人武生

馮元潼關人行伍

孫宗夏江南人武舉

張天培潼關人廕襲

李正才潼關人行伍

賈秉義潼關人行伍

馬步守兵二十五名分撥趙渡鎮步戰兵二名守兵三名 兩

女鎮馬戰兵一名步戰兵一名守兵二名焦家莊兵四名 大

慶關守兵二名 餘俱存城

分防王家莊汛千總一員康熙五十四年新設

額賦鄜州人行伍

李懋功靖遠縣人行伍

錢壅慶陽府人行伍

彭有年固原州八行伍

馬顯固原州人行伍

李文成西安府人行伍

路麟固原州人行伍

楊錦鳳翔縣人武生

阿新泰滿洲人護軍

薛榮宗長安縣人武舉

曹祿寧羌州人行伍

馬步守兵二十八名俱在營並無分駐塘口

賦稅攷

朝邑志卷八

賦稅之在洪武年者無可攷在宏治甲子李益作邑志云夏地二千九百九十頃八十三畝秋地五百六十六頃四十一畝斗糧二萬七千五百石絲花地四百九十二頃折布淨花二千八十三斤折布九千七百三十三純桑六千六百八十一株折絲六斤十一兩絹八十二純正德己卯韓邦靖作志云秋夏田凡二萬四千一百四十九頃三十四畝秋夏稅凡二萬七千五百石有奇草七千三百六十束木絲三千八十三斤絲絲六千有奇布九千七百三十三疋絹一百八十二純右田賦止此其以丁賦者又有鹽鈔十有七萬六千八百四十貫貫准銀三釐黃丹二千斤斤准銀七分絲羯羊二十隻隻准銀六錢細辛一百三十斤斤准銀六分凡得銀五百一十六兩有奇又有石青大材木炸塊木柴黃熟銅山羊諸雜物蓋時分先後例有異同自此以降增省又煩矣今因可攷者著於篇

田賦

原額民地一等共地七千三百六十七頃四十七畝五分五釐七毫七絲每畝科糧二升六合六勺四抄二撮八粟共科糧一萬九千六百五石九斗七升三合七勺八抄九撮四圭三粟四顆每石折徵銀一兩三錢五分五釐六絲六忽二微五纖八塵共折徵銀二萬六千五百六十七兩三錢四分二釐四毫八絲八忽五渺內除雍正七年八月內於遵 旨密議事案內奉 旨豁免賠糧銀四百八十六兩三分三毫二絲七忽九塵二渺三漠 又收雍正七年自首地二十一畝一分四釐四毫三絲自當年起科該折色糧五斗六升三合二抄八撮一圭三粟二

粒一顆四糠四粃該折徵銀七錢六分二釐五毫七絲一微四
纖七塵九渺八沙九洙四涯 又收雍正八年河東均分地一
百九十八頃八十六畝九分三釐一毫一絲四忽二微應自八
年起科該折色糧五百二十九石八斗二升九合二勺一抄四
圭三粟九粒六顆五糠四粃四被該折徵銀七百一十七兩二
錢二分三釐八絲二忽四微五纖七塵六渺七漠六沙三洙
實在地七千五百六十六頃五十五畝六分二釐三毫一絲三
忽三微共科糧二萬一百三十六石三斗六升六合二抄八撮
二粒一顆九糠九粃四被共該折徵銀二萬六千七百九十九
兩二錢九分七釐八毫一絲三忽五微九纖六塵八渺五漠五
沙二洙四涯內於乾隆二年三年六年十八年三十九年節次
奉 旨豁免河水冲坍沙壓地共七百三十三頃七十四畝五

分六絲七忽五微共免糧一千九百五十四石八斗四升七合
三勺一抄六撮九圭四粟三粒四顆四粃共免折徵銀二千六
百八十兩七分二釐四毫九絲五忽七微八纖六渺二漠一沙
一洙九涯七酒 現額實在地六千八百三十二頃八十一畝
一分二釐二毫四絲五忽八微共科料一萬八千一百八十一
石五斗一升八合七勺一抄一撮五粟八粒七顆九糠五粃四
被

共實徵地糧二萬四千一百一十九兩二錢二分五釐三毫一
絲七忽八微一纖六塵二渺三漠四沙四涯三酒

實額行差丁九萬二千四百一十五丁每丁徵銀七分八釐八
毫一絲七忽二微共徵銀七千二百八十三兩八錢九分一釐
五毫三絲七忽 又均徭銀二千四百二十四兩九錢三分一

釐七絲六微七纖九渺三漠九沙三洙九涯 又停免銀一百九十兩二錢八分六釐五毫九絲六忽四微四纖 又軍籍銀一千七百八兩四錢二分五毫二絲九忽七微七塵五渺 又匠價銀六十八兩八錢五釐 又乾隆元年起至三十六年止編審案內撥補屯更丁銀一千四百二十八兩六錢五分四釐六毫三絲一忽七微八纖八塵六渺九漠九沙九洙九涯六酒以上地丁均徭停免匠價並撥補屯更等項共該銀三萬七千二百二十四兩二錢一分三釐七毫八絲三忽四微二纖三塵三渺七漠三沙四洙二涯九酒內除請放以糧載丁等事案內均丁應減銀四千三百四十一兩二錢一分一釐三忽九微九纖二塵二渺

實在共徵銀三萬二千八百八十三兩二釐七毫七絲九忽四

微三纖一塵一渺七漠三沙四洙二涯九酒

額外課程銀二百八兩六錢二分 遇閏加銀一十七兩三錢八分五釐 換帖銀八十一兩三錢

以上額內額外連閏起存共銀三萬三千一百九十兩三錢七釐七毫七絲九忽四微三纖一塵一渺七漠三沙四洙二涯九酒

起運連閏解地丁兵餉銀二萬七千七百五十八兩五錢六分七釐三毫零 解額協華陰所店張潼關京兆宜祿各驛店支抵餉銀七百四十六兩一錢八釐六毫八絲一忽 解協臨洮府站支抵餉銀一十七兩三錢九分七釐一毫九絲九忽 解存留驛遞之差使甚少案內銀一千九百三十二兩六錢四分二釐四毫五絲零 解經雜裁扣充抵兵餉銀一百五十五兩

錢九分七釐零 解二年一辦會試舉人盤費銀舉人牌坊
盃盤等項舉人旗牌花紅酒席銀進士坊價及審丁開懇銀一
百一十三兩二錢三分四釐零 解付送原文裁撥夫馬銀六
十一兩五錢二分七釐八毫零 以上有開之年共銀三萬七
百八十四兩六錢七分四釐四毫三絲 無開之年少解銀六
十三兩二錢七分七釐二毫零 又額外課程換帖連開銀三
百七兩三錢五釐

以上額內額外連開共解銀三萬一千九十一兩九錢七分九
釐四毫三絲

存留共銀五千二百七十六兩六錢二分六釐三毫二忽七微
九纖 外遇閏加銀一百八十兩八錢五分四釐七毫三絲二
忽八微 共支銀五千四百五十七兩四錢八分一釐三絲五

忽五微九纖內入扣解銀三千五百二十九兩五錢九分六釐
一毫四絲六忽八微九纖 協涼夫馬工料銀一千九兩二錢
五分二釐七毫 支直下剩銀三十七兩九錢八釐裁汰損夫
工食銀三百三十二兩九錢六分一釐七毫一絲三忽 甘站
銀一千六十八兩四錢九分五釐七毫九絲七忽九纖久缺縣
丞俸薪銀三十五兩一錢五分三釐六毫八絲九忽 門子一
名工食銀五兩二錢七分一釐六毫二忽 遇閏加銀四錢四
分二釐八毫零 皂隸四名工食銀二十一兩九分三釐四毫
零 遇閏加銀一兩七錢七分一釐二毫三絲五忽八微 馬
夫一名工食銀五兩二錢七分一釐六毫二忽 遇閏加銀四
錢四分二釐八毫零布政司半留紙劄銀一兩五錢二分一毫
八忽零 夫馬閏月銀九兩四錢四分九釐九毫零 撥協邊

塘夫馬工料銀八百八十五兩二錢四分 遇閏加銀三十七兩八錢五分五釐四毫 遇閏扣解各官閏月俸薪銀一十三兩三錢二分六釐九毫零 撥協新塘夫馬工料銀六十一兩五錢二分七釐八毫零 遇閏加銀二兩六錢一分七毫零 共存留實支銀一千八百一十二兩九錢二分九釐二毫零 縣一員俸薪銀二十二兩九錢四分九釐二毫零 門子二名工食銀一十二兩 遇閏加銀八錢九分二釐七毫零 皂隸一十四名工食銀八十四兩 遇閏加銀六兩二錢四分八釐九毫八絲零 件作二名工食銀十二兩 遇閏加銀八錢九分二釐七毫零 馬快八名工食銀一百三十四兩四錢 遇閏加銀九兩九錢九分八釐三毫七絲零 民壯二十三名工食銀一百三十八兩 遇閏加銀一十兩二錢二分九釐零

看監禁卒八名工食銀六十四兩 遇閏加銀三兩五錢七分八毫零 轎傘扇夫七名工食銀四十二兩 遇閏加銀三兩一錢二分四釐四毫九絲零 庫子四名工食銀二十四兩 遇閏加銀一兩七錢八分五釐四毫零 斗級四名工食銀二十四兩 遇閏加銀一兩七錢八分五釐四毫零 典史一員俸薪銀三十一兩五錢二分 門子一名工食銀六兩 遇閏加銀四錢四分六釐三毫零 皂隸四名工食銀二十四兩 遇閏加銀一兩七錢八分五釐四毫零 馬夫一名工食銀六兩 遇閏加銀四錢四分六釐三毫零 教諭訓導二員俸薪銀八十兩 齋夫三名工食銀三十六兩 遇閏加銀二兩六錢七分八釐一毫零 膳夫二名工食銀一十三兩三錢三分三釐三毫零 遇閏加銀一兩八分七釐四毫六絲八忽零 門

三名工食銀二十一兩六錢 遇閏加銀一兩六錢六釐
毫六絲零 廩生二十名月糧銀六十四兩 遇閏加銀五兩
二錢一分九釐七毫六絲九忽零 新設主簿一員俸薪銀三
十三兩一錢一分四釐每年在司請領 門子一名工食銀六
兩 遇閏加銀五錢在司請領 差役四名工食銀二十四兩
遇閏加銀一兩七錢八分五釐四毫零在於本縣民壯工食內
撥支 皂隸四名工食銀二十四兩 遇閏加銀一兩七錢八
分五釐四毫零本縣皂隸內撥支二名蒲城縣永豐司巡檢弓
兵內撥支二名 馬夫一名工食銀六兩 遇閏加銀五錢在
司請領 春秋祭祀銀七十一兩一錢八分一釐三毫零 祭
旗纛並犒賞民壯銀五兩一錢一分二釐三毫零 永豐倉斗
級工食銀一十兩六錢六分六釐六毫 遇閏加銀八錢四分

三釐八毫 舖司兵二十七名工食銀一百六十二兩 遇閏
加銀一十三兩五錢 鐘鼓夫五名工食銀一十二兩 遇閏
加銀八錢九分七毫六絲 洛河水夫二十名工食銀六十六
兩六錢六分六釐六毫 遇閏加銀九兩八錢九分六釐三毫
渭河水夫二十名工食銀四十八兩 遇閏加銀七兩一錢二
分六釐零 遞馬六匹草料銀一百四十七兩五錢七分四釐
藥油銀七兩一錢三釐 支直修理銀三十二兩九分二釐
遇閏加銀一十二兩二錢九分八釐 馬夫六名共支工食銀
五十九兩八錢一分一釐 遇閏加銀四兩九錢八分四釐
損夫十二名共支工食銀一百二十八兩七錢七釐 遇閏加
銀一十兩四錢四分五釐 孤貧五十五名口月糧銀一百九
十八兩 遇閏加銀一十六兩五錢布花銀二十四兩二錢四

釐五毫

屯衛 向隸潼關縣乾隆十二年奉文改隸

原額屯地五百二頃二十畝七分二釐歷年一例徵收不分等第每畝科徵本色糧四升三合二勺七抄九撮九圭六粟八粒零折色銀六釐六毫六絲八忽七微四纖九塵五渺六漠零共額徵折色銀三百三十四兩九錢九釐四毫四忽四微二塵八渺八漠三沙二沫額徵本色糧二千一百七十三石五斗五升一合一勺五抄八撮七圭五粟在於遵 旨議奏事案内奉文每糧一石折徵銀一兩共折徵銀二千一百七十三兩五錢五分一釐一毫五絲八忽七微五纖

二項共銀二千五百八兩四錢六分五毫六絲三忽一微五纖二塵八渺八漠三沙二沫

原額屯丁三門九則不等共一百五十六丁各徵銀不等共徵銀八十九兩八錢八分九釐康熙五十五年起至乾隆二十六年止編審出人丁欽奉康熙五十二年三月十八日 恩詔後遇編審之期但據康熙五十年丁冊定爲常額續生人丁永不加賦

實在人丁一百五十六丁該銀八十九兩八錢八分九釐又於乾隆二年奉 旨旨屯更銀糧均丁應增銀一十九兩二錢七分七釐九毫四絲五忽二微九纖三塵一渺九漠四沙八沫以上共實徵丁糧折起運共銀二千六百一十七兩六錢二分七釐五毫八忽四微四纖六塵七漠八沙

遇間加增銀九錢二分七釐六毫一絲八忽一微六纖二塵七漠二沙五沫二涯又於乾隆二十五年奉文在於籲請轉詳等

事案內於屯地內每年折徵供支潼關協驛防本縣兵丁馬匹
草五千五百八十束每草一束准抵正賦銀一分共抵正賦銀
五十五兩八錢

除抵草實徵銀二千五百六十一兩八錢二分七釐五毫八忽
四微四纖六塵七漠八沙

以上今見在額收

原額民地一等共地八千六百五十四頃三十一畝四分一釐
七毫五絲每畝科糧二升六合六勺四抄二撮八粟共折色糧
二萬三千五十六石八斗九升三合五抄九撮五圭四粟七粒
每石折徵銀一兩三錢五分五釐六絲六忽二微五纖八塵共
徵銀三萬一千二百四十三兩六錢一分八釐六毫八絲四忽
二纖二塵八渺內於順治七年九月 督撫具題奉免過無主

朝邑志卷八

八

荒地八年九月具題免過有主荒地康熙八年五月具題秦蜀
蠲免事案內豁免過共地一千三百七十頃七十二畝二分六
釐七毫八絲四忽免糧三千六百七十四石四斗四合一勺八
撮一圭九粟除銀四千九百七十九兩九分九釐九毫五絲一
忽六微一纖一塵三渺內節年開墾并自首地六十四頃七十
一畝六分二釐八毫四忽科糧一百七十二石四斗一升七合
六勺三抄一撮九圭七粟一粒徵銀二百三十三兩六錢三分
七釐三毫一絲五忽三微六纖八塵一渺 又康熙二十一年
開墾過一等退水灘地一十五頃七十畝九釐自二十七年起
科糧四十一石八斗三升四勺六抄三撮三圭八粟七粒二顆
徵銀五十六兩六錢八分三釐四絲九忽四微九纖二塵五渺
又康熙二十九年開墾地三頃四十六畝六分九釐自三十五

年起科糧九石二斗三升六合五勺四抄二撮七圭一粟五粒
二顆徵銀一十二兩四錢四分二釐二毫七絲九忽一微七纖
二塵九渺九漠 實在地七千三百六十七頃四十七畝五分
五釐七毫七絲共科糧一萬九千六百五石九斗七升三合四
勺八抄九撮四圭三粟四顆共徵銀二萬六千五百六十七兩
二錢八分一釐三毫七絲六忽四微四纖五塵九漠 均徭銀
三千二百二兩三錢一分一釐二毫八絲七忽六微內除荒及
康熙八年五月內題秦屬蠲免共銀六百二十九兩八錢一分
五釐八毫八絲二忽七微八塵九渺 實徵銀二千五百七十
二兩四錢九分五釐四毫四忽八微九纖一塵一渺 又康熙
二十一年開墾地畝自二十七年起科徵均徭銀五兩八錢九
釐七毫二絲三忽一微三纖三塵六渺 又康熙二十九年開

墾地畝自三十五年起科徵均徭銀一兩二錢八分二釐八毫
三絲九忽一微四纖五塵一漠 又停免均徭銀一百二十七
兩六錢二分六釐二毫二絲七忽九微六纖 外附新增軍籍
銀一千七百八兩四錢二分五毫二絲九忽七微七塵五渺
以上地糧并均徭停免及開墾均徭外附軍籍共徵銀三萬九
百八十二兩九錢一分六釐一毫一忽二微八纖二塵三渺
原額人丁三門九則不等俱折下下丁九萬八千八百三十一
丁每丁徵銀七分八釐八毫一絲七忽二微共徵銀七千七百
八十九兩五錢八分四釐八毫七絲五忽二微內除優免丁一
千六百七十四丁銀一百三十一兩九錢三分九釐九毫九絲
二忽八微 行差丁九萬七千一百五十七丁共額徵銀七千
六百五十七兩六錢四分四釐八毫八絲二忽四微內順治七

年九月內 督撫具題豁免過逃亡丁六千九百三十五丁除銀五百四十六兩五錢九分九釐四毫六絲四忽 前召回人丁一百二十三丁徵銀九兩六錢九分四釐五毫一絲四忽六微 又節年召回并審出人丁二千七十丁徵銀一百六十三兩一錢五分一釐六毫四忽 又優免不盡停免丁七百九十五丁徵銀六十二兩六錢六分三毫六絲八忽四微八纖 以上共實在丁九萬三千二百一十丁共徵銀七千三百四十六兩五錢五分一釐九毫五忽四微八纖 以上地丁均徭停免及開墾均徭外附軍籍實徵共銀三萬八千三百二十九兩四錢六分八釐六忽七微六纖一塵三渺 外遇閏加銀四百二十八兩七錢五釐九毫六絲四忽內除荒并秦屬蠲免共銀四十兩七錢八分六釐三毫八絲五微五纖八塵 實徵遇閏加銀三百八十七兩九錢一分九釐五毫八絲三忽四微四纖二塵

此地丁連閏共徵銀三萬八千七百一十七兩三錢八分七釐五毫九絲二微四塵三渺

邑地丁錢糧弊竇叢生康熙五十年知縣王兆鰲奉文編審力革夙 定爲畫一之法闔縣士庶勒碑頌德見藝文志
額外課程銀二百八兩六錢二分遇閏加銀一十七兩三錢八分五釐 匠價并盤纏銀六十八兩八錢五釐遇閏加銀五兩七錢三分三釐七毫五絲換帖銀八十一兩三錢

此額內額外共銀三萬九千九十九兩二錢二分九釐六毫八絲七忽八微四塵五渺

起運連閏解地丁兵餉折色銀二萬八千一百二兩八錢五分

零 解額協華陰所店張潼關京兆宜祿各驛站支抵餉銀七百四十六兩一錢八釐零 解協臨洮府屬站支抵餉銀一十七兩三錢九分七釐零 解經雜裁扣充抵兵餉銀一百五十五兩一錢九分七釐零 解敬陳減差等案內裁驛站充抵兵餉銀一千九百三十二兩六錢四分二釐零 解三年一辦會試舉人盤費銀 舉人牌坊盃盤等項銀舉人旗牌花紅酒席銀 進士坊價銀及審丁開墾銀共一百一十三兩二錢二分四釐零 以上有閏共銀三萬一千六十七兩四錢二分零無閏之年少解銀一百三十四兩零又額外解新增軍籍課程匠價換帖銀連閏共二千九十兩二錢六分四釐零 此額內額外連閏共解銀三萬三千一百五十七兩六錢八分四釐九毫五微二纖七塵八渺二漠

存留共銀五千六百八十七兩六錢二分七釐九絲二微五纖九塵八渺八漠 外遇閏加銀二百五十三兩九錢一分九釐三毫四絲九忽四微一纖六塵六渺內除 題明請將驛站等事案內裁減夫馬閏月銀一釐六毫五絲二忽三微九纖九塵八渺收入起運外 止實支銀五千九百四十一兩五錢四分四釐七毫八絲七忽二微七纖六塵六渺八漠 內共入解項銀二千三百五十五兩八錢七分二釐六毫一絲四忽二微五塵四渺 甘站銀一千三百一十三兩八錢二分六釐零 店張驛站內新墾并自首地畝銀五兩六錢一釐零 站支甘站新墾并自首地畝銀九兩三錢四分二釐零 缺縣丞俸薪銀三十六兩二錢二釐零 門子一名工食銀五兩四錢三分零 過閏加銀四錢五分三釐零 皂隸四名工食銀二十一兩七

錢二分一釐遇閏加銀一兩八錢一分三釐零 馬夫一名工食銀五兩四錢三分零遇閏加銀四錢五分三釐零 夫馬新墾自首地畝銀一十兩五錢七釐零 布政司半留紙劄銀一兩五錢六分五釐零 夫馬閏月增銀四兩四錢七分一釐零 撥協邊塘夫馬工料銀八百八十五兩二錢四分遇閏加銀三十七兩八錢五分五釐零遇閏扣解各官閏月俸薪銀一十五兩九錢四分七釐零 共實支銀三千五百八十五兩六錢七分二釐一毫七絲三忽七纖一塵二渺八漠 知縣一員俸薪銀四十兩七錢二分七釐零 各官閏俸扣解數詳前項 門子二名工食銀一十兩八錢六分零遇閏加銀九錢六釐零 皂隸一十六名工食銀八十六兩八錢八分六釐零遇閏加銀七兩二錢五分二釐零 馬快八名工食銀一百二十一兩六錢四分零遇閏加銀一十兩一錢五分四釐零 民壯五十二名工食銀二百七十一兩五錢一分九釐零遇閏加銀二十二兩六錢六分五釐零 燈夫四名工食銀二十一兩七錢二分一釐零遇閏加銀一兩八錢一分三釐零 看監禁卒八名工食銀四十三兩四錢四分三釐零遇閏加銀三兩六錢二分六釐零 轎傘扇夫七名工食銀三十八兩一分二釐零遇閏加銀三兩一錢七分三釐零 庫子四名工食銀二十一兩七錢二分一釐零遇閏加銀一兩八錢一分三釐零 斗級四名工食銀二十一兩七錢二分一釐零遇閏加銀一兩八錢一分三釐零 典史一員俸薪銀二十八兩五錢二分七釐零 門子一名工食銀五兩四錢三分零遇閏加銀四錢五分三釐零 皂隸四名工食銀二十一兩七錢二分一釐零遇閏加銀一兩

八錢一分三釐零 馬夫一名工食銀五兩四錢三分零遇閏
加銀四錢五分三釐零 教諭 訓導 二員俸薪銀二十八兩五錢二分
七釐零 齋夫三名工食銀三十二兩五錢八分二釐零遇閏
加銀二兩七錢一分九釐零 膳夫二名工食銀一十二兩六
分七釐零遇閏加銀一兩七釐零 門斗三名工食銀一十九
兩五錢四分九釐零遇閏加銀一兩六錢三分一釐零 廩生
二十名月糧銀五十七兩八錢四分零遇閏加銀四兩八錢一
分五釐零 大慶關大使一員俸薪銀二十八兩五錢二分七
釐零 皂隸二名工食銀一十兩八錢六分零遇閏加銀九錢
六釐零 大慶關巡檢一員俸薪銀二十八兩五錢二分七釐
零 春秋祭祀銀七十二兩五錢九分一釐零 祭旗纛并犒
賞民壯銀五兩二錢六分二釐零 鄉飲銀二兩七錢二分二
釐零 永豐倉斗級一名工食銀九兩六錢七分八釐零遇閏
加銀七錢九分六釐零 舖司兵六十八名工食銀一百五十
兩二錢六分四釐零遇閏加銀一十二兩四錢八分四釐零
鐘鼓夫五名工食銀一十兩八錢八分八釐零遇閏加銀九錢
四釐零 洛河水夫二十名工食銀六十兩四錢九分二釐零
遇閏加銀一十兩五分零 渭河水夫二十名工食銀四十三
兩五錢五分六釐零遇閏加銀七兩二錢三分七釐零 遞馬
四十三匹草料銀一千五十九兩三錢遇閏加銀五十六兩一
錢三分零 修理藥材銀四十三兩二錢三分七釐零 馬夫
二十四名半工食銀二百四十四兩二錢六分 支直銀七十
兩 損轎夫四十四名工食銀四百七十一兩九錢二分六釐
零遇閏加銀三十八兩三錢一釐零 孤貧五十五名口月糧

銀一百六十五兩八錢三分二釐零 孤貧布花銀二十四兩八錢八分五釐零

此連閩共存畱銀五千九百四十一兩五錢四分四釐七毫八絲七忽二微七纖六塵六渺八漠

以上王志額收

鹽法

每年額銷河東鹽引五千五十八道代銷引三十道商人自行辦繳

以上今現在額數

原額歲銷鹽六十七萬二千觔繳引三千三百六十張加增鹽引一千五百七十五張銷鹽三十一萬五千觔每歲共繳引四千九百三十五張銷鹽九十八萬七千觔

朝邑志卷八

西

以上王志額數

稅課

牙稅徵銀七十五兩九錢

當舖二十五座征銀一百二十五兩

地稅每年收銀二百四十四兩不等 儘收儘解

畜稅每年收銀一百二十兩不等 儘收儘解

大慶關稅課局原額解商稅銀二百二十兩今額解商稅銀四百二十四兩

康熙四十年 制軍覺羅華□題准將三原商稅銀二百四兩歸併大慶關稅課局按季抽收起解共額今數

案今大慶關稅務歸同州收

夏地六千四百一頃七十一畝六分八釐九毫

夏糧一萬五千八百一十八石五斗二升七合五勺七抄七撮

六圭 存留四千三百一十一石九勺四抄九撮五圭不色縣倉一百

一十石八斗一升零學倉一百七十五石永豐倉二千七百七

十五石一斗八升零廣積庫四十五石七斗三升零折布乾

州一千二百四起運一萬一千二百七石五斗二升六合六勺

石二斗六升零二抄八撮一圭廣儲倉本色七千石折布一千石固原本色祿

糧三百石府秦

秋地五百九十一頃三十七畝三分八釐二毫

秋糧五千九百二十一石九斗五升五合九勺八抄八撮七圭

存留三百三十三石九斗九合二勺八撮三圭五粟本色縣倉一百

五十八石九斗零學起運五千八十石五斗一升五合七撮三

倉一百七十五石圭五粟本色山丹一千石古浪城一千二百六十七石七斗二

二千三祿糧五百七石五斗三升零秦府草七千四百二束零起

十三石分零

栢林寨四千三百八十五束零磁密寨堡站價七千一百六十

二千一十一束零固原九百四十四束零八兩八錢六分零 農桑絹一百八十二疋一丈八尺三寸零

絲絲六斤一十一兩布九千七百三十三疋二丈七尺絲花二

千八十三斤三兩零 商稅課鈔折銀一百九十七兩五錢七

分零

以上明嘉靖閒額數

地一萬一十七頃四十六畝四分

銀地七千三百一頃五十五畝六分

銅地一千七百十有一頃二十四畝二分

鐵地八百八十三頃九十六畝

次鐵地一百二十頃二十畝六分

以上明隆慶四年均田額數

地一萬一百一十九頃七十二畝八釐

夏秋糧同

以上明萬歷十年均田額數

戶口

在嘉靖閒戶一萬二千九十八口六萬二千六百二十七

萬歷閒戶一萬二千九百十九口六萬四千五百四十

今戶三萬五千九百九十七口二十萬九千六百七十四

郵遞

舊志遞馬四十三匹支直銀七十兩馬夫二十四名半損夫四

十四名於雍正七年奉文撥協涼州馬三十九匹夫十九名半

工料修理銀一千九兩二錢五分三釐閏月銀四十三兩七分

七釐

實留馬四匹夫五名工料銀一百五十二兩二錢五分五釐雍

正九年為沿邊口外均應照例添設驛站等事添設馬六匹夫

三名共工料修理銀一百八十三兩五錢二分共馬十匹夫八

名共銀三百三十五兩七錢七分五釐閏月銀一十三兩五分

四釐雍正九年為請 旨奏銷等事裁支直銀三十七兩九錢

八釐實留支直銀三十二兩九分二釐雍正十年為敬陳管見

等事裁汰損夫三十二名工食銀三百四十三兩二錢一分九

釐閏月銀二十七兩八錢五分五釐又於乾隆二十二年為抽

撥驛馬等事撥協乾州馬二匹夫一名工料銀六十一兩五錢

二分八釐閏月銀二兩六錢一分一釐乾隆二十八年為奏請

等事改撥安定縣馬二匹夫一名工料銀六十一兩五錢二分

八釐閏月銀二兩六錢一分一釐

今實留遞馬六匹工料銀一百四十七兩五錢七分五釐支直銀藥油等項銀三十九兩一錢九分五釐馬夫六名工食銀五十九兩八錢一分一釐實留損轎夫十二名工食銀一百二十八兩七錢七釐

以上共實留銀三百七十五兩二錢八分八釐 遇閏加增夫馬閏月銀十七兩二錢八分二釐又加損轎夫閏月銀一十兩四錢四分五釐

舖司 舊設十七處嗣於乾隆六年奉文裁減七處實留十處舖司兵二十七名

縣前一舖兵四名

東路東屯村一大慶關一舖兵各三名

南路趙期村一蒼頭村一舖兵各三名

西路王家莊一舖兵三名

《朝邑志卷八

七

北路安仁鎮一太奇村一舖兵各二名

西北路平羅村一雙泉鎮一舖兵各二名

蠲賑

康熙五十九年奉

旨因連年歉收將六十年應徵地丁銀兩普行蠲免

康熙六十年歲旱二麥歉收署知縣張允震勸諭紳士捐糧煮賑並詳請借給籽種

雍正元年二年歲歉知縣楊臚賜勸諭紳士捐輸助賑

雍正九年奉

旨因西陲用兵蠲免地丁銀十分之三

雍正十二年因秋禾被旱奉

旨將本年所借倉糧悉行蠲免

雍正十三年奉

旨將乾隆元年地丁蠲免十分之五

乾隆元年因平定西陲奉

旨將乾隆二年地丁蠲免十分之五

乾隆二年奉

旨豁免河衝地五百二十二頃九十四畝二分三釐零共免折色均徭銀二千七十兩二錢七分七釐零

乾隆二年巡撫崔

題准借給南八里等莊河衝地畝房屋居民穀四百五十九石五斗建蓋房屋二百一十一兩三錢五分豁免應徵錢糧除本年十分免五未完銀兩並戊午年以後每年應徵銀兩一并豁免

乾隆五年奉

旨豁免河衝額內地一十九頃四十七畝四分五釐共免折色均徭銀七十七兩九分七釐零

乾隆十一年奉

旨本年地丁錢糧普行蠲免

乾隆十三年秋禾被旱成災巡撫陳

題准分別賑卹

乾隆十六年秋黃河水發淹沒田廬總督兼理巡撫黃

題准分別賑濟蠲緩

乾隆十七年秋禾被旱成災巡撫鍾

題准分別賑濟

乾隆二十一年秋黃渭洛金水諸水俱發田禾被淹成災署巡

撫盧

題准分別賑卹

乾隆三十五年恭逢

皇太后萬壽奉

旨將三十六年地丁錢糧普行蠲免是年夏五渭河水漲淹沒田

禾冲刷房屋巡撫勒

題准分別撫卹賑濟

乾隆三十八年黃河水發沿河八里莊等被淹巡撫畢親臨確
勘並先於司庫撥銀賑卹一面具

題分別加賑蠲緩是年因金川用兵小民趨事急公欽奉

上諭將本年地兵錢糧緩徵六分分作三年帶徵

乾隆四十二年因

朝邑志卷八

九

大行皇太后升遐奉

旨將四十三年地丁錢糧普行蠲免

朝邑志卷八終

科舉錄

唐銷聲幽藪科

嚴善思

進士科

嚴善思

明徵薦

李整洪武初辟爲戶部郎中

席彥才

明經科

程濟岳池教諭

馬仲昌大理寺丞

楊景學縣丞

朝邑志卷九

高翔御史

周彧通政

人材科

尉遲潤興化通判

王式知府

賈納知府

仇名善安肅知縣

張九成知縣

劉士元知縣

進士

洪武丁丑李濟副都御史

正統乙丑蕭斌通政

天順丁丑上志知縣

成化丙戌劉讓知府

成化甲辰馬讓讓知縣

宏治庚戌王沓戶部郎中

宏治庚戌房瑄按察使

身隸任印籍

正德戊辰韓邦奇尚書韓邦靖叅議

正德甲戌牛斗萊州知府

正德丁丑王朝塗知州

正德辛巳雷子質知縣

嘉靖癸未孫巨鯨郎中王三省知府

嘉靖甲辰嚴天祥御史

嘉靖癸丑王學謨叅政

朝邑志卷九

嘉靖己未段朝宗知府

嘉靖壬戌王學古知府

嘉靖乙丑王一泊四川恤刑

萬歷甲戌雷士禎御史

萬歷庚辰王嗣美副使

萬歷丙戌雷元善知縣郭如魯同知

萬歷己丑李用中叅議

萬歷辛丑李朴太僕少卿王之冢主事張綸音副使

萬歷丁未李聯芳員外趙天宿主事王子陞陞布政

萬歷庚戌徐殷知縣

萬歷癸丑成珍夔州知府

崇禎辛未王鑰東阿知縣

崇禎甲戌惠戶實知府

崇禎癸未劉毅夔州知府

本朝

順治丁亥劉璽字爾符烏程知縣

順治己丑張表字在訥翰林院編修

順治壬辰張好音字知天綸音子歷官河南督學道

順治乙未張柟字讓伯戶部主事

順治戊戌王錡字萬生武昌府推官

順治辛丑張召南字仲文中書

順治辛丑張羅僕字子延

康熙丙辰馬鳴珂字子度

康熙丙戌雷應字效生廣東仁化縣知縣

朝邑志卷九

三

康熙辛丑張發祖字孝舒禮部主事

雍正癸卯麻居渭字交叔河南陽武知縣

雍正丁未上官有儀字公度山東齊河縣知縣戶部主事

雍正丁未蘇石麟字瑞生福建詔安縣知縣

乾隆丁巳趙蒲字廷璧四川儀隴縣知縣

乾隆壬戌上官德興字敬甫浙江永嘉縣知縣

舉人

洪武甲子楊仲貞教授

洪武庚午唐葵倫如舉知縣

洪武癸酉楊恭陝西布政

洪武丙子李濟進士樊冕進士

永樂乙酉王翼澠池教諭

永樂戊子趙整河南道御史歸儒滕縣知縣

永樂辛卯李睿

永樂丁酉王福馬駿王剛楊茂福建道御史

永樂庚子安永周道山西僉事

永樂癸卯張玘

宣德壬子王昺

宣德乙卯王質

正統戊午楊禮東昌教授趙衡漢川教授

正統甲子蕭斌乙丑進士靳能山陰知縣

景泰庚午陳善

景泰癸酉上志賀威劉讓俱進士

景泰丙子雷嚴教諭

朝邑志卷九

天順己卯周易

天順壬午韓倫武清知縣楊珪太僕寺丞趙齊高平教諭

成化戊子劉偉兗州知州靳時熙安才林縣知縣

成化辛卯孟熊王沓

成化甲午郭萬曹縣知縣張磬字中和教授韓紹宗劉永張珣

大名同知梁文盛莒州知州

成化丁酉馬驤雷曾大名同知

成化庚子李貞漢陽通判蕭鵬瀘州知州周瑄順德通判仇昉

平陽教諭李夔開縣知縣

成化丙午于章成都通判雷霓淮安通判

宏治己酉楊煥河曲知縣

宏治壬子楊友知縣党晉曲沃知縣

宏治戊午東陽

宏治辛酉韓邦靖

宏治甲子韓邦奇牛斗

正德丁卯程範大名通判王朝雍僉事韓邦彥知州

正德庚子雷子質

正德丙子孟填樊得仁叅議王朝塗

正德己卯劉衢王三省張嘉言孫巨鯨俱進士

嘉靖壬午楊時禮知縣

嘉靖乙酉趙芳劉元登王朝弼俱知縣

嘉靖戊子張源澄知州

嘉靖辛卯郭宗傳知州

嘉靖庚子王學詩知縣嚴天祥進士李友直王傳知縣

朝邑志卷九

五

嘉靖癸卯史東陽知縣王一治刑部郎中

嘉靖丙午楊乾貞知縣李鳳懷慶通判嚴天佑

嘉靖己酉王三益知州

嘉靖壬子段邦寵主事王學謨王學古

嘉靖乙卯李燁運使

嘉靖戊午段朝宗

嘉靖甲子何天衢通判

隆慶丁卯程愔知縣王尚綱知縣

隆慶庚午張所慎知州雷士禎進士

萬曆癸酉雷大道通判郭如魯王嗣蕃

萬曆丙子張徵音知縣王嗣美進士王本治知縣張濟世知縣

萬曆己卯王承教知縣

萬歷壬午王暉如運使王有容同知雷元善進士王交如知州
萬歷乙酉王家允字錫吾永平同知高輝字光吾虞城知縣段
實字子美陵川知縣

萬歷戊子李用中牛象坤字泰字永平府同知薛藜字宜之宜
章知縣

萬歷辛卯王之寀張綸音趙養性字善甫濟南府通判

萬歷甲午井東星字聚五永平府同知張孚鯨字繼一資縣知
縣

萬歷丁酉張自方字心矩西平知縣翟事心字存甫東昌府通
判許謚字佐予李聯芳

萬歷庚子李朴趙天宿李捷字懷元後復姓趙更名樾字蔭賜
廣昌知縣

萬歷癸卯王惟精字環中應州知州李繼芳字茂春三河知縣
萬歷丙午徐殷翟棟字任甫登州府同知徐周字希文王于陞
萬歷己酉徐宏基字恢先嶧縣知縣

萬歷壬子王孫綬字紫侯聞嘉教諭劉裔字宗堯廣靈知縣趙
勉字競喻新蔡知縣成珍

萬歷乙卯李時芳字際春平度州知州雷荐字震修清苑教諭
惠戶實

萬歷戊午雷應詢字臣虞定興知縣

天啓辛酉李昌字泰可繁峙知縣上履祥字仲旋李之實字獻
朴太平知縣張策字獻允廬州通判

天啓甲子李楷字叔則寶應知縣趙景溫字虛天汲縣知縣嚴
延選字青錢延津知縣

天啓丁卯王祚字允纘慶雲知縣王鎰嚴廷俊字用章永和知縣

崇禎庚午翟運晉字升衢高邑知縣嚴廷臣字鄰哉國朝鹽亭知縣徐鵬字海南

崇禎癸酉成珩雷于霖字午天王在璣字斗三國朝邵陽知縣上官宏基字印昌國朝營山知縣

崇禎丙子張表王在陞王鉞字峻甫國朝吳橋知縣劉宏猷字克壯國朝西充知縣郭肯獲字穉仲

崇禎壬午張斯翮
本朝

順治乙酉王報春字育萬永年知縣郭巖然字因之清江知縣張映奎字五星

朝邑志卷九

七

順治丙戌王鏌字翼治陽信知縣周皞字字春臺汾西知縣劉璽王丕振字象先安化知縣

順治戊子張鐸字木生商水知縣張好奇王鈿張羽字昆字歸安知縣何克俊字見三商和知縣

順治辛卯孫枝森張羅侯劉志孝字忠甫徐學孺字又穉

順治甲午張柟席鎧字重堅

順治丁酉張召南

順治庚子趙麟定字振公

康熙癸卯李應銳字含鏐膚施教諭黑暹字東旭聶王賓字用我肅州衛教授

康熙丙午麻樟字震文漢中府教授雷之璋字德夫馬鳴珂

康熙戊午樊王佑字公輔劉嗣字星在寧夏衛教授

康熙辛酉王鵬翼字六翮

康熙甲子李育才字萬和葭州學正李林字松如河州學正徐兆麟字瑞徵徽州學正

康熙丁卯魏之琰字仲溫中書舍人段春蕃字仲衍

康熙癸酉雷應

康熙己卯王鵬程字搏九劉岫字豫山

康熙辛卯郭治字完我寶寧知縣

康熙癸巳張發祖

康熙甲午徐渤字學海棲霞知縣郝斌字子文

康熙丁酉徐夢星字少微

康熙庚子麻居湄

雍正癸卯張乃來字季修上官有儀安養哲字旣明懷遠知縣

朝邑志卷九

八

雍正甲辰蘇石麟馬憐字誠齋

雍正己酉劉昱平涼府教授上官可觀永昌教諭王燾字天臣

雍正壬子上官德輿王烏字赤伯

雍正乙卯趙蒲

乾隆丙辰楊殿魁字冠文趙淵字龍溪南城知縣

乾隆辛酉王居所字維垣

乾隆甲子張懷祖字孝蘊孟縣知縣張爾誠字一齋三原教諭

乾隆庚午王桂字子丹

乾隆壬申王博字文若季克仁字長卿醴泉訓導

乾隆癸酉上官希憲餘干知縣

乾隆丙子安養蒲

乾隆己卯雷聲遠字子揚冀州州判李其桂字林

乾隆庚辰雷爾杰字俊卿騰越州州判雷長緝字敬

元祀

字殿年洵陽教諭

乾隆壬午謝伸字見龍

乾隆戊子申瑛

乾隆庚寅史褒字善揚

乾隆辛卯嚴修已

乾隆甲午韓朝翼張召字帝徵徐機字天樞

乾隆丁酉党慎修字永里薛偉楊卿雲字瑞廷

貢士

明

楊士榮偃師訓導

張諷崞縣教諭

九

張應躍

韓有節綏德州學正

東勛略陽教諭

王侃如葉縣丞

王家民興安州訓導

孟旭扶風教諭

張之煌大名府訓導

史銓費縣訓導

王克儉

王錫印河內訓導

王修夫字無我樂平訓導

張古制

劉嘉績字韋軒上蔡教諭

閻敏政隴州訓導

周更化

趙券字印白

忽以恒長山訓導

嚴思莊天祥孫恩貢

郭維寧字纂吾歲貢

蔚若璠

王在宥字引恬

袁容民

何正

孟學思德州同知

朝邑志卷九

十

楊偉然字士俊恩貢睢州判

嚴思慎字繩亭歲貢略陽教諭

劉恤民

白奇策

張羽音

楊濟泰字經宇

王鳴謙

趙濟揚州學正

李之杜字維斷處州府教授署龍泉縣事

劉鳴世字名之副貢夏津知縣

王擢副貢

王孫徽歲貢寧夏衛教授

張斯翮

本朝

王堯日字陶都歲貢莘縣知縣

徐繩武字丕烈拔貢垣曲知縣

郭衛宸字君護副貢棲霞縣縣丞

徐鸞字翰青副貢鎮江府通判

張大治字陶天副貢瓊州府同知

胡璘恩貢部考通判

雷霖字傅膏歲貢鞏昌訓導

張內蘊字素含歲貢

上官應麟字瑞蛟拔貢江西按察司經歷署樂平知縣

張祖武字子裔恩貢湘陰縣丞

朝邑志卷九

七

徐盛歲貢高臺所訓導

雷開祉字華陽歲貢郿縣訓導

王湯日字新盤歲貢

楊輝字喬瞻副貢

趙文明歲貢膚施教諭

齊朝棟

王孫組歲貢渭源訓導

徐蘭馨字楚畹恩貢

成藻字懿章拔貢第一

王在亶字信之歲貢河州訓導

張宏視字景福歲貢

韓相儒字鏡三恩貢河州訓導

井淵如字九潛歲貢

劉襄世字贊之鳴世弟歲貢

劉煥章字右質歲貢階州訓導

王經字魁五副貢樂亭知縣

成芳字蘭如歲貢鎮原訓導

王鏘字翼鸞歲貢漳縣訓導

党士元字元臣拔貢

王睿修字智之歲貢漳縣訓導

盧起鳳字佩玉歲貢

嚴肅字子欽歲貢

王扶剛字振九歲貢

張允升字大猷歲貢

朝邑志卷九

七

馬毓驥字爾良副貢

謝爾庸字亮工歲貢

李瓚字中黃拔貢

上官淑世字文若歲貢

郝天錫字九齡歲貢

王元灝字子夸歲貢

張二南字季文歲貢

何希宗字祇述歲貢

徐士麟字文徵恩貢

張愔字子和歲貢

楊起芳字復仲歲貢

王人瑄字璧六在直孫副貢

祖字孝舒副貢

郭藩字子介歲貢

徐炳麟歲貢

雷恕字道生副貢

趙方蘭字相如歲貢

張五經字翊書歲貢

徐瀚字北海歲貢

楊直歲貢

郭慶龍拔貢寶鷄縣教諭

張泗學字聖緒歲貢

麻居漕字渭北副貢

李其誥副貢直隸阜平知縣

朝邑志卷九

李逢字吉甫副貢府谷縣教諭

張毓璜字曠年拔貢山東觀城知縣

張嶙字景山歲貢

王思先歲貢

王柄字斗瞻歲貢

郭朝棟歲貢

張宗載拔貢

張五彩字華廷副貢

成銓字金生歲貢

魯純仁恩貢

上官汝恢歲貢

韓養士歲貢

蔚作霖歲貢

燕爾庚歲貢

王廷輔字公左歲貢古浪訓導

馮起蛟字雲飛拔貢高臺教諭

徐朝錦字萬龍歲貢靖遠訓導

張愉字子言歲貢同官訓導

歸汝霖歲貢咸寧訓導

雷乃元字長公歲貢寶鷄訓導

賈械字盛公歲貢涇陽訓導

張增燎字御光恩貢

韓震副貢

何玳字玫菴歲貢

朝邑志卷九

四

任中俊恩貢

雷長灝字澄齋拔貢

楊士琰字俊儒歲貢

雷聲霽字介福歲貢洛川訓導

李桎歲貢

薛大用歲貢

張明遠字近菴歲貢

劉元祀字殷年副貢

王猷字允公歲貢

張素抱字奇齋副貢

楊際辛恩貢

關金聲歲貢

關重歲貢

雷長祺字介福歲貢

王柳字無觀拔貢

李簡德字惟一拔貢浙江州判

党秀升副貢

韓鳳岐字桐齋歲貢平涼訓導

党書升字籍萬副貢

劉朝雍恩貢

王天衢字通侯歲貢

李克彬歲貢

李幹字貞卿歲貢

周道南字文寰副貢

朝邑志卷九

五

楊卿雲優貢

張積典字二酉歲貢

張廷選拔貢

例貢 已仕未仕俱附恩拔 嗣歲後

本朝

張翔如秦州訓導

康一麒吳堡縣訓導

張爾苞甘肅徽縣訓導

胡國定直隸滄州知州

段儼城固縣訓導

張大錫河南臨潁縣典史

雷大俊候選布政司理問

例監 已仕未仕俱附例 頁後

明

張耀長葛縣丞

李宗禮光祿署丞

蕭章密縣主簿

雷復享臨汾主簿

史紀法山東運司經歷

王嗣初追授中書

王廓如阜城縣丞

段梧武英殿中書

石佩玉府通判

段桐加監事

王裔大興丞

王于豐上林署丞

王于鎬光祿監事

王之寯加按察司經歷

王之寵加鎮撫司

王在茲衛經歷

韓璽歸德衛經歷

本朝

朝邑志卷九

六

馬中驥益都縣丞

張元兌廣東萬州吏目

張我弓浙江永康典史

上官冠英湖南巴陵典史

劉大受候補道員

王汝鉦

韓思興

穆龍見

李士瀛

以上四人俱係候選布政司理問

雷之震

雷守和

王允成

李瑄

謝焯

馬瑛

張珣

閆運生

張爾信

趙連城

趙學宗

雷聚奎

成邦秀

以上十三人俱係侯選州同

雜途

劉西奇廣西岑溪典史

楊作祚江蘇寶山典史

高宏振福建侯官驛丞

武會舉

明

崇禎癸未王履祚陝西營都司甘州操司

武進士

本朝

順治乙未王御春字龍浦山海衛守備荊州府游擊封奮威將軍

乾隆己未周伯爵由侍衛陞江南鎮江府叅將

乾隆壬戌溫士秀劉鵬翥

欽點侍衛

乾隆丙戌張澁

乾隆辛卯穆傑分發淮安候補衛守備

朝邑志卷九

七

乾隆戊戌李春欄

武舉人

隆慶丁卯王倣

崇禎己卯王履祚李繼牧

崇禎壬午張其寵金山衛千總

本朝

順治戊子李思順

順治甲午王御春韓可世字延之壽陽守備陞松潘左營游擊

順治庚子王榮宗

康熙丁卯侶成彥字俊卿

康熙己卯張翔如字翮雲

康熙壬午張溥字博菴

雍正癸卯張文明

雍正乙卯董復昌

乾隆辛酉張爾振劉鵬英劉鵬翔

乾隆甲子倪大統

乾隆丁卯簡俊秀薛鳴岡江西廣信守禦所千總

乾隆庚午簡廷薦衛邦彥

乾隆壬申高國棟

乾隆癸酉倪大綸

乾隆己卯薛文奎薛宗淮營千總王邦琇營守備

乾隆庚辰王萬春韓來旌

乾隆壬午劉煥衛千總李經邦

乾隆乙酉溫廷彥盧映奎衛千總

朝邑志卷九

大

乾隆戊子李作稠

乾隆庚寅李永泰衛千總井逢潤張致元衛守備

乾隆辛卯李作樞閆熙麟

乾隆甲午張翊清楊九容李中柱

乾隆丁酉仇玉棟李春櫟

贈

明

李政以子宗禮贈光祿寺良醞署丞

牛師以子斗封戶部主事

趙謹任主簿以子黃封兵馬貽輝

雷元利以子應詢贈文林郎知縣

樊達以子季冬封經歷

郭廷璋以子如魯封曲周知縣

劉續宗以子相封留守後衛經歷司

李士元以子用中贈兵部主事

段質以子梧封鴻臚寺序班

張騰貴以子綸音贈湖廣按察副使

李朝先以子朴贈太原推官

王貴讓以子皞如贈永平府同知

王學誦以子有容贈劍州知州

王廷璋以孫之宗贈太僕卿

王登洲生員以子之宗贈太僕卿

李邦忠廩生以子聯芳封真定知縣

翟近道以子事心贈保昌知縣

朝邑志卷九

九

徐佳生員以子殷贈南皮知縣

牛嘉賓以子象坤贈永平通判

趙世安以子天宿贈河內知縣

趙天文以子勉贈新蔡知縣

王嗣盛生員以子于陞贈副使

劉養廉以子喬封廣靈知縣

井觀生員以子東星贈林縣知縣

惠濟民以子戶實贈刑部主事

翟可贈以子棟贈陵縣知縣

王家允以子喬進階奉政大夫

本朝

張孚貞以子表贈翰林編修

張桂以子大治贈迪功郎宛平縣丞

張欽以子召南贈文林郎安福知縣

王可用涉縣尉以子御春贈奮威將軍

張繼康以子柎封文林郎巴縣知縣

張自法以子文耀贈儒林郎

張文英以子鵬贈儒林郎

劉君相以子璽浙江烏程縣知縣贈文林郎

蘇茂宗以子石麟福建詔安縣知縣贈文林郎

張述祖以子毓瓊山東觀城縣知縣贈文林郎

雷學勤以子應廣東仁化縣知縣贈文林郎

安五桂以子養哲廣西懷遠縣知縣贈文林郎

劉曠以孫昱甘肅平涼府教授贈文林郎

朝邑志卷九

千

劉謙以子昱府谷縣教諭贈修職郎嗣陞甘肅平涼府教授贈文林郎

趙淵江西南城縣知縣誥封文林郎

上官昌基以孫有儀戶部主事贈奉政大夫

上官人鑑以子有儀贈奉政大夫

趙中廉以出繼子蒲四川儀隴縣知縣贈文林郎

趙中藺以嗣子蒲贈文林郎

上官恢祖以子可觀永昌縣教諭贈修職郎

上官可法以孫希憲江西餘干縣知縣贈文林郎

上官正已以子希憲贈文林郎

王丕鬯以子人瑄高臺縣教諭贈修職郎

雷念以子乃元寶鷄縣訓導贈修職郎

張爾苞秦州徽縣訓導封修職郎

雷長吉以孫聲遠試用知縣借補直隸冀州州判贈文林郎
雷和春以子聲遠贈文林郎

王可采以子廷輔古浪縣訓導贈修職郎

張璟以子爾誠三原縣教諭贈修職郎

薛玉堦以孫鳴崗江西廣信所守禦贈武略郎

薛景佑以子鳴崗贈武略郎

季元柱以子克仁醴泉縣訓導贈修職郎

周汝綽以曾孫伯爵任江南鎮江府叅將贈懷遠將軍

周永环以孫伯爵贈懷遠將軍

周超類以子伯爵封懷遠將軍

劉瀚以嗣子大受候補道員加捐二級例贈通議大夫

朝邑志卷九

三

劉灏以出繼子大受例贈通議大夫

雷運高以孫大俊候選布政司理問加捐二級例贈奉直大夫

雷元利以子大俊例贈奉直大夫

王承荃以孫允誠候選州同例贈儒林郎

王國隆以子允誠例贈儒林郎

韓振國以孫繼昌候選衛千總例贈武信郎

韓登壇以子繼昌例贈武信郎

薛堺以孫宗淮候選營千總例信郎

薛景達以子宗淮例贈武信郎

盧應運以孫英候選衛千總例贈武信郎

盧毓正以子英例贈武信郎

盧士元以弟英勲贈武信郎

盧英以孫生鎧候選都司例贈昭武大夫

盧起烈以子生鎧例贈昭武大夫

雷勳以孫之震候選州同例贈儒林郎

雷位豈以子之震例贈儒林郎

雷濱豈以孫守和候選州同例贈儒林郎

雷之餘以子守和例贈儒林郎

李之朝以孫士瀛候選布政司理問加二級例贈奉直大夫

李櫟以子士瀛例贈奉直大夫

趙建式以孫連城候選州同例贈儒林郎

趙溫以子連城例贈儒林郎

趙思普以孫學宗候選州同例贈儒林郎

趙森以子學宗例贈儒林郎

明倫彙編

卷九

成海以孫邦秀候選州同例贈儒林郎

成福以子邦秀例贈儒林郎

恩廕

明

王建斗之宋仕至戶部山東司主事

戚畹

明

樊應祝代藩襄垣王女宜邱縣君儀賓封奉訓大夫

壽官

明

雷世鳴一百歲新市鎮人

本朝

井培天一百二十歲南畝社人

朝邑志卷九終

金石

宋謝卿材題名元豐癸亥三月正書在饒益寺

宋淨安寺鐘銘崇寧四年十月正書在寺故址懸古樹上

宋崇佑觀牒政和八年九月行書在東嶽廟

宋賈炎題名二一政和三年五月一政和五年六月並行書炎

子公傑于宣和六年四月刻石在饒益寺

偽齊趙抃藏春塢記阜昌癸丑九月正書在饒益寺

元靈應宮鐘款至元二十一年二月正書在宮內

藝文

從亡隨筆一卷成濟撰

養浩論一卷王奩撰

朝邑志卷十

苑洛集十卷苑洛志樂十二卷正蒙拾遺一卷啓蒙意見一卷

洪範圖解一卷後總名性理三解易占經緯四卷易說二十四

卷書說二十卷毛詩末喻一卷韓邦彥撰

五泉集二卷朝邑志一卷韓邦靖撰

閑懶子一卷王朝璽撰

燕石稿二卷友山浪談一卷王朝雍撰

明風雅十卷潼谷集十卷王三省撰

屈安人詩集二卷屈安人撰

公餘草一卷南垣奏議二卷講道河汾議一卷澄道四脉詩集

□卷賑恤議一卷崇祀一卷申明教化書一卷十議書一卷王

嗣美撰

續朝邑縣志二卷三遊記一卷被謁子五卷王學謨著

覆瓿集二卷王學古撰

籌邊遺議三卷王家允撰

旁觀指掌一卷張徵音撰

鷄蹠集二卷王暉如撰

堯山漫稿二卷聖山集一卷次杜五言一卷劉愛撰

光宗實錄四卷王之竊撰

抱甕集十二卷臆論一卷翟事心撰

調刁集四卷奏議二卷雪亭集八卷李朴撰

漫公集□卷王于陞撰

言性集□卷蛀蠹集四卷王孫綬撰

調龍集舌在篇王在璣撰

陝西通志二十八卷朝邑縣志四卷洛川縣志二卷卷五齋集

朝邑志卷十

二

十卷想閣詩集二卷獨狂詩集一卷雲滯詩集一卷集蓼詩一

卷棗栢二銘一卷齊雲遊記一卷廡閣集二十卷霧堂集三十

卷過楚集四卷枕上集六卷朝萊山房稿十卷棗栢集四卷河

濱樂府四卷今選訂河濱全書一百卷李楷撰

孝經神授篇一卷太極圖說一卷西銘續生篇一卷栢林集四

卷資善集八卷別世言一卷四言烏哺一卷雷于霖撰

小學句讀記□卷大學直解一卷兩論輯說十卷五經要義□

十卷律呂圖說二卷復齋錄六卷王建常撰

松園集二卷墨堂集二卷論孟正義八卷性理三解一卷王鉞

撰

紫沙集八卷王鏐撰

涉江草二卷野園集三卷出山草一卷蜀中詩二卷劉璽撰

質言二卷張枬撰

筠石集五卷蓬矢集二卷鄜州集四卷朝邑縣志四卷續鄜州志二卷大中正義三卷雜錄一卷劉峒撰

大作堂集二卷李益撰

在中齋集二卷李子瓚撰

朝邑縣志補四卷樹樹山房集二卷閩草二卷松草二卷西北譜二卷東南譜二卷正譜一卷李建撰

華河詩集一卷王鵬程撰

寓園集八卷劉岫撰

靈陂詩草一卷雷子質撰

周易講說一卷張珩撰

檄槐亭謾錄十卷嚴堯撰

西溟詩集四卷畫沙語三卷王傳撰

朝邑志卷十

三

疏奏

明韓邦奇論進貢疏臣巡歷至嚴州府建德等縣杭州府富陽等縣地方據軍民人等稟稱本處地方雖出魚鱉茶綾等物人民艱苦四府大監差人催督騷擾地方鷄犬不得安生要行禁約臣以前項係供用之物未敢擅專又訪得鎮守王堂市廂崔瑤織造晁進督造張玉各太監差叅將隨人等於杭嚴二府地方催攢前項進貢固已勒要收頭銀兩而不才有司官吏及糧里人等倚是貢物無敢稽察任意科斂地方被害人不聊生而四太監伴貢之物動以萬計是陛下所得者一而太監所得者十叅隨人等所得者百有司官吏所得者千里糧人等所得者萬利歸私家怨歸朝廷上供者一下取者萬况此等之物品不

甚奇味不甚美何足以供陛下之用哉及照建甯等縣地瘠民貧山枯乏樵獵之饒江清鮮魚蝦之利兼以近年以來水旱相仍徵科四出軍民困敝已極故前歲流民相聚爲亂一呼千百幾生大變幸賴撫捕而安今尚洶洶未靖在事在鑑實可寒心伏望陛下勅下該部將前項貢物特從停止仍行巡按御史並按察司及該道分巡官揭榜戒諭今後敢有指稱進貢名色在於各地方需索財物騷擾爲害應奏者奏奏應拏問者拏問庶民可蘇而地方可保無虞矣

諫錦衣衛官校拏人疏臣聞刑者人主治天下之大防而天下治忽所出係書稱堯舜之治至於四方風動其究歸於臯陶象刑之功故刑者人主之所當慎而不可忽者也國家法古制刑內則總之三法司外則總之提刑按察司後又特差監察御史

審錄都御史巡撫且皆付以糾察之寄其法詳且盡矣至於錦衣衛之設蓋以待夫隱罪極惡天子非時震怒特遣下之非以爲常者也然其制列聖相承止行於畿內至正德二年以來權奸相繼假此報復私讐中傷善類用張滂威迫脇海內官校紛紛而出所在有如豺虎破家亡身者郡邑相望天下洶洶至於大亂使非聖明繼世中興革而正之天下未可知也近者聖母駕過山東高唐州同知金波供應有缺陛下詔錦衣衛官校拏至京師天下愕然驚疑謂聖明在上亦復有此夫金波小官何足動天下之聽聞而錦衣官校出京拏人則固天下聽聞之所係也伏望陛下特宥金波之罪自後在外府州縣官有犯付之撫按官撫按官有犯付之三法司如此內外相承體統不紊罪皆闕實孰可逃刑哉臣以外服之臣乃敢塵穢聖聽罪誠難逭

但臣山東方面官高唐臣山東屬州金波臣山東屬官陛下差
錦衣衛官校拏人自臣山東始故臣輒肆狂瞽以獻芹曝惟聖
明采擇焉

明韓邦靖再請發內帑賑濟疏臣因大同地方民貧歲歉具奏
蠲免停徵稅糧近奉戶部行臣文劄似以臣言爲妄臣觀本部
所議有曰正德十六年大同有災州縣衛所已照分數除豁無
災稅糧不知緣何停徵者臣惟大同連年饑荒小民貧苦去冬
今春斗米幾值銀三錢事勢之極言之不殫至於先年奏報災
傷歉真乃是有司不恤民隱之罪豈可以此爲大同有無災之
地有不飢之民哉本部所議又有曰大同一鎮本部給發甚多
者夫大同所發該部錢銀乃是供給軍馬調度之用固未聞該
部發幾萬兩濟某縣之饑又曾發幾萬兩寬某州之稅也今乃

以此而塞臣之請是猶以東家之負歉而奪西隣之契券也本
部所議又有曰本鎮歲徵不足歲用天地所生貨財百物不在
官則在民收貯在官者堪以接濟則拖歉在民者乃可寬徵臣
愚不能遠舉古昔且如成化年間山西陝西之饑此時朝廷亦
發大倉銀數十萬兩出賑臣愚不知彼時發銀之時各處地方
在官者豈皆在在贏餘耶亦爲當時在官已竭而後發大倉之
銀又未知當時各該地方賑之而仍徵稅糧與否耶大同之饑
實與之同而又過之賑濟旣已不得求免稅糧又所不允是大
同之民旣不得與往日山西陝西之民比又不得與今日山東
直隸之民比也夫邊民之苦較之腹裏特爲異甚腹裏每畝徵
草二束而大同乃每畝四束腹裏稅糧每有輕折而大同存留
之外皆供王府祿米此其苦一也地寒霜早穫不得其時或有

外患人畜時亡此其苦二也軍儲缺乏每有動調人馬輒搜索民間名雖和買其實害不可言此其苦三也商販不通無貿易之利此其苦四也州縣長吏舉人者少進士絕無惟知科索不知撫字而各衛所首領官員及分守守備內臣比肩而立皆須供億民少官多此其苦五也是以數十年來村邑蕭條版籍凋落其視成化宏治以前十去六七此而不恤必至無民苟其無民豈有大同既無大同豈復有京師夫邊民者所以捍禦腹裏朝廷恩澤宜特加優渥今乃有腹裏所無之苦無腹裏所有之恩何也今大同北有強敵南有礦賊而號稱虎頭者時又竊發今州縣小民以升斗之粟坐強盜死者不少中間有兄弟三四人者又有親戚三四人者此其時勢不可不慮夫民心離向幾微隱伏固知朝廷之上此非所急至於變生禍作獨不用財乎

該部所稱財貨百物不在官則在民是誠至論臣愚不知今日之財貨果在官乎果在民乎若以爲今日之天下家給人足臣雖無似斷不敢以是欺陛下也昔者先帝臨御號稱積財如權奸劉瑾宸濠錢寧江彬張銳之屬皆富敵於國今皆抄沒在官當時內府豈無人掌管豈無文簿收記此皆今日財賦根源之地司國者正當惟是之求稽其出入而盡還之於太倉使宮闈不得占據貴戚內臣不得濫竊一疏不允再疏請之再疏不允則以身爲之去就繼之者又復如是則聖明之上豈有終不見從者哉足國裕民實在於此若以此等財貨皆入左右近侍宮闈貴戚之手不可必得而姑民之求則非今日聖明之治而亦非天下之所望於該部者也該部所議又有曰若是依擬停徵盡免作何區處可勾支放區處之策惟力請內帑之銀是也臣

不中用了臣問獄神關王神在上不畏王法亦有神鑒復招我
跳到迷混國裏了我風不曉得臣問實招與飯不招餓殺汝復
招要超生與飯不與餓殺罷臣問實招有飯卽放飯面前差見
飯低頭招不敢說臣麾去官吏皂庫人等止留二吏扶住問他
實招小的張差是薊州井兒峪人小名張五兒年三十五歲父
張義病故有馬三舅李外父交我跟不知名姓老公公說事成
與你幾畝地種勾你受用罷老公騎馬小的跟的走初三歇燕
角不知名舖初四到京因由忽僵地下回稱口乾說不出了卽
與米湯三碗臣問進京何人收留復招到不知街道大宅子一
老公與我飯喫說不要餓着他也休多了你先衝一遭去說撞
着一個打殺一個打殺了我們救得你臣問打誰復招望見打
殺我們有力量回得話老公與我棗木棍領我由後宰門進到

宮門上守門的手打我一把掌交我一棍打倒到裏邊輪了兩
棍莫有輪着老公公多了就拏住我又招還有栢木棍槎子琉
璃棍棍多人衆等情臣問各犯姓名至死不招又問山東司枷
責何苦不招復招不苦不甜只爲老公好意死了一遭臣聞此
情不覺神魂飛越夫以聖明之朝宮禁之地有此震驚大可寒
心儻非李鑑當傷韓本用等捉獲十步之內一挺之擊是伏莽
起於藪下而羗戎接軫也豈不殆哉夫皇上之愛東宮也獨知
之契也天下未有信之者也天性至情何俟人言保傅無有吝
於東宮也使天下見之今太子之勢危於累卵而皇上深居靜
攝未見孤危形象一夫不可狃况衆乎萬一有群不逞之人別
生事端襲入慈慶宮何以待之萬一有荆軻聶政之徒觸犯乾
清宮可無備與漸不可長蔓滋難圖不可不深圖不可不早慮

詩曰戰戰兢兢日慎一日臣願皇上之慎之也天下事悔之於後不如慎之於前已成而悔噬臍何及未成而慎藉茅無咎故萬悔不如一慎慎之此其時矣昔宋臣有言曰若其無事備之何害若其有事備之爲瘳有備無患此慎道也臣看此犯不癩不風有心有膽懼之以刑法不招要之以神明不招啖之以飯食始半吞半吐中多疑似情節臣不敢信亦不敢言臣一腔熱血唯冀感通皇上保護東宮爲宗社生靈長久之計伏願皇上縛兇犯於文華殿前朝審一翻或勅九卿科道三法司會問則情形立見患端坐銷有道之長終必賴之矣臣遇此獄情不言當死言亦當死臣死而有益於東宮雖死猶生也皇上卽不赦臣亦必有中臣刺臣者臣死不足惜惟憂國家多事耳尚留一疏進諫身後

明李朴論人望幾空疏臣聞樹國者非襲祖宗之成業可以長享天下而無害也必自樹人始樹人必自破奸黨始奸黨不破則忠佞混淆而天下危人主危後雖欲悔噬臍何及何也賢者之謀人國也嘗出萬死不顧一生之計而其視爵祿常輕不肖者之謀空善類也嘗尋萬有一隙之危而其布羽翼常廣臣請歷指其事皇上試垂聽焉自妖書作而沈一貫爲之謀王四張彌天之網附之者進背之者逐沈鯉郭正域逐而無辜波及者不可勝數悽惶旅邸飄泊孤舟闔門懼誅夷之禍而國家之元氣耗蝕於一貫之流毒自是分曹植黨競立門戶推附排擠憑其唇吻而憲成久棲林壑與人無爭卽一書上而議及時事從否在上有何權勢足以制人乃闕然攻擊以爲遙制國是不肖淵藪并其講學而非之道德仁義猶然不理於衆口且如陳用

賓陷城失印以爲將功遮罪黃克纘慕古陳情相與公保無議
比之顧憲成之書孰大孰小孰公孰私於彼則爭之甚力於此
則付之罔聞公道在人何爲懸絕如此此以憲成言之而知明
道之人望一空矣于玉立抗章言事敢逆徑尺之鱗忍死含冤
暫脫咥人之虎十餘年間伏竄丘園雖復新疏京銜尚在用舍
之際而議者謂走利如鷺鑽刺得官向使如天之禍不解必且
立爲齏粉彼寧肯忘其身以圖名高乎此以玉立言之而知隱
居之人望一空矣李三才巡撫淮上時以凋敝之秋貂璫播虐
而獨拚命拚官爲百姓作主沿江一帶漠然山高水清誰之力
也乃以爲貪而無比金山珠海窮宮室之侈臣竊見三才小小
居室金山珠海藏於何地徒使身係安危之人盤桓三徑此以
三才言之而知任事之人望一空矣孫丕揚三朝耆舊八旬老
人子息寥寥形影相弔再起林壑秉銓矢忠議者乃謂其非昔
日之丕揚徒爲人報復恩怨耳誓心天地之老亦不滿於群議
此以丕揚言之而知老成之人望一空矣况以呂坤之聖賢作
人姜士昌之讜論忤時鄒元標趙南星之獨立敢諫而倏賢條
不肖其始角立爭鳴不過快一時之私遂令皇上操不信之心
一切棄置以至大僚不補考選不下起廢不行卽有忠言亦弁
髦之此其禍人國家豈小小哉臣敢謂草野豈盡乏賢第恐讒
言孔張邪佞公行致使忠讜流落老成旅去天下無事則已一
旦有事臣且見皇上獨立於朝也皇上爲人守持宗廟至使抱
空國以立於臣民之上縱不爲天下臣民計柰社稷何柰宗廟
在天之靈何然究其原方正之不容也邪曲之害公也黨人之
爭勝不已其遺毒相尋而莫可解也乃知奸黨一日不散則人

村一日可憂昔子胥以爲沼懼吳劉陶以檀車徹漢卒之沉江死獄而天運隨之彼何嘗不因小人交搆其間而其君不信以至於苦口之言不入忠臣戮辱更姓改物爲覆轍之鑒也可不哀哉臣以爲欲使仕路之清明當決朋黨之藩籬欲決朋黨之藩籬當奮大阿之乾斷是非邪正從公核實果其世道之蠹不妨顯誅其身以爲奸邪之戒如其人有益於朝廷不得以含沙之巧棄白駒於空谷而快魍魎於清晝此在皇上一動念間耳何爲以疑惑之心塞衆正之路開群枉之門哉臣見今天下人材當惜朋黨當散故乞皇上察其邪正歸之於一斷則泰運可保而社稷永固矣無任懇切待命之至

乞究科道結黨疏竊惟我朝設立科道原爲潔已奉公彈糾不法非令其挾制各衙門說事要錢也結黨徇私擠排正人蒙蔽

朝廷也今乃交結戚畹近侍挾制內閣大臣在京諸衙門說事要錢結黨造言自己無日不爲却叅別人蓋明欺皇上不曾勤察訪省章疏而閣臣部臣柔懦罷軟之甚故耳臣謂此輩皆可斬也孫瑋楊北京孫居相李邦華周啓元等各爭職掌則群起而攻之今日去者去罰者罰獨一孫居相猶謂之黨孫居相一人耳何能爲黨彼浙江則姚宗文劉廷元等湖廣則官應宸吳亮嗣黃彥士等山東則卮詩教等四川則田一甲等四省百人結爲一心他如趙邦興猶不過助勢附炎之人耳皇上試思十百人攻一人誰爲有黨乎日叅東林亂政東林見作何官今見任風憲挾上嚇下納賄庇奸者反作擅權亂政林下閒居閉門讀書者反爲擅權亂政乎三尺童子亦不可欺而乃以之欺皇上真可斬也至如贓私百萬之萬克纘已叅反爲留用清風百

代之顧成憲已死猶爲糾彈失機則明之陳用賓猶爲打點出
脫挿標自鬻之趙煥猶爲稱功誦德執法不阿之孫瑋反爲誣
捏驅除殺人媚人之熊廷弼反爲抵死求解賄買科場之韓敬
已經公議猶爲稱寃而擅殺楚宗之沈一貫已奉明旨猶阻不
勘至若王曰乾所奏之事何等重大科臣吳亮嗣說事要錢一
一招承今反故爲把持稽滯其故難言之矣何怪乎一坐談間
而孫開相囑託數人也今京中上自大臣下至庶民無不恨科
道之貪橫奸欺卽科道之賢者亦所深惡而不敢爲皇上言也
惟皇上廉察得實自有祖宗結黨亂政之條與風憲官受贓之
條嚴究如律庶天下猶知有皇上之尊朝廷法紀之大而不專
有利道勢利之尊之大矣陛下何忍以赫赫九重之尊袞鉞生
殺之權不一密訪而聽奸邪小臣之簸弄也臣草此疏無一言
之妄乞先斬臣頭懸之都下以明臣之赤心唯知報主不知顧
身唯知盡忠不知怕勢不愧皇天不愧九廟不負皇上與彼附
勢結黨徇私滅公者義不兩立臣先年日觸時事曾有奏聞蒙
聖明洞鑒宵王咋舌乃今廉隅盡掃鹿可爲馬白可爲黑長此
不已國家立敗可不痛哉臣忠憤所激恨不卽死爲此瀝血奏
聞不勝待命之至

條議

明李朴審編議邑之有編戶如雁行鱗次然不可辭也編戶之
有盈縮如版築陵谷然不可定也編戶始未嘗不均而其後則
不能無偏肥瘠偏肥瘠則不能無偏輕重偏肥瘠者或以人事
之興敗或以造化之流變或以神奸之那移或以丁役之存沒
諸如此類用是實歸於虛虛反於實日月屢遷星霜變易經重

因焉二年之間其大都也老父臺嘉惠元元慨賜明問生敢不
掇拾舊聞以對其一曰查開收四境之內闔閭之間除沙水居
半可耕而食者止有此地地不在甲則必在乙也開收不明則
消長不見冊之開收其顯者也近有明買若干地而恐已戶之
增也則有交通賣地之家而延捱不收者此買者十三收者十
一情更隱矣又有已戶所收肥地十三而量開薄地十之一二
以開收相頂者此賣者十三收者十一情更隱矣且復顯開而
不顯收譬廓下開與永康廓下有開之名永康無收之實情益
隱矣莫若責令久不過糧者許人陳告書役明白填註地之肥
饒兩里相同此有所開彼有所收貧富不得相匿盈虧何難立
見隨地定戶隨戶定差則差殊覩矣其一曰勘災傷邑中飛沙
峻嶒河連洛渭焱風一起晴書亂披石燕秋濤時至兩涯不辨

牛馬三河一瀉動至一舍灑河之民地畝糧石冊中廣有問其
所耕流浪十頃此何得絲粟濟也且如洛河止於淹沒渭則地
崩華陰矣黃河則地崩蒲州矣蒲州一尺之地種十數里先年
相爭動至殺傷痛哭郊原何忍聞也莫若踏勘三河地可耕者
若干有糧無地者若干而稍爲末減則倒懸解矣其一曰恤弱
戶下戶之三丁不當上戶之一丁上戶土田既多資財又富卽
加一二而不爲害弱戶地旣寡少人又彫耗卽如沒者人骨已
朽存者止延殘喘而名籍尚留則問一拘成案遂有不死之丁
無名之差矣莫若細鞠里長俱以實報果有實丁不妨守舊如
不然去戶減丁不憚改轍益其所有損其所無此又解絃而更
張之術也其一曰均貧富貧者地無立錐災傷頻仍富者外無
顯名隱有厚實卽如某處人挾木金之資用遊湖海逐什一之

利溥事輕肥媮衣甘食履絲曳縞視常戶相去什倍而州不顯地丁比下則此晁錯所謂商人兼并農人農人所以流亡者也莫若責諸里老俱以實報有金千兩可比十丁力差別差照例攤派庶強力可以支持而弱植得一息肩矣其一曰定力差力差之名則一而差之輕重百等卽如洛河水夫亦一力差而當之者遂錯愕失色餘者遂欣然以赴則差之難易遂不可同類而共觀矣莫若就丁與地之極多者乃注重差別則隨難易以次註焉旣註之後各一印鈐在應差者旣不生移易之心亦不生希覬之意此亦法中之仁於力役之內而稍有此低昂者也其一曰調地丁夫丁地相兼而論丁之徭役地之糧石合之則地與丁同分之則丁不如地卽如有地十頃而丁不盈十數者則不失爲有力之家何者秋夏之積倉箱恒滿雖有饑饉必有

豐年此可有恃而無恐也若其有丁數百而地不滿數十頃者亦不免爲羸弱之戶何者嗷嗷數口仰食於力朝夕作苦聊就空眠何得有贏餘也莫若以地多而丁少者爲上以丁多而地少者次之庶養人者與自養者又不得混而無差矣其一曰嚴書手書手之弊百千萬狀不可窮詰百姓之愚者旣不習於地糧之多寡而中間巧詐狡獪者亦往往用賄鬻其心則虛實之間一則多而不及詳一則暗而不及知釜鬲之勢操自書手東西易面職此故也莫若以書手所開收者復密令本人開於里長兩處較勘毫髮不差庶無回互如或不投有罰無赦此亦溯流清源之道也凡此數款略據舊聞更以一得之愚稍竭芻蕘之慮蒿目驚心久矣恭承明問故爲之陳其梗槩如此統惟采

明雷士楨代知縣趙公條鞭議伏承議行條鞭者夫率屬惠民有良法矣乃壅遏而不知遵奉罪也集思廣益無成心矣乃依違而不肯明言隱也朝邑幅隕東西僅五十里南北僅八十里而沙苑鹹灘所包已十之四頃者黃河西徙計二十五里有竒東南一隅崩入蒲州之境省分山陝失業之民越河而取一草輒被彼民殺死裂屍投河則田之可耕者十不能以四五矣止以生齒稍繁小販技藝之人能於附近州邑貿易備匠以爲活計而俗又擾馴不敢避徭出其擔頭指下升合之積旋供上司本縣力役之征耳若欲盡百役而徵銀豈能於一時而卒辦况夫官徵則非銀不收私顧則百物可准官徵則銀色不高私顧則時銀可折原移所謂銀多難變者是也夫民間各戶自有無田可種無藝可執僅能食力於差役間者如善走則回馬多力則擡轎之類而其戶丁亦各因其所長顧以應在官之役蓋不但使同族相贍亦可令游手有歸茲而輸銀於官官爲召募則應募之人城市者易以掛名鄉村者莫能與數本戶貧丁不得應本戶差役而仍於無賴之身責以輸銀苟非賣子鬻妻以爲措處之計必將離鄉背井出於竄逃之門矣原移所謂應當易而輸銀難者是也且本地差役勞逸苦樂惟本地之人能知之故其私顧之工食多寡自能各稱其事卽以朝邑渭洛二水水夫言渭大水也洛小水也乃洛之水夫工食視渭不啻倍之而受顧者猶願渭而不願洛也諸如此類若非久在地方熟知民事必且多其所寡寡其所多斟酌於一時經久礙於後日原移所謂私計爲便官徵爲難者是也本縣銀力二差行之旣久百姓習而安之亦不爲苦若一舉而盡更之其不便乃更有可

言者山東河南之民生則報冊死則除之覈實差易此中百姓冊所登載名曰官丁冊所不載名曰私丁假如冊有五十私有十丁則官冊五丁之徭私之十丁實共辦之大都官丁所登不能私丁之半茲欲法行條鞭勢不容其脫漏愚民不知上人之意乃以利己必將曰丁半在官猶且不支而今令人人而在官也徭將愈重矣必且喟然怨生謹然謗起此則慮始之難所宜熟思而審處且銀差如祭祀表箋柴馬齋膳舉貢盤纏等項皆取徭銀之餘不與條鞭異指至於力差舊規量差輕重坐派上中兩則戶內如京兆驛庫子京羊大戶本縣庫子洛河水夫等項酌坐上戶門皂禁子機弓兵舖司等項酌坐中戶其下則之戶每丁徵銀皆以分計不滿一錢蓋上戶家豐力裕故坐以重役有以一而幫百者如庫子僅免徭銀五錢而私顧則至百金

矣有以一幫十者如洛河水夫僅免徭銀二兩而私顧則至三四十金矣下戶家窘力微故徭錢幾分之外更無幫貼所謂齊以不齊是乃所以爲平也而百姓由而不知安而不怪則未嘗融通槩縣彼我相形故不覺其懸殊若是甚耳茲而行條鞭之法則應免坐差者每丁責數分之銀而應坐重差者每丁所輸視下戶之丁遂相十百上戶之丁將曰我一身而當彼十乎我一身而當彼百乎人情必有所不堪或稍稍憐其過量從輕減異日鞭銀旣少工食必廉應募者將曰鄉也人以百金而我今如斯而已乎鄉也人以三四十金而我今如斯而已乎官募必至於不應此則善後之難所宜蚤見而預待夫廉明之吏錙銖無染綜核有方百姓一輪鞭銀更不知差徭繁碎之苦則條鞭二三固節用愛民之首務也若乃昏濁之員時不應斂而斂而

斂之又從其重時應散而不散而散之又從其輕久戀衙門者則利其顧直之少以長惡而容奸不入城市者則逼以官顧之威使屈首而就役又或握算而不知縱橫偷安而全任吏書打點門開侵漁竇啟則不但使各戶之丁輸之又輸似輕而反重且將令應募之役領皆空領有名而無實矣似不若仍舊貫聽民私顧之猶爲兩便也

序記

元歐陽元王氏世德序人子以顯親爲貴述懿行而掄揚之固孝矣而未受命於君也惟所欲爲者旣得上旨奉命詞臣爲文尤爲榮幸至元五年八月從上京以是告諸奎章閣大學士沙臘班侍上清燕以由義之悃從容奏陳且請屬筆翰林侍講學士臣元製文以其事關孝治之一特賜開允沙臘班出諭旨由

義惶遽無措退而再思曰是盛典也非小臣宜蒙旣而謀諸知己曰有君命矣不敢廢也明年由義除大都副留守又明年遷彰德路總管乃奉公牘移立言所以遲回却顧之狀於是立奉命考其家乘而爲之序曰王氏其先京兆之同州朝邑縣都仁鄉人也中葉避兵遷平陽城中已而復還今譜牒可考者七世府君諱敦娶李氏第一世也諱君寶兩娶楊氏一娶李氏第二世也諱仲濟娶李氏諱巨川娶党氏諱濟川娶劉氏昆弟三人者第三世也諱子山娶張氏第四世也亦有二弟焉長逸其諱娶石氏次諱仲瞻娶趙氏四世以下以由義貴始有封爵贈中順大夫禮部侍郎上騎都尉追封太原郡伯亨字伯通由義之祖考追封太原郡君雷氏其祖妣也張氏其繼祖妣也贈翰林直學士亞中大夫輕車都尉追封太原郡侯珍字君玉由義之

先考也追封太原郡夫人郭氏其先妣也雷氏其繼妣也張氏
今在堂其繼母也禮部公幼業儒平生所抄書甚多今篋笥猶
有一二存者鄉之老父往往能言其風軌國家初得中原史治
草創受徵辟爲縣幕官持守端楷每與時尚異同棄去遂不復
仕傳至翰林公克世其業性尤寬厚長者壯歲勤儉致家粗饒
而好善樂施出於天性未嘗以豐約介意人有貸或貧不能償
必毀其券鄰里有爭得其一言曉析無復終訟遇異母弟瑞備
極友愛瑞娶陳氏賢淑及公之子幼失其母陳氏夫婦遇之亦
有恩不忘公之惠也藏獲服役歲久召而良之晚年延名師教
其子學曰吾以是遺爾何啻簞金秦定二年七月以疾卒壽五
十有八四年七月十三日葬於南原先塋之西北由義字仲方
號慎齋佩其先人之訓惟謹用克自樹立長娶范氏今封太原
郡夫人起家以文學掾辟中書戶部史辟宣徽掾中書西曹掾
授奉訓大夫禮部主事拜朝請大夫西臺御史改徽政院都事
復拜中臺御史遷中書右司都事進刑部郎中官亞中大夫貳
在京留鑰出牧彰德尋轉嘉義大夫嘗語人曰先祖贊畫一邑
尚不希世苟合今寢位通顯爲政何敢鹵莽在儀曹數年練習
典故禋祀科舉設施注措如指諸掌在徽政能抑內侍節浮費
在憲府屢有獻替從上上京抗章論衛士縱牧畜踰民田不便
由是行營無敢犯者在西曹嘗議江西行省討鄰寇岑獠功時
相媚嫉抑不以聞奮與力爭相震怒殊不爲動廷論壯之在臬
曹主四方獄持法平允冬平冤釋疑客每以是稱其能輒遜謝
曰先人之教也立旣叙其世次先德又爲之言曰王君山義真
賢者也居寵不忘其先而能圖報悠久孝之純也君仁如天旣

獲所願常情得之矜詡恐後乃獨周思審慮三歲而後訖其事焉敬之至也雖然爲子止孝爲臣止敬誰實成其美哉大君之仁也顧願王氏子孫世世服膺斯言以無忘吾君之惠則孝敬之餘澤綿百世而未艾實自茲始也銘曰王氏居秦世歷七葉惟德惟義是其負挾積善獲報假物責償矧濬厥流其源日長受命賜詠歲律三易奉盈執玉爲是踧踖古鬲有銘今碑所祖三命益恭曰偃僂俯惟恭不替獲福鬼神繫正考父我思其人至正元年歲次辛巳四月吉日建

明韓邦奇志樂自序昔子華有志於樂孔子叩之曰非曰能之願學焉奇何人也議及於斯竊有志而未能也故曰志樂云夫樂生於心者也有是心而無所寄宣其意於言言成章爲詩而猶未足以盡其意也而歌咏之歌咏之而猶未足以盡其意也

而被之聲容是之謂樂樂無詩非樂也亦無樂也古樂之亡久矣周禮失其真樂記遺其制去籍於諸侯之僭殘壞於秦火之焚漢儒附會於其前諸家紛紜於其後上誣天文下誣地理中誣人事配五行四時八卦四隅十二辰此通彼滯小就大遺零星破碎補湊牽合取其一庶或可用會其同則皆難行卒皆人爲之私夫豈天然之妙於人心固已戾矣又何暇論雅與逸今與古哉是編也一以質實爲體敷施爲用諧聲爲止中律爲的凡宮商之相應正變之相接全半之相濟陰陽之相宜如星之麗天如風之行水如織貝之經緯乎文綺雖萬象錯列各有條理皆取諸自然而不敢附之以己意期於宣人情而承詩歌耳雖不必屑屑於考天文察地理稽人事配五行四時八卦四隅十二辰自有所符契焉考之古人制作之極用之園丘而天

降用之方澤而地示出用之宗廟而祖考格用之朝廷而庶尹
諧用之房中而宮闈睦此無他順其自然發乎人心宮商正變
全半陰陽中節而已矣顧茲薄藝亦惟可以措之行事美其觀
聽不失乎樂之情焉爾若夫究其功用極感通之妙探其本原
繼夔倫之志以承古人之絕學以備一時之制作則予有有言
以俟君子云

明楊繼盛苑洛先生志樂序世之談經學者必稱六經然五經
各有專業而樂則滅絕無傳論治法者必對舉禮樂然議禮者
於天秩不易之外猶深求立異可喜之說至於樂則廢棄不講
全德之微風俗之敝恒必由之良可悲夫然律呂與天地相爲
終始方其隱而未彰也天旣生哲人以作之則於其旣晦也天
忍任其湮沒已乎闡明之責蓋必有所寄者先生自做秀才時

便抱古樂散亡之憂當其歲試藩司聞諸督學虎谷王公云律
呂之學今雖失傳然作之者旣出於吾人則在人亦無不可知
之理特未有好古者究心焉耳先生於是惕然省悟退而博極
群書凡涉於樂者無不參考其好之之專雖病疽尋愈不知也
旣而得其說矣於是直解之作然作用之實未之悉也自是
苦心精思或脫悟於載籍之舊或神會於心得之精或見是於
群非之中若天有以啓其衷者終而觀其深矣於是志樂之
作曰志云者先生自謙之辭也非徒志而已也是故律生聲鐘
生律馬遷著之矣而律經聲緯之遞變體十用九之明示則未
之及也圍九分積八百十一分班固著之矣而管員分方旋宮
環輔乘除規圓之圖則未之及也六十調八十四聲蔡子著之
矣而起調則例及正變全半子信之交用調均首末長短相生

之互見則未之及也六變八變九變之用周禮載之矣而以黃鐘祀天神以蕤賓祭地祇以太簇享人鬼一造化之自然以黃鐘一均之備布之於朝廷宮闈實古今之絕唱則又有出乎周禮之外者也宏綱細目一節萬變信手拈來觸處皆合樂之爲道盡於是矣志云乎哉其於先儒世儒之圖論備錄不遺者是固先生與善之心然亦欲學者考見得失焉耳方其始刻之日九鶴飛舞先生之庭者久之識者以爲是書感通所致觀仰秣出聽之說則鶴之來舞也固宜而其得樂之正也此非其明驗矣乎昔人謂皇帝制律呂與伏羲畫卦大禹叙疇同功然卦疇得程朱數子而始著律呂得先生是書而始明則其功當不在數子下豈曰小補之哉然不苦心以求之何以知先生是書之正不得其說而精之又何以知盛之言不爲阿私也哉噫盛不

敏雖學之而未能也講求之責深有望於同志君子云

明雷士楨送邑侯郭公入觀序文岩郭侯治朝邑之三載朝邑治會當述職其時朝百姓業意上留侯有不來之慮矣某曰侯緒未竟必且又來已而侯果來又三載朝邑大治會又當述職朝百姓意上留侯而慮其不來者十倍曩時矣某曰侯政旣成又來不敢知也上益明習國家事綜核吏治侯治行第一耳目之席須侯旦暮入補豈徇朝百姓私望而久棲侯於此哉於是朝百姓頰蹙眉顰涕下交頤曰侯闕閱自積一日三遷未爲駛也柰吾儕無怙恃何某曰豈惟爾百姓父母視侯願侯又來卽侯固子視爾百姓顧之復之恐上之不許又來也顧天子須侯與議平天下事侯如留在耳目者則明四目達四聰侯素所蓄積也必且奏狀陳朝百姓疾苦曰臣治朝邑六載耳目朝病最

諦譖可以佐百姓之急者臣技單憊乃臣力有不得爲者請熟數之朝東爲河河之東爲蒲坂晉一大都會也東南爲潼關秦門戶也西爲同州又西爲蒲城皆臺臣駐節之所也朝絕長補短方五六十里國耳西南有沙苑北有斥鹵其地非可耕也東南一隅稍稱沃壤而蒲坂之雷首山與其護城石岸礮礮堅緻上下可數十里薄河而西徙朝土田淪在河東餘二千頃朝民而越河發一犁析一薪也蒲之豪且裂體投魚腹矣而賦猶朝民供之此可爲痛哭者也且蒲岸之石朝民有舟者爲運北山數年蒲岸告成獨不可漸營朝岸使水由地中田還失業之民乎而蒲民有舟者獨不可使償朝運乎河東驛路直達潼津舊也今路崩河中矣驛使必由蒲達朝由朝達華朝無置郵而有其勞民何得無顛顛乎損朝馬驢牛夫幫潼關者之半以補此勞疇曰不可乃潼關設置郵矣馬驢牛夫朝之幫之有恆額矣尊官要人由關下度仍索協濟於朝此載何令甲也夫臺臣駐同州則朝有協濟駐蒲城則朝有協濟間有時而駐朝矣未聞同州蒲城以一夫一馬來也不平謂何而况乎駐同駐蒲朝當潼關同蒲之衝且無日無冠蓋矣又未聞諸不衝邑以一夫一馬濟朝也朝之預備倉粟備朝百姓饑也丁亥戊子朝孳相枕而監司借朝粟千斛輸之白水今歲且稔矣何以無償也且都城段行不坐保河諸府而陝省同州段行乃坐朝邑朝之商不商省而行省不商同而行同此不知所自起也甚哉棄商就農尺帛不市而商籍竟不可削曰爾舊商也是權賦於無田之家勾軍於無丁之所也諸若此類惟上哀憐朝百姓而爲之劑量興革生靈幸甚不者朝且無民上旣以卓異簡侯列在耳目觀

侯爲朝民請命若是其剴也轉圜從之莫喻其速矣繇斯以譚侯卽不來何必無以福朝民者乃直欲私侯自利而不以公諸天下乎朝百姓始伸頰舒眉收涕而言曰侯天下才也朝百姓誠不得私然聞之行必有送送必以言古也而非百姓之所能爲也二三大夫士盍圖之某曰侯之遇大夫士也交以誠接以禮又時諮百姓便事孳孳布之曰此得之某大夫士者也故諸大夫士之願侯又來也不在爾百姓下矣而言則欲公侯於天下者亦無可柰何之辭也於是侯轄旣脂朝士民送侯於洛之內攀轅獻犖不欲遽行而侯亦戀朝士民按轡徐驅不欲遽去相與灑涕者久之

明李朴贈邑侯柴公入觀序明興三年一大計吏卽一邑之長越在數千里外罔不竭蹶以趨因以陳其邑之利害聖天子坐堂皇因是以言以功嘉與激勸至留之爲臺諫耳目者往往而有然非治功旣著亦未卽遷而往來之費亦復不細故今也計利害權輕重而功令亦有所不必拘何者功令之設凡以爲地方耳爲地方卽爲朝廷苟地方有一日不可缺之人則朝覲亦可以不必行若吾柴公是也公以今年初秋乘傳而至去覲期纔數月耳雖懸魚之操帶石之守朝廷猶未聞也乃民本得公如獲慈母撫摩未久而遽奪之民何以堪况其利害又有大焉黃河自龍門而下經流敞邑汪洋浩瀚秋水時至與天爲連叫呼怒號聲聞百里每每原田滙爲巨浸而鄰州與我其角地朝侵予疆暮刈予禾蠶食幾盡數十年來惟高邑之郭隆平之趙力任其事不見有凌逼之患嗣是而蒞茲邑者不久輒去兩歲之間五吏代俎微獨朝人疲於送迎而治民者利不暇興害不

肯任邑滋不利今公方沉性禱河河爲東徙而睥睨此土者且
默消其戎心不敢矯命而雄行若公遽然以去誰使任其患而
遠其逼乎由是言之朝邑其何可一日無公也乃當事者拘於
功令不謂地方有必不可缺之人而謂朝廷有必不可缺之官則
公之行不可止矣然公旣行必以朝之疾苦入告曰邑居陝之
東偏洪河西嚙萬姓爲患聖天子當必惻然動念或有拯救之
術則朝之人庶其有瘳矣則公之行庸詎不爲朝人利乎於是
進杯酒歌驪駒送公者皆臨河而反而公翩然以行

明王建常善利圖跋舜躋分路不啻百千萬里矣原其初則止
在一念善利間夫此一念人所不及知而獨知之濂溪謂之幾
易云動之微吉凶之先見者也可不慎與故曾子傳大學慎獨
之說不憚反覆而子思於中庸卽開端及之孟氏子得其傳於

子思者也乃發善利一章垂訓萬世遏人欲擴天理誠莫要乎
此者關中馮先生少墟於是引伸觸類而立此圖以言乎舜之
路則曰有恒曰善人曰君子聖人皆原於一念之善也而文學
功名乃益成其美以言乎蹠之路則曰斧斤曰牛羊曰桮之反
覆皆原於一念之利也而文學功名乃益濟其惡故擴其善之
念則爲人爲舜而一簣無慮未成遏其利之念則不至爲蹠爲
禽獸而桮亡猶可向道不然出乎善卽入乎利不爲舜卽爲蹠
聖狂分於一念人禽判乎幾微所謂中間無路者此也可不慎
與是則孔門慎獨之學一披圖而瞭然指掌矣然學者於是圖
苟不知省則孰知先生之有功不知兢兢於善利之辨則孰知
先生之爲此圖者慮之深而示之顯也哉

本朝創建養濟院碑記天下之民有四曰士農工商是以政治

之大者不過養士勸農通商惠工而已又其中有鰥寡孤獨爲教養所不及者

國家特設養濟院爲之室廬以居之衣食以給之俾此顛連無告之民得以優游卒歲蓋軫念民瘼之意無微不至也朝邑舊有養濟院在城外不知圯自何年至今棟宇無存鞠爲茂草哀此糞獨將安所依乎縱彼僦屋可居而形單影隻未免魂夢難安况乎無枝可棲而借爨親隣何堪風雨漂搖滿目淒涼徒增寤歎當亦仁人君子之所惻焉心傷而泣此土者之所身任其責而莫辭者也余自丙戌歲抄承乏茲邑每於孤貧支放月糧之下視此情况心甚悼之但邑之弊政更有大於此者不得不缺焉有待五年以來如城池學校賦役鹽法諸大政次第經營庶幾廢者興弊者革士習絃誦民安樂業四境之內翁

然就理乃改卜於城內西南隅閒曠之地鳩工庀材悉出俸金構房四十間俾此五十五名口之孤貧得有寧室焉自此以後不惟棲身得所弗憂風雨之焦勞而明輩相親亦免呻吟於中夜是雖愛養之一端或亦治化之小補孟子云文王發政施仁必先斯四者非謂先務乎此也亦曰於此尤加意爾余也讀書有年敢不體而行之乎若夫隨時修葺母令破壞以至糞民失所更望後之君子皆康熙五十一年歲次壬辰八月穀旦

遺事

苻秦皇始四年十月河渭俱溢蒲津監寇登得一履於河中長七尺三寸人指長尺餘深一寸

朝邑舊治在西原耕者往往得瓦缶一人得古鏡其背銘曰買得秦王鏡判不惜千金非關欲照膽持此自明心無有年月及

作者姓名已爲人市去不存

西魏時高歡興軍數十萬次沙苑宇文泰懼兵少不敵有李順興者能分形化影同華岐寧四州同日爲齋請皆能徧赴朝野號爲聖師此時適至泰請其策更無餘語直云黃狗逐黑狗急走出筋斗一過出筋斗黃狗夾尾走語訖便去於時東軍旗幟衣服尚黃西兵用黑泰悟其言遂力戰大破歡於沙苑

隋文帝時大宛國獻千里馬駿曳地號獅子驄置之馬群陸梁人不能制上謂左右曰誰能御之郎將裴仁基曰臣能制之遂攘袂向前去十餘步踴身騰上一手撮耳一手握目馬顛不敢動乃韉乘之朝發西京暮至東洛隋末不知所在唐文皇勅天下訪之同州宇文士及訪得其馬於朝邑帝薨家挽禮驥尾焦禿皮肉穿穴士及見之悲泣帝自出長樂坡迎之馬到新豐向西鳴躍帝得之甚喜齒口并平飼以鍾乳仍生五駒皆千里足也

天寶十三載九月九日獵於沙苑見雲間孤鶴回翔御弧矢中之鶴帶箭矯翼西南而逝後上幸蜀暇日遊行益州明月觀至第一院壁間見前箭并留題怪問之云有青城山道士徐佐卿每歲率三四至一日忽不怡曰偶爲飛矢所加然此箭非人間所有後年箭主至宜付之正重九也明正德中韓泰簡寢病夢一黃衣道士以藥數丸啗之曰從此卽愈因贈一絕且期十年來視詩曰霸越平吳一爐灰是誰強汝下魚磯黃金消盡陶朱象夢繞寒山不得歸自是病漸愈其後復大病自疑前夢爲凶兆促家人爲大歸計一日又夢前道人曰公病尚無他再與藥丸亦贈一詩曰天上文星暗不明英雄空自爲蒼生十年戎馬

巖江外墮淚碑高百崦城臨別仍期十年外重來病尋愈恭簡於宦轍所經意遇所謂百崦城者迄不得後被危症且春秋高矣自謂必不起俄復夢前道人其諭言授藥不異曩時亦贈一詩曰一樽秬鬯自天來平地光芒接上白門外翩翩雙鶴至五雲深處小蓬萊言畢別去無復重來之約後病良已至乙卯遭地震而卒竟不知詩所謂公名世巨人根器不凡黃衣道士殆仙耶

韓恭簡爲浙江僉事王鎮守譖之被逮時山東魯橋有廟曰猿仙神能預言人禍福官校孫百戶謁神布施神一見卽曰汝輩非拏韓僉事者乎衆曰諾神曰韓大好官好人浙江民以青天呼之王鎮守無天理也我今日來自京科道部寺無一人不惜其在世界如翻餅時嘗不久此人異日當大用爾輩可小心待

朝邑志卷十

天

之衆應曰不敢神怒曰張某狡猾無狀不念爾六歲驚膽子兒乎張股栗叩頭蓋張六十餘始得是兒項短而遇苑洛無禮故神言之

嚴御史天祥令絳縣時恒以役至夏縣道經傳說祠側必入拜徘徊瞻顧有曠世相感之思一日復過屬有急不得入拜憇其側短亭中坐見二青衣持檄伏堂下白云傅丞相邀公嚴謝不往顧左右賜使者食左右實無所見然不敢詰第應曰諾嚴乃語二青衣還報傅公俟我異日爲御史乃往言訖就寢頃之寤驚告左右以爲夢也左右云自未寢時有之非夢也嚴默然及嘉靖己酉徵拜御史嘗不樂居三月卒

劉知府偉純孝盛德好神仙比疾病命其子曰卽死毋埋我及死其鄉人有自遠方還者多從道中見之寄問及其家其子因

不敢葬其甥韓苑洛爲山西僉事方視事忽聞人持偉名紙入報韓驚曰舅氏死久人傳仙去我未之信今通名紙者卽其人也憲使張公璉問狀門者言戴古毡笠青絹袍一童子扶之肩布囊立門外遂命延入韓公遙識之遽起迎候同僚悉下階揖入起居無異平生但簡言問之則對手接茶而不飲坐中亦莫敢先發言韓公邀就旁室相勞苦答曰久別特遠來視汝語及家事頗作悲歎之狀韓歎留不可卽起別去一僚曰聞公已死今尚何在曰我不死汝則要死一僚曰今朝廷大計官員可知此間黜誰乎曰黜爾一箇別去謂苑洛曰汝弟邦靖可令速歸出門復攜童子飄然而去不知所往俄而其言皆驗五泉亦至家而死劉氏聞之發棺視惟一履在焉

兩女鎮城隍廟服冕旒衣黃袍云是京城隍之職不知所始明

嘉靖間郃陽范叅政過兩女謁廟神止一揖夜夢神來拜自言曰吾自前朝受封爲京城隍范寤因重謁拜斬公能爲馬邑教諭時有門者少俊而貧能憐之偕諸子男同席研書後又攜之縣舍恩禮有加已而舉進士爲陝西叅議下鄉躬自存問時能已卒延其配匍匐下拜擁扶不得答拜後爲中丞孜孜厚恤其家

嘉靖以前按院在南門上考取童生入大場謂之儒士能舉三場准予生員有以儒士中者韓五泉是也不知何時停其法然五泉之中文止五藝又不知何時科場加嚴

邑人多自山西洪同西遷者聞元末讖言代有天下者洪時傳將盡屠有洪字州邑故洪同之人聞然驚散其後明以洪武建

相傳趙渡關帝廟成化中里人重修時琉璃匠絳縣谷伯倉告歸低徊失期督工人李耀默祝神前其夜倉忽張皇在廟自言就寢聞扣門疾呼者出視見神乘馬厲聲令瞑目卽攜附馬後少頃排落於此衆初猶未信居無何其妻以倉夜出莫知所往尋訪至廟見倉悲慟始大相驚駭此李公用中碑所述耀乃其高祖也

雙泉鎮孫真人洞先時居人久議建祠未果嘉靖三十四年地震後忽鏹山雲氣異常晝夜恒見衆視之崖崩出一洞下有湧泉洞中自然成像彷彿真人遂因以建樓殿云

泊里之南丘阜纍纍東南一丘尤廣初莫知爲塚明正德中里人趙謹營墓其北以形家言持畚鍤日往削之夜夢神人朱衣修偉按劍言口我故馬將軍宅此久汝何毀吾牆垣當急還故

土令汝子孫蕃衍謹覺而大駭旦起如其言後子孫多科第今猶稱繩繩焉

仙釋

明坐雪道人不言姓名當程編修微時墅外有小祠值大雪深無人跡程入取火先有道士峩然危坐因饋之食將去授書一卷曰子忠臣也習此可免禍其書皆符呪秘錄程習之遂成異術周還靖難之禍

陳玉字無壞明成化間柳村人事親至孝親歿負土築墳廬墓三年有仙術能分身知未來事頗以藥施人就問疾者隨口成方無不立驗冬時掖布往市後一人微念得陳師遺布而我拾之可活矣須臾遂遺其布夜有穿窬盜卽先知置物所穿之處嘗推車至旅舍主人晚反鎖其門晨興忘而適田至午方憶有

宿客急歸啓戶福鑰如故人與車已不知從何而出矣村東西社各構樂樓同時上梁皆請陳師至各自矜能得陳師後知其皆至也衆盡驚平陽梁侍御私訪其家答以偈曰我本華山希夷子一轉南菴去楚州後入華山土人立祠漢高帝廟旁又肖像雲臺觀或曰饒益寺塔中其蛻骨也

國朝王嗣運泊村人嗜浮屠學揭榜嚴法華之奧宗人方伯于陛與語輒累日顏之口阿薩佛順治初年將八十一日坐街頭假寐農人李百能過而見之至田又見其芸驚詢所以對曰我固在田也百能疑而先歸其寐如故由是里人大異之其親屬家數有妖怪求爲降伏運曰我方驚猿害馬魔難消除未暇安能學方士伏邪耶懇之益力不得已往將入門呼佛者三聞有聲吼曰吾無生矣遂滅順治十六年壽九十一無疾而終逮康熙

熙辛亥里人李成林以罪流福建忽遇之於市慰成林曰行矣不久將歸成林懵然不復知運死久方疑之及壬子邑紳張好竒典試閩中攜歸果如其言

韓可精南陽洪人明末寇亂棄家去晚年歸動止異常栖息荒沙中後居安昌村村故苦水不可食爲指地命鑿井獲甘泉天旱禱雨立應村人因群供之或有後言卽先知不受一日主人憂遁租使從往河東視其弟子至則宦歸者也執禮甚恭將行奉多金爲壽止取一小定付從者遂行弟子目留從者以金盡與之乃相失獨行遇盜劫所持金惟先一定在帽緣中獲留抵家適當所遁租人以是益怪之有求決疑者語難粹解至後乃竒驗長吏禮請之則謝不往士大夫有從商略文史者欣然往復無能窮以所不知或叩以二氏之學卽拂然不置語冬月有

貧販者晚不及其家使宿榻旁終夜烘熱汗出時碎穀數月而
 色益瑩潤年八十餘有僧曳杖自遠至卽麾之曰行矣余卽來
 僧去遂入室跌坐而逝後有人見於新豐道上云
 景理鶴慶陽人順治末至朝邑居阿石村之大廟累日靜坐於
 世味淡無所好數十年未嘗有窺見其敗缺者真腳踏實地修
 行人也卒日晨起呼弟子謂之曰吾以今日之酉當去矣汝輩
 喪葬宜依常儀勿爲鬼怪壞我末路至時沐浴正衣端坐而逝
 松山和尚祝髮沙橋寺戒律精嚴蚤空色相其後涉大江歸李
 河濱爲構精舍朝夕焚修李將南復送至沙橋並所購梵典千
 卷藏之寺後亡何危坐涅槃繙衆造塔以喪

圖考附

縣境圖

朝邑縣志圖卷十



縣城圖


真武閣

朝邑縣志圖卷十

麟經閣

文昌閣



風雨雷雨壇



縣治圖



朝邑縣志圖卷十

南



縣學圖


朝邑縣志圖卷十




黃河圖

朝邑縣志圖卷十

十




渭河圖



朝邑縣志圖卷十

卷



洛河圖

初邑縣志圖卷十

六



饒益寺圖



朝邑縣志圖卷十

完





十景詩記

朝坂古西河地前臨華嶽後襟黃河右踞華原左帶渭洛誠關
東一與區也辛卯之春余自天池來權茲土披閱縣志載景十
二有題無詩繼覽西河詩錄見七絕十首係邑人柏林雷言所
作數雖少二而題目次第較雅因於公餘之暇各賦七律一章
而同鄉黃君及門詹君劉君亦復交相唱和所以繪山水之清
幽寫樓臺之壯麗均為斯邑誌勝標奇非敢以詩出而問世也
詩成書之以告來者皆

道光十有一年辛卯首夏吉日

士出身邑令西蜀朱斗南書於官署之東軒

華嶽春雲

邑令 朱斗南 松泉 富順

城南華嶽勢緜延轟轟春雲挿碧天高抱兩京疑欲雨遙臨八

朝邑縣景卷十

望

水望非煙蓮花池繞人俱佛玉女峯迷客是仙此地綢繆多后
隱祥驚太史果誰先

黃河秋漲

河水洋洋接素秋排空浩瀚淨歸舟氣吞華嶽千層浪波撼龍
門萬里流擊楫何人追祖蹟乘槎此日溯張遊榮光許向安瀾
卜竚見澄清一德休

渭川煙雨

岐陽八水繞長安渭汭溶溶納象湍玉女峯前烟欲活金龍渡
裡而初寒垂綸此地咸稱呂洗甲當時共說韓郁郁紛紛堪誌
慶為霖濟早佐朝端

洛岸桃花

浴水滔滔勢欲東桃花樹樹醉春風無言獨自成蹊徑帶笑真

能妙化工錦映層瀾三尺綠霞蒸兩岸一溪紅武陵休問仙源
景指點迷津在此中

紫陽夜月

城西特秀紫陽山恰喜金仙鎮此間五夜鐘聲催漏箭三更月
影透禪關敲門獨咏人何在掠艇高飛鶴欲還試問張翁曾寄
否一輪詩在想躋攀

長春曉日

宮號長春景亦奇曠曠曉日更相宜兩朝勝蹟傳千古五色晨
曦貫四時夕照休談鴉見背朝陽喜卜鳳來儀衣冠文物今猶
古爲頌光華復旦詩

沙樹濃陰

扶疎沙苑綠成茵柳色青歸樹樹新此日森榮垂洛岸當年戰

朝邑縣景卷十

三

伐紀周臣廢地喬枝清骨格參天老幹古精神爲語郵農勤保
護徐陰留覆隴頭人

蒙泉灌畝

阡陌盈疇畫井疆蒙泉美利說西莊濱河藉潤來源遠阻洛分
滋沛澤長畝荷涵濡歌歲稔田資灌溉咏年康鑿山造福符天
數豈獨甘肥置牧場

岱祠岑樓

華原高聳岱祠超百尺岑樓接紫霄始創宏規題宋代重新巨
制屬先朝南瞻華嶽三峯渺北望黃河九曲遙借問登臨誰作
賦柏梁盛事與齊標

金龍高塔

塔從金龍繞碧嵐唐初創建一名盛鈴聲振響行雲過寶相高

懸帘雨滴八面莊嚴培士氣千層峻峭鎮瞿曇題名附雁當年
事敢冀殊書 聖澤覃

華嶽春雲

蜀南黃大紳梅溪

蜀棧西來仰華山更逢春日曉雲環有時獨立三峯上萬里風
烟一目間

黃河秋漲

排空濁浪舊稱河水漲三秋泛巨波須識來源千萬里祇緣不
擇細流多

渭川煙雨

淮陰戰地久稱雄勝蹟猶留渭水中雨脚烟痕添畫本垂綸坐
待夕陽紅

洛岸桃花

朝邑縣景卷十

聖

溶溶洛水大河濱千樹桃花雨岸春高士尋源空往返那知此
地即仙津

紫陽夜月

渡橋誰去訪三丰古殿空明月色濃夜半鐘聲驚客夢前身悟
到紫陽峯

長春曉日

隋唐兩代建行臺千載長春向曉開即此朝陽歌湛露和鳴應
有鳳凰來

沙樹濃陰

沙苑銘勳奕世欽千株柳樹挺森森幾朝培植由來久愛比甘
棠召伯陰

蒙泉灌畝

畝畫西莊傍水涯
蒙泉利養萬人家
從知有本分餘澤
兼灑河陽蒲縣花

岱祠岑樓

華原岱廟鎖城西
百尺岑樓百尺楹
此日登臨誰作賦
才稱五鳳與韓齊

金龍高塔

金龍寺紀大唐年
寶塔嶙峋插碧天
花影鈴聲輝日月
題名孰得會羣仙

華嶽春雲

蜀南詹汝猷升庵

春和華嶽雪初晴
天外雲臺畫不成
五色凌虛扶帝座
三峯絕頂擁神京
無心玉女鬢中出
有態金仙掌上橫
時至晴龍嘘氣去
爲霖恰好慰蒼生

朝邑縣景卷十

四

黃河秋漲

黃河襟帶繞東流
漲滿金隄德水悠
星宿源真來萬里
仙槎客自泛三秋
臣能擊楫風何壯
民不爲魚澤更周
借問安瀾清幾度
蛟龍好倩負王舟

渭川煙雨

城南古觀望神仙
渭雨空濛上下連
兩岸隨車花浦縣
九霄飛練鶴參天
獨饒餘澤雄三輔
遙帶流光鎖八川
漢代將軍誰戰此
恩深難報畫凌煙

洛岸桃花

日昏風信碧成郵
夾岸桃花帶雨痕
似海春纔深古渡
爲叢錦自前仙源五香車
過紅雲擁三月龍
飛綺浪翻看徧長安
真得意羣芳原是出公門

紫陽夜月

城外仙蹤訪紫陽空明月色映虛堂照來絕頂鴉飛樹悟到前身客憶鄉一帶山河金粟界幾層樓閣玉輪粧姪娥早許秋來約細語蟾宮報桂香

長春曉日

長春舊是帝王宮巡幸當年湛露墜五夜雞聲催絳幘九天躔彩照丹楓看花眼過隋唐蹟捧日心懸戰伐功壽有朝陽春樹癸至今都邑尚稱雄

沙樹濃陰

沙樹扶疏洛水濱倚城遙望柳青新幾朝牧養留餘地萬古功名植此身日月光分垂蔭遠風雲氣合受恩頻莫言材大難爲用博得濃陰覆後人

朝邑縣景卷十

五

蒙泉灌畝

通靈不見古長陵却有西莊畝滋泉自蒙生流一線田因井養秀雙岐膏腴那讓南東美禾黍都同洛涓宜餘澤兼澆花浦縣千秋水利繫人思

岱祠岑樓

岱祠靈結芮城胎宋代岑樓勢壯哉百尺凌雲誰穩卧千年飛翼本良材河觀襟帶榮光繞嶽望蓮花曙色開幾度登臨香案側爐烟瑞接到三台

金龍高塔

金龍台刹勢崔巍冠冕城西碧四圍鈴影搖河懸壁立蓮花並巖倚天飛級高偏得風雲聚瑞起常將日月依雁塔何人題姓字九霄聯步入

綸扉

華嶽春雲

蜀南 劉光代 贈

勢壓全秦百二關芙蓉千丈絕躋攀春回雨霽金仙掌風曳煙籠玉女鬟落雁橫空飛浩渺騰龍噓氣舞爛斑問天恰好凌雲去一覽宮雉秦華山

黃河秋漲

滄桑無計挽東流水漲黃河吼未休禹穴直奔千里浪龍門高擁一天秋何人持檝談王霸有客乘槎問斗牛清濁尋常今古事安瀾長此頌 皇猷

渭川煙雨

渭枕長城鎖八川蒼蒼古渡水雲連青青柳漬千林雨漠漠楊飛兩岸煙到眼不分澌上下橫空獨見雁回旋虹橋靄靄誰占氣高觀臨流說望仙

朝邑縣景卷十

巽

洛岸桃花

桃源棹返武陵人留得繽紛滿洛津紅雨成蹊花似錦香風夾岸浪生春一天霞彩烘丹曆十里煙波點絳唇水逐落英流不盡魚肥江上好垂綸

紫陽夜月

靄靄長空玉露橫紫陽山際夜光生寒凝素魄開金鏡淨掃微雲湛太清天上烏飛曾幾陣松間鶴返恰三更華原月朗人何在惟聽書聲雜漏聲

長春曉日

曉日瞳瞳上翠微長春景象未全非晴開旭照天初曙氣暖陽和露乍晞兩代河山留宿草千年宮殿曠朝暉何須憑弔論興廢浩浩長空玉殫飛

沙樹濃陰

誰栽沙苑柳叢叢神武當年紀戰功壯氣長留千樹綠濃陰直
蔽一天紅雲來宿鳥棲偏穩風過深林響未終蔭比甘棠遺愛
遠休將大小問虞公

蒙泉灌畝

洛禾渭黍兩相宜畝灌蒙泉勝舊陂一線源應來八水千村人
自急三時膏流匝地田疇潤澤共長天雨露滋真個南東占美
利鎌山四望綠漪漪

岱祠岑樓

煙噴金猊繞碧霄樓高岱廟絕塵囂盤空直傍飛鴉上極目真
隨落雁遙華嶽西來雲靄靄黃河東去水迢迢一聲短笛橫朱
檻可有梅花數點飄

朝邑縣景卷十

七

金龍高塔

寶塔莊嚴舍利藏金龍瑞起佛生光重重迢遞通三輔面面玲
瓏照十方花雨一天飛爛漫松風五夜語琅璫名藍自昔饒佳
勝高聳文峯鎮紫陽

次 松皋父臺十景原韻

華嶽春雲

王克允 葵圃

嶽豎三峯萬古延蓮池雲湧正春天遙飛洛岸籠花影漸入渭
涯護野烟對雨嘗疑臺作觀有詩莫道令非仙南門樓上試閒
眺五色文成讓此先

黃河秋漲

滔滔德水問千秋曾向蒲津上客舟直下龍門看巨浪誰爲牛
鎮慶安流祇憐沉澗迷禾稼忍說波濤恣溯游幸有乘槎人遠

至清如大史望呈休

渭川烟雨

遙攜漉灑下西安尾入司空鎖急湍雨到河津人欲渡烟迷沙
苑草方寒釣垂今日非無呂罌繫夏陽豈異韓箕笠誰依千畝
竹長看野霧起林端

洛岸桃花

我處南陽洛在東桃花滿岸不凋風朝朝玉貌施朱粉歲歲酡
顏帶酒融春樹遙臨箕掌綠曲流直映篆沙紅何綠彭澤曾爲
記但說武陵忘此中

紫陽夜月

紫陽趾木郎鎌山古刹名藍餘幾間月下僧吟聲正靜夢餘光
照寺初闕誰藏經典遺編在人謁橋陵何日還仙迹舊傳予未

朝邑縣景卷十

哭

信獨留偈句可追攀

長春曉日

東山曉日出驚奇映入長春景倍宜高髻宮人唾絕代長堤天
子晒前時何似雄城攻劇賊特留光景代常儀只今人尙踞高
處爲對朝暉試咏詩

沙苑濃陰

積沙不止長春茵密樹濃陰一競新戰罷空餘高柳色苑邊無
復監坊臣夕陽背處農閑話茅舍蔭旁社賽神賢宰時來栖隴
上應將樂景慰邨人

蒙泉灌畝

鎌原何幸有分疆綽約微流繞小莊幾畝良田均灌溉千家美
利慶遐長舊時金水今偏沒有此名泉世亦康吾里常愁河洛

溢思依北麓置園場

岱祠岑樓

何處高樓似此超爲傳岱祀上雲霄每疑東嶽隆西土猶有古
碑沿宋朝烟火滿城襟底落河山入望眼前遙從來才士多遊
此佳什今纔可共標

金龍高塔

高塔遙看挹翠嵐勝占一縣殿伽藍勢凌碧漢烟雲淨影入黃
河水月涵豈有金龍升寶樹真成幻象現瞿曇側留司寇名碑
在拭蘚叅詳思欲覃

韓志

余讀郡邑志蓋將極天下之撰矣然益繁而不能詳晦而不能白亂而不能理焉此安在於志耶夫志者記也記其風土文獻之事與官乎是郡邑者可以備極其改筆省見其疾苦景行其已行察識其政治使天下爲士大夫者讀之足以興爲郡邑者讀之足以勸而已然非以誇靈勝之迹崇獎飾之細也而撰者之志每不皆若此焉且何以觀也朝邑令陵川王君蒞縣之明年以五泉韓子汝慶所撰朝邑志刻成謂予宜序諸首予讀五泉子之志異而歎焉曰嗟乎此吾五泉子之所以爲志也歟置縣沿革與山川故蹟官署諸事惟歸諸總志此天下之所通見而不能裁者斯予之所謂繁而不詳晦而不自亂而不理者矣

朝邑志卷十一

今畢以及之矣名宦所以志其官師之行事人物所以備其豪俊之餘烈其恐猶有所遺而未盡也括之以雜記開卷之際凡川源沿革之實文獻散失之舊皆縷陳而無憾矣使郡邑之志皆若此其奚有不可也王君名道字純甫作縣而能先事於此此可以徵其政也正德己卯九月十又八日己酉濟西山人康海序

朝邑舊有志然不載高御史及劉烈女事二人者代不數人顧可弗錄邪非也奇異如程濟善終如周或寵任如楊恭迺略而不書沮水入渭蓋數千歲近時迺徑入河川源沿革此其大者而弗著後之人何考焉他可知矣縣尹陵川王君曰是志且不傳然烏可以但已邪迺以五泉韓子韓子於是乎編焉夫昔人之爲朝邑志也豈不自以爲善哉然後之人迺有議而更之者

豈非一人之見有時而窮邪今之志如斯也夫今人之見猶昔人也夫其繁簡取與之間其可議者吾不知其有幾也後之君子各以其所見刪補而更正之猶今日焉斯爲全志矣豈不善歟今志凡七篇正德己卯二月六日五泉韓邦靖書

右朝邑志七篇工部員外五泉韓汝慶之所編也紀錄質實而文彩煥炳可謂其傳人物說高翔程濟及烈女劉氏事婉乎若覩其人真足以廉頑而立懦不可謂無筆力也而雜記一篇又多政事利害所關以示後之爲朝邑者何惑焉其餘五篇事雖不異他志而紀例亦自殊稱爲簡確之編信矣然則陵川王君純甫知是邑而刻此編人雖曰不良於政則吾不信也正德己卯秋七月廿二日賜進士及第翰林院修撰儒林郎同修國史經筵講官高陵呂柟後序

道始至蒲臨河而西望朝邑卽壯其山河之美比入境左唐關右隋宮盡覽其古跡之勝比人廓閭里輝聯後先掩映則又嘆其人物之秀且盛而果非他邑比也顧其邑志繁蕪汙穢不足以彰往而詔來道乃請諸五泉韓先生作此新志焉其視舊志雖省三之二然而爬羅剔抉昭昭乎可激勸于人者不啻加千百也旣而又得對山康先生涇野呂先生序諸前後則斯志也滋可傳諸木以爲斯邑實籍矣若夫企先賢而思齊觀名宦而思政慨風俗而思易移觀利病而思興革則又後之有志者事也于道何有哉昔正德己卯九月吉旦知朝邑縣事山西陵川

王道跋

續志

蓋自不佞爲里志久之猶然未就會今郭大夫至迺儼然臨况

而問志焉不佞主臣曰日余屬草也載祀屢遷而成藁頗覺
力淺短奚志之能爲唯是文獻一大事重勤大天過存敢不續
吾所欲論著成大夫之美旣已謬爲引其端曰今寓內郡國志
兼兩不足以爲載而薦紳先生往往在吾朝邑志謂何五泉韓
先生誠俊人也出其鴻筆質而不華論而不議亡所事奇而超
然京覽四方學士翕然稱之當其時先生少而瑰瑋天聰故縱
筆轢等夷若此不佞嘗上下其世爰自正德末造越嘉隆訖
今天子萬歷涸灘之紀時易事起積六十餘祀故實闕而不錄
後之君子將焉鏡考邪殆不可徒高下風而末之有述也先是
隆慶庚午高大夫魁屬不佞彊爲論著述往事思來者已而李
大夫梧亦心儀予會不佞行服唯唯久之未遑搦管聞者穆然
俛而深惟里不乏人不佞豈能仰承前茅顧以旦夕念此至孰
義不侵然諾輒爲一二其詳然猶不敢非世才已廣延問於方
聞之士閱覽乎百家衆氏而得之王君傳吾伯氏內鄉君洎縣
之諸長老滋多總其凡爲已目八篇命之曰續編凡以承風乎
先生遺則云爾乃其匠意綴辭則稍稍自異矣顧旁搜之難碎
之食雞積千跖粹裘取衆白不遺餘力慮有遺珠敢以自多它
若布我聚落宜我疾苦語纏纏不休意若曰土生人人生事事
生志其歸有在何以故建庶官者爲衆庶敷道理者先燠休起
敝維風憐怛民隱此其犖犖大者故一篇之中三致意焉庶幾
長吏披繪圖而知疾苦臺省不下堂而悉閭閻卽天子居四索
之上萬里而遙有如問關以西名數斤斤乎披輿圖若字下矣
所媿材下暗於大較意見之相駁責四面至寧不自知無寧施
聖於茲而芥藻因爲自今以來匡其所不則而輯其所未逮以

似以續傳之其人亦猶先生之須今日者須後人而薪火傳焉
審爾則副是要腹豈惟不佞有大願而先生所以卷卷踈末學
者意在斯乎是役也載筆踰十年先後閱五令而今成於郭大
夫文獻不泯不爲邑人士一愉快哉萬歷甲申午月河上人王
學模撰

余嘗品藻於郡若邑志詎不憂憂乎其難哉有以多爲貴者見
以爲博而回冗牝謬有以少爲貴者見以爲約而脫略故實嗟
呼試觀載籍約而不穢囊括無遺將焉病之晚近世侈說無當
爲穢而已矣獨不跡之易邪先天無文後天有文其文約故其
指富其事博而其義精蓋開物成務結繩猶多因時制宜累牘
不足氣化自微而著人事自少而多通神明類萬物成天下之
亶亶夫非作者之聖邪余以爲後世之作史其迹稍稍似之事

以時起文隨義生前非故省後非滋侈其說在朝邑兩大夫之
作邑志故志五泉韓大夫論纂學士家數盱衡擊節稱焉凡以
其約也後若干年而河汀王大夫爲之次稱曰續志何以續何
續爾廣而博也文約義該博大不穢勒成一家之言而潤色有
加至其宣蒙隸之鬱滯悃悃歎歎惻惻乃身不翅見疾苦而聞
呻吟且也穀言纚纚開示時務之要有味哉有味哉領淹引時
月所司不蚤堅請鏤布大夫寧自銜驚客歲癸未余謬以射策
得代匱允茲邑事亦欲候民病利與之幅利更始爾乃迺遷而
西造精廬質問是編出而犁然有慨於中因嘆曰夫志史家者
流也史不易作而兩大夫遞起繼前則韓大夫約而質其推精
悍辭後則王大夫核而文嚴而有裁號爲爾雅總之並建旗鼓
可以信今傳遠唯是王大夫淵抱水節著名穎川蓋數芥萬金

不盼而兵備岢嵐石畫不盡厥施已慨將領滋窳作傲論慮先
薪突今雖偃息河瀕而憂國如飢渴然則是志也無亦發志之
隱約與吾黨守土於此諦思其故可以廣德心樹尺寸是以三
復茲編漢相見之晚故志式珍不毀續者與檄諭益梓遂次其
語明作者之意是以知立言者非徒博無奮辭而剗剛揚休匪
獨彌文爾爾矣萬歷甲申暢月賜同進士出身知朝邑縣事高
邑郭實撰

成周建國至千八百稱最夥矣其時國有史官以典記載之業
稱最專矣乃子車氏枚列國史自魯春秋外則晉乘楚檮杌止
耳史之難不其從古然哉明興郡邑函夏夥亦可千五百許而
編纂之官不設其間於是壤內方聞士惠念粉榆有可以示法
垂戒培害有利爲一方之故實者謹書備錄命之曰志亦古國

史之遺意也顧求史於有官之國千八百中指不能以四五屈
郡若邑旣無專官志何容易假令數百區而得一數十年而得
再猶比鄰矣往不佞壯游上國四海薦紳知其爲朝邑人靡不
鄉之索邑志者曰是五泉韓大夫之所爲也核而文約而能該
不可以莫之覲睹也不佞應之日不暇給云河汀王大夫生韓
大夫四十載後謂故志成正德己卯迄今踰一甲子宦茲產茲
宜增論其行事後之人得有攷焉且地震河徙而來生齒漸彫
循賦日益將爲宣閭閻之痛徼休息之仁此其續志所繇而作
不佞披誦數過見其志官氏人物節義如吳道子繪像頭面須
眉一一惟肖使觀者寓目宛見其人志地形食貨如秦越人望
色聽聲知病所在厲鍼和齊便有起僵生死之術卽建置秩祀
紀事諸篇例不得不循他志若其緣物蒞情隨文取義如張旭

草字見爭道聞鼓吹皆可妙悟玄通資其運管乃喟然而嘆曰
思深哉王大夫之志乎文悲而壯意澹澹而在民韓大夫九原
可起必當相視而笑話同心定莫逆矣以傳之人人其疇能軒
輊之也繼自今牧吾邑者誠鏡於志又鏡於續志法法戒戒埽
埽布布二大夫福我邑里可勝誦哉不佞今病而倦游或有日
復走上國挾持兩志應四海薦紳之索亦且藉之而自多也王
大夫之爲續志也蓋十年所今邑侯文岩郭公雅重文獻始謁
而梓之梓成命不佞爲序而又曰故志出韓大夫必無使廢繇
斯而占侯之鏡兩志以造福於吾民無俟乎觀政而可知已王
大夫負蒼生望久在丘樊頃天子以言者薦起之尋不果用豈
用不用固有命將用有其時而未之逢也賜同進士出身文林
郎浙江道監察御史慕庵雷士楨撰

江淹有言修史之難無出於志夫志也者所以紀實存故章往
憲來非擅三長而具史筆者未易言也今天下郡邑各有志詳
者或失之蕪簡者或失之疎詳而不蕪簡而匪疎品裁具而體
式宜其諸河汀子之續志也乎君子曰匪志也亦可以爲史矣
或謂其詞存褒貶義切風戒者何曰河汀子蓋以志其感也所
感而起者固所以爲終其諸寓春秋之旨於斯編乎君子讀續
志而世道之感深矣斯編也豈徒補邑乘之闕略資來者之考
訂而已哉邑人西溟子王傳跋

續志成於王大夫在韓志四十載後梓傳於今郭邑伊文距王
十載所矣支胤紀志郡邑大故故吾邑不可以不志志不
可以無韓又不可以無王而尤不可無我郭侯之鏤布垂久也
不數載剔蠹導利未易指屈隱隱民瘼蓋得之性靈云其引

續志曰核而文嚴而有體可以益韓信遠又曰大夫不究厥施憂國饑渴吾黨以廣德心樹尺寸噫嘻侯之志見矣曰廣曰樹其毅然民瘼之思哉吾於是知吾民之受福於吾侯者深也是志也王大夫自序而復詳於雷大夫再繼以侯已而家大夫亦贅末簡矣顧余小子復何喙第因侯之傳迹侯之政而稔侯之存心吾邑也侯業已聲當宁邇將被寵命爰托耳目之重以須他日鹽梅之用繼侯者吾願不失吾侯意也則王大夫所爲志憂民饑渴之念庶無負哉賜進士出身四川按察司僉事前南京戶科給事中含宇王嗣美跋

干將莫邪之鋒用久則鈍重淬礪之而龍文虎氣直射斗牛鼎彝瑚璉之器代遠無色再拂拭之而貴重華美克光俎豆蓋前有作而後有述雖千載猶當新也如河汀王先生續志刊於高

邑郭公爰肇自萬歷甲申歲也距今百有餘祀梨棗不無模糊識者謂寶劍埋於獄土重器棄之荒郊淬礪拂拭閱異時而必有其人驚詎敢謂郭公作於前而余能述於後哉但念王先生苦思十載以續韓五泉大夫之志號爲雙璧且七卷之中無一不宣萌隸之疾若桑梓之痾瘵古稱仁人君子鄉先生長者殆其人哉寧恣是盡湮沒不傳也今夏延邑諸君子纂成後志并韓王兩刻統付削劂共彙一裘雖不敢謂淬礪拂拭有光前人而寶劍重器在目愛而勿釋庶幾與高邑郭公有同心而各盡乃職云爾然鰲序王志而不序韓志者以涇野對山在前聊辟三舍云肯康熙壬辰季秋之吉文林郎知朝邑縣事寧州王兆

鰲撰

後志

朝坂舊有志並駕潯西而聲噪宇內者五泉韓大夫志也獨有續刻而亦與吾家濠濱公相伯仲者河汀王大夫志也無論體製高潔筆墨簡與而情文婉摯痛痒相關此邦之人隱庇仁人之言哉二公畢生之文章政事悉見於茲所謂讀其書而想見其爲人者此也顧念二公當望重東山之時歲月休暇且生斯長斯採訪考証不費餘力而河汀猶謂載筆踰十年而後成若一行作吏事叢勢迫每刺促於催科刑名之際猶恐日計不足奚暇著書立說哉卽如王濛之游覽爲多謝眺之文辭稱富亦不過才士雕蟲之技已耳煌煌文獻之徵相宜遜謝不敏也朝坂明府王公滇南鉅儒而力量氣魄尤且百倍於人每蒿日民艱隱痛喚咻不力爲興除不止凡有關於邑人事者獨衷已見不撓衆議始譁然而終帖然焉種花六載政簡民淳因念邑志

自韓王二公後缺略弗講者百有餘年慨然曰此予之責也敢貸爲他人事哉於是旁搜博稽採諸輿論考之金石缺者補之後者續之略者詳之疑者訂之寧嚴勿泛寧朴勿縟寧不沒一善不妄譽要人脫稿僅五月爲書盈八帙較河汀之載筆十年難易又相懸矣但不知五泉當日纂志時幾經物換星移也不佞自放歸田里聞公之德政卽心契其人而情慄相通者久之今於初夏朝邑後志成將付剞劂走帙就正不佞披閱之下珍爲秘笈欲妄擬皇甫之序三都實忽然有慚色然不佞嘗讀書中秘歷覽大江南北之勝矣往往嘆海內邑乘不翅兼兩而愜心爽目者有幾今誦公之志位置森嚴論斷簡確其考建制疆里戶口也如山東父老課農桑事事言言皆着實其論田賦利弊風俗淳漓河山遷徙也如衛洗馬言愁懣惓惓篤令人心折

其表揚廉吏人物忠孝節烈也如歐陽率更見古碑下馬佇立三日乃去其整飭祀典興復舊制煥然更新也又如漢司隸衣冠令人驚美至筆力之疎落俊逸潔淨精微或如寒鴉數點或如絳雲在霄或如縷水雕瓊流光自照又其餘事耳是志成而與五泉河汀兩志共稱華嶽三峯高莫與並不惟朝人永爲嘉賴卽不佞僻在隣壤亦增輝光萬萬矣愜心爽目莫此爲甚以之攀濟西而提濠濱孰謂古今人不相及哉爰不辭鄙陋弁數言於簡端皆康熙五十一年歲次壬辰七月穀旦賜進士第資政大夫工部尚書前日講官起居注翰林院侍講學士提督江南等處學政張廷樞序

志也者文獻一大政也在天下則志天下在一國則志一國在一邑則志一邑於以述往事昭來茲胡可略也吾秦省自賈大

司馬漢復節鎮之日禮聘鴻儒纂修通志關中文獻稱全盛焉嗣是列郡屬邑相繼修輯共成文治唯朝邑自王河汀續志以來百有餘年缺焉莫考後聞李河濱楷曾有遺藁而斷簡餘編未見梓行劉筠石峒亦有成書而雖善無徵無徵不信意者韓五泉王河汀而後盛美之下將難爲繼乎曲江王侯寸學品望南國翹楚方余旬宣滇南時以博士累邀上譽已知爲德器沉厚強立有守之士然知侯之德行耳未知侯之政事也及侯出宰朝邑而余亦移撫黔中魚雁南北方以狂言相勗而兩河歌頌之意時時不絕於耳余聞之深爲慰快始知名下信無虛哉然知侯之政事猶未知侯之文章也今當執徐之秋朝邑後志成不遠數千里求弁言於余余展讀終篇不覺喟然曰政事文學侯兼而有之矣向也余每念修志之難謂非稟經酌史終非

完書讀禹貢而知厥土之上下厥貢之同異讀周禮而知建置
官師之名數山川里道之遠近讀風詩而知忠臣孝子士女風
俗之貞淫正變是經也者先王之稗乘也又讀左氏司馬氏班
范歐陽涑水紫陽諸史而知政治之因革人物之高下天時人
事之興衰治亂可以傳古而信今垂法而立戒是史也者先朝
之實錄也後之爲志者孰能取經學之遺意史氏之家法踵而
行之乎今侯所纂輯者典制賦役原本禹貢周禮而導揚美善
溫柔敦厚之旨一依風人則志也而稟乎經矣因與華道其詳
高與下殊其等時與事錄其要體格準之先賢而法戒寓之激
詞則志也而酌乎史矣文學莫善於經史而侯之志咸備焉以
之繼河汀而溯五泉後先輝映而河濱筠石能不拜下風於冥
冥乎且侯治朝六載廉正無私富貴福澤將不可量他日超遷
臺省以如椽之筆敷陳風物於行省張大一國之光可也以補
天之手撥拾遺漏於國史共襄文明之盛亦可也豈謂彈丸一
邑僅爲良有司誇文獻之治已哉昔康熙壬辰季秋之吉

賜進士出身光祿大夫巡撫貴州兼督湖北川東提督軍務兼
都察院右副都御史加五級劉蔭樞序

昔明道官鄴考亭官南康皆首重志事誠以志者郡邑之乘几
建置田賦山川疆里以及官師政事人物風俗胥於此考鏡焉
朝坂號名地自五泉河汀兩先生輯志後距今百三十年文獻
無徵湮沒滋思余承乏茲土不敢視爲邑人事而他諉焉又慮
才疎智短有媿三長未能造次執筆旣兢兢讀前兩志以印証
近事舊創半廢城池全墮邑之建置變蠹役高下奸民欺隱邑
之田賦變黃河西徙地厚東鄰邑之山川疆里變官省於前事

煩於後邑之官師政事變撫今追昔風俗之醇漓人物之盛衰
又不知經幾變也屢變而忘何以徵信爲

上龍飛之五十一年大賜蠲復風雨調順民享盈寧無事而余
又減催科之勞日食升飯間有餘閒因取河濱星柱二公舊藁
披其記載並採輿論徃籍旁搜閱月而告成焉綱凡八目五十
有五彙爲後本將付剞劂又兢兢取前志以驗今志之同異不
覺悚然有所思焉曠侈者變之以新偏畸者變之以一然而巨
浸泐泯沒我田廬強鄰逼處奪我畛域又將何以變之官變而
省勤以赴之事變而繁簡以御之然而人各慕古不無盛衰家
不殊俗間分純漓更將何以變之雖然天道變於上人事變於
下九派之流至隋而南徙灰燼之餘至漢而經明讀小戎而知
爲秦風聽夏聲而不忘周舊後之視今亦猶今之視昔倘遲之

數年變而桑田變而至道變而豹蔚虎炳余之思庶少慰乎是
以吮筆至此不勝惓惓而尤於黃河之害發三嘆焉使起五泉
河汀兩先生於今日諒亦言之灑灑而大聲疾呼矣考鑑有資
痼痼愈切此余在職言職未遑計文詞之工拙而竊取程朱作
志之意聊法前人萬一焉時劬勩厥事實賴邑之諸君子云皆
康熙五十一年歲次壬辰仲夏文林郎知朝邑縣事王兆鰲撰
郡邑志曷昉昔賢以爲乘與檣杪者流蓋史家之一體大指要
歸於据形勢攷沿革備文獻昭法鑒而止朝邑故臨晉也邑於
長安之東偏界秦晉襟帶河渭左蒲關而右同華昔楚漢之交
魏豹盛兵蒲坂塞臨晉而韓信張疑兵從間道渡唐高祖自河
東引兵而鹵濟河至朝邑舍於長春宮休甲養士資永豐倉食
厥後嘗命太宗鎮此此其爲扼塞要害也固也重以千百季之

人物文章千百年之民風土俗目百二之輿區多古今之軼事而邑乘顧殘缺脫遺將使後之君子談石畫訂遺文者奚所資而取衷焉間攷前志作於正憲己卯出自韓五泉先生手續於萬歷甲申則王河汀先生所撰次也兩公皆著作才幾難乎爲繼自河汀距今百有三十年作者何家家無脊也詎官茲土者皆迫於簿書期會之煩而視此爲末務與抑勞民勸相之汲汲而日不暇給與或者非其時又非其人而固有待於今茲與秀山王公東柱治朝五年鈎剔抗弊興起廢墜邑之頽拾取者靡不寬然於化日焉其治行雅足以最百城矣顧諦觀舊志慨然以百三十年之闕文引爲己任于是函雅故據舊聞旁搜遠紹越數月而成書旣廼走赤牘索余言余主臣謝不敏敬惟微內繡錯至我

朝極廣計州郡外自望繁之縣巨逮中下不下千五百所所在多有志志無慮千餘家律以劉氏三長五難之義其可傳者或尠而况五泉河汀兩先生後獨能於簿牒旁午之中書闕有間之日奮其筆鋒墨瀋以方駕前賢而昭茲來者不亦偉哉余待罪韓原巨吏事于役過朝阪者數矣其君子古處而敦行誼其小人質朴而尚農桑以故俗務本根野無曠土蓋宛然樂郊也韓與朝爲唇齒邑習俗大抵芹之惟是韓有人滿憂成歲無兼年食余每蒿日於斯以謂朝之愈於韓也遠甚乃今讀所撰志其於黃流之銷沈土田之蕪蝕物力之凋敝蹙蹙乎有隱憂焉此則仁人君子之用心其所以籌及民生吏治者計慮甚周且長而均於一志乎寓之視世之官茲土而惟以頭會箕歛爲事以擊斷武健爲能于一邑之休戚漠然似秦人視越人之肥瘠

者相去豈啻尋常尺寸之間而已哉若夫形勢之源流沿革具在文獻之搜採法鑒以昭則其書固完然一邑之信史也識者覽觀焉皆康熙歲次壬辰嘉平之吉曹直序

右朝邑後志八卷滇南王公治朝邑時所纂也然則稱後者何曰有先之者也先之者誰韓子五泉王子河汀也夫五泉先之以高雅而步趨者瞠乎若後矣河汀先之以古奧而步趨者亦瞠乎若後矣何也同爲子而聃周之後不必祖聃周也同爲史而班馬之後不必宗班馬也前古後今各自名家若然則公之志雖後猶弗後也公治朝六載振作興起日不暇給意蓋不欲退讓居人後者及纂邑志而意匠經營不襲前賢誠開山巨斧也細閱之而建置諸事明而確人謂後者詳也田賦等政簡而一人謂後者整也沿革有表官師科貢有表此後所獨也人物

一行必錄傳記疎密有法此後所廣也藝文遍爲搜集此後之善善長也而於洪河之衝決請賑請卹大聲疾呼此後之焦心勞思言之亶亶也譬建屋然先者門庭堂廡樹基庀材而後則藻繪潤色無一不完且美也譬治器然先者爐錘鍛鍊取象成形而後則鏤刻追琢無一不奇而巧也在公意念抑抑卽不敢謂後來者居上然以較之五泉河汀雖後猶弗後也前古後今各自名家識者自有定論矣曩與公素心相映邇又遣小兒輩借廡治下獲沾厦庇蓋欲使之親炙有道步亦步而趨亦趨也今公邑志告成雖以弁言謹諉過望拙工然而大司空吾師也大中丞老友也已儼然在前而余何敢復置喙也若余真瞠乎若後矣

賜同進士出身提督福建學政左春坊左贊善兼翰林院檢討

加三級范光宗撰

語云言者心之聲也不知其人聽其言今讀我公之志惘惘歎歎篤摯纏綿不俟卒業而父母斯民之心已拂拂楮上矣夫天下長吏多矣口惠而實不至貌悴而情不迫者比比皆是而公之心不然公德性醇固志念貞潔日計歲計隱若不足而且口不言惠焉貌不加癯焉蚩蚩者其孰識公之心哉然而公之心終有不能掩者惟其言具在也恤我丞黎如所言外腴而中枯者蹙我疆土如所言滙東南大肆毒蘖者釐我田賦如所言知罪不辭公論自在者于形勝言不在險于風俗言其遞降于物產言宜風雨于郵傳言愛桑梓且鹽政之弊言之鑿鑿衝決之苦言之惻惻科貢人才之數也官師教養之司也言之不足而圖爲表孝子忠臣烈女貞媛風化之原也矜節行有恥也仙釋

隱之倫也言不一言而繫以傳至賦記詩文錄其尤者災祥異怪刪不經者此又非空言已也所以教邑之子弟而使之習聞前日事也噫斯言也仁人長者之言矣斯心也豈非仁人長者之心與余與公素心相對六載于茲不憚層層瑣瑣于末簡蓋將表公之心于天下後世也知與不知且三復斯編邑人雷應跋

己亥正月余奉

憲委協理朝邑縣事先令金出新纂志本示余時金方病鐫刻未成深相託副未幾金卒於官舍蒙

憲卽

奏宰是邑因得附言於後讀舊志藝文錄目自韓五泉外纂朝志者猶三四數訪之耆舊故老家往往無存其軼時見於他記載筆者或難焉今此書博採遐搜畧無卦漏徵引考據方聚物分知前令之留心於此爲甚至也余莅事方始間有一得亦或附存放之全豹之斑其點綴斯文者雖小然憲亦不弃菲遺用備採錄今

聖朝方彙徵天下輿書修纂統志異日獻之

館閣將某某巨微末邀榮亦寧敢自安謏陋耶抑此方多士有

朝邑縣志後序

厚幸也夫是歲三月知縣事湖南湘潭朱廷模後序